





THE  
ABNER WELLBORN CALHOUN  
MEDICAL LIBRARY  
1923



CLASS

R

BOOK

PRESENTED BY

Dr. Daniel C. Elkin







ANTONII DE HAEN

S. C. R. A. MAJESTATIS CONSILIARII  
ET ARCHIATRI, *E. Gedding*

NEC NON MEDICINÆ IN HAC ALMA ET ANTIQUISSIMA  
UNIVERSITATE PROFESSORIS PRIMARI,

PARS UNDECIMA  
RATIONIS MEDENDI

IN NOSOCOMIO PRACTICO;  
QUOD IN GRATIAM ET EMOLUMENTUM  
MEDICINÆ STUDIOSORUM  
CONDIDIT

MARIA THERESIA,  
AUGUSTISSIMA ROMANORUM  
IMPERATRIX,  
HUNG. BOHEM. &c. REGINA &c. &c.



---


VIENNÆ AUSTRIÆ,

SUMPTIBUS HERMANNI JOSEPHI KRÜCHTEN.

---

M. DCC. LXVII.

1767





# ELENCHUS CAPITUM.

## CAPUT I.

De Febribus intermittentibus pag. 1.

## CAPUT II.

De Morbis acutis. pag. 90.

## CAPUT III.

De Ileo Morbo. pag. 126.

## CAPUT IV.

De Vario Hydrope. pag. 206.

## CAPUT V.

Anatomica quædam, & Tabularum  
explicatio. pag. 339.

BT E VCHU  
C A P I T U M

C A P I T U M

De Tempore et Modis

C A P I T U M

De Modis et Tempore

C A P I T U M

De Modis et Tempore

C A P I T U M

De Modis et Tempore


C A P I T U M

De Modis et Tempore

De Modis et Tempore

CA





# C A P U T I.

## DE FEBRIBUS INTERMITTENTIBUS.

---

§. I. II. III. *Febres Intermittentes tres per-  
tinaces, quarum prima, alteraque, quo-  
dam Decocto curatæ, sine Cortice Kina; ter-  
tia partim eodem, partim Cortice. De  
triplice tumorum genere, quos febres inter-  
mittentes generare solent. De abusu eva-  
cuantium remedium in genere tertio tu-  
morum horum. Duæ Crises indurationis  
in Hypochondrio sinistro, per naris sinistra  
Hæmorrhagiam; imperfectiores tamen, &  
cum alia crisi metastatica junctæ. Trium  
harum febrium posterior, tertiana primum  
fuit, dein quotidiana, ad tertiam usque vi-  
Pars XI. A cent*

*cem recidiva. Quædam de incertitudine determinandi naturam febris, a priore ejusdem paroxysmo. Calor naturali calore major in frigore febrili, cum algore, & universi corporis concussione. Intermittentium quandoque aestus major, quam Acutorum. Suspecta Crisis, quæ per extrema manuum pedumque fit. Kina nonnunquam parva dosi rebellem febrem curat, reseratque certo sensu Obstructiones. §. IV. Omnes notæ februm intermittentium Methodi recensentur, omniaque auxilia, quæ, ab omni ævo, a Medicis, Empiricisque, ad nostra usque tempora, ad febris hujus curam adhibita sunt. Si qua forte remedia desint, hæc postea facile suas erunt ad classes, hic expositas, referenda. Epierisis ad singulam Methodum.*

§. I. **M**ultiplices adeo sunt, quas Nosocomium, quasque nonnunquam quidam extra Nosocomium casus suppeditant, observationes, ut quid seligam ex illis, quid ordine prius, quid posterius referam, hæream  
an-

anceps. Exordium tandem hoc anno a Febribus intermittentibus capere visum fuit, 1.<sup>mo</sup> quia hæ Febres multam sibi vendicant praxeos partem. 2.<sup>do</sup> quia præcedentibus hujus operis tomis rarius egi de illis. 3.<sup>tio</sup> quia difficilis sæpe earum Medicina est. Tandem 4.<sup>to</sup> quia video juniores Medicos, quantiscunque meritis lauream apollineam adeptos, sæpe vacillantes; & an ne forsitan Vulgi Febrifuga, Agyrtarumque Arcana, Methodicæ curæ, quam in schola Medica didicerant, præferenda non forent, anxia mente perquirentes. His universis de causis primum nonnullas Intermittentes Febres pertinaciores, Symptomatibusve graviores, enarrabo; & adjuncta, quam singulis adhibui, methodo medendi, cunctas deinceps medendi methodos ad suas quasque classes referam, & exponam.

Vir quadragenarius, hortulanus, anno 1765, febre intermittente autumnali laboravit; a primo in alterum paroxysmum quartana, deinceps vero per mediam hyemem usque tertiana. Die 23. Jan. 1766. me convenit, adhuc tertianarius. Molestum patiebatur a febre aurium susurrum, ventris superioris pondus, viriumque defectum. Tempus febrim abigendi ratus, corticem peruvianum non dedi protinus, sed decoctum admodum solvens, quo & febrim, & febris tollere effectus possem. Formulam adscribam, cum postmodum sæpius ejusdem mentio habenda sit. *Rad. Gram. Taraxaci ā. Lib. jʒ. minutissime conscissa, & diu tusa, coque aqua pura bihorio: Colaturæ prælo fortiter expressæ Libr. iij. addo: Oxymell. simpl. Libr. β. sal. polychr. dr. vj. Unciam sumat quovis liberio.*



Siluit ad hæc febris. At vero tinnitus aurium continuabat, tumor sinistri Hypochondrii dolebat, tussisque matutina vexabat. Iteravi decoctum, jussique bis die ventrem, maxime quædurum, fricaret ante fornacem, unguento composito ex *Ung. martiato* & *Oleo laurin.* ã. unc. j.

Elapsis abinde quinque diebus, antiquas quærelas renovavit, febre omnino liber. Indicationi relicte morbigificæ in corpore materiæ satisfactorius, repetivi eadem remedia: sed tormina ventris accesserant molesta. Suspecta hæc sæpe hic. *Citesius, Cabagnesi, Senaertus*, ex intermittentibus sic natam viderunt Colicam *Pictorum*. Consilio *Baglivii* diuturno florum *Chamomillæ* infuso hæc divici,

Continuatis sedulo his omnibus, materia febrilis a sede, quam in Hypochondrio sinistro occupaverat, & ex



Ventre, quem universum torminibus vexaverat, subduxit sese, Collumque undique deturpavit tuberculis. Sponte hæc evanuerunt. Mox vero furunculi varias obsident corporis plagas.

Sed aliud quid contigerat notabile. Tumor sinistri hypochondrii remissus quidem, collo sensim tumente; at simul larga admodum *naris sinistræ* hæmorrhagia accessit.

An descripta hæc sæpius ab *Hippocrate* crisis Splenis infarcti? Videtur; sed multiplex hic morbi universi crisis; & quidem Splenis, Hæmorrhagia sinistræ naris; totius autem materiæ morbiificæ, tumoribus colli, & furunculis.

Triplicis generis tumorum, febre intermittente oriundorum, naturam distinguimus. Primum genus eorum, qui in Ventre, nec raro in Hypochondrio lævo, nascuntur: nullius illi discriminis; imo ejus genii potius, ut  
cos-

eosdem exoptaret Sydenham. Sic enim  
agens de Febr. interm. Ann. 1661. . . .  
1664. „ Observatu non indignum est,  
„ inquit, quod cum febres autumnæ  
„ lætæ ætatem diu cruciarint, nul-  
„ la spes sit easdem abigendi, donec  
„ Abdominis regio, circa Lienem præ-  
„ cipue, indurari atque tumesceri oc-  
„ ceperit: iisdem enim gradibus, qui-  
„ bus hoc symptoma supervenerit, Fe-  
„ bris etiam fugam meditatur. Ne-  
„ que ex meliore aliquo Prognostico  
„ morbum hunc brevi abiturum dixe-  
„ ris, quam si sedula animadversione  
„ suboriri hoc symptoma perspexeris.  
„ Idem porro in Crurum tumoribus obtinet,  
„ qui in Adultis aliquando spectantur.

Hoc sic se habere, ut Sydenham mo-  
nuit, quivis experiuntur Practici; quod-  
que de tenera ætate, quoad ventris  
tumorem scribit, & adulta habet ætas;  
sed crurum oedema frequentius. Vix

curamus hæc; utpote aut sponte ad reditum virium, aut levi frictione, disparentia.

Alterum tumorum genus est, quo vir noster laborabat; quippe quod viscera vel thoracis, vel ventris, altis infarcit obstructionibus: quibus debellandis multo sæpe labore, multoque est opus tempore: præcipue quando Icterus, quando Hydrops, quando Rachitis, adjunxerit sese. Huc mirifice eam curam, quæ viro huic adhibita est, conferre, experientia plurima constat. Quod si oppilatione viscerum maximam partem soluta, superstes ægrum debilitas tenet, Aquæ Martis divites, Mars ipse, ejusque varia præparata, Cortex Cascariglias, Peruvianus, Tamariscus, & quæcunque alia ex ditissima *Boerhavia* classe secundi generis cardiacorum petuntur, hanc debilitatem emendant: potissimum si  
aër,

aër, si regimen, si corporis motus, si frictiones, eundem collineant in scopum.

Tertium tumorum ejusmodi genus illud est, quod neglectis in principio febribus, natisve a febre obstructionibus, materiem irresolubilem, tam alte infixam in visceribus habet, ut in scirrhus hæc cancræque abeant; ut Icterus niger, isque irresolubilis, nascatur; ut Hydrops sive simpliciter Ascites, sive Cysticus, adjungat se: unde demum ab intermittente febre via ad lentam sternitur, calamitosamque sæpe mortem.

Hoc in statu nihil vitam, tolerabiliorem alias, diuturnioremque, reddere calamitosiorem, breviorioremque consuevit, quam multus evacuantium usus. Vel enim nihil, vel parum, vel multum, operabuntur. Si multum, vires prorsum demunt, quandoque in



indomabilem causam non agunt; interea dum humores minus prave, qui vitam sustentassent, attenuando corrumpant. Si vix, aut nihil, hæc remedia evacuent, dissolvunt humores tamen, causamque hydropis adaugent. Cap. 2. luculento exemplo hoc confirmabitur.

§. II. Anni 1765. Dec. 3. juvenem 18. ann. suscepimus intra Nosocomium, cujus en historiam. Improbo labore dimidii anni, victu autem miserrimo, incidit demum in febrim quotidianam, cujus id singulare, quod frigus 12. ferme horas duraret, tumque demum ardor subsequeretur & cephalagia.

Hanc febrim octiduo passus, narrat se septies sursum, quaterque deorsum, ab assumpto Emetico, multa ejecisse, nono morbi die venam sectam esse, nariumque subsecutam hæ-

mor-



morrhagiam; omnia autem citra vel minimum morbi levamen.

Die 15. morbi Libra sesquialtera vini, aqua commisti, pota, frigus febrile domari conatus, incidit mox in Dysenteriam quatuor dierum: qua Rhabarbore cessante, æstum immoderatum frigoris loco experiebatur.

Suscepto in Nosocomio valida febris advertebatur, pulsus durus, anxium pectus, cephalalgia vehemens, calor 103. graduum in Thermometro *Fahrenheitiano*. Unde sanguinis unciae X. de brachio dextro eductæ sunt. Moxque densam crustam sanguis utroque formavit in vasculo. Febris vere Paracastica, quarto exinde die, sine spectabili aut perturbatione critica, aut evacuatione, sic cessavit, ut diu post levis febricula superesset, dolorque in lævo Hypochondrio multum vexaret.

An.

Antiphlogistica Methodo Febris acuta cesserat.

Ab 8. Dec. ad 11. admodum vibrans in pulsu motus observatur, cum Hæmorrhagia unciarum duarum, naribus quidem utriusque, sed sinistræ potissimum, mane; vespere denuo solius naris sinistræ, sesquiuncie. Pulsus Dicrotus, *Solano* narium hæmorrhagiæ index, observabatur nunquam; sed, ut monui, pulsus mire vibrans, nunc utroque in carpo, nunc in alterutro magis, integro biduo fere.

Critica igitur solutio, ut in priore ægro, ita & in hocce, animadversa est, at imperfecta: cessavit namque lateris sinistri dolor post hæmorrhagiam narium, potissimumque sinistræ; at vero ex hoc tempore quærelæ perpetuæ exaudiuntur doloris in Hypochondrio dextro, qui ad noctem ingravesceret, junctumque sibi molestum ha-

haberet ardorem. Dolor porro iste, ardorque, ad finem mensis usque, regularem paroxysmum 3. 4. horarum quavis nocte observarunt.

Remedia hoc tempore mutari sæpius oportuit. Antacida quandoque danda erant, quod manifestum Venterculus testaretur acorem: nonnunquam antihelminthica, quod vermium præsentiam cum pessimus juvenis victus, tum præsentia quædam Vermium Symptomata, innuerent. Nulli tamen prodierunt.

Nec dolorem ardoremque varii generis Epithemata, Cataplasmata, Unguenta, Emplastra, vel hilum temperarunt. Bilis autem defectum, obstructionemve, quam alba atque argillacea excrementa indicabant, Sapo venetus cum Aloës tantillo, paucorum spatiodierum emendavit.

Anno 1766. a 1. Jan. ad 13. usque, cepit pomeridiano tempore frigere, horæ, bihorii, ultraque spatio, rarissime notabili aliquo subsequente calore. Sicut ob paroxysmum mediam post noctem, huncque pomeridianum, Febris esset quotidiana duplicata. Cortex necessario nunc indicatus, appetitum restituit quidem, diurnumque paroxysmum fregit, at vero nocturnum minime; qui constanter frigore bihorii, calore, ardore, dolore dextri hypochondrii, per aliud bihorium vexabat. Fracto quinimo diurno per corticem peruvianum insultu, lenta febricula, magna cum inquietudine, successit.

Interim quam demum morbi sedem figeremus, ancipites fluctuabamur. Hepar affectum esse, cum indicare locus, tum alba argillacea excrementa innuere poterant; at bilis restituta functione, nihil eo in loco mutatum fuit.



fuit. Venter acore affectus videri poterat, vermibusque venter; sed idonea ad hæc remedia incassum data erant. Et ut Symptomata nos de sede naturaque morbi certiores non fecerant, multo adhuc minus Viscerum situs: quem adeo varium, adeo sæpe alterum pro altero collocatum, olim deprehenderamus, ut convicti essemus, nos in vivo homine situm viscerum sæpius non, nisi conjecturando, assequi. Id saltem patebat, juvenem duram suam, ac miserabilem vitam, impune non gessisse; gravemque atque pertinacem in eo latere, quæ miram hanc febrim aleret, ingeminaretque, adesse originem.

Quapropter die 16. Jan. cepi ipsi dare Decoctum saturatissimum graminis, &c. ut ægro priori; Epigastriumque bis die inungi, ac fricari curavi, unguento quod ex ung. Arthanitæ & Martiato à unc. j. Gumm. ammon. ace-



to soluti dr. iij. compositum erat. Quod unicum remedium internum externumque, diutissime autem continuatum, frigus nocturnum alterna primum nocte, tandem integrum, superavit; paulatimque primo dolorem, postmodum ardorem, fugavit. Sub hac cura rediit adhuc album atque argillaceum excrementum; continuato tamen remedio brevi evanidum; cum alvo tandem ter-na quaternaue singulo die, torminosa sæpe, nunc liquidiore, nunc compactiore, semper autem flava, pulcre curatus est; sic ut 15. Febr. ædes maternas repeteret, Decoctoque ibidem per Mensem adhuc usus, firma atque robusta valetudine frueretur.

§. III. Rusticus 18. annorum, gracilis, temperamenti biliosi, in pueritia tussi convulsiva, diuturna admodum, male habuerat; exinde vero sanissimus, corpus jam ante ætatem obfirmatum,

atque induratum, rustico, labore, habebat. Medio Junio proxime elapso, febre tertiana sic corripere cepit, ut priores tres paroxysmos hora 9. matutina experiretur, reliquos quinque ad 3. in aurora. Frigus 3. aut 4. imo semel 6. horas, cum sensu interni externique algoris, universique corporis concussione durabat; calor molestus, haud vehemens tamen, simile fere temporis spatium emeticbatur. Unicum vero symptoma, toto tempore febris, valida scilicet ac sicca tussis, frigoris æque quam caloris tempore, vexabat ægrum: cæterum nulla unquam cephalalgia, nullæ nausæ, vomitusque, non Ventris tormina, nec ullum consuetum februm intermittentium Symptoma, affuerunt. Febris vero paroxysmo absoluto, Cephalalgia oboritur, quam in noctem usque patitur, si lecto inhæreat; brevi vero amittit, si exsur-

gat. Absoluto paroxysmo, mox fames adest, & urget; totoque die intercalari sanissimus, summo cum appetitu comedit, digerit, & naturaliter quotidie egerit.

Rogatus nullisne esset medicamentis usus, respondit pulverem a Chirurgo datum in primo paroxysmo fuisse, qui nihil operaretur: die autem post primum paroxysmum libero Electuarium sumsisse, quod bis vomitum, bis movisset alvum. Tandem, sexto paroxysmo ingruente, a vetula spiritus vini haustum, multo cum pipere, propinatum esse, cum ea tantum mutatione, ut frigus pro more adesset, eique solito intensior calor succederet, septimus autem & octavus paroxysmus more solito pergerent.

Sanus autem, si quis unquam, se nobis stitit altera ab octavo insultu die, petiturus auxilium. Ipso autem hoc

hoc die hora matutina nona, ea scilicet hora, qua tres priores paroxysmi adorti erant, febris rediit; ab eodemque die, eadem præter propter hora, quotidie adfuit: sic ut 9. Julii, dum suo de pago rediisset, eundem in ipso *nono* quotidianæ febris insultu videremus. Insultus porro hi nullo modo differrebant ab iis tertianæ; tussis in utrisque molesta, cum absentia quorumvis aliorum febris symptomatum, cum Cephalalgia post absolutam febrim, quæ pro more jacenti diu perstabat, surgenti vero exulabat brevi; cum appetitu mox a febre valido. Unica tamen hæc observata disparitas, quod licet in utraque fere æquale esset caloris frigorisque tempus, tempus tamen durationis universi paroxysmi febris quotidianæ dimidium tantum esset ejus, quod Tertianæ expleverat paroxysmus. His bene consideratis,



febrim in quotidiana æque diuturnam patiebatur, sed jam in duas divisam: in tertiana octo horarum, horarum quatuor in quotidiana.

Hic attente omnia consideranda sunt. Quæret forte quispiam an, a datis ad Tertianam remediis, Tertiana in Quotidianam transierit? Sciat autem is Quotidianæ Paroxysmum jam adfuisse, antequam misturam diluentem, atque attenuantem quam ad Tertianam dederam, degustasset. Hanc ille posthac in Quotidiana, post paroxysmum, sine ulla morbi mutatione assumpsit.

De industria noto quosvis hujus quotidianæ Febris Paroxysmos eorum simillimos fuisse, qui Febrim Tertianam constituissent; eo quod Medici nimis universaliter videantur differentias, ut vocant, essentielles, inter utriusque hujus intermittentis febris paroxysmos,

ag-

agnoscere. Notavi pariter horas invasionis singuli paroxyfmi utraque in febre; quia etiam iusto generalior est eorum assertio, qua ab ipsius primi paroxyfmi invasionis hora, dieique tempore, internosci doceant, cujusnam generis intermittentis futura hæc febris sit. At vero nos & in hoc juvene, & in innumeris aliis, talem observavimus horum signorum inconstantiam, ut lex firma ex ejusmodi observatis condi nequeat: sed de hac quæstione postea latius.

Juvenem tunc in Nosocomio detinui, usque ad Augusti finem: sic ut quæ nunc enarrabuntur, sub nostro contigerint conspectu.

Quotidiana hæc febris novem consuetos paroxyfmos absolvit; in decimo vix levem percepit admonitionem æger.

Observavimus *momento* ante paroxyfnum nonum, & levem illum deci-

num, juvenem cum pulſu lento, pleno, forti, pancreaticæ valentem: Frigoris invadentis momento eundem concuti, deque Viſcerum ſuorum conquerentem algore. Solus apex naſi, non lobi aurium, nec frons, nec genæ, nullaque pars externa univerſi corporis, frigebant attactu, quantumvis de eorundem frigore vehementer conquereretur. Ipſumque Thermometrum Fahrenheitianum gradum 101, ſcilicet 4. 5. 6. gradus caloris ſupra naturalem, ſignabat. Pulſus interea æqualis, fortis, naturali ejus modice tantum celerior. Vix læſa Reſpiratio.

In termino illo, qui finis frigoris eſt, principiumque caloris, calor thermometri idem fuit. Reſpiratio tunc celerior fortiorque.

In æſtu febrili notabat Thermometron 104. gradus, qui in multis acutis nec major eſſe, nec diu tantus perſtare

re iolet. Pulsus jam vix eo celerior, qui in frigore febrili, sed paulo fortior.

An frigus unice a minore attritu? Unde ergo tanti frigoris perceptio, tremor, concussio, quando calor, thermometro exploratus, aliquot gradibus calorem transcenderet naturalem?

Medicamenta autem data ipsi hæc fuere. In frigore febrili bibit singula hora calidum vasculum decocti *Avenæ*, cujus binis in libris manipulus florum *Sambuci* infusus, ac Mellis puri unciae duæ commistæ erant; idemque in subsequente æstu continuavit: Paroxysmo autem absoluto, evacuavit quotidie Libras duas *Aquæ avenæ*, mistas cum unciis duabus *Rob. Sambuci*, & dragma *Nitri puri*. Continuavit hoc ultimum remedium diu a cessante jam febre, eo quod levior Ventris durties, quæ sub febre



quotidiana percipi ceperat, hujus sub usu disparere deprehenderetur.

Liber itaque a febre Rusticus, integra videbatur frui sanitate; id unice alienum a sanitate habens, quod pro lacte rubicundo colore, qui, ipso, ejusque fratre, testibus, vultum in sanitate ornaverant, color nunc conspiceretur ferme ictericus, quamvis cæterum nulla signa Icteri adessent, jamque omnino mollesceret Venter.

Cessante febre hac, mox arena copiosa, & in urina, & ad vasis latera, observari cepta, multoties posthac in urinis comparuit, flava aliquando, potissimum autem subrubra.

Contigit autem, quotidiana febre penitus cessante, ut juvenis perciperet dolorem in parte pulposa pollicis pedis sinistri, nec nisi tertio die eandem indicaret nobis. Parvum tumorem tunc vidimus, suppurantem. Crisin  
for-

forte naturam huc versus molientem suspicati, cataplasmate emolliuimus eum, biduoque post aperuimus. Effluente vix semicochlearis quantitate puris, totum mox consolidatum fuit. Unde accidens quidem illud, criticum autem minime fuit: ἐδεν γὰρ ὀλίγου κρισιμὸν Galenus dixerat; & quæ sequuntur, id confirmant.

Si tamen criticum naturæ molimen fuisset, suspecta hæc crisis fuisset. Coacarum No. 68. damnaverat Hippocrates critica ad extremas manus pedesque conamina. Τὰ ἐν χερσὶ, καὶ ποσὶν ἐρυθρήματα ὀλίγη. Et Epid. 2. apud Foëssium 1003. „ Quemadmodum „ Timenci sorori, ex valido morbo „ quid ad digitum abscedebat: ἔχ „ ἱκανὸν δὲ δέξασθαι τὴν ἰᾶσον; sed quia digitus non erat locus aptus ad excipiendam materiam morbificam, recidivam femina passa est, & periit.

„ Et *Epid.* 4. pag. 1131. „ Undeci-  
„ mo die, bono, critico, ad dextræ  
„ manus digitum majorem inflamma-  
„ tio, septimoque post abscessum die  
„ mors. „ Miserrime morientem vi-  
dit *Ill. Præses* hominem, cui Pleuriticus  
dolor tertia morbi die in extremis pe-  
dibus resedisset. Nunquid loca hæc  
nimis cum tendinosa, tum nervosa,  
quam ut acrem morbi ferant mate-  
riem? An defectu cellulositatis suffi-  
cientis non possunt hæ partes morbi co-  
piosam locare, transmittereque mate-  
riem? Quæcunque sit hujus observati  
causa, observatio facta confirmataque  
sufficit nobis. Sin tamen exempla pro-  
stent hominum, post similes crises sa-  
natorum, admittimus ea libenter; cum  
vel sub ejusmodi critico molimine, Na-  
tura viis aliis eliminaverit tunc id, ad  
quod eliminandum extremitates digi-  
torum ineptæ fuissent; vel casus rari-  
simus

simus existat, qualem *Ill. Præses cap. de Pleurit.* describit. Sed rarissima exempla non destruunt Naturæ & *Hippocratis* leges, quæ, id, quod *αἰς ἐπὶ τὸ πολὺ* contingit, continent.

Interim nos dolentem juvenis pedem ad maturationem, seu potius ad exitum materiæ disponentes, nemo condemnet. Nostri enim officii est, si v. g. ad Coxam, ad Oculum, aliave *inidonea* loca, morbi materies copiosa jam adest, suaque turgescentia immanes creat dolores, exitum ipsi parare quantocius, ne moram trahendo destruat, quas obsidet, partes.

Sed e diverticulo in viam. Consolidato brevi hoc ulcusculo, color mansit fusco-flavus. Inquietus de illo, exploravi, quid solvens nostrum Decoctum, quod priori & alteri ægro profuisse supra constitit, hic efficeret, media ejus uncia singulis horis data.

In-



Interim die nono ab ultimo paroxysmo elapso, inopinato contigit, ut juvenis noster, mox a levi ac frugali prandio, quod ad undecimam antemeridianam in Nosocomio datur, frigore per horam, perque alteram horam calore, corriperetur; consueta Cephalalgia subsequente.

In frigore febrili thermometron gradum caloris naturalis præter propter notavit, gradum scilicet 95. Orto vero calore febrili 101. gradum, summoque in æstu gradum 105. Pulsus in frigore celer, vix fortis; in calore non celerior, sed fortior.

Finito toto intra bihorium paroxysmo, dolor capitis duas adfuit cum dimidia horas. Postquam appetitus rediit, cum cæteris optimæ sanitatis signis.

Altero die ad meridiem brevior leviorque paroxysmus. Porro utitur,  
ut

ut olim, in frigore febrili infuso suo  
florum Sambuci, & extra Paroxysmum  
Decocto solvente, nudius tertius præ-  
scripto.

Tertio die insultus gravior. In ses-  
qui alterius horæ frigore thermome-  
trum notavit gradum 101. in calore  
autem vix integræ horæ gradus 106.

Ad eandem circiter horam febris  
quotidie rediit, corpus in apyrexia sa-  
num relinquens, usque ad Paroxys-  
mum xviii. Eo autem absoluto, æger  
nocte vix dormivit, anxius fuit, sapo-  
remque veluti putridorum piscium con-  
questus est. Unde ad 8. matutinam  
sumsit unc. iiß. *Aquæ Laxativæ Viennen-*  
*sis*, pariterque ad horam 9. Hora 11.  
inde alvus compacta copiosa, & hora  
dimidia post laxa alvus, in frigore fe-  
brili adhuc ter, bisque post febrim.  
Frigus sub actione purgantis trium tan-  
tum.

tummodo horæ quadrantum, vix ullus calor.

Sequenti die vix observata febris: nulla febris die tertio, quarto, quinto, sexto. Recidiva igitur quotidiana febris cessasse videbatur perturbatione purgantis.

Sed color ictericus interim perseverabat. Prosequebatur ob id accurate Decoctum in 22. diem.

Septimo autem apyrexiae die febris quotidiana tertio rediit, trihorio post prandium, atque ita ad eandem fere horam quatuor sibi subsequenter diebus: ea tamen cum differentia, ut solum frigus, vix ullus calor, adesset; quæ quo demum pacto cessaverit, mox patebit; præmissis aliquot observationibus.

In omnibus octodecim Paroxysmis Recidiva primæ quotidianæ thermometrum semel, ut monui, gradum 95. notavit, cæterum vero semper 99. aut

100. aut 101. Igitur ægro algorem internum, corporisque moleſtam a frigore concuſſionem, amare conquerente, calor fere ſemper 4. 5. gradibus ſuit naturali major. In ſummo calore thermometer gradum 104. 105. 106. 107. 108. ſignabat; quales gradus vix unquam, niſi paucis admodum horis, febres acutæ, peracutæ, acutiſſimæque, notare conſueverunt. Patet inde intermittentes febres magnam in ſolidis, fluidisque, inducere mutationem, lentos humores coquere quidem, ac vaſa, certo modo inertia, ſtimulando animare, debitumque in motum ſæpe excitare poſſe; verum quoque humores aut nimis diſſolvere, aut diſſatis ſubtilioribus, inſpiſſare; fibrisque, quæ, quo agant, non ſtimulo, ſed reſtaurante cardiaco indigeant, ſummam flacciditatem, invincibilemque atoniam facile conciliare. Cum id tot exempla



pla confirmant, limitato sane sensu vis intelligenda proverbii est : *De intermittente*, ac præsertim *de Quartana*, non sonat *Campana*. Unde & regula petenda est, intermittentem febrim aut linquendi sibi, aut abigendi ; ut mox patebit.

Sitis in paroxysmis his, frigoris tempore maxime, intensa sic, ut bi-horii spatio Libras 4. 5. 6, infusi sui evacuaret.

Notavi superius Paroxysmos tres priores Tertianæ febris hujus juvenis ad 9. matutinam, quinque posteriores ad tertiam in aurora invasisse. Quotidianam primam exacte servasse horam nonam matutinam, quæ non ultimorum, sed priorum Tertianæ Paroxysmorum erat hora invasionis. Quotidianæ vero Recidivam priorem adortam juvenem ad meridiem esse, primo quidem mox ubi pransus esset, reliquis autem diebus sine prægressu prandior.

Tan-

Tandem constitit Quotidianæ Recidivam alteram bihorio trihoriove serius invasisse. Confirmant hæc, quæ supra monui, de incertitudine genium febris, naturamque determinandi, ex tempore primæ invasionis.

In hac demum altera Quotidianæ recidiva, seu intermittente febre quarta, lassitudo perpetua animadvertetur, virium notabile appetitusque decrementum, nocturni sudores, insomnia, inquietudines tantæ, ut, ne tandem hæc febris cum corpori noxia foret, tum morbos inferret alios, justam nobis incusserit formidinem. Sistendam ergo arbitrati, dedimus ægro dragmam Corticis Peruviani ad 6. vespertinam; alteram dragmam ad 10., tertiam sequenti mane ad 6., & ultimam ad horam primam pomeridianam. Febris nec eo die, nec sequentibus,

ad assumtam quotidie mediam Chinæ unciam, unquam rediit.

Stupenda autem erat, quam a primo die assumti Corticis observabamus, mutatio. Mox enim vires exsurgabant, redibat appetitus, animus erigebatur, bona alvus, bonæ urinæ, cæque nonnunquam pulcre hypostaticæ, comparebant; & quod maxime notabile, pertinax subictericus color sensim disparebat, intraque decem dies plane aberat. Sic ineunte Septembri perfecte sanus Nosocomio exivit, corticem per unam, alteramve septimanam adhuc sumpturus. Domi suæ continua sanitate fruitur hucusque.

Namquid Cortex Chinæ, febrim virtute febrifuga tollens, simul sua restaurante facultate Systema biliosum emendavit, ut remediis solventibus æger postmodum non habuerit opus? Videntur ejusmodi existere casus: sed ne nos  
iidem

iidem iusto audaciores reddant, caveamus. Omnino enim credibile videtur Decocto resolventissimo, quatuor prope septimanas usurpato, Viscerum ac potissimum Jecinoris, multum resecutas obstructions fuisse, ut demum superveniens virtus chinæ roborans, opus reliquum absolverit. Febris enim Tertiana, Quotidiana deinde bis recidiva, & cum pertinaciter descœdans subictericus color, non merum, non simplicem, non causâ materiali carentem, febrilem motum notabant, sed vitium quoddam jecorarij Systematis, quod primo virtute solventis remedii multum emendatum, demum penitus vi restaurante Corticis devictum est.

§ IV. Plures profecto ejusmodi historias elapsus proxime annus Academicus suppeditavit: verum cum earum relatio fastidiosa forsân prolixitate displiceret, sermonem abrumpo, meque



ad necessaria quædam Corollaria convertō; quæ suggessit varia methodus febres intermittentes curandi, & ab aliis, antequam ægri ad nos venirent; & a me, postquam curæ meæ traditi essent; adhibita.

Methodos has varias, divisas in hæc, quæ fieri in paroxysmo oporteat, & in illa quibus extra paroxysmum opus sit, optimus *Baerhaave* compendioso recenset *cap. de febr. interm.*

In frigore febrili vult ut *aperientibus, solimis, alcalicis, mineralibus, diluentibus, oleosis, blandis, calore, motu, fotu, frictione*, utamur; hunc in finem dedimus ægris nostris infusionem calide potandam florum Sambuci in aqua Avenæ, cum melle & nitro; in calore autem *Aquosa, calida actu, commendat, cum subacidis aperientibus nitrosisque permistis, vel & Cichoraceis, similibusque blandis aperientibus, quiete*. Tandem sudoris tempore

pore prodest *Ptisana vinosæ*, *jusculis car-*  
*nium*, *decoctis temperatis*, *sudori urinæque*  
*reddere materiem*; sicque hæc non vi calo-  
*ris*, *medellæ*, *stragulorum*, *exprimere*, sed  
*eopia aucta promovere*, quam blandissime  
 Et diu. Quæ ager noster ultimus in  
 frigore febrili lumborât, cum in bre-  
 vioribus ejus paroxysmis quoque pro-  
 cessent, caloris, ac sudoris tempore,  
 continuavit eadem. Mutamus hæc in  
 aliis, prout ægri mutatione opus ha-  
 bere videntur.

Quæ autem extra febrilem insultum  
 facienda sunt, sic enarrat: Primo qui-  
 dem Emeticum dandum: Quin abundan-  
 ti colluviæ in primis viis . . . vomitorium  
 sæpe prodest tollendæ, dando ante Paro-  
 xysmum eo spatio, quo ante hunc effectum  
 præstet. Id faciendum cognoscitur ex victu,  
 morbis, symptomatibusque prægressis, nau-  
 sea, vomitu, ructu, tumore, halitu, sordibus  
 linguæ, gutturi, palati; anorexia, amaro-

re oris, vertigine tenebrosa : & absoluta operatione dato opiato sedatus ante febrim tumultus fit.

2. Purgans; quod vir magnus iisdem cum indicationibus, tum caute-  
lis, quam Emeticum, dandum censet.

3. Suadet utrumque hoc remedium minus evacuandi, quam stimulandi, scopo. Ut & prodest idem dum stimuli instar movet utrumque. Utrumque autem repudiat, deficientibus his binis indicationibus. *Aliter nocet*, inquit, dum debilitat, liquidissima elicit, digestionem hic imprimis necessarias, turbat, sicque diuturnitatem morbi, vel & mortem producit. Dura, sed vera, in eos sententia, qui emetico, & purgante, vel alterutro, omnem intermittentem febrem aggrediuntur !

4to. Sudorifera. Frigus & febris sudorifero hic tollitur sæpe, dum aliquot ante tempus cognitum futuri paroxysmi horis,  
li-

liquido aperiente, diluente, leviter narcotico, repletur corpus ægri: deinde una hora ante malum excitatur sudor, & continuatur, donec binæ ultra tempus initii paroxysmi elapsæ sint horæ.

5to Venæ sectionem; quam non nisi casu prodesse statuit.

6to Tenuem, exactamque diætam, casu tamen unice proficuum.

7mo Corticem Peruvianum: Si autem febris autumnalis vehemens, corpus ex ægritudine debile, morbus jam aliquo tempore duravit; neque adsint signa internæ inflammationis, neque collecti alicubi puris, neque obstructi admodum hujus illiusve visceris, cortice peruviana aligetur.

8. Epithemata, & Epicarpia,

9. Inunctiones spinæ dorsi.

10. Adstringentia epora.

Commentari hæc decem curationis capita animus neutquam est, cum existent consummatissimi Illustrissimi Præ-



fidis in hæc commentarii: lubet autem universam praxim percurrendo, examinare in quavis sive Methodo, sive Empeiria, quid boni, quod imitere, insit; quid mali, quod evites; quid ineptum, quod abjicias; quid demum periculosum, quod damnes. Recensitionem hanc junioribus medicis, quibus hæc scribo, utilem fore puto.

Ordinem inverto, inchoaturus ab Articulo sexto, qui de tenui exactaque Diæta agit. In quavis enim indicatione ea, quam vitalem vocant, perpetuo obtinet principem locum.

Igitur *Primo*, ad febrem intermittentem curandam, Authores quosdam Diætam exquisitam atque tenuem commendasse meminit *Boerhaavius*. *Celsus* referente *Heraclides Tarentinus* hanc diætam vehementer commendaverat; ipseque *Celsus*, licet *Heraclidi* hac in re non assen-

assentitur, videtur primis 14. diebus, tentasse eandem.

*Hippocratem* hujus sententiæ non fuisse, prima Aphorismorum sectio fidei facit: *Tulpius* Quartanariis functionem fuisse exemplis evicit: *Boerhaavius* casu tantummodo profuisse narrat.

Illud interim verum ab altera parte est, plenior Diæta homines non raro impetus febriles augere, ipsamque perpetuare febrim; nec facile curari eos, qui suos liberos a febre dies epulando, commessandoque, transigunt: regula ergo statuenda est, ne in alterutrum inclinando quis peccet.

In omni seu acuto, seu chronico morbo, indicatio vitalis cæteris prævalet indicationibus. Si vires vel copiosiore nutrimento, quam digerere subigereque queant, opprimantur; vel si debiti defectu nutrimenti fatiscant; merito veremur, ne morbus na-

turæ prævaleat, succumbatque ægrotus. Quamobrem, si bene appetat ille, si bene digerit, egeritque, Victu utatur eo, qui ad has facultates conservandas requiritur. Viribus sic manebit aptus, qui crudam morbi materiem concoquat, expellatque concoctam. Sanus si laute, si multum, comedere consueverat, plura utique illi erunt, quam isti, qui tenuius, concedenda. Qui bis ter comedere, dum valebant, soliti, etiam his ob consuetudinem consulendum: plus hyeme, ob maiorem voracitatem, quam æstate: plus hominibus nationis voracioris, quam illis, qui frugalioris sunt. *Et quibus semel, aut bis, & plura vel pauciora, & per partes, (offerri conducatur) videndum. Concedendum autem aliquid & consuetudini, & tempestati, & regioni, & ætati.* Aph. Sect. I. n. 17. Ipsaque tota hæc sectio pulcherrimas regulas

gulas continet, quas secuti Praeclari, ordinata recte Diæta morbi curationem promovebunt.

Peccant itaque adversus has *Hippocratis* leges, morbosque peiores periculosioresque reddunt, qui nihil nisi tenuem diætam crepent, ne ægri morbum, ut ajunt, nutriant. *Hippocratis* præcepto, & exemplo, ægris nostris, febre intermittente laborantibus, alimenta damus talia, tanta, totiesque, quam & consuetudo, & facilis eorum tolerantia, concedunt. Sin vero pluribus assuetis jam præ vi morbi viscera iisdem ferendis non sint, nos, & præparatione tenuiore, & parciori quidem, sed frequentiore exhibitione, id reparare ac supplere conamur. Ægris, qualis noster juvenis erat, carnes teneriores, olera, levia farinacea, quibus a puero assueverant, vinique modicum, quo vix carere nostrates queunt,



unt, concedimus, quamdiu viscera hæc commode ferunt. Contrario autem modo in Nosocomio fit, si homines paucioribus, tenuioribusque affueri sint, ne majore solito copia Viscera onerentur. Ceterum hac elapsa adhuc æstate Medicinæ Auditores viderunt languentem, acuto in morbo, Coctionem, cauta plenioris victus concessione sic emendatam, ut brevi morbus ad Crisin aptaretur; qua instante, ad ejusdem aureas Hippocratis leges, nonnihil iterum de hoc victu pleniore detrahebatur. Cæteroquin id quod *Tulpius*, ut supra memoravimus, idem quivis advertere Practici, exquisitiore Diæta ægrorum vires sic minui, collabique, ut coctioni impares in morbum cum pejorem incidant, cum protractiorem.

Secundo *Emetica* laudantur. Eaque alii exhibent remoto admodum a fu-

turo

turo paroxysmo tempore, ut diu compositus sit, qui corpori inde concitatus fuerat, motus: alii, ut hic monet Celeberr. Boerhaavius, paucis ante Paroxysmum horis; quo morbi materiam turbent sic, ut exquisitam intermittentem febrim pertinaciter non perpetuet.

Hippocrati sane ignotum consilium non fuit. Libro de *Affectiombus* pag. apud Foesium 520. Si autem *quartana* prehenderit, inquit, ἢ μὲν ἀνάσσειτο ἢ, si quidem impurus fuerit, primum quidem caput purgandum, & tribus aut quatuor interjectis diebus Φάσμασιν δίδωται εἶναι, κατὰ δύσιν τῆς λήψης, medicamentum sursum evacuans exhibendum est sub ipsam febris accessionem. Celsus, & apud Celsum *Asclepias*, idem suadent.

Salubre Hippocratis consilium imitati quivis sapientes Practici sunt, ubi impurus æger erat. Est duplex hic notan-

tanda impuritas : altera est ea , in qua jam ante morbum viæ primæ sordibus scatent ; altera quando , etiam citra has prægressas fordes , ea febris epidemicæ intermittentis constitutio est , ut fere semper quid corruptæ bilis ad præcordia colligatur , qualem *Sydenham* Sect. 1. cap. 3. descripsit. Ast vero tertio præter ejusmodi impuritates *Boerhaave* emeticum laudat , quatenus stimulando moveat materiam febrilem , turbet eandem , confundatque ; quo , fracto febris impetu , exquisita ipsa , diuturnaue , desinat esse.

Triplex hæc Emeticorum indicatio Medicos movit permultos , ut fere nunquam curam febris intermittentis , nisi ab Emetico , inchoarent , & bis , ter , pluriesque repeterent , suamque in curandis intermittentibus febribus ubique jactarent felicitatem. Et ut Expertissimus *Thomson* in Tomo 4. Act.

*Edimb.*

*Edimb.* fortunatam suam 20. annorum Praxin laudat, qua Emeticum det eo frigoris febrilis momento, quo æger primas nauseas experitur; aut si non in frigore, saltem mox ad nausæ in calore principium; ita innumeri alii hanc methodum, tanquam præstantissimam, commendant, laudant, observant.

Hæc tamen *Hippocratis* consuetudo non fuit, non fuit animus. Cur enim monuisset adeo circumspecte non esse dandum, nisi hominis id posceret impuritas, Emeticum? Nec veretur *Sydenhamus* inter febris protractæ, imo lethalis causas, Vomitoria referre. Ipseque *Boerhaavius* datum Vomitorium præter tres datas indicationes nocere ait, dum debilitat, liquidissima elicit, digestionem hic imprimis necessarias, turbat, sicque diuturnitatem morbi, vel & mortem producit. Hinc toties *Præticorum Li-*  
bri;



bri ; hinc toties nos, hujus Methodi universalitatem lugemus.

Ubi vero id dandi vera indicatio est, ut detur brevi ante Paroxyfinum, Votorum pluralitas est. Sub ipsam accessionem ab Hippocrate datum jam vidimus. *Amatus Lusitanus*, qui multas eo modo feliciter patratas a se curas jactat, hujus *Evacuationis*, inquit, die paroxyfmi ratio assignatur talis, quia commotione agitata materia, facilius ad expulsionem redditur: quam divinus *Senex* contemplatus in *Quartana*, die paroxyfmi, phar-macon dare mandat. Adstipulatur *Forestus* quoque *Libr. 3. de Febris*, Quidam, ait, in initio hujus febris vomitum provocant, & ante paroxyfnum, vel initio paroxyfmi: hujus remedii tanta vis est, modo recte instituat, ut multi hoc unico praesidio convalescant. Dabat *Thomson*, ut vidimus, illud quoque in frigore, aut calore, ad primas nauseas: *Sydenham*

verò

vero & *Boerhaave*, videntur in suæ quisque nationis dispositione id notasse, ut si dandum emeticum esset, illud daretur adeo mature ante futurum insultum, ut turbatio corpori inde nata sedari paregorico posset, priusquam adesset accessio. Hinc nulla regula generalis est. Observatio regionis, tempestatis, temperiæ, ætatis, sexusque, adeo ab *Hippocrate* commendata, regulam determinat.

Tertio *Purgantia* laudantur. *Hippocrates* ea conditione, ut supra, Vomitorii, ita & hic Purgantis, extitit laudator. Et primo quidem in eodem Quartanario, cui ob impuritatem docuerat emeticum dandum esse, rursus, inquit, aliquo intervallo interjecto, aliud Medicamentum deorsum purgans, ἐν αὐτῇ τῇ λήψει, in ipsa accessione, dandum erit.

Subjungit autem mox hæc de Tertiaria febre; in qua nullum emeticum suavit; cum febris tertiaria detinuerit, si impurus tibi æger videatur, quarto die medicamentum purgans dandum est. *Ὁδὸν* hic simpliciter dixit, non addendo *αἷον* vel *κατὰ*; unde quidem Emeticum æque, quam purgans, quis forte intelligeret; verum cum, notante Galeno pluribus in locis, Hippocrates nihil ad *κατὰ* vel ad *αἷον* addendo, Purgans alvinum intelligat; cumque Fossius diserte notet, hanc ejus significationem in confesso esse apud omnes, qui vel minimam habent ejus dictionis notitiam; certo videtur hic de alvina purgatione Colis locutus. Repetitque idem de Tertiaria præceptum iisdem pene verbis *Libr. 2. de morbis.*

Intentione itaque Hippocratis in Emetico, & Purgante dandis, eadem existente, condemnantur consequenter omnes,

omnes, qui quacunq̃ue intermittente in febre Purgante opus esse contendunt. Sydenham & Boerhaave limitarunt cum Hippocrate usum purgantis; ultra citraque hos limites utrique condemnarunt idem. Equidem Sydenham in intermittente autumnali, cum æger a datis quadrihorio ante paroxysmum remediis sudatoriis jam sudaret, dabat scrupulos duos, *Pil. coch. Maj.* in Mixture spirituosâ; ut sudare pergeret; non autem proprie sic egit purgandi scopo, verum ut binis illis contrariis sudandi & dejiciendi motibus, eodem tempore excitatis, paroxysmi processum confunderet, atque interturbaret: de qua methodo postea pluribus. Unde demonstratum est Sydenhamum, non minus quam Boerhaavium, purgantia in intermittente febre condemnasse, nisi quando corpora omnino impura essent; quo unico in casu Hippocratem purgantia lau-



datic, citatis ejusdem textibus constitit.

Confirmatur hoc ex eo, quod cum docuisset impura corpora purganda esse, deinceps ostendat quid agendum sit Medico, si pharmaco opus esse ipsi non appareat: Hic nulla sive Emetici, sive Purgantis, ultra mentio fit.

Juvenis noster a prima quotidianæ febris recidiva visus est purgante, ante accessum dato, curatus. Sed & vera hic aderat indicatio id dandi.

Hoc demum, & non alio, sensu, intelligimus fortunatas per purgantia curas, quas tot laudibus cumulant Auctores; v. g. *Monavius* in Epist. 37. Libr. 2. Epist. *Gratonis*, aliorumque. Hoc unico sensu suæ *Agarico*, ut febrifugo, laudes manent, dum Veteres ad dragmam i. ii. illum brevi ante febrilem porrigerent accessum; ut apud

Do-

*Dodonæum*, & in adjectis ad *Dodonæum* notis, videre est.

Quarto laudatur *Venæ sectio*, & merito quidem. Est enim aliquando metus, ne in plethoricis, a valido febrili motu, humor copiosior circumductus, noceat stagnando, obstruendo, inflammando, repagulaque diffringendo sua. Sed ait *Boerhaavius* *Venæ sectionem* prodesse casu duntaxat; haud vero ex *Botalli*, ejusque sequacium sententia, veluti ad intermittentem febrem curandam per se opportunam. Quapropter illam *Sydenhamus* jure rejicit, veluti infidum auxilium, quod nō febrem illico confodit, ejus curam procrastinat, imo cum cæteris male adplicatis letum accelerat.

Quando igitur suam fortunatam praxin laudabat *D. Chomel*, ex dato, hora ante paroxysmum, largo *Chamomillæ* cum cremore tartari decoq.

to, institutaque mox inde Venæ sectione; cum Plethoricos maxime in cura habuisse credibile fit. An *Gallis* tamen, centenis sæpe Venæ sectionibus assuetis, Venæ sectio in febribus minus nocuisset? Præcipue cum *Rivierus* in Cent. 4. similem curam exemplis, & quidem uno in septimestri gravida, confirmet? Sed credibilius potius profuisse Missionem sanguinis ob Plethoram. *Forestus* v. g. qui Venæ sectioni assuetus non erat, dum ipsi post tertium Quartanæ paroxysmum Vena ad incipiens animi deliquium solveretur, nec quartum paroxysmum inde haberet, videtur præ plenitudine soluta tantum tulisse a vena secta præsidium.

Aliter vero cum Hæmorrhoidum evacuatione res se habet. Quamvis enim multum absit, ut cum priscis Medicinæ patribus unicam Quartanæ febris

bris ab atra bile duceremus originem, inficias tamen nemo ibit etiam ab atra bile gigni Quartanam. Bilis autem atræ per hæmorrhoidas evacuatione, causa febrigena immediate, atque directe evacuatur, ut sic demum febris cesset. Notabile quod in rem *Forester* notat Libr. 3. Obs. 41. Hominem Quartanarium, quem cæcis hæmorrhoidibus laborare intellexerat, bono esse animo jussit: nam hæmorrhoidibus apertis a Quartana facile liberari posset, cum & Præceptor meus **BENEDICTUS FAVENTINUS**, in tollendo Quartanam; præcedentibus universalibus remediis, pro indubitato experimento habebat, ut venæ hæmorrhoides secarentur. Secundo refert quoque **GUARNERIUS** se vidisse Præceptorem suum **JACOBVM FOROLIVIENSEM DELLA TURRA**, nobilem quendam curasse solis remediis, quæ hæmorrhoides provocabant.



Verum hic V. S. commode in ano fieri non potuit, cum Venæ hæmorrhoidales potius exulceratæ essent, & ob hoc ingentes dolores inferebant. Quare accito Chirurgus, qui ulcera curabat aptis remediis apposis: unde tandem hæmorrhoides apertæ sunt, & fluere ceperunt, multam virulentiam effundentes: ita, ut a febre quartana hoc modo liberatus fuerit.

Itaque hæmorrhoidum fluxus primo prodesse casu potest, in universo vasorum systemate abundantibus humoribus, ut de Venæ sectione dictum: secundo prodesse potest Quartanæ auferendo proximam causam, infarctum nempe systematis Venæ portarum, ab atra bile. Minimeque inhærentes systemati Veterum, qui Quartanas semper, Tertianas nunquam, ab atra bile oriundas statuebant, fatemur Tertianas æque quam Quartanas, si forte atra bilis in iis peccat, hæmorrhoidum

dum fluxu, aut levare insigniter, aut penitus curari posse.

Quinto recensentur *Sudorifera*. Varia intentione, modoque, dabantur. Ac primo quidem, quemadmodum ex *Sydenhamo*, ac *Boerhaavio* supra dictum est, ut corpus in apyrexia repleretur liquido aperiente; horaque deinde aut bihorio ante invasionem excitaretur sudor, promovereturque eo usque, donec bihorium a tempore quo febris adesse debuisset, præterlapsum esset. Huc porro bene multa auxilia facere credidere Veteres, ut mox patebit. Secundo, sine peculiari sudoris ante paroxysmum provocatione, calidis, aromaticisque medicamentis, & attenuantibus, corpora toto apyrexias tempore, replebant, ut attenuatis sic probe humoribus, frigus febrile, tandemque febris ipsa, præcaveretur. Huius scopo legitur *Myr-*

riba adeo profuisse, ut in febre intermittente curanda de palma cum Cortice peruviano decertaret. Vulgus Gentiana, Galanga, Absinthio, Centauro minore, Marrubio, Helenio, Imperatorio, Schordio &c. tota in apyrexia copiose datis, frigus febrile corripit, sistit, ac febrem feliciter sæpe curat. Galenus Salsamenta commendabat, & Sinapi, suumque Diatrion piperion. Nunquid Muisto laudata sat larga Salis ammoniaci dosis, huc non referenda?

Tandem 3.<sup>tio</sup> mos multorum erat hæc sudorifera non dandi, nisi 1. 2. 3. 4. horis ante expectatam febris invasionem, corpore simul ad sudores calidiore aëre, integumentisque, disposito. Sic Juvenis noster magnam piperis quantitatem cum Spiritu Vini sumserat. Antiqua sane, celebratissimaque Methodus! Celsus ante accessionem Allium comedere jubet, aut piper cum aqua

qua

qua calida bibere. Hoc Bartholinus Cent.  
 5. n°. 48. oris septentrionalibus familia-  
 re præsidium notat, eoque Zelandiæ  
 Episcopum se curasse feliciter. Cyathus  
 Vini Hippocratisi, quo Varaulæus ante  
 Paroxysmum utebatur; Haustus Spiritus  
 vini cum Aqua Rosarum; aut Vini  
 haustus, cui Agrimonia, cui Millefolium  
 aut Verberna, aut Absinthium, &c. infusa,  
 multorum autorum; Rasi in Catalogo  
 Plant. Angl. haustus Vini generosi, cui  
 Viscus, Oxyacantho imatum, infusum sit:  
 Pulvis magno Hearnio commendatissi-  
 mus, qui ex Nucis moschatae ustæ, nucleis  
 Persicorum, & Amygd. amararum, à scrupulo,  
 compositus, cum vino ante pa-  
 roxysmum exhibebatur: Specificum  
 Hartmanni in sua pr. chimiatr. Spiritus sa-  
 lis ammoniaci in Aqua Centaur min., vel Ci-  
 chebei, ante paroxysmum exhibiti, do-  
 nec homo sudoribus diffunderet: Rulan-  
 di & Riverii Methodus, ope Spiritus  
 sul.



*sulphuris*, aut *Spiritus vitrioli*, sudores ante paroxysmum eliciendi: *Fonsecae* secretum, pulveris *Betonice* dragmas duas in Ovo dandi, quadrihorio ante accessum: *Riverii* exhibitio *salis Absinthii*, cum *succo Citrei*, sudores cum regimine ante paroxysmum eliciens: *Ægyptiorum* mos dandi dragmam pulveris *Chamedryos*, calido in jure, brevi ante paroxysmum: *Pulvis Pannonicus*, *Specificum Michaelis*, *Præparata Bezoardica* multorum *Autorum*, *Theriaca Andromachi*, *Diascordinum Præcastorei & Sylvii*, *Philonium Mesue*, *Requies Nicolai*, *Orvietanum*; quæ omnia cum Vino, brevi ante Paroxysmum, corpore ad sudorem disposito, exhibentur: hæc, & similia, Autoribus commendata, & laudibus sæpe in cælum elata, ad hanc sudatoriam curam referenda sunt.

Quo tandem Clyisma *Ægyptiorum* referam, cujus in sua Med. Methodi-

ca *Prosper Alpinus* meminit, compositum ex *Libra Decocti Majoranæ* cum unciis *III. olei laurini*, quo sane, inquit, & in aliis, & in me ipso, olim quartana vexato, summa cum utilitate usus sum, & nonnullos quartanarios tribus tantum Clysteribus sanatos vidimus. An clyisma hoc venis cum bibulis, tum paucis Coli lacteis, absorptum, humorum motum auxerit, pepuleritque sudores? Pertineret tunc ad hanc classem.

Quid demum cogitandum de *Decocto Raparum*, quo *Abbatem Guarnerius* curaverat, & quod in *Epistolis* laudat *Crato a Crastheim*? An, quia abjecto cortice, primæque decoctionis aqua, rapæ cum nova aqua coctæ exprimerentur, illeque succus cum butyro infuso, ac saccharo mistus, potui daretur, sumto simul quovis mane pulvere quinque nucleorum *Persicorum*; an,  
in.

inquam, ad sudorum referendum Methodum erit?

Celeberrimus Mead in *Mon. & Præc. Med.* Quamquam nec illud hic observare alienum erit, inquit, me pluries, cortice ipso votis non respondente; pulvere ex floribus Chamæmeli, Myrrha, saleque Absinthii, adjecto paulo Aluminis, composito, febres intermittentes depulisse. An attenuando, disponendoque ad sudores, ad hanc quoque Methodum Meadii pulvis referendus?

Pulvis febrilis Pharmacopææ Viennensis huc quoque referendus videtur.

Triplici modo vidimus homines a suis Medicis ad sudorem dispositos fuisse: verum quartum multi addebant, eumque efficacissimum. Frictione, balneo, motu, cursu, ante invasionem, imo ipsa, si contingeret, in invasione, homines in profusos sudores solvebant, cum ipsum Vulgus, tum quoque Medici.

dici. Hoc sedulo faciamus *Celsus* Autor est. Quin & frictionem, & motum, & cursum, consulere plures, una cum calidorum remediorum assumptione. Ita *Platerus Tom. 2. Cap. 2.* Simile quid *Boerhaave* quoque suadet. Estque ars curandi frequentissima Plebejorum & Rusticorum.

Cuncta igitur, quæ ad hanc 5. Methodum retulimus, eo collineant, ut corpus disponatur ad sudores, & ut illi maxime eliciantur tunc, quando febrile frigus instat, promoveanturque bihorio ultra consuetum invasionis tempus.

Profuisse pluribus hanc sudatoriam Methodum ultro fatemur; sed & aut non profuisse sæpe, aut multis nocuisse, cum Scriptores Medici notarunt, tum sæpe vidimus. Prudentia igitur, judicioque in ea adhibenda opus. Si enim febris salutaris, si homini neces-



cessaria, ut sæpe fit, hac autem arte abigatur; quid non timendum mali a reliquis obstructionibus, ad quas solvendas salubrem hunc motum natura excitasset? Nonne juvenem sic demum Hydrope periisse, qui hac arte curatus erat, *Forestus* memoriæ tradidit? In comperto præterea est homines hac arte febres continuas, ardentes, anomalas, malignasque, sibi conscivisse. Unde *Bartholinus* loco superius laudato addit consilium esse, quod & non paucis profuerit, & nocuerit multis.

Non ergo Cortex Peruvianus, quod febres intempestive suffocet, solus accusandus est: violentia descriptæ mox Methodi non minus cortice intempestive curat.

An *Arsenicum*, quod frigus febrile, febrimque totam, præcaveat, huc referam? Præstaret referre non debuisset.

se. Quidquid laudis *Lenmery*, *Wepferus*, *Meyerus*, ex relatu aliorum; quidquid laudis *Friccius*, medicus Ulmenfis, *Libro de virtute venenorum medica*; & in *Actis Moguntinis Joannes Corisſianus Jacobi* propria, ut ferunt, experientia, Arſenico ut ſpecifico febrifugo, tribuant, exemplisque confirmare ſatagant; teſtimonia deleterii, nullaque arte cicurandi, Veneni, tot, tantaque *Vicinia*, & haud ita pridem *Exercitus*, dederunt, ut cum magnifico *Werthoſio* de Arſenico agente *Obſ. de Febr. pag. 42.* dicam „Valeant maligna pharmaca, & plena alcae, cum „& magis exploratas, & ſecuriores „medelas, quarum præbia, quoad „opus ſit, augeat, & continuare „poſſis, benigna largiatur natura.“

Sexta Methodus ea eſt, quæ per Epithemata, eaque ad carpos utroſque potiſſimam, eorumve alterutrum,

quandoque, sed rarius ad axillās poplitesque, admota, febrim tollere annititur.

Optimus Boerhaave in Mat. Med. duas Formulas dedit, quarum prior magni Boilæi erat, qui in Libro de util. Phil. exp. exert. 5. cap. 7. refert ea se a febre quotidiana violenta, usitatis immorigera præfidiis, liberatum fuisse. Est autem hoc: R. Uvar. Corimb. Summit. Lupuli, Salis marini, 'ā. unc. ij. Contusa in pulvem applica ad Arterias. Addit Boilæus, licet aliquando successu caruerit, plures a quotidiana & tertiana id curavisse. Addidit & aliud hoc: R. Summitat. Rutæ viridis unc. ij. Sem. Sinapi dr. ij. Contusa exhibe ad Epicarpia.

Famosus hic ab omni ævo Ranunculus fuit, maxime pratensis dictus. Præterquam enim quod ad Anthraces Bubonesque pestilenciales, ad omnes Glandularum tumores, Collique præfer-

sertim Scrofulas, hanc plantam contusam Prisci adhiberent, insigni quoque laude eam in cura intermittentium cumularunt. Primam speciem *Ranunculi montani*, quam ob id, *sieberkraut*, appellarunt, contusam adplicabant Carius; monentes sedulo tamen ne diutius applicatam ægri sinerent, cum rodendo ipsos nervos, tendinesque, affecisse, plures ingenti suo damno experti essent. Videatur *Dodonæus* cum additamenti *Lobellii*, *Clusii*, ac *Ravelingii*. *Sennertus* Libr. 2. de Febribus, Cap. 20. sub finem, hominis meminit, qui a diuturna Quartana, Scapulæque dolore acuto, ejusmodi Epicarpio, quod pustulas excitabat, curatus fuit. Pluriesque Epicarpium istud alii Autores referunt ab Agyrtis adplicatum; ut & simile quid refert Ill. *Præses* in Comment.

*Rondeletio* summis laudibus extollabatur Epicarpium, quod parabatur



ex foliis Sambuci, Salvicæ, Pedis columbini, ( id est, Geranii columbini, sive Geranii alterius Dioscoridis ) Fol. Rutæ, ã. m. ß. Flor. Calthæ pauxillo, salis comm. m. j. cum Vino tritis.

Martini Rukandi Epicarpia conficiebantur ex foliis Rutæ, Salvicæ, Bursæ pastoris, tritis cum aceto.

Felix Platerus sua parabat ex fol. Thlaspi, Plantaginis, Bursa pastoris cum aceto. Vel etiam ex ungu. populeo, quocum commistæ telæ Aranearum : cui Lotichius adhuc grana quatuor Opii addebat. Imo solum Acetum, pane bene imbibitum, Plater laudabat.

Heurnius Helleborum, ( qualem non addidit ) felix Epicarpium dedisse meminit.

Crato ad Camerarium profuisse notat Epithema Spiritus vini linteis excepti ad Ventericulum: additque se haud Carpis duntaxat, verum articulis omnibus,

Ur-

*Urticæ radices* cum aceto tufas admo-  
vere.

*Riverius* laudat Cataplasma calidum,  
aromaticum, Ventriculi admotum re-  
gioni.

*Borelli affinis* legitur feliciter inter-  
mittentes febres curasse foliis *Pentaphyl-  
li cum sale*, Stratum super Stratum po-  
sitis, initio paroxyfmi ad Carpum dex-  
trum.

*Boyleus* loco laudato fupra recenset  
*Fuliginem Caminorum cum Therbinthina.*

*Acta Edimburgensia Tomo 2. Erige-  
rum seu Senecionem vulgarem*, in pultera  
contufum, & *Cardiæ* frigide applica-  
tum, referunt.

Apud *Riverium* laudatur *Epicarpi-  
um Emplastri Strobelbergici.*

Curatos aliquos ab *Agyrta* vidi *Epi-  
carpio*, linteo inclufo, quod abiturus  
revelavit: erat *Sinapi* paratum, ut in  
menfa utimur. Ab alio vidi *Androma-*

*ebi Theriacam* admoveri. Vidi quoque febres epicarpiis curatas nonnullis reddisse.

Sed quid his immorer diutius! Finis scribendi non daretur, si memorare vellem *Amuletha* collo, aliisque corporis appensa partibus: ut *Tralliani lapidem ætitem*; ejusdem *Scarabæum* in Linteolo fulvo Collo appensum; *Foresto* commemoratos pilos, de gena deductos *Hircorum*; *Sanguinem* de primis *Virginum* Catamenniis; *Lacertam viridem* appensam; *Vermiculos ex Dipsari capite* apud *Dioscoridem*; *Aranearum vivam* nucis inclusam putamini, collo donec moriatur appensam, vivamve locustam; *Francisci Joëlis Cantharidas*; aut *Nicoli Florentini*, & *Tiengii Amstelodamensis anulum*, qui in auriculari digito gestatus, abigeret *Quartanas*; *Ranam vivam* pugno inclusam donec moriatur, tumentemque manum reddat;

ut

ut silentio præteream adhuc plura, quæ superstitionem sapiant, ut *Secundas Lunæ*, & similia potius tacenda.

An revera omnia hæc Epicarpia, Epithemata, Amuleta, febrium intermittentium absolvere, ut ferunt, curationem? *Boilæi* utique, *Rondeletii*, aliorumque clarorum virorum spectabilior fides, autoritasque est, quam ut illis diffidamus: videturque haud contemnenda ea esse irritatio, quam acres fervidæque res carpis, loco utpote tendines complures, nervosque pene nudos gerenti, inferre queunt. Verum si legamus, audiamusque, horum pleraque tunc admota, quando aut longiore tempore remedia alia bene multa, quæ febrim quidem nondum fugare, ad fugam nihilominus disponere potuere, adhibita sunt; aut una cum reliquis, methodice institutis, conjunguntur: si *secundo* bene perpendamus,



monita hinc inde adjuncta de hiſce non applicandis, niſi coctionis ſigna comparuerint, ceteraque artis præſidia fuerint admota: Si tandem tertio horum ſcriptorum candidiores conſulentes, non minus experimenta ſeſeſſiſſe, quam iuviſſe, intelligamus; conſequitur id, ut 1<sup>mo</sup> ſtatuamus incertum eſſe an reſvera ejuſmodi reſ febrim ſugarint: & ut 2<sup>do</sup> fateamur plura horum ob ſui naturam apta videri, qui fugent eandem. Conſequitur tertio, ſi ſecundum verum ſit, ambiguum eſſe, utrum hæc adplicata externa febrim curent, materiem febrilem excitatis puſtulis ex corpore revellendo, an vero motum febrilem turbando confundendoque duntaxat? quo poſteriore in caſu febrim intempeſtively tollendo vehementer nocere illa poſſe, ex præcedentibus patuit.

Septima Methodus comprehendit inunctiones & frictiones thecae vertebrarum, brevi ante futurum febris insultum. *Guarnerius* laudator extiterat hujus praxeos; ejusque exemplum *Forestus* in recidiua Quartanæ septuagenarii sui Avunculi secutus „ spinam „ dorsi inunxi, inquit, a nuca incipiendo, usque ad clunes descendendo, oleo anethino & chamæmelino „ simul mistis, & post inunctiones pannos lineos calidè apponendo, Cumque ter hanc inunctionem in ipsa accessione absolvissemus, miraculi instar non solum rigor cessavit, verum „ etiam febris in septuagenario desinit.

*Felix Platerus* iisdem oleis, quibus *Forestus*, spinam dorsi inungebat, sed simul interna remedia, frictioni soli non fìsus, dabat.

*Cardanus curat.* 24. hora frigoris spinam unguente inungebat quod ex *Gentianæ succo, Oleo scorpionum, & Anserina compositum pinguedine* erat.

*Riverius* valde laudabat talia minus tanquam febrifuga, sed potius tanquam rigorem, febris symptoma molestissimum, mitigantia, ægrisque ad Diaphoresin disponendis apta.

*Prosper Alpinus* Emplastrum, quod Gallo Medico in secretis erat, ut singulare quid laudat, cujus hæc erat formula: *R. Farinæ tritici cribratæ, thuris masculini, ā. unc. 11. f. cum succo Menthæ Emplastrum*, quod linea petia exceptum, calidum ante accessionem adhibeatur ad spinam dorsi, ad caudam usque, & quoad sponte decidat teneatur.

Et profecto confirmat experientia nostra laudes istas. Jam triginta anni sunt, quod summo effectu in quarta rebellis has frictiones institui. To-

ta Methodi hujus intentio cum ea methodi sudatoriae supra expositae, parte convenit, quæ frigus præcaveat, eliciat sudorem, sicque totam denique jugulet febrem. Tuto itaque in pertinaciori intermittente, quam fugare & licet, & expedit, adhibetur.

Quæsitum olim fuit an Inunctio & Frictio cum Mercurio fuget Quartanam? Creditum hoc antiquis Medicis fuit, quod viderent homines Lue Venerea vel Quartana laborantes, ab utraque sanari 1<sup>mo</sup> Decocto saturatissimo *Bardanæ*, in Vini & Aquæ a p. æq. facto, cui sub finem addebant *folia sennæ*; quod Decoctum sub stragulis calefactis sudores per horam unam alteramque fortissimos eliciebat, postque sudorem purgabat, & 15. aut 20. diebus continuis dabatur: postea vero detractis *foliis Alexandrinis*, & absque regimine ad sudores, dabatur adhuc per



30. 40. dies: quo modo a *Petro Pena* Chirurgo, *Henricus III.* Galliarum Rex a Lue celtica curatus legitur apud *For-  
nium*. Hac porro Methodo etiam cu-  
rari Quartanarios *Velschius* memoria  
prodidit.

2<sup>do</sup> Ex *Varandæo*, *Borello*, *Riverio*,  
usu Decocti saturati *Rad. Cbinæ & An-  
timonii*, patet curatam Luem gallicam  
fuisse: sed & eodem Decocto Quarta-  
nas brevi curari memorat *Aræus Libr.*  
8. *de curandarum febrium ratione*.

3<sup>tio</sup>. *Frictione Mercuriali*, ut in ma-  
gna collectione de Autoribus Siphyli-  
cis a *Luisio* edita, patet, Lues vene-  
rea curabatur feliciter: sed & simul ob-  
servaverat *Ballonius Libr. 2. Epid.* & Lu-  
em, & Quartanam, hac inunctione  
una curatas esse. Unde eo pervenire  
nonnulli, notante *Velschio*, ut eodem  
remedio & Quartanam, & Luem Nea-  
polititanam, indigere crederent: alii ve-

ro id saltem opinarentur, si Venere laborantes homines, simul paterentur Quartanam, eos & ab hac, & ab illa, instituta frictione mercuriali, liberari.

Hanc porro observationem generaliter veram non esse docuit *Ill. Præses* in Comm. ad §. 9. „Quartana Pur-  
gantibus, inquit, Vomitoriis, Sudo-  
riferis, frustra tentata, imo per me-  
diam salivationem, ut vidi, constan-  
ti typo pergens, tollitur Cortice Pe-  
ruviano.

Videntur ergo hæc sic concilianda esse, ut Quartana in homine Venereo, non a Lue Venerea, sed a causis communibus, epidemicis, oriunda, Mercurio non curari credatur; Quartana vero, quæ non ab his causis, sed ab ipsa Venere ortum habet, una cum Lue venerea, frictione mercuriali tollatur.

Octavo laudatur & *Astringentium* usus. Dedit in sua Mat. Med. *Boerhaav.*

*baueus*, duplicem horum formulam, quarum prima est Decoctum admodum saturatum ex herbæ totius *Plantaginis latifolii unc. X. & Rad. Tormentillæ rec. unc. II.* Decoctis cum unc. XL. aquæ; cuius æger uncias tres singulo bihorio sumat: altera formula pulveris est, quem *Dr. I. Alum. rup. dr. II. Nucis myrist. & gr. XII. Boli armeniacæ* componunt, hora ante Paroxysmum sumendum.

Fuit etiam Priscis hæc culta Methodus. Expedit in *Libr. 2. de Morbis.* apud *Poësum pag. 471. 472.* videre iussu *Hippocratis*, de aggradienda Tertianâ post tertium insultum purgante, si id indicetur: sin vero non indicetur, Acetabulo *Radicis Pentaphylli* in aqua tritæ: febre vero nec sic abeunte, sudorum ope interiorum exteriorumque auxiliorum provocatione.

*Dioscoridis & Aëtii monumentis constat idem. Laudata hic deprehendimus, præter Tormentillam, aliaque, quæ formulæ Boerhaaviane continent, Agrimoniam, Genucula Verbenæ, Pentaphyllum, Semina Heliotropii &c.*

Prodesse ejusmodi remedia egregie queunt, quando ægri a febre debilitati sunt, aut ex propria Diathesi solida flaccidiora, aquosiores humores, nervosque simul valde irritabiles, habent: roborantur quippe hinc solida, fluida condensantur; hominesque hoc pacto vel febrim melius sustinent, vel irritabilitate imminuta, novo vix afficiuntur insultu. An ideo Cortex *Quercus*, *Tamarisci*, *Capparidum*, febrifuga audierunt? An Cortex *Peruvianus*, licet occulta sua virtute febrim æque in arido. ac in succulento, corpore, curet, tamen etiam in hac Octava Methodorum classe vi sua adstringente



te febrem abigat? Ruri profecto qui aptis præfidiis carent, vires *Corticis Quercus*, aliorum *Adstringentium* hunc in finem innocue explorare posse videntur.

Ultima tandem Methodus ea est, quæ *Cortice Kinæ*, seu *Peruviano*, febrem intermittentem sistit. Longo sermone hic opus non est, quum egregii Viri *Alorton*, *Sydenham*, *Richa*, *Torti*, *Collegium Wratislaviense*, *Mead*, *Huxham*, *Pringle*, *Werlhoff*, *Boerhaave*, & cum maxime Ill. L. B. *Van Swieten* in *Comm. ad Cap. de febre intermittente*, nec non in iis, quæ ad *Caput de Hæmoptoe*; & *de Phibisi*, adnotata ab Illo sunt, clara in luce rem collocarint. Quod si quis peculiaria quædam observata adjunxerit, ad quæ colligenda *Nosocomium nostrum* occasionem supeditavit, clare intelliget:

1<sup>mo</sup>. Corticem Chinæ saluberrimum remedium esse omnium febrium, quas abigere & licet, & oportet. Intermitteutes igitur hic principio recensemus, quæ morbos tales conjunctos non habent, qui febre, ceu medicamine, indigeant,

2<sup>do</sup>. Febres hemitritæas, quæ consuetis medicamentis cito non obediētes, in malignas, perniciosasque, brevi abirent.

3<sup>tio</sup>. Febres illas, quæ internas suppurationes, ut puta Pulmonis, Hepatis, Uteri, Renum, aliorumque Viscerum; quæque abscessus Coxæ, aliorumque Articulorum, comitantur: eoquod humorum corruptioni, a resorpto acri nascenti, medeatur Cortex, pus pro ichore aut sanie bonum conficiat, vires refocillet ægrotantis, & morbum sic aut diuturniore tempore tolerabiliorem reddat, aut fortunatio-  
re casu integre curet.

4<sup>to</sup>. In febribus malignis, putridissimis, siue continuæ remittentes eadem sint, siue etiam continuæ. Ad confirmationem horum vide collectas observationes in *Rat. Med.* 3. pag. 37. ad 70. & ab 182. ad 194. *Tom.* 4. pag. 161. *Tom.* 5. toto capite primo. *Tom.* 6. pag. 199. 208. 209. *Tom.* 7. a pag. 45. ad 58. *Tom.* 9. a pag. 235. ad 240. *Tom.* 10. pag. 180. 181.

In his porro febribus cunctis quantum Kinæ Dosis exhibere oporteat, Medici judicio relinquere, quam definire, malim. Si febris intermittens tam vehemens, diuturnaue sit, ut homo eidem sustinendæ vix ultra videatur; si sit Apoplexia, Colica, Pleuritis, Nephritis &c. periodica, de natura febrium intermittantium, remittentiumve, qualem *Morton*, *Sydenham*, *Huxham*, *Lautter* graphice descripserunt; si Malignarum febrium, si Vari-

rio-

riolarum, Morbillorum, & malignæ nonnunquam Scarlatinæ, si denique febris Continuae malignis stipatae symptomatis, discrimina urgeant; Cortex Kinæ liberaliore dosi, unciae scilicet i. vel iß. tempore aut intermissionis, aut remissionis, exhibendus erit; quo futurus paroxysmus efficaciter præveniatur. Sin autem febris ejusmodi naturæ sit, ut eandem sensim frangi expediat, media uncia, minusque, detur: quamquam & minutiore tali dosi cortex febrim quandoque inopinato demat, ut in historia nostri juvenis p. 34. conspicuum fuit; qui unica media uncia febre exemptus omni erat, & eadem dosi quotidie continuata exemptus mansit; licet in eandem indigestione voluntaria meruisset illabi.

Primo tempore notæ in Europa Kinæ limitatior longe dosis erat: quod utrum præstantiori tunc temporis



transmissio Cortici, an aliis causis tribuendum sit, non inquiram; copiosiore saltem dosi nunc indigemus. Dum autem rite capta sit exhibendi ejusdem indicatio, hæcque indicatio urgeat, consueta dosi haud sufficiente, ad duplam, triplam, quadruplam, & ultra, dosin adscendamus oportet, ni velimus gangræna & morte ægrum brevi perire.

An quædam cum Cortice mista, vim ejusdem ita intenderent, ut longe minore dosi efficeret id, quod majore, sed solus datus, non præstaret? Necdum mihi experimenta sufficientia sunt, ut affirmare hic tuto quid auserim. Interim abesse nequeo, quin formulæ copiam lectoribus faciam, quam nuper mecum communicavit Vir nobilissimus, & si quispiam mortalium unquam, fide dignissimus, qua ipse in longæva sua vita sæpius sibi febrim  
pri-

primo ituit, alterove, paroxysmo; & qua ipse, ejusque Familia, & plures eorum, qui sic curati erant, homines numerosos ab intermittente febre, penitus, ac statim, percuraverunt. Est autem hæc: R. Cort. Peruv. unc. ʒ. Ocul. Cancr. dr. iij. Antimonii diaphoretici, Concharum calcinatarum ʒ. dr. ij. Rad. Gentianæ albæ dr. j. M. F. inde Pulv. ʒ. xij. quorum æger mox a cessante paroxysmo unum sumat, & sic unum quovis quadrihorio, donec omnes duodecim absumserit: unde nocte singulo quadrihorio expergefaciendus sit ad capiendum pulverem, eosque etiam debeat assumere qui supersint, licet alter paroxysmus instaret, aut jam sæviret; donec duodecim absumserit. Repetitione nunquam fere opus est. Tantum levissimo purgante opus est lapsis 15. a febre diebus.

Occasione monitus hujus de levissimo (nam gravius resuscitandæ febr

esse posset ) purgante 15. die dando, monere juniores Medicos debeo *Sydenhami*, aliorumque præstantium Medicorum Præceptum, dandi purgantis aliquo temporis spatio a quiescente febre elapso, salutare, imo fere necessarium esse, ne fiant recidivæ, aut alia mala. An hoc, quod de materie febrili aliquid supersit? An vero potius ideo, quod renatus a febre nimis sæpe appetitus quid indigesti collegerit, quod, ni blande expellere-tur, aut febrim regeneraret, aut alia incommoda crearet? *Sydenham* mensem expectat, antequam hanc indispensabilis necessitatis purgationem det, ne maturius dando febrim resuscitaret sopitam. In hac formula 15. dies determinantur duntaxat. Ill. *Præses* duas modo expectat, ternasve septimanas. Tuto hunc sequimur, modo dies 14. recidivarum adeo ferax, præ-  
ter-

terierit. Consultumque est idem pluries posthac repetere.


Terminabo hoc caput necessario hoc Corollario. Ex nonnullis supra recensitis, & aliis sæpe numero observatis, Medicinæ Tirones mecum animadverterunt a primo febris intermittentis paroxysmo certam Diagnosin peti non posse. Ad trutinam enim signa omnia revocantes, a quibus *Galenus Libr. 2. de Crisib. cap. 4.* sic interstingui febres intermittentes censuit, ut qui ipsa prima invasionis die ejus determinare speciem nesciat, is nomen Medici non mereatur; ita de exceptione creberrima convicti fuimus, ut certam inde regulam eudere non potuerimus. Quare alienus quidem a sententia *Campegii*, in *Campis Galeni bistorialibus*, hoc a *Galeno* fuisse arroganter dictum, scribentis; nihilominus ejus sententiæ sum, quod in-



termittentes febres, nostro & tempore, & regione, iis, quæ a *Galeno* referuntur signis, persæpe interstingui sese non sinant. Contingere equidem potest; ut certo quodam tempore quævis Quartanæ iisdem ferme symptomatibus, eadem fere diei hora, paroxysmum ordiantur: fieri potest ut omnes Tertianæ in eadem anni constitutione, diversis quidem a Quartana, simillimis vero inter se se, phænomenis inchoent, omnesque eadem præter|propter hora, v. g. vespertina: Quotidianæ omnes suo pariter modo. Veruntamen hæ febres ipsæ|observatæ aliis annis, seu epidemice, seu sporadice obtineant, sic in diversis variant, ut nullam certam determinandi sum, ex primo paroxysmo genium, relinquunt legem.

Tandem quod verbo supra jam monui, ex omnibus hisce observationibus

nibus perspicuum sit, intermittentes febres haud ita expertes periculi esse, quam vulgo quidem fertur. Plures Medici cum *Harvæo* notarunt hominem, quem febris intermittens perimat, frigoris tempore mori. Dum anno 1558. paucæ modo Quartanæ, cæque facile sanabiles, *Delphis* observarentur, invenit *Forestus Hagæ Batavorum*, scilicet ad unius modo horulæ a *Delphis* distantiam, a Quartana legitima, epidemica, multos mori. Et omnes illæ febres intermittentes, quas vidimus demum in Viscerum indurationes, in extenuationem, in icterum, in hydropem, mortemque demum, commigrantes; tandem & istæ, quarum pag. 93. meminimus, quid aliud clamitant?



## CAPUT II. DE MORBIS ACUTIS.

§. I Pleuritis, in qua dolor ab inferioribus ad superiora thoracis transmigrat, nedum morbi cum levamine, sed aggravamine potius. Pathologica discussio de bonitate, aut pravitate hujus transmigrationis. Phænomena sanguinis, aliena a communi observatione, incompletam esse sanguinis historiam docent. Sed & ipsa hæc Pleuritis tota mirabilis; quod nec resoluta, nec intra consuetos dies critice soluta, tamen citra gangrænam, citra suppurationem, seirrhumve, spatio duorum mensium demum sic soluta critice fuerit, quemadmodum alias intra duas septimanas. Remedia adhibita. Laus Olei Lini. §. II. Peripneumoniae historia. Repetitio moniti de incertitudine Phænomenon sanguinis in Acutis; siquidem & dissolutus ille, & compactus, eodem tempore e vena fluxerit. Pulsus Peripneumonicorum durus. Cur Peripneumonia factum die 7. iudicium dubium esset? Examen præticum sudoris. Sanitas restituta visa per integram septimanam, deinde Recidiva letalis.

*lis. Mira denique phaenomena sanguinis. Varia de calore hominis viventis, & recens mortui. Singularis luctus mortis. Anatomie. Episcris morbi. Quid proprie malignitas in morbis acutis? An contra Boethaavium semper verum, quod lata pulmonum cum omnibus, siue plerisque vicinis, concretio innocue feratur?*

§. I. **A**cutorum morborum complures nos elapso anno exercuerunt, quorum plurimi exacte satis leges Coctionis, Criseos, criticaeque Evacuationis, secuti, Hippocraticarum Observationum, Præceptorumque, & stabilitatem, & æternitatem, abunde nobis confirmarunt; nonnulli vero aut nonnihil, aut notabiliter, a consuetis illis legibus deviantes, deviam quoque naturam, ab Hippocrate Libr. Epid. 1. pag. 941. 945. Epid. 3. pag. 1085. Epid. 7. pag. 1229. quo ultimo in loco Fulonis in Syro, & Nicaxeni in Olyntho histo-



storias refert, descriptam, vivis depingere coloribus; unus tandem, alterque, quid, Naturam superante morbo, contingere debere *Hippocrates* docuerat, clare demonstrarunt.

De classe priorum non est quod verba faciam; cum certam, & tutam, & felicem Medicinam, *Hippocraticis* deberi præceptis, quivis *Hippocrate* edocti, norint: utilitatis plus habebitur naturæ deviantis prosequendo errores; ejusdemque, ubi infecuta mors fuerit, succumbentis ruinam speculando, addendoque accuratam eorum historiam, quæ in cadavere detecta fuerint.

Juvenula 20. annorum 5. Aprilis 1766. post insolitam octo dierum lassitudinem, postque debitum Catameniorum absolutum fluxum, sæva pleuritide sinistri lateris correpta, altera necdum finita die in Nosocomio suscepta est. A fine diei secundi, usque  
ad

ad quinti fere finem, quinquies secta ipsi vena est. Crustam pleuriticam gravem omnis sanguis habuit.

Ante quartam V.S. dolor fere omnis a latere inferiore ad sinistrum ster-  
ni latus, humerumque, transmigraverat.  
Clarissimi Trilleri observatione, bona  
metastasis est; sexque suorum eadem  
evasisse notat: Ill. *Præses* scribit suorum  
periisse neminem, quibus illa contigisset:  
*Hippocrates* Libr. de *Victu Acut.* ut  
malam consideravit eandem. In no-  
stra ægra tam prava erat, ut tussis om-  
nis, ac fere omnis respiratio, cohibe-  
retur. Et bonam, & malam hanc trans-  
migrationem doloris, pluries in praxi  
observavi.

Quæ causa hujus differentiae? Ex  
laudatis mox magnis viris Trillero &  
Ill. B. van Swieten, bona fuit transmigra-  
tio hæc doloris observata 6<sup>ta</sup> die; non  
tollens quidem morbum, sed bonam  
crisin

crisin prænuntians: *Ægra* nostra medio quinto die supernos hos est expectata dolores. In *Cl. Trilleri*, & *Ill. Præfidis* ægris transmigrationem hanc morbi comitatum levamen videtur, cum post eandem venam ultra non fecerint: *Ægra* nostra ad doloris ascensum suffocabatur fere. Hinc debui mox largam evacuationem sanguinis facere, ex *Hippocratis* laudati mox textus præcepto: *Neque copiosum sanguinem detrahere cunctandum est*, inquit. Ratio ergo patet diversitatis observationum.

Dolor porro *Ægræ* nostræ sexto die a superiore parte Thoracis denuo ad ejusdem mediam inferioremque migravit plagam, morbi cum augmento, quare & quinta sanguinis missio institueretur oportuit.

Sanguinem nunquam huic juvenculæ miserant; hinc a prima & altera ejus missione animo linquebatur. Sed

&

& hinc sanguis nonnisi guttatim juxta brachium fluxit. Nihilominus crustam pleuriticam brevi formavit,  $\frac{2}{3}$   $\frac{1}{2}$   $\frac{1}{3}$  crassitie totius insulæ habentem.

In tertia V. S. sanguinis continuato jactu exsiliit, donec effluxissent uncie septem: guttatim deinde uncie septem aliæ exstillarunt. Sanguis tamen hic æque densam firmamque crustam, quam ille, formavit. Animo non defecit.

In quartæ V. S. ultimum vasculum jactu veloci sanguis fluxit, in alterum, & primum, guttatim. Attamen vas primum omnium densissimam crustam gessit, fere talem & alterum, longe tenuiorem tertium.

In V. S. quinta omnis sanguis aut guttatim, aut brevi quandoque lentoque jactu effluxit, ut perpetuo brachium lamberet; in vas ultimum omnium lentissime. Intra horam omnis sanguis suam jam formaverat integram cru-



crustam : eamque omnium densissimam compactissimamque, medietatem totius massæ habentem, ultimo in vase, in quod omnium tardissime erat exceptus.

Observationes *Sydenhami* & *Boerhaavi*, de crusta densiore ex velociore jactu cruoris, deque tenuiore exstillante eodem, sunt verissimæ, aliisque etiam practicis confirmatæ: verum ut in femina hac, ita in perplurimis aliis, observationes contrariæ adeo numerosæ sunt, ut neque ex prioribus, neque ex posterioribus, cudi ulla regula possit. Dudum simile quid observaverat *Trillerus*.

In vase medio sectionis quintæ crassamentum sanguinis, seu insula rubra, vix scissile, in vase tertio facile solubile.

Obscurant hæc omnia sanguinis obscuram historiam; quam inceptam olim, sed abruptam, dato otio retexam.

Calor ulque ad 40. morbi diem mane, quam sero, minor: mane quippe fuit 98. 100. 101. graduum; vespere 102. 103. 104. 105. exinde autem mane ac vespere æqualis 98. 99. 100. 101. graduum.

Sputa usque ad 44. morbi diem mere aquosa, & spumosa; exceptis diebus 8. & 9. quando leviter suppurulenti quid habuere; exceptis quoque diebus 18. & 19. in quibus semicocta nonnulla apparuere. Die 44. cepit quotidie plus cocti quid in multis sputis videri; ad 51. semipurulenta jam erant; ex illo die sæpe minus, aliquoties probe, cocta, die 58. 59. 60. 61. copiosa, coctaque: exinde sensim tussis & sputa minuebantur, & cum restituta sanitate optima, die 71. & seq. nihil tussis fere, excretionisve, ultra observabatur.

Alvum coctam die morbi 8. habuit, subinde talem adhuc postea; passim vero tenuem, crudam: ad finem vero morbi, cum sputis coctis, & coctior alvus fuit.

Sudorem nec levantem, nec judicantem, habuit die uno critico, nempe quinto; duobus diebus minime criticis, scilicet 10. & 26.

Quoad urinas; unam bonam hypostaticam habuit die 10. unicam & 14. 16. 17. 18. & 19. quatuor; unam 20. & 21. duas 22. tres 23. quatuor 24. Et excepto die 34. in quo omnes summæ cruditatis erant; excepta quoque una alterave urina per sequentes dies; omnes urinæ pulcras subsidentias exhibuerunt: sabulum rubrum nonnunquam habuerunt.

Igitur nulla critica evacuatio sputorum, quæ morbum solveret; nulla quoque evacuatio critica per alias vias emunc-

emunctorias: siquidem quomocunque coctæ adparerent aliæ evacuationes, tussis perpetua ac molesta, pulsus semper naturali major observata celeritas, calorisque justo altior notatus gradus, morbi non evacuata esse materiem abunde testabantur.

Interim pluries quærebatur Diagnôsis & Prognosis; quæsitæ sane sæpius, inventa tamen non est.

Consulebamus gravissimum longumque *Hippocratis* textum 402. *Coacorum*: addebamus *Boerhaavii* de Pleuritide caput; in quo, quidquid in praxi tota notum est, concinnitate, & perspicuitate admiranda, collectum reperitur: ast vero nihil ex iis ad casum nostrum determinabile erat. Pleuritide nec resoluta, nec critice soluta, aut Gangræna, aut Scirrhus, aut prava Metastasis, aut suppuratio timenda Phthisisque, est. Sed horum morbo-



rum omnium phænomena ad nostram ægrotam adplicantes, applicationemque hanc crebro, serioque repetentes; non reperiebamus vel unicum horum morborum, quo eandem laborantem diceremus. Febris enim proprie dicta non adfuit; non ejus post pastum, motumve exacerbatio; non genæ rubentes; nec sudor, nocturnus maxime; nulla major emaciatio, aut hæctica dispositio; nulla difficultas cubandi inlatus utrumque, dorsumque; hinc nulla timendarum a non soluta Pleuritide ægritudinum inveniri in ea poterat. Dolor, febris, inquietudo, quæ in his morbis augentur, brevi rapturo abscessu, hic ad 40. diem non observabantur, ubi cocti quid prodire cepit.

Igitur Naturam hic multum a consuetu suo tramite deviare, in confesso erat; quod enim juxta ordinarias ejusdem leges expectari oportebat, non est

est secutum. Est certe longe major aberratio nostro in casu, quam in eo *Anaxionis*; qui a Pleuritide, sine alio infecuto morbo, die 34. judicabatur, *Epid. 3. Sect. 3. ægr. 8.* Femina enim nostra, citra ullum nati ex Pleuritide alius morbi signum, cepit ab ipsa Pleuritide judicari die 51. & perfectius circa 60. diem ita ut perfecte sana die 71. domum rediret.

Si quis forsitan rogaverit quo genere remediorum usi fuerimus, ut morbus adeo pertinax, & diuturnus, sine alio morbo perfecte judicatus sit? ea ordine dabo. Missus sanguis quinquies fuit, ut enarravi. Optimi *Trilleri* exemplo, præter V. S. ex brachio lateris affecti, eam quoque pedis tentassem: cum vero nostra ægra linqueretur animo prioribus ex brachio V. S.; crebriusque homines animo linqui soleant pede, quam brachio, venam se-

eti; eam brachii perpetuo tudi. Loco dolenti primum fomenta, ac cataplasmata, admota sunt; his minus opitulantis emplastrum, quod ex  $\frac{1}{2}$  Meliloti, &  $\frac{1}{2}$  Vesicantis compositum, applicabatur; morboque pertinaciter furere, vesicans utrique impositum cruri fuit. Mirum quippe tibias inter pedusque consensum in morbis miratus *Hippocrates* fuerat; confirmaverat *Baglivius*; & celeberrimus *Trillerus* Vesicantia Pleuriticorum admota cruribusprehenderat perquam utilia. Enemata multa pro re nata immissa sunt, laxantia, emollientia, paregorica. Decocta & infusa herbarum, nunc emollientium, nunc attenuantium, expectorantiumque, cum Melle, cum Oxym. aut simplici, aut squillitico, stibioque diaphoretico: numerosæ misturæ ex Aquis pectoralibus, cum eodem stibio: Kermes mineralis ingens quantitas: Mu-

Mucilagibus paregorica multa ad noctem; aut & bono effectū pilula gr. iij massæ pil. de Styrace, una, altera, tertiaque: oleosa multa tum ore, anoque corpori ingesta, exteriusque corpori applicata, ac maxime oleum Lini; quod teste *Tournefortio Lettres du Levant* No 19. „ Armenii domi perpetuo servant, „ adhibentque, ac propterea Pleuriti- „ dem, cui inconstans clima impense „ favet, & qua alii impetuntur; raram „ experiuntur; jamque scripserat *Gesnerus* oleum Lini loco olei amygdalini epotum, egregium remedium in Pleuritide esse. A die morbi 34. ad 71. usque, nra est alternatim Mistura enim oxym. squill. stibioque diaph. non abluto, & Infuso pectorali; paregorico pæne omni nocte, quum alias tussis omnem fugaret ab oculis somnum. Plerumque gr. iij pil. de Styrace sufficiebat.



Cura autem ventriculi peculiaris habenda erat, qui multis ab annis miserrimo victu depravatus, a principio morbi, etiam jam antequam in Nosocomium inferretur, sæpius de die in vomitum prorumperet. Paregorica juvabant, & post primum morbi impetum repetita sæpe purgatio; quæ sic adornabatur: R. Rhei. dr. ii. Vesperti affunde aquam fervidam, sequenti mane momento coque, colaturæ unc. iv. adde syrupi Melissæ unc. i. Aq. Cinnamonii unc. ß. cujus etiam partem ilico; & si non operaretur, trihorio post alteram fumeret.

§. II. Faber lignarius, Bavarus, 45. annos natus, qui multo itinere pedestri; multis aeris, injuriis, sub dio itineribus dormiendo, toleratis; victuque præterea duro, firmam corporis compagem, duratamque reddiderat; citraque morbos notabiliores ad hanc

ætatem pervenerat: id modo in Anamnesi retulit, quod a 20. annis, quavis hyeme, longo laborare catarrho soleret, ab eoque bis ter sic afficeretur, ut duobus tribusve diebus cogeretur lecto inhærere; quodque furdaster a decennio esset.

Cum proxime elapsa die 1. Aprilis ex suburbio in urbem cucurrisset anhelus, tenuissimæ suppellectilis subhastationem deprecaturus, lassitudinem talem in reditu patiebatur, ut in media via paulisper interquiescere, ac confidere, cogeretur; vespere tussim solito frequentiore, & cephalalgiam experiretur; noctemque transigeret irrequietam.

Die 2. Aprilis, cunctis subhastatis, nudus cum uxore & infante ædibus expellitur, mendicare coactus: ipsoque hoc die gravi Cephalalgia, frigore, æstuque corripitur: die 3. A-

prilis pariter. Aprilis 4. die remedio quodam sublevatus, gravi demum febre præhenditur sub noctem. Paulo mitius quinto die; 6. autem gravius.

Adiit tunc Nosocomium Hispanicum; unde Gestatorio ad nos delatus est, Peripneumonia laborans. Quintus morbi dies decurrebat.

Consucta Methodo inflammatoria emendatio observata tanta est; ut sexto die humorum coctio, septimoque critica evacuatio, & sudore, & urinis omnibus hypostaticis, iudicium videretur attulisse; ita tamen, ut, ablata febre, tussis quædam sicca perseveraret. Sanitatem cæterum integram septem dierum spatio videbatur adeptus.

Notavimus in hoc morbo *primo* sanguinem de vena dextri brachii die 5. missum, solutum omnino fuisse,

cum

cum crusta subviridescentis coloris, flava, tremula, non coriacea.

Cogitare hic quis posset Peripneumoniam eo usque jam pervenisse, ubi toties eam *Baglivius* miratus erat, cum sanguine scilicet soluto, aquoso: verum cum Peripneumoniam statum negabat pulsus fortis ac durus; negabat morbi ipsius conditio, ut mox patebit.

Sanguis octo elapsis horis ex lævo brachio detractus, mox a principio habuit & crustam duriorē, & firmitus crassamentum, sic ut examinando non, quemadmodum prior, diffunderet.

Incautis ex conspecto priore sanguine contraindicare Morbus & sanguis videri poterant; hoc incrassantia, attenuantia illo, naturaliter indicante. Nos vero multiplici experimento edocti, ut adhuc nuperrime  
in



in relata pag. 96. Pleuriticae historia, solam morbi indicationem explevimus.

Confirmavitque secundo missus cruor inspissantium indicationem, si eam essemus sequuti, erroneam futuram fuisse.

Monere autem hac occasione debeo, sanguinem primis a missione horis certum de se iudicium perpetuo haud præbere: videri quippe principio dissolutum omnino, postmodum vero naturaliter, imo præternaturaliter, incrassari: unde si breviori tempore ante Lectionem sanguis ægrorum fuerit detractus, exhibeo quidem illum Auditoribus, & per pellucida vasa cum ipsis contemplor; nonnunquam vasculum unum vertendo, dividendoque examino; reliqua vero vascula in sequentem servo demonstrationem.

Notavimus *secundo* in hoc morbo, in quinto Peripneumoniæ die pulsum magnum, fortem, eundemque durum; die sexto debilem, inæqualem omni modo; die autem septimo fere naturalem. Unde confirmatur id, quod *Tomo 9. Cap. 2. §. 9.* tot argumentis urgi; scilicet pulsum debilem in Peripneumoniæ definitione inveniri non oportere.

Advertimus *tertio* coctionem, quæ quocunque morbi die fiat, semper bona est, nostro in ægro die sexto manifestam in humoribus, functionibusque plerisque; pulsus enim debilis & inæqualis, eodem die magis procedente, emendabatur; nullam vero sputorum coctionem vidimus.

Advertimus *quarto* sudoribus universi corporis in die septimo, vere critico, morbum judicatum videri potuisse; maxime cum eodem die, bi-  
nis.

nisque sequentibus, urinæ fere omnes hypostaticæ essent.

At vero sudor idem die septimo animadversus, fuerat jam notabili diei sexti parte observatus; unde suspectus ille, infidusque. Quin & aliud quid sudorem hunc reddebat suspectum; Custodes ægrorum hyemalia lektorum tegumenta necdum mutaverant; nec attenderam ego. Cum porro caloris, incunte Aprili, 63. gradum jam notaret Thermometron, egoque casu tegumenta ægri debito graviora prehenderem, subdubitare cepi num hisce potius, quam Naturæ, adscribendus sudor non esset? Præcipue cum jam hinc inde quædam Sudamina comparere viderentur.

Hinc stragulorum crassorum alterum auferens, tenuius substitui; sudore autem æque profuso, abstuli & hoc tenuius. Continuabatur sudor

in

in initium usque diei septimi: deinde subsequēbatur mollis aliquot horarum transpiratio; tandem in medio septimo die sudor multus spatio quinque horarum: sub quo sudore, & altero, tertioque die postea, quæ sexto die comparere sudamina ceperant, evanuerunt.

Hinc ad leges *Hippocraticas* omnia examinantes, hærebamus principio ambigui, utrum sudor diei sexti, ut infido die prodeuns, condemnandus esset; an vero minus pravus, utpote eo, quo dixi, modo, genitus, foret habendus? Attamen modicis sub stragulis animadversus die septimo sudor quinque horarum, una cum hypostatica urina, cum absentia febris, cum notabili functionum emendatione, judicatorius haberi posse videbatur. Equidem rigor sudori non præcesserat;  
sed



fed alvus folutor, Legibus *Hippocratis*, rigoris excluferat neceffitatem.

Verum fputorum perfeverabat, alvique cruditas. Amamus profecto coctionem, coctique evacuationem, per omnia corporis excretoria loca cernere; aut faltem fi per unam, pluresque vias, excretio cocti prodeat, per alias minime, ut per has faltem non prodeant cruda, optamus. Sed in comperto hoc practicus eft, & fæpius in Noſocomio demonſtratum, quod prægreſſis ſignis Coctionis, ac Crifeos, evacuationes criticæ notabiles fic emendarent vires, ut & hæ fierent aptæ, quæ paulatim reliquas coquerent, & eliminarent, cruditates.

Ambiguum igitur iudicium fuit. Attamen Pulcra fere omnium, ac maxime pectoris, functionum reſtitutio, continuatio urinarum hypſtaticarum  
die

die 8. & 9. plus dabat sp̄ci, quam metus.

Spem autem dies 14. illudit; in quo febris rediit, mutata quidem a priore, sed & ideo perniciosior. Incepit pulsu celeri ac duro, cephalalgia valida, siti intensa, lingua arida ac rigida, comate. Tussis increvit, excernens nihil præter quædam tenuia ac spumosa; semel autem quid mucosi, cum lineis sanguinis. Alvus interim cocta prodibat; urinæ etiam copia, odore, colore, bonæ, sed cum pertinaciter suspenso manente enæoremate. Vena secta est ad unc. ix. quantitatem.

Die altero recidivæ, totius morbi 15., aderant vomendi conatus, inquietudo vehemens, febris singulo bihorio sævitie auctior, moderatior: cocta interim alvus.

Die 3. Recidivæ, die 16. Morbi, febris enormis, intensus calor, lingua aridissima, ac rigida. Secta denuo vena effluxere sanguinis uncia XVIII. posteaque vesicantia admota sunt. Expectorantia data, & simul ad æstum vehementem (contemperandum copiosum Rob sambuci, ac Nitrum. Tussis, Vomituritio, Febris, ad hæc mitescebant; Alvus vero, quæ ab aliquot diebus cocta fuerat, jam cruda iterum & tenuis. Vespere symptomata omnia graviora, insuper singultus, æstus intolerabilis, pulsus celer, plenus, ac valde durus, calor universus, vires bonæ, tertiam in hac Recidiva sanguinis missionem suaserunt.

Die 4. Recidivæ, morbi 17. inchoante, calor 108. graduum in thermom. *Fahreureitiano*, qui cum 34. in *Reaumuriano* correspondet. Symptomatibus iterum vehementissimis, cum for-

ti duroque pulsu, quarto missus in hac Recidiva sanguinem, Copia xv. unciarum. Calor quidem inde sex gradibus minor, sed præcordia, quæ eo usque anxietas tenebat duntaxat, jam dolor vexat, vomitusque. Sic quidem, ut topicam hic suspicaremur phlogosin. Alvus nocte ac mane reddita quies est, flava quidem, sed tenuis, nihil mista; cum pluribus massulis viridibus, compactis, quales in Cadorem olei fundo reperire est: oleum porro ore anoque sumserat multum.

Ad finem hujus dici 4. Recidivæ, ad diem 17<sup>o</sup> totius morbi, unico quadrante horæ ante mortem, calor 100. graduum erat. Lucta mortis horæ duravit quadrantem. In hac lucta pulsus, non qualis esse solet celerrimus ac debilissimus, verum lentus admodum, nec parvus, & vix inæqualis. Plus quippe



pe decies ego, aliique, illum exploravimus. Respiratio autem tam lenta, ut semel alta voce trigies & ter numeraverim inter duas respirationes. Moriens non convellebatur; brachia tantum in rectitudinem exporrigebat. Oculi bihorio a morte veluti hominis viventis; nihil enim opacati aut corrugati erant. Hoc phænomenon etiam altero die a morte observavimus in aliis.

Iteravimus denuo experimentum mensurandi mox a morte caloris, spatio 2 $\frac{1}{2}$  horarum, singulis 4 $\frac{1}{2}$  minutis gradum examinantes, & in charta notantes. Thermometrum nostrum indiget 7 $\frac{1}{2}$  minutis ut calorem hominis indicet, addendo gradus duos ad notatum in eo gradum. Si 15. minutis applicatum, beneque tectum manet, haud ascendit ultra numerum priorem, cui duo gradus additi fuerant. Notabat

autem gradus hos : 88. 95. 96. 98. 97.  
98. 97. 98. 98. 97. 99. 98½. 98. 98. 98.  
98. 98. 97. 95. 95.

Supereſt examen ſanguinis in Reſidiva miſſi. Sanguis primæ miſſionis, mox ubi in vaſa exceptus erat, contractam habuit ac denſam cruſtam, eamque toto in ambitu fimbriatam.

In ſanguine ſecundæ miſſionis cruſta non contracta, non fimbriata, ſed ut in morbi principio, cruſta, & craſſamentum, cum omni Vitreæ Scutellæ ambitu cohærebant. Elapſis horis quinque, cepit in vaſe ſecundo cum Cruſta, tum Craſſamentum, ſe ab uno vaſorum latere ſeparare, ſequè contrahendo exprimere ſerum. Elapſis horis 14. idem obſervari ceptum in vaſculo primo; nondum vero in vaſe tertio & quarto. Cruſta quarti vaſis virideſcit, ſere transparet, craſſitudinemque mediæ totius inſulæ habet.

In sanguine tertiæ missionis, post quietem 10½. horarum, nec contractæ Crustæ, duræve; nec tamen glutinosæ. Crassamentum 1. 3. & 4. vasculi dissolutum; vasculi secundi valde tenax. Passim, quo crusta minus inlardum contracta est, eo minus solet & contractum, & durum, esse ejusdem crassamentum.

Tandem ultimæ venæ sectionis sanguis, post horæ 1½. quietem, tribus in vasis collectus, habuit crustam densitate crassiorem quam esset altitudo crassamenti, tremulam vero, nondum consistentem; quomodo posteriore examine habuerit sese, doleo referre non posse, eo quod id chartis mandare neglexerim, nec sat accurate suggerat memoria.

Notavimus itaque primum Recidivæ sanguinem eo prioris morbi magis fuisse phlogisticum: deinde & solutum

lutum sanguinem, & compactum in eadem Venæ tusione prodire: præterea sanguinem unius scutellæ longe plus indiguisse temporis, quam aliàs, ut se contraheret: denique ab omnibus his V. S. pulsus plenus fortemque permanfisse, ad usque breve mortis luctamen.

Calorem soli attritui non deberi, quod toties urfi, repetita Exploratio cadaveris ultra bihorium producta, confirmavit denuo.

Sed quanta vis in febre caloris! In hac Recidiva plus quatuor Libris sanguinis detractum est, dum interea Calor, naturali calore humano semper superior, deprehendebatur. Quanta humorum aut copia, aut rarefactio! Post demtas 50. sanguinis uncias, pulsus ad mortem usque plenus ac fortis fuit.



Anatomen elapsis 23. a morte horis institimus. Oculi jam opaci & corrugati. Venter nihil inflatus. Caro musculosa multa, firma, exiguis adeps.

Aperto Ventre Viscera sic sita, ut Hepar ingens, ampliusque Ventriculus, totam anteriorem universi Epigastrii capacitatem explerent; & ut Intestinum Colon, sub his depressum, umbilico fere accumberet. Dolor igitur Colicus fallere nos potest, coli ad umbilicum situm vix suspicatos.

Colum hoc arcum valde, & sub Hepate, & sub Liene, se longa sui parte supra sese reduplicabat: ut causa magnorum morborum existere potuerit, haud extiterit tamen. Vide Tab. 1. Fig. F.

Ileum Intestinum semipedis longitudine ex Inflammatione jam purpurascebat, variis præterea in plagis levius inflammatum.

He-

Hepar ingens lobo minore explebat mediam Hypochondrii *sinistri* latitudinem : alteram mediam hujus Hypochondri latitudinem Splen , triplo major solito , occupabat.

Ventriculus duas liquidi mensuras, scil. octo libras medicas, mensura capta, continere valens, suo minore, eaque sinistriore parte supra, seu potius ante, lobum minorem Hepatis, & ante Lienem collocatus, reliqua sui parte eminebat juxta jecinoris crepidinem, suoque Pyloro infra jecur decurrens, abibat in Duodenum : quod quoque digiti dimidii longitudine horizontaliter versus spinam decurrens, descendere demum incepit. Inflammatio aderat in ea omenti portione, quæ Duodeno pro Mesenterio est, uti & in ipso Duodeno.

Idemque Ventriculus a fundi sui parte illa, quæ costis sinistris accum-

bit, per totam fere superficiem externam posteriorem, admodum inflammatus fuit, & magis adhuc in eadem superficiem internam plaga.

Renes boni, magni. Vesica urinaria lotio turgida.

Pulmones firmissima cellulositate concreta sic cum Pleura, cum Diaphragmate, Mediastino, ac Pericardio; ut multis in locis sine horum, aut Pulmonis laceratione, divelli non possent; hocque æque lævo, quam dextro in latere: in sinistro autem latere tantum modo versus Costarum arcum, spatium duos fere pollices longum, latumque, erat ab accretione liberum.

Cor sinistrum vacuum; dextrum sanguinem, non coagulatum, habuit; sinus dexter polypum album, qui lente extractus, massam polyposam pedis longitudine ex ambabus jugularibus ducebat,

bat, cum rami, quo jugulares inter se communicant, abrupta portione.

Bona dura mater: Pia autem sanguine valde infarcta tota; maxime autem ad lobos cerebri posteriores. Polypus quasi vermis in sinu longitudinali. Ventriculi cerebri superiores ne guttulam aquæ continuerunt; nihil aquæ tertius ventriculus, nihil quartus. Totum cerebrum siccissimum. In capitis detruncatione, nihil ex illo; nihil ex theca vertebrarum; nihil ex cranio, dum ferra dividebatur, extillavit.

Ex quibus omnibus patet infidam, infido in die, crisin fuisse, quæ sudoribus, die sexto inchoantibus, apparuit: partem materiæ morbosæ coctam solummodo fuisse, & crisi evacuatam; at vero magnam crudi copiam alte infixam mansisse, quæ primo alternoque quaternario quicta, sympto-  
mata



mata nulla excitavit; inchoante vero tertio quaternario moveri cepta, corpus vehementer turbavit, sanguinem inflammatorie corripit, inflammatione dira affecit Piam Matrem, Ventriculū, Intestinorum varias plagas, quarum una in latam gangrænam versa, inter causas mortis recenferi potuit. Sanguis idem ad mortem usque inflammatorie spissus, per minima vasa impenetrabilis, inter mortis causas certe erit annumerandus.

Hæc demum vere maligna febris fuit, vero sensu eo, quo τὸ κακὸν τέλεον intellexerit *Hippocrates*, postque eum *Galenus*, omnes *Hippocratis* sectatores, & ex cunctis his compendiose *Boerhaavius Inst.* §. 919. Moneo hoc ideo, quod videam a nonnullis eum morbum proprie, uniceque, haberi malignum, qui humores dissolutos habeat, qui varias maculas, papulasque, expellat, qui

qui ab ipſo morbi initio notabilem virium projectionem comitem habeat: dum interea vera malignitatis in Acutis ſignificatio denotet cauſæ morbi vehementiam; graviorem functionis cujuſque, maxime autem vitalis, læſionem; pertinacem adverſus ſelectiſſima, optimeque indicata Artis præſidia, reſiſtentiam; ac ſymptomata non tantum ejus morbi conſueta, ſed variata, aut omnino alia, aut plane anomala.

Situs magnitudoque Jecoris, molles ingens Lienis, Coli inteſtini tranſverſus decurſus adeo profundus, monitum confirmant, quod toties repetivi de morborum in viſceribus ſede circumſpecte, ac ſæpe dubitanter tantummodo, determinanda.

Pulmonis arcta, ac indiſſolubilis eum omnibus vicinis partibus concretio, malum videtur a longa die natum. Quare & 20. annorum ſpatio, præ

præ pectoris affectione; laboriosas hyemes transegiſſe videtur. Et in ultimo morbo nimis adhærentes pulmones cruori phlogiſtico ſuſcipiendo, trahendoque ineptiores, letaliter demum infarcti fuerunt. Centena ſane exempla ſunt, quæ me impediunt aſſentiri illis, qui latas hæc pulmonum adhæſiones inculpate a mortalibus ferri aſſeruerint.

Siccitas inſolita Encephali, an non à defectu ſecretionis, ad quam phlogiſticus ſanguis arterioſus plane ineptus fuit?

### CAPUT III. DE ILEO MORBO.

§. 1. *Ileus morbus 6to. die letalis, cum auxiliorum adhibitorum recenſione. Epicriſis morbi. Anatome cujus mirabilis pars exhibetur Tab. I. Fig. E. De aqua frigida in Ileo. In Ileo letali etiam alvus reddi poteſt. Vavins*

*rins in hoc morbo Gangrana gradus. Omenti absentia Colica causa. Conspectus a morte haud infrequens ibalami cordis utriusque perfecte vacui. §. II. Ileus letalis alius, natus post triennium, & quidem primo periodicam, sub finem autem continuam, Ventriculi Tympaniam. Cum hoc Ileus etiam tenuium Intestinorum & Tympanitis, & Inflammatio. Memorabilis in hoc Ileus Hernia Entero-mesocolica, una cum monstroso Ventriculo, Tab. II, Fig. I. II. III. exhibita. Epicrisis totius hujus Historiae. Viscera a morbis sua sede exturbantur. Gangraena sine signis suis letalis. §. III. Ileus morbus octavo die letalis, assumpto etiam Mercurio. Anatomie. Figura exhibens duodecim viros Coli Intestini flexus. Vid. Tab. III, Fig. Epicrisis. Variæ considerationes super causa proxima mortis in hoc homine, & in aliis hoc morbo detentis. §. IV. Ileus morbus curatus, assumpto Mercurio. Quædam de Fumo Tabaci immisso. Mercurii per 14. dies in corpore mora. §. V. Ileus morbus assumptis vii. uncis Mercurii curatus. Inquisitio varice doseos Mercurii in hoc morbo a variis exhibita. Quæstio agitur num a Mercurio  
hic*



*hic morbi Nervorum timendi ; eaque occasione de Auro deglutito loco Mercurii. An Mercurius frigore noceat ? demonstratur frigore potius prodesse : & sic convenire cum Methodo altera Hippocratis curandi Tetanum. De acribus umbilico applicandis. De Machine Italica.*

§. I. **I**leus frequens morbus, semper terribilis, creberrime letalis, quamvis a me in Tomis prioribus periodici hujus operis sæpius recensitus sit, tamen ob recentiores, eosdemque notabiles admodum casus, de integro me cogit de sua ipsius Tyrannide, deque Homicidiis suis, nonnulla propalare.

Juvenis 19. annorum, ileo morbo clapsa æstate periit. Vivo non adfui: quantum autem expiscari ex illis potui, qui cum & noverant, & amicitiae causa in morbo inviserant, hæcticus ante quadrienium a Medico ha-

habitus fuerat, idque dimidii spatio anni: exinde paulo rectius se habere vilus, tussi non frequenti quædam tenuia reddere consuevit, linguam fissam perpetuo conquestus est, ac frequentioribus Colicis doloribus obnoxius vixit.

Anno 1766. Augusti Mensis die 5. consueta sua Colica, & modica febre, nocte corripiebatur. Clysmate mane die 6. Aug. immisso, mitior dolor, vespere denuo sævior fuit. Dato tunc emolliente decocto, cui Chamomillæ flores infusi, principio levare visus est, deinde autem minime.

Die 7. Aug. Medicus ordinarius arcessitus, præscripsit Misturam ex *Aq. Flor. Chamomillæ unc. vj. Magnesiae nitridr. iij. Salis polychr. dr. j. Syr. Althææ unc. 3.* cujus sumsit cochlearia tria singulo bihorio. Jussitque Abdomen

inungi Unguento composito ex *Ung. Dialth. & Flor. Calend. ā unc. ij. Camph. scrup. ij.* Præterea immitti clyisma emolliens præcepit. His non levantibus, decoctum emolliens cum *Tamarindis* bibit ad noctem; postquam alvus, quæ nulla eousque fuerat, liquida copiosa-que prodiit.

Die 8. Aug. Febris magna, duro cum pullu, fixoque ad latus Ventrís dextrum dolore. Mistura dicta *Hoffmanniana* data est; Decoctum *bordei* quoque, cui admistum *Oxymel*; nec non pulvis, quem componebant *Scrup. duó Magn. Nitri, gr. v. Nitri puri, & gr. x. pulv. Haly*: erat mane hic pulvis, & vespere sumendus. Varia insuper & Cataplasmata, & Enemata præscripsit.

Die 9. Aug. æger summo mane frigidam aquam clam bibit, brevi autem post ventre immaniter doluit, vomuit,

mult, contremuit, friguit. Interea dum Medicus expectabatur, sumebat consilio amici *dragmam Rhei*, & *Misturam compositam ex Mentha cum opii granis duobus*; repetivitque clyfma. Tensus jam venter erat ubique; minusque latere dextro, magis in medio, dolebat. Tandem Medicus accedens, primam demum Venæfektionem instituit, *Hoffmannianam Misturam* continuaret, suavit, *Hordei*que *Decoctum*. *Emulsum* præterea dedit, *cujus Libræ dr. vj. Syr. Diacodii additæ*. Repetivit denique *Enemata* & *Cataplasmata*. Nox pessima. Pulsus celerrimus, parvus, durus.

Die 10. Aug. Exp. Medicus *Misturam* dedit compositam ex *Aq. Scorzoneræ unc. vj. Magnes. nitri dr. iij. Salis polycbr. Scrup. ij. Nitri puri Scrup. j. Camphor. gr. ij. Syr. Althææ unc. β. cu-*



jus duo cochlearia quovis trihorio sumenda essent.

Deinde ℞. *Auri fulminantis* gr. vj. *Arcani duplic.* Scrup. 3. *Nitri puri* gr. v. Eo die ter hic pulvis sumtus est.

Die 11. Aug. pulveres *Auri fulminantis* repetiti. Accessit ad morbum Ventr̃is Peripneumonia. Ad septimam vespertinam moritur, expletis ferme sex morbi diebus.

Cadavere potiri, nonnisi elapsis 42. a morte horis, potui; hinc calida hac tempestate jam fœtuit immaniter.

Et in perſcindendo Abdomine, clauſo adhuc Peritonæo, multus, iſque fœtidiffimus, aër, ex tunica adiposa exhalabat, bullasque veluti Emphyſematosaſ formabat; quales alibi, ſed longe copioſiores, obſervafſe me retuli *Tom. 8. cap. de ileo.*

Aper-

Aperto abdomine Omenti longitudo, ut ut explicata, apparuit vix pollicis lati; ita ut nuda hic hæserint Intestina.

Colum Intestinum defiguratum sic, ut verbis describi nequeat: unde Tabula I. Fig. E. idem depinxi.

Ad omnes hæc miras Coli reduplicaciones inflammatio levior detegebatur: materies autem inflammatoria sanguinis transsudando genuerat crustam, qua illæ Coli Reduplicaciones secum mutuo agglutinabantur.

Obex autem durus in hisce Reduplicacionibus nullus est repertus.

Ileum Intestinum duobus potissimum in locis dire inflammatum reperiatur, ac colore hic purpureo, illic livido, gangrænosum. Scilicet in latere dextro infimo, longitudine duorum pedum; & in eodem latere, sed altius, ac secus umbilicum, lon-

gitudine pedis. Fuerantque ambo hæc loca doloris in ileo morbo sedes. Cru-  
sta flava, quæ in Colo, etiam hic,  
multas tegebat Intestinorum plagas,  
inflammatas potissimum illas, gan-  
grænosasque: aderatque & ad Mesen-  
terium.

In Plagis Ileï intestini inflammatis  
nulla inventa coarctatio est, nulla Intro-  
susceptio, nec, quæ transitum denega-  
re potuisset, dura materies: æqualem  
hic cum cæteris Intestini partibus In-  
testinum habebat Diametron.

Ventriculus, valde expansus, ha-  
bebat a facie sua anteriore, pauxillum  
sinistrorsum, in suæ altitudinis medio,  
transversam plagam, longitudinis la-  
titudinisque digiti integri, Zonæ in-  
star, inflammata, ut in pulcerrima  
injectione: in qua & hoc notabile, quod  
multis valde in locis exiles extravasa-  
tiones exhiberentur, quæ, inter hæc  
pul-

pulcre veluti injecta vasa, plurimas quasi peticulas, seu petechias, referebant.

Hepar ingens lobo suo majore in medio Epigastrio terminatum; minore autem lobo diaphragmatis inferiori laterali regioni, ope ligamenti fortis membranci, versus arcum infimarum costarum, connexum.

Pulmones, utroque pectoris in cavo, ab omni cohæsione cum vicinis liberrimi, cinereo colore in paucis, livido multis in locis, anterieus ac lateraliter, conspiciebantur: postica vero facie universa ex rubicundo fere nigrescentes, ac facile ad levem contrectationem diffuentes. Quin & Pulmones undique pressi, veluti per poros liquidum transsudabant: hoc præcipue in lobo dextro superiore ac medio: duri autem ab infarctu non erant.



In Pericardio liquor non aquosus, sed obscure ruber, paulo forte solito copiosior.

Cor utrumque perfecte vacuum, ut vix reliquæ antilli sanguinis versus ejusdem orificia superessent.

Diagnosis morbi Ileus inflammatorius est, ex Colica periodica natus; seu Colica periodica in letalem Ileum versa. Qualisnam autem Colicæ species fuerit, hominem, dum viveret, contuitus nunquam, non ausim determinare.

Quæ causa proxima Ilei letalis? Incertum est utrum hæc in inflammatis, gangrænosisque Ilei plagis, an vero in complicati Coli hæserit locis. Equidem elapsis 42. a morte horis nihil quo intestinum sive coarctaretur, sive obtureretur, inventum est: verum, quamvis non semper, sæpe tamen, relaxantur ejusmodi constrictiones, seu spasmo-

modicæ, seu inflammatoriæ; aut suapte sponte, aut gangræna in morte, imo ante mortem: ut pluries in incarceratis herniis vidi. Sed complicatæ coli superioris ac inferioris partes, dum hoc Intestinum in principio morbi tensum repletumque esset, potuere citra spasmos, inflammationesque, viam aëri, lœcibusque, præcludere omnem: si jam, ut multis in Colicis, *Piætonum* maxime, fit, musculi abdominales convulsiva contractione arctaverint abdomen, in complicatis hisce Coli partibus causa morbi proxima eo facilius locata fuisse intelligitur.

Ex iis, quos a Diro hoc morbo DEO dante, vel curavi, vel hominum illo affectorum interitum procrastinavi, didici tutiorem certioreque eam methodum esse, quæ *tempestivis* V. S. quæ multo oleo, quæ purgantibus opio interpolatis, quæ clysmatibus Fumi Ta-

baci mature valde adhibitis, & si opus est, epoto mercurio, instituatur; quam quæ misturis dictis *Hoffmannianis*; quam quæ sera, imo ferissima sanguinis missione, auroque fulminante, tentetur. Aurum fulminans si bene paratum est, nihil agit; non bene paratum, morbum auget. Nec laudavit id, quamvis ab aliis datum, *Cl. Hoffmann Cap. de iliaco dolore*. Clysmata Fumi Tabaci, licet pluries fallant, maxime quando aut causa plane invincibilis obtinet, aut nimis sero ad hoc auxilium confugitur, continuata tamen observatione restituunt multos. Exempla manifesta attuli olim, & in mea vicinia nuperrimum habetur.

An *frigida*, quam æger clam hausit, nocuit? Præstantiam gelidæ aquæ in hoc morbo experimentis evici *Tomo 8. Cap. de Ileo*. Sed sero nimis æger noster eam bibit. Gangræna videtur quarto morbi die in priore loco doloris

ris jam nata fuisse, eo quod, evanescente ibidem dolore, frigus, tremor, pulsusque cum debilitate frequens, observarentur.

An fæces liquidæ ac copiosæ, finirente altero morbi die missæ, boni augurii non erant? Et Iliacos, & Herni-  
ofos, cum ejusmodi dejectionibus tam fervari, quam mori, pluries vidimus. Vel enim obex solutus totus est, reditusque talis peristalticus motus Intestinis, ut antiperistalticum viribus superet; vel prodit tantum vi enematum aut pars, aut totum stercoreum, quod infra locum ubi causa proxima residet, hærebat; morbo nihil indelevato: vel tandem gangræna, partes relaxans, nata est; quæ si parva, inchoataque tantum, aliquando adhuc curabilis est; si magna, atque completa jam est, mortem infert. Vide quæ *Tom. 2. 3. 4. 7. & 9. de Ileo & Hernia*

no-



notata sunt: maxime vero *Tomo 7. Capite 4. toto.*

Omenti defectum inter Colicæ causas haud absurde quis memoret. Omenti enim est, Intestinorum respectu, tegere illa; fovere, ac lubrica servare.

Hepar etiam hic totum fere Epigastrium explens, imo sinistro in latere forti ligamento accretum cum Diaphragmate, confirmat toties datum monitum de necessaria prudentia in sede morborum ex solo partium situ determinanda.

Rarior observatio est hominis, pectore olim sic laborantis, ut multo tempore Phthificus crederetur, posteaque semper tussi aliqua laboraret; cui tamen pulmones ab omni cohæsiōe perfectissime liberi invenirentur. Cæterum Peripneumonicorum referebant Pulmones: Peripneumonia enim perit,

riit, jam in Gangrænam tendente; ut in Acutis toties. Vi inflammationis sanguis omnis inflammatorie corruptus, ineptus demum fit, qui pulmones permeet; vel & organum Respirationis, debilitate a morbo genita, ineptum fit, quod humores, quamvis per se adhuc permeabiles, sat efficaciter transmittat.

Cordis vacui thalami utriusque sat frequens est observatio, ut in prioribus patuit, ut in hoc casu patet, & in §. seq. patebit; inane ostendens conamen omne vitales actiones, eas Cordis præcipue, systemate irritabilitatis explicandi.

§. II. Delata in Nosocomium fuit 16. Dec. 1766. vidua 57. annorum, cujus hæc Anamnesis. Ante elapsos ab hinc 30. annos viro profectæ ætatis nupsit, ac primo quidem anno peperit, deinceps vero nunquam. Gra-  
vida

vida vehementer vexata hæmorrhoidibus fuit; easdemque, post Puerperium adhuc valde molestas, cum Medici consilium de aperiendis illis sprevisset, fistulam ani contraxit: a quo tamen malo operatione fortunata liberabatur.

Sexennium est, quod febre acuta laboraret, in qua integris sex diebus deliravit, & a qua non nisi post quatuor ærumnarum exactas septimanas emerfit. Meminit sitis, eodem in morbo inextinguibilis, ut a continuo potu temperare sibi non posset, quantumcunque ne sibi irreparabile forte damnum inferret, assiduo moneretur. Quare etiam ex acuto hoc morbo in Hydropem intercutem brachiorum, crurum, ventris, lumbique, incidit. Ab illo tamen quopiam, quod ignorat, infuso, brevi curata fuit; ac sana

na integro postmodum triennio, flatu incommodo excepto, vixit.

Vitam sedentariam perpetuo, & hucusque, egit. Menses semper regulares in 45. ætatis annum habuit.

Triennium est, ex quo singulo fere sesquialtero mense latus abdominis lævum, mox sub costis, intumesceret sibi, tumore paulatim ultra medium ventrem porrecto, ibidemque veluti in acumen assurgente. Non doluit tumor, sed dum femina jocando ventrem tumentem sæpe percuteret, resonuit. Perstabat tumor tres quatuorve septimanas, perque alias duas tresve subsidebat. Disparente tumore copiosos commodosque emittere flatus potuit; eodem vero redeunte, nullos.

A medio pene elapso abhinc anno, urinam reddere cepit adeo acrem, ut  
sibi



sibi inde pudenda roderentur ; copiosam quidem , sed frequenter urgentem , cum sedimento copioso , alboque ; in medio limpidam , & quid crassi in superficie gerentem.

Medius quoque annus erat , ex quo in deglutiendo id incommodi pati cepit , ut deglutita ad certum quendam locum hæerent , quem nos conjectabamur eum esse , in quo Oesophagus Diaphragmatis fissuram transiturus est : sic ut nonnunquam ipsi per aliquot minutorum spatium interquiescendum esset , antequamingere quidquam de integro auderet.

Ostiduo ante morbum , de quo mox , tristis , præterque morem morosa , levi quoque ac continua tussi , vexata fuerat.

Tandem 12. Dec. tota die inhorruit , citra vel intermissum , vel subsecutum , æstum. Appetitu caruit.

Quo

Quo eodem modo & die 13. Dec. sibi habuit.

Die autem 14. Dec. hora noctis prima Ventris ipsi tormina oriebantur, haud eo, quo solebant loco, verum in Ventre medio, ita ut centrum doloris umbilicus esset, una cum ructibus nauseisque. Prælo quasi sibi præcordia premi, ac contorqueri, conquerebatur, & ex ventre quidpiam versus pectus conscendere, a quo Singultus primo, deinde Vomitus. Toto hoc die Vomitus cum reliquis symptomatibus continuavit, nec minus nocte. Quid vomitu reddidisset rogata; tenuem, regessit, aquosamque materiem.

Die 15. Dec. omnia hæc continuaverunt. A biduo alvo carenti immixtum Clystma fuerat, quod duram eduxit materiem: repetivissentque, ait, idem, ni a priore Clysmate male habuisset.

Die 16. vomens in Noloscomium Hispanicum inuenta Carpento est, moxque inde ad nos, gestatorio.

Auditis feminae quærelis, mox Ventrem examinavimus. Dolebat ille & in loco antiquo, a margine sinistrarum costarum, jamque adusque Ilei ossis cavum; & in plaga nova, medio nempe ventre: qui dolor ab umbilico, ceu centro, ad semipedis in ambitu latitudinem diffundebatur; centro veluti acuminato.

Nullam aquæ fluctuationem, *tactu*prehendimus; sed potius, non quidem *sonitu*, sed *aspectu* tumoris inæqualis, ac divisi, adesse Tympaniam judicavimus. Dolor ab attactu augebatur.

Principio quo apud nos fuit, haud vomuit, sed exprobravit; nec singultivit vere, sed eructavit. Febricitantem acute a die 12. Dec. conclusimus ex inflammatione ventris. Cumque febris  
cum

cum pulſu duro, eoque pleno increſceret, uncias xiv. ſanguinis de brachio dextro miſimus. In vaſculum primum ſanguis optime fluxit, levem duntaxat cruſtam formans: in alterum vaſ lente fluxit, & cruſtam modicam, prior tamen denſiorem; in vaſ tertium celerrime fluxit, & denſiorem prioribus cruſtam exhibuit.

Enema ex emolliente Decoſto, cum mellis & olei Lini à unc. ij. & Niri dragma, injiciebatur; unde alvus poſt horam, cum multis parvis ſcybalis, & portione una majore. Emulſi Libra cum uncia Syrupi Diacodii dabatur, molliens Cataplaſma toti Ventri circumdatum eſt, & Scutum ſtomachicum, ex Uncia Empl. de Labdano, gravis xij. Camphoræ & totidem Opii crudi, & Bals. peruv. q. s. compoſitum, regioni Ventriculi admotum eſt.



Post hæc omnia, Symptomata, dolore excepto, mitigabantur, appetitus aliquis nascebatur, & absque insequente Vomitu comedit, quod petierat, jus carnis cum panis tantillo.

Venter ad noctem tumidior quidem, sed mollior. Cepitque frigus conqueri internum, cum tepore extremorum; quamobrem plura stragula coniecimus in illam. An frigore hoc nascens ab inflammatione Gangræna notabatur? Sed ipsa febris bidui frigore inceperat, & cum præfenti frigore pulsus parum modo celer, plenusque ille, Gangrænam negabat.

Sitis interim magna continuat. Mala nox fuit ob Vomitus continuos, Ructus, Singultus, Anxietates. Urina tamen, quæ prioribus diebus vix prædierat, hac nocte ultra Libram prodiit, bene colorata, cum crassio-

re-

re enæoremate, brevi subfidente; adeoque nullatenus gangrænosa.

Die 17. Decembris ad 6. matutinam reperi calorem ejus ad Therm. Fahr. 98. gr. pulsūque & fortem, & durum, & celerem. Calor ergo naturalem fere superans, pulsusque talis, metum removebant gangrænæ; licet quid adhuc superesset hesterni frigoris internarum partium.

Cum ergo ex enarratis febris aucta videretur, & dolor perseveraret, aliam Venæ sectionem tentavi, quam jacens probe sustinuisset; sed dolorum immanitate, & anxietate victa, subito erexit sese, erecta autem animo linqui cepit: hinc mox destiti captis sanguinis unciiis quinque. Sanguis hic, qui bene fluxerat, non crustam, sed optimæ consistentiæ crassamentum exhibuit.

Sitis multa perleverat. Enema, heri secundo immissum, hodie ad 5. matutinam cum paucis scybalis; & ad 6. cum materia flava, pulsem referente, exivit.

Calor postmodum hominis sani, graduum 96. scilicet; pulsus fortior, durior, frequentior; Respiratio difficilior. Venter tamen mollior, in medio minus, sed per totum æquabilis expansus; in Epigastrio autem plus, quam heri, tumefactus.

Ambiguum profecto morbi statum esse nemo non videbat. Etenim ab una parte inflammationis augmentum in Sextum diem jam continuabat, internumque jam ultra 20. horarum frigus, quod necdum omnino disparuerat, metum faciebant gangrænæ ingentem: ab altera tamen parte Calor, Color, Pulsus, suspicionem hanc penitus fugare videbantur.

Ad

Ad Ileum igitur solvendum, al-  
laborandum fuit: quæ enim ab ene-  
mate materies iterato prodierat, ex  
solo Intestino Colo, haudquaquam a  
loco inflammato, videbatur prodire;  
siquidem nec pulsus, nec dolor, mi-  
tigarentur; quæque pridie filuerant  
symptomata, Vomitus, Singultus,  
Ructus, de nocte repetivissent.

Purgante itaque Chyli, Fæcum-  
que, tentandum transitum ratus, pri-  
mo Vomitum opiato sopire debui,  
*Sydenhami*, & *Hoffmanni* experientiam,  
mea pluries confirmatam, religiose se-  
quutus.

Cepit itaque quovis horæ qua-  
drante Cochleare hujus Misturæ uti-  
re. *Laud. Liq. Syd. gr. xxx. Syrupi*  
*Menthæ unc. jß. Aq. Melissæ simpl. unc.*  
*ij. & propter casus ambiguitatem,*  
*Extracti Cort. peruv. dr. ij.*



Mistura hæc, mirum dictu, quam mox ab initio, perque diem totam, cuncta pacaret; Vomitum, Singultum, Anxietatem, Dolorem! Sic ut ægra exclamaret præstantiorem nunquam in vita sua sibi datam Medicinam fuisse, deque universo morbo unicam superesse lassitudinem.

Minus igitur de Gangræna cogitatum est: quippe in qua pacantur quidem symptomata, sed dum pacantur, simul virium imminutio atque projectio advertitur, celerrimusque cum parvitate & inæqualitate pulsus, vultus præterea oculorumque collapsus, ac frigus: hic vero tota die pulsus decies, pluriesque, & a me, & ab aliis, exploratus, subdurus deprehensus est, & plenus, æqualis, & modice tantum celer: nec in vultu, oculisque, quid pravi cernebatur; extremaque calebant.

Toto

Toto antemeridiano, totoque pomeridiano tempore, læta ægra fuit, quod tam bene se haberet, quodque eousque, citra periculum suffocationis, citraque Vomitum & Singultum, dextrum in latus cubare non potis, comode jam cubaret in illud; petivitque iterato suam ne auferrem, mutareve medicinam. Mutandi profecto illam non fuit mihi animus; a qua tam bene se habebat, & quæ spem dabat fore ut pacatis symptomatibus, viribusque adeo constantibus, alvus demum resolveretur, præsertim si molliore frequentique Clysmate sollicitare pergeremus eandem. Poteramus eandem felicem, subitumque ab Opio sperare effectum, quem Riverius lætabatur *Cent. 1. No. 12.* in suo juvene, cui in ventris acerbissimo dolore, a datis *Laudani opii sex grannis*, tanta rerum mutatio fuit, ut intra bihorium dolor

omnis cum cessaret, tum non rediret: poteramus sperare, ita fortunatam aegram nostram fore, quemadmodum laudatus mox Autor ibidem No. 86. refert Sexagenariam fuisse, quæ in dirissimum hunc morbum tertio relapsa, ceterisque haud relevanda artis auxiliis, *granis Opii quinque* a dolore, & reliquis symptomatibus convalesceret, nec relaberetur.

Sed ô vanas mortalium spes ! ô fallacias ! Dum ad vespertinam horam feminonam clystma, cum pauca flava, ac pulsem referente materia, ægrota animosè deponeret, anxia reddi cepta est, lævunque reclinata in latus oculos in altum defigere, petere qui assisteret Sacerdotem, ac voce demum destitui. Pulsus interea bonus esse perseveravit, Respiratio vix læsa, Extrema quidem tepida, Vultus autem calidus mansit. Interim nihil eorum, quæ

quæ circa se gerebantur, gnara erat, neque ad validiores clamores vel minimum dedit mentis præsentis indicium. Brevi inde algere cepit, anxie respirare, inæqualem habere, parvumque, & celerimum pulsum, pauloque ante decimam animam efflavit.

Toto hoc tempore me, lecto adstantem, respirationis occupabat modus. Irregularis illa fuit, sed adeo lenta, ut inter singulas respirationes alta ego voce numerarem unum, duo, tria, & sic porro ad 20. usque, iterum ad 30. ad 34. ad 50. & semel ad 60. quod minuti circiter spatium explet. Inter antepenultimam & penultimam 60. iterum numeravi, inter penultimam & ultimam 30.

Animus fuit thermometro explorare corporis mox a morte calorem; quia vero id ilico ad manum non erat, quinto tantum a morte minuto fere expleto,



to, admotum est: quovis semiquadrante horæ, adeoque per integram horam octies, idem gradus hosce, hoc ordine notavit. 92. 92. 94. 96. 97. 97. 96. 95. Nec suspicetur quis thermometron continuata applicatione debito plus incaluisse, altioresque proinde notavisse gradus; nam nec in homine sano, quotiescunque ultra quadrantem horæ admoveatur, etiam bihorii ac trihorii spatio, vix altius unquam, quam spatio quadrantis adscenderat, adscendit: deinde, dum sensim cadaver ad calorem Atmosphæræ reducitur, calentis thermometri gradus sensim quoque diminuuntur, ad eumque Atmosphæræ reducuntur: ita ut perpetuo verus ejus, quod exploratur, corporis, gradus notetur caloris.

Dives profecto doctrinæ clinicæ hic casus est: quo autem ad illam contemplandam aptiores accedamus,

Ana-

Anatomen præmiſſe expediet, quæ horis 35. a morte expletis publice facta eſt.

Oculi utriuſque corrugata cornea, & opaca; dextri autem minus.

Rigiditas infernorum ſupernorumque artuum ea major multo, quæ Cadaveris eſſe ſolet. Forti tamen ac lenta flexione Brachia, quæ angulum rectum cum Humero faciēbant, in rectitudinem porrigebantur, rectaque manebant. Hæc in præcedentibus ſæpius ideo nota a vides, quod clari Viri certas veræ mortis determinandæ regulas exinde cudere tentarint, frequentiore examine haud ſufficienter inſtructi. Cum oculis veluti vivis, cum Artuum vel nulla, vel maxima rigiditate, certam mortem adefſe pluribus demonſtrationibus evici.

Panniculus adipofus digiti lati craſſitiem habuit. Venter minus acumi-

natus in medio, minusque tumidus; ita ut corrugata jam cutis, sulcataque, conspiceretur.

Peritonæo aperto, Tympanites & Ventriculi & Intestinelorum omnium, manifesta fuit, excepta duarum Spithamarum portione in fine Ileci. Hoc & cetera omnia, quo clarius capiantur, inspiciatur Tab. II.

---

---

F I G. I. II. III.

- A. Ventriculus tympaniticus.  
B. Ejus os superius.  
C. Totum id, quod de Hepate sub costis visibile fuit.  
D. Fundus Vesiculae felleae.  
E. Os Ventriculi inferius, seu Pylorus. In cadavere Ventriculus totum contextit sub se Pylorum: unde hic Ventriculum minus, quam par

par est, turgidum delineare debui, quo & Pylori sedem, & a Duodeni principio ortam jam Tympaniam, ostenderem. Una patet ad D. plica Ventriculi, ut & alia ejus plica, antequam Pylorum formet: nam ad usque F. Ventriculus est.

F. Angustatio corporis Ventriculi ad fundum Vesiculæ felleæ, ex vesicula transudantis, colore longe lateque tincta profundissime.

G. Locus designans umbilicum cadaveris, infra quem Colon Intestinum protrusum inveniebatur.

NB. Post Pylorum, mox tympaniticum Duodenum apparet; cui Literam, ne figuram obscuraret, non apposui.

H. Saccus Cæci parvus valde, cum processu suo vermiculari; qui processus hic neutiquam vermicularis, sed



sed digiti instar in rectitudinem por-  
rigitur.

**I.** Ileus Intestini finis, quo in Cæcum  
se inserit, angustus admodum,  
complanatus, & in sua compla-  
natione vix digitum latus. Melius  
conspicitur in fig. II. & III. ab S.  
ad X.

**K.** Flexus Coli Hepaticus, seu dexter.

**L.** Humilis Coli situs in Abdomine,  
qui ut melius conspiciatur, locus  
umbilici ad G notatus est. Coli  
quoque hic apparet amplitudo.

**M.** Colon subito vehementerque inter  
duos flexus arctatum.

**N.** Flexus Coli Lienaris, qui altior  
fuit quam in figura exhiberi po-  
tuit, sub Ventriculo quippe deli-  
tescens.

**OO.** Colon valde angustum.

**P.** Iterum triplo amplius.

**Q.** Coli flexus ultimus, ubi in Rectum  
abit.

abit, cum relicta ea tantummodo  
sui Mesocoli portione, quæ ad in-  
telligenda sequentia requirebatur.

F I G. II. & III.

*Fig. II. anteriorem, Fig. III. posteriorem  
faciem exhibet. Lateralæ duplices ad  
utrasque pertinent.*

RR. Cæci Saccus.

SS. Angustum ileum a sua in Cæcum  
insertione, ad X. usque, spatio  
duarum spithamarum.

TT. Ileum Intestinum hic Tympaniti-  
cum, ut etiam erant Intestina te-  
nuia omnia, ad Pylorum usque.

VV. Extremum Coli, cum relicta Me-  
socoli portione.

W. Locus ubi Ileum ex tympanitica  
arctum fieri incipit.

Pars XI.

L

XX.

XX. Plaga in Mesocolo , in fig. II. notata , designat locum , ubi Intestinum ileum suo in Mesocolon ingressu Herniam facit. In Fig. III. inversa, Litera X. Herniam indigitat: utraque autem figura tenuitatem indicat Intestini ilei, Herniam inter , Cæcumque: constrictum hic valdopere intestinum fuit, sic ut eo educto vix minimi digiti apex per facci herniosi collum potuerit transire.

In Pericardio vix aqua inerat. Magnum Cor. Sanguis multus grumofus in thalamo ejus sinistre; in dextro autem & copiosior, & polypofior. Pulmo dexter nullibi, sinister inferius superiusque, levi adhæsione cum Pleura nexus: uterque ab anteriore parte colore obscurior, a posteriore solito rubicundior,

Re-

Renes parvi, boni : bona Pelvis,  
Ureteres, Vesica.

Hepar univcrsum sub Costis reconditum, eam lobi majoris si exceperis portuunculam, quæ ad Lit. C. sistitur.

Vesicula fellea ingens, cum hepate sub costis recondita, fundo suo prominebat infra costas, supra monstruosi Ventriculi plicam, ut ad Lit. D. pingitur. In mundando, dum collum ejus fauciaretur, bilis bene multa effluxit in ventrem; nihilominus adhuc ultra uncias duas ex vesicula eduximus bilis fere nigræ, solitæ spissitudinis.

Plica quam Ventriculus in F formabat, transudante bile profundissime tincta erat, ad duos in latitudine, ad tres in longitudine, pollices. An sic bilis intra sanguinem resorberi, hocque pacto Icterus creare possit?



Intestinum Ileum pluribus in locis leviter, propius ad Herniam multum, inflammatum fuit.

Atque hæc de visis & repertis in Cadavere sufficiant; ut ad morbi pathologicam discussionem, Anamnesi in memoriam revocata, accingamur.

In Anamnesi ea coram stitimus, quæ ab annis retro 30. contigerint. Nemo anamnesticam nostram prolixitatem quærat. Solemus enim ægrorum anteaactam vitam scrupulose semper inquirere, ne quid nos fugiat, quod ad determinandas mali causas, naturamque, facere utcumque possit. Ea intentione responsa illorum Literis mandamus, atque bis, ter, pluriesque, examen repetentes, non pauca sæpe corrigimus, desiderata complemus, ac sic perficimus totum.

Quæ ab annis 30. contigisse femina narravit, ad rem præsentem face-

re non arbitror; sed quidem illa, quæ a Sexennio. Etenim valida febris acuta, in qua, ad sitim inextinguibilem enormem aquæ copiam fatetur abliguriisse sese, monitisque, ne ita ageret, iteratis, ob sitis intolerabilitatem non obtemperasse; videtur corpus vehementer debilitasse, intercutem ereasse Hydropem, tardam reduxisse salutem, nec vires ad illibatam sanitatem requisitas post se reliquisse; præsertim cum sedentaria vita, quam coluit femina perpetuo, corpus ab ægritudine infirmatum non roboret, sed debile, & iners, & flaccidum, relinquat.

Fundamentum itaque morbi, seu causam prædisponentem, vita sedentaria una cum superstite hac debilitate posuit: Flatus ac Borborygmi, quibus femina post acutum illum morbum obnoxiam se fuisse narrabat, hanc Ventriculi Intestinatorumque, inertiam

probant; huic deinde dispositio tympanitica in sinistra, eaque superiore abdominis parte, se adjunxit: causa suscitans prædisponentem, ut cum eadem morbum, seu causam proximam, constituat, forte haud e longinquo quærenda illi erit, qui perpendit secum viscera cava illuvie nimia sic extendi, ut multam faciant suæ contractilitatis jacturam: qua ex re consequitur id, ut iterata sæpius distendente causa, interea dum ipse vitæ modus corpus debilitat, hæc ipsa viscera vix ultra propellant contenta, hinc distendantur immaniter; & cum propulsis contentis aer semper præsto est, qui in loco calido oclusus vehementer rarefcit, hinc in Tympaniam incidant.

Hæc porro Tympania Venterculum præcipue occupasse videtur, siquidem tumor sinistro in latere mox sub costis,

costis, ad usque medium Epigastrium, resedisse fertur.

Itaque Venter flatu turgens, videtur primum fuisse ab Hepate, ne dextrorsum extenderetur, præpeditus, unde tanto magis anteriora corporis extendit: & quia observaverat femina a superioribus paulatim ad umbilicum se extendisse tumorem, patet etiam ventriculum hunc debilitatum magis magisque, tandem ab aere ita expansum fuisse, ut totam hanc plagam occuparet.

Sed demum mulier aiebat tumorem dextrum quoque implevisse latus. Scilicet Tympanites ita crevit, ut pedetentim pepulerit sua de sede Jecur, inque superiora truserit; unde sic Hepar se sub costis recondere cogebatur.

Porro cum id lente admodum factum sit, Bilis excretio in Intestina



inde multum passa non est; eo quod Ductus communis, Ductus Cysticus, & Hepaticus, sensim elongati, sine notabili turbatione pervii manserint: nisi postremo forte vitæ tempore, dum Vesicula bile tanta tureret.

Ultimo in morbo haud Epigastrii, sed & Hypogastrii est tumor conspectus; Hypogastrii tamen maxime in sinistro latere; quia prope herniam credibile est maximam Ileï expansionem contigisse.

Intestinatorum ultimo in morbo nata Tympanites, Herniæ effectusne fuerit, an ejusdem causa?

Pro utraque sententia militat ratio. Primo namque Hernia omnem ex Ileo Intestino transitum negans, in causa fuit, ut hoc Intestinum ab aëre, & alimentis, medicamentisque, vehementer expanderetur. Et confir-

ma-

mari hæc sententia videtur, eo quod inferioris ventris tumor nonnisi cum signis Ilei morbi, siue Herniæ, comparuerit.

Ab altera parte, si a Tympania Ventriculi sensim, ut fit, Intestina Tympaniam quoque sibi contrahant, causæ Volvulorum, & Herniarum habebuntur in multis locis, illisque potissimum, ubi Intestinatorum gyri supra se se mutuo reduplicantur. Ponamus Intestini Ilei ejusmodi plicam in pelvi fuisse, & vâcuatis Intestinis Colo ac Recto, evacuataque Vesica urinaria, Ileum ante hanc plicam plurimo aëre tumuisse: si Coli finis, si Rectum Intestinum, si Vesica urinaria de integro sua quæque materia amplificentur, utique turgens Intestinum Mesocolon removere, in eoque, non satis retrocedente, Herniam generare potuit.

Notat autem Anamnelis Tympaniam non fuisse perpetuam, sed quovis sesquimense rediisse, sic ut una alterave septimana sileret. Quæ causa hujus? Si Catameniis suis, hisque quolibet sesqui altero mense redeuntibus, eo tempore adhuc ægra gavisa esset, quæpiam ratio phænomeni haberetur: imo si Mensibus cessantibus supervenisset hæc Tympanites periodica, causam hujus nonnullam ex menstruorum continuante nisu explicare forsitan anniteremur: Sed novem anni a mensium defectu ad principium Tympanias decursi, non admittunt ejusmodi explicationem.

Nunquid *Sanctorii* observatio de menstrua hominum Plethora lucis hic afferat quidquam? Quippe quæ hujusmodi irregularitatibus aliquando subjecta sit, quibus ea Feminarum menses qualibet 4<sup>ta</sup>. 5<sup>ta</sup>. 6<sup>ta</sup>. 8<sup>va</sup>. septima-

timana habentium Plethora, seu universa, seu uteri saltem topica, obnoxia est? Hac ratione causam quandam insultus hujus Periodici caperemus, modo constaret *annosiores* viros, feminasque, ejusmodi Sanctorianam Plethoram menstruatim pati. Verum quidquid de hac excitante causa sit, de eademque conjecturemur, veram certamque definire eam cum non valeamus, questionem totam in medio relinqueamus. Cogimur in similibus ignorantiam nostram candidi fateri. Hodie vir sexagenario major, convenit me, qui calculum non mediocrem, eumque asperum valde, in Vesica habet; ut quatuor Medici, unusque Chirurgus, absque ulla difficultate, primo Catheteris tentamine deteximus; interea dum a longo admodum tempore calculi cruciatus triduo tantum patiatur, triduoque denuo, nullo adhibito auxilio, liber.



liberrimus sit. Multa similia in *Rat. Med.* exempla protuli.

Duos autem veluti alios, novosque morbos, mulier nostra interea tolerare, medio ante mortem anno, debuit; quorum alter urinæ rodens acrimonia fuit, alter difficultas deglutendi. Cum neutrius mechanicam in cadavere causam detexerimus, Priorem ab humorum *Cacochymia* mucosa, acri, ad *europoieticum* systema determinata; alterum a portentosa Ventriculi expansione, in anteriora vehementer assurgentis, Oesophagique proinde finem distrahentis, vel Diaphragma quo loco Oesophagum transmittit comprimantis, suam duxisse arbitror originem.

Tandem Febris videtur duorum dierum frigore, die 12. Decembris incepisse, tertioque ejus die vel Hernia enteró-mesocolica accessisse, quæ Intestini

testini Ilei inflammationem, tympaniam, gangrænamque genuerit; vel Hernia talis ex Tympanitide Intestinorum genita accesserit: quæ ipsâ Hernia tam sua constrictione, quam nata Intestini Ilei ante Herniam Gangræna, mortem 4<sup>to</sup>. die intulit.

Sed quæstio gravis ex eo nascitur, quod femina gangræna periisse videatur, interea dum in vita pulsus, pluraque alia phænomena, longe abesse gangrænam clamitarent. Quippe defuerunt hic, quæ in Gangræna profecta consue, ut mortem & minetur, & inferat, signa enarrantur: Virium projectio, Pulsuum cum celeritate parvitas, Frigus extremorum, Oculorum collapsus, Faciei, Labiorumque præcipue, livor &c. Utrique si cum omnibus hisce, aut saltem præcipuis, videatur æger quisquam sibi de futura salute blandiri, non est, quod

quod propterea Medicus fallatur, indolentiæ partium, olim dolentium, causam ex Gangræna, eaque letifera, oriundam ratus: at vero nullo pravorum signorum præsentē, cessante etiam, quod affuerat, frigore, ægrotam nostram Gangræna intersectam esse, ut & ultima vitæ horula, & anatomicus docuit conspectus; res profecto est, quæ, ut ut illam hinc stupemus, illinc subtiliore ratiocinio quadantenus explicare periclitamur, novum saltem hunc medendi Canonem cudere jubet, ut, quantumvis disparentibus Gangrænæ signis, fallacem, infidamque quamcumque emendationem esse statuamus, quamdiu haud redierit perfecta salus.

*Exp. D. De Knobloch, natione Russus, qui biennii, ni fallor, spatio, indefessa diligentia Collegia mea omnia frequentavit, hujusque feminæ & morbo*

bo adsticit, & Anatomæ, Dissertationis suæ inauguralis (quam laudatissimam fuisse, licet necdum acceperim, reor,) materiem, me annuente, inde sumsit, dum æstate elapsa in Alma & Inclita Universitate *Leydensi* gradum Doctoratus acciperet.

§. III. Sartor 73. annos natus, plurima æstatis & autumnii parte anni 1766. Diarhoea, ac subinde Dysenteria laboraverat, incassum numerosis Medicamentis assumtis. Emollientia dein imminuere dejectiones, sed non stiterunt. Agyrta demum arcanis suis pessumdedit hominem, sic ut 19. Dec. inflammatione Intestinorum laborare ceperit, quam biduo neglexit; dein antiphlogistica methodo, purgantibus, oleo multo, opio, mercurio crudo, ter ad libram mediam assumpto, vindicari a morte non potuit, quæ contigit initio diei 27. Dec.



Dec. Cadaver 30. horis a morte, ejus in ædibus, nonnullis Studioſis, & Medicis, adſtantibus, aperui.

In Abdomine aliquot unciaë aquæ rubellæ inerant.

Inteſtina conſpiciuntur in Tab. III. Tenuia erant inflata valde; Cralla autem valde tympanitica. Inflammatio multa iis non aderat, præterquam ad finem Coli, in quo Obſtruſtio notabilis mox enarranda.

A. Inteſtinum Cæcum in dextra pelvi.

B. Flexus Coli I<sup>mus</sup>.

C. Flexus Coli II<sup>dus</sup>.

D. Reflexus Coli verſus ſuperiora, quam removi parum, quo clariuſ conſpiceretur. In cadavere enim pars D. & E. fere omnino latebat ſub B. & C.

E. Flexus Coli, iſque iterum ſub Hepate III<sup>tus</sup>.

F. Flexus Coli IV<sup>tus</sup>. iſque Lienariſ.

Tur-

Turgens hic Intestinum valde,  
Diaphragma vehementer trude-  
bat in altum; ut Cordis actio hinc  
quoque multum perturbaretur,  
oportuerit.

G. Descensus Coli ab hoc suo lienari  
flexu.

H. Flexus V<sup>us</sup>.

I. Flexus Coli VI<sup>us</sup>.

K. Flexus VII<sup>mus</sup>.

L. Flexus VIII<sup>us</sup>.

M. Flexus IX<sup>us</sup>.

N. Flexus X<sup>mus</sup>.

O. Flexus XI<sup>mus</sup>.

P. Flexus XII<sup>mus</sup>.

Q. Intestinum Rectum.

Maxime notamus flexus M. N.  
O. quos usque ad P. aperuimus. In-  
testinum sub hoc loco toto M. N. O.  
complanatum fuit, ut in eo cavitas  
deesset. Pars ejus M. N. L. K. tympa-  
nitica compressit hos subiectos flexus.

Pars XI.

M

Ex-

Expeditum fuit Iter ex Ileo in Cæcum.

Mercurium splendidissimi salis instar invenimus stercoribus mollibus, non formatis, iisque copiosis, mistum, 1<sup>mo</sup> in Ileo prope Cæcum, 2<sup>do</sup> in Cæco ipso. Sed homini dragmam Mercurii dulcis, cum aliis purgantibus, datam in hoc morbo fuisse inaudivi: unde forte qui hic ita splendidus inventus Mercurius fuit, Mercurius ille dulcis fuerit.

Dum circa hæc invicem colloquebamur, & Mercurium hunc eluebamus, chirurgi interea cadaver ob immanem foetorem consuebant; absque examine facto necessario Intestini tumentissimi ad C. quo constitisset an forte ibi maxima Mercurii moles non hæreret.

Ventriculus parvus.

Pulmo sublividus uterque; anteriorius firmiter, laxius in latere, laxissime

me in dorſo, cum pleura connatus.

Cor utrumque ita vacuum ſanguine, ut veluti elotum eſſet. Grumofus ſanguis utriusque in ſinu, in dextro magis.

Quæritur utrum ſolo in abdomine an vero etiam in Thorace, morti ſit quærenda ſtatuendaque cauſa?

Profecto in ſolo inteſtino Colo XII. flexus reperti ſunt, quorum plerique ad letalem obſtructionem ſufficiant. Et ut Colon, ita quoque inteſtina tenuia tympanitica erant. Sic ut & craſſa & tenuia Inteſtina, longe amplius, quo apte continerentur, ſpatium exigent. Ut ut enim Diaphragma & Peritonæum cedunt, tandem reſiſtunt: ſi nunc totus hic tubus adeo immaniter expanſus Clyſmatibus hinc, Medicamentis, Alimentis, Potulentis illinc, aſſiduo adhuc magis repletur; ſi aër, in eodem tubo adeo multus, mora vehementer



rareſcat; aër, inquam, qui in Phyſicis demonſtratur decies & ſexies amplius, quam primo ſpatium occupare poſſe; neceſſe eſt omnia hæc tumentiffima Intellina inter ſe ſe vehementer comprefſa fuiſſe, viamque ſibi mutuo præcluſiſſe: Hinc ad omnes duodecim plicas, in Colo intestino; ad plicas Tenuium longe numeroſiores; letalis obſtructio naſci potuiſſet.

Si præterea vim Meſenterii, quam ex eodem vulnerato, Ruſchius didici in vitam humanam ingentem eſſe, perpendamus; an non ab ejus in caſu noſtro comprefſione, vellicatione, contorſione, ac fere dilaceratione, horrenda phænomena, ipſumque conſequi letum poſſint?

Gangrana equidem aut Meſenterii, ac Meſocoli, aut Intestinorum, nondum vera aderat: verum & hæc, & illa; quando eorundem Arteriarum,

Vc-

Venarum, Nervorumque interceptiones, Nervorum præterea vellicationes, attente recogitemus; universum systema arteriosum, venosum, ac nervosum commovere, Sensorium commune, Vitalesque turbare Actiones, vitam demum sufflaminare, possunt.

Sed Vitales actiones lædere, ac sic sufflaminare, ut Cor vacuum utrumque repertum fuerit, & Hepar potuit, & flexus Coli superior, in sinistro latere: valida quippe horum in Diaphragma appensione, Cor cum suo Pericardio complanari, sicque basi sua flecti potuit, ut sanguis omnis in sinibus colligeretur, hincque vacuus reperiretur uterque cordis thalamus.

Quin & hæc Jecinoris in alta protrusio sola, forte necare hominem posset. Cogita eidem Venam cavam accrescere, hanc una cum illo attolli, violente distrahi, comprimique; cella-

lofitatem fortem qua vena eadem cum omnibus vicinis colligatur, vellicari, lacerari; Nervos in vicinia decurrentes, ac cellulofitate eadem implicitos, una cum Vena cava distendi, convellique; an non præter pessima alia symptomata, capiamus sanguinem venosum, ab inferioribus refluxum, hac lege præpediri ne in cor dextrum fluat? Idemque Hepar, si latum crassumque est, interea dum Diaphragma violente attollit, an simul non comprimit subjectam Aortam, Venamque cavam, quo universus sanguinis circulus perturbetur?

§. IV. Quinquagenaria Matrona, Cacochymica, Hydropis nonnunquam experta primordia, duro tumore in medio Hypogastrio laborans, frequenterque Colicam clausam, a qua enematis plerumque liberabatur, perpessa, tandem elapsa hac ætate, dum sat bene se habens aura rurali *Petersdorfsensi*,  
frue-

frueretur, fumfit, suadentibus in prophylaxin Amicis, lagenam Aquæ Sedlicensis. Vix vero epota illa, ventrem tormina vexant, nec solvitur alvus.

Auctis cum anxietate doloribus, injici jubet clysterem. Sed nec eo prodeunte, in urbem defertur. Clarus ejus Medicus, postquam multa auxilia artis frustra tentasset, Auri fulminantis vires explorare contendebat; sed nec sex ejus doses quid opis attulerunt. Vocatus fuit die quarto in consilium. Conclufum fuit fumi Tabaci experiri Clysteres; hisque non opitulantis, vivum Mercurium cum multo oleo amygdalino propinare.

Injecto porro hoc fumo, fæcum quidem aliquid prodiit, sed morbi interim increvere symptomata. An Tabacum nostrum vilius fuerit, ideoque non profuerit; eo quod clarus *Heystervs*, qui hæc enemata tanti fecit, op-



timum ad id commendet Tabacum? Præstantissimum profecto mihi in posterum comparabo.

Igitur die morbi 5<sup>to</sup> Mercurii vivi libra data est, qui cum Oleo amygdalino, trino haustu, assumptus mox omnem, ut solet, vomitum stitit, Ileumque morbum copiosa alvo brevi solvit. Rescivi postmodum ab illa, nobilissimoque marito, primis ab assumpto hoc remedio diebus Mercurium alvo liberaliter prodiisse, deinde vero parcius: sic quidem, ut 14. ab ejus assumptione die adhuc globuli Mercurii cum sæcibus conspicerentur. Ex illo tempore & bona, & quotidiana Alvus est. Reliqua ejus incommoda perseverabant, & Hydrops crurum, femorumque: sed perseverante tumore Hypogastrii, atque Hydrope intercute artuum inferiorum, redeunte, viribus sensim defecit, ac trimestri spatio a curato

to Ileo elapso perit. Inspectione cadaveris, ut audio, constitit corpus durum, atque ingens, ex Uteri substantia genitum esse. Forte id annorum aliquot spatio dolorem & obstructionem, Intestini sive Ilei, sive Coli, partem plus minus premendo, creavit, ipsumque demum Ileum: ita tamen, ut Mercurii pondus Intestinum compressum dilatare, reddereque potuerit permeabile. Optimus Hofmanus notavit quoque, Capite *de dolore & spasmo iliaco*, a sex Mercurii uncis assumtis intra 5. horas a vomitu prodiisse, & cum illa hujus semimetalli unciam, ultraque duas hebdomadas semper ejusdem quidquam in facibus conspectum fuisse. Cuius hunc post sequentem historiam commentabor.

§. V. Anno 1752. vocabar ad Coquam Ileo morbo laborantem, a Colica pictaviensi, ut videbatur, orto. Ple-

raque auxilia frustra adhibita erant. Etiam auctoritate *Galen*i ingens Cucurbita admota umbilico fuerat; postquam non modo non levatus fuit, sed in tantas convulsiones incidit, horæ quadrantem durantes, ut a tribus robustis viris vix teneri, vix gubernari, ne sibi noceret, lectove excideret, posset: ex convulsionibus autem, Epilepticorum instar in somnum stertorosum incidit, algido cum sudore, & omni modo pulsu inæquali. Cum autem æger pridio furibunde delirasset; validissimaque convulsione totus quantus in altum esset sublatus, perfecta que Amaurosi affligeret; non est cur convulsionem post Cucurbitam natam, Cucurbitæ adscribamus. Amaurosis hæc, ut &, quæ affuit, Ischuria, Ileum, ex Piclavien-  
sum Colica ortum, designabant.

Post hanc convulsionem vomitus continuus fuit potus, alimenti, & me-  
di-

dicamenti. Id autem constanter observatum est, quod cerevisiam, quam clam subinde frigidam hauserat, non evomisset.

Quarto die sumsit unc. iii. Mercurii crudi cum unc. ii. Olei Amygd. Eo non agente, dedi sequenti mane, scilicet die morbi quinto, unc. iv. verum duas tantum deglutire voluit; duas reliquas sumsit die sexto.

Ut *Celeberr. Hoffmannus*, loco infra citando, in sua Matrona magnam ab assumpto Mercurio tranquillitatem observaverat, ita quoque in meo Coquo, a tribus hisce singulis Mercurii dosibus, tres noctes longe tranquilliores sequebantur. Alvus tamen nondum solvebatur, nisi repetito enemate. Ab hoc demum Alvus copiosa, sed absque ullo Mercurio. Nihilominus vomitus redibat cunctorum, præterquam frigidæ cerevisiæ. Altero enemate injecto. modica



dica prodiit, citra Mercurium, Alvus ;  
ut & post tertium enema, quod elap-  
so trihorio ab ultima alvo injectum  
erat. Doloribus inde crudelissimis ob-  
ortis, insedit calido molliente balneo  
ad jugulum fere usque ; horæ. Quar-  
tum postea enema, idque purgans, in-  
jectum est ; unde alvus quidem prodiit,  
sed nullus cum ea Mercurius. Dolo-  
rum ferocitas & quintum clyfma, id-  
que oleosum ; & olei cum opio potum ;  
poposcit. Septimo morbi die, post to-  
lerabiliorem ab opio oleoque noctem,  
sextum Clyfma injectum est, ab eoque  
cum fæcibus copiosis pars Mercurii pro-  
diit. A septimo & octavo clysmate,  
sine Mercurio alvus. Die octavo post  
nonum clyfma aliquid Mercurii fæces  
habent. Jam demum ad se rediit mens,  
gutta serena ablata est, appetitus ad-  
fuit, pulsusque omni modo bonus.  
Nona die spontanea Alvus prima, cum  
plu-

plurima veluti corrofi, ac nigricantis, Mercurii parte. Diebus aliquot fubfequentibus examinatae faeces, naturali modo quotidie redditae, nullum amplius Mercurium habuerunt. Graviffimo hoc morbo foluto, nulla fecuta Paralyfis eft; quod in eos noto, qui Paralyfin, a Colica Pictonum oriundam, dato adfcribant opio. Sed hos refutare non eft opus, cum experientia abunde evicerit 1<sup>mo</sup>. non raro Paralyfin jam cum morbi principio nafci; dum de opio aut dando, aut non dando, nulla adhuc quaefitio fit. 2<sup>do</sup>. Nervorum vellicationibus, & diftractionibus, prudenti opii ufu mitigatis, rariorem longe a Colica Pictonum Paralyfin observari, quam quando falfo praconcepta de Opio opinio uſum ejus in hoc morbo damnat.

Refractam valde Mercurii doſin dedi, cum quod ſummopere reniteretur

æger, ut ex historia patuit; tum quod eandem, eave minorem, sufficere clari Viri censuerint. *Riverius*, 1. 2. uncias sibi scribit suffecisse. *Sylvius De Le Boe*, *idea prax. med. Libr. 1. cap. 15. §. 53.* idem confirmat. *Paræus Libr. 21. uncias iii. sufficere testatur.* Alias majorem dosin Medici exhibere solent. *Ribodius Cent. 2. No. 80.* scribit unc. v. melle rosaceo mistis, *Iliacum deploratum* se curavisse. Celeberrimus *Hoffmannus Tom. 4. part. 2. Sect. 2. cap. 4. obs. 4.* Matronam unciis vi. sanavit. Et *Paræus*, qui tres modo uncias dedit, plus dari posse censuit, laudando *Marinum sanctum Paralitanum*, qui plus simplici vice Libram, imo Libram sciquialteram, mulieri dederit, eamque citra noxam alvo viderit brevi ejectam. *Zacutus Lalsitanus Prax. adm. Libr. 2. observ. 35.* strenuissimo Duci Libram optimo cum eventu propinavit. Imo *Libr. 2. de Princ. med.*

*med. hist.* scribit multos in Ileo conclamato Mercurii libra, cum aqua calida haulta, ab imminente mortē liberatos esse. *Kalschmidius in Actis N. C.* Libram quoque dedit. Et Matronæ nostræ §. IV. Libram generose dedimus, 1<sup>mo</sup>. quia, non ut Coquus, tergiversabatur, sed ad omnia paratam se exhibebat. 2<sup>do</sup>. quia metus mortis in procinctu erat, ni extemplo levaretur. 3<sup>tio</sup>. quia cum infons esse remedium constiterit, tutior magna, quam parva, dosis esse videtur.

Verumtamen obstat *Hoffmanni* auctoritas, qui caute mercandum esse suadet, eo quod ægri a Mercurio epoto non minusiis, qui Mercurium fodiunt, depurant, aut quomodocunque tractant, Nervorum sibi contrahere morbos possint; idque videtur feminae demonstrare exemplo, cui ultra 14. dies quid hydrargyrū alvo prædiret: „ul-  
ti-



„ timo vero loco, inquit, id non præ-  
„ mittendum esse cenſeo, quod col-  
„ lectis licet viribus, ſomnoque & ap-  
„ petitu redeunte, tremorem in artu-  
„ bus, atque vacillationem & impo-  
„ tentiam in pedibus, ultra menſis ad-  
„ huc ſpatium, perceperit: quæ per-  
„ moleſtæ affectiones dextro nihilo-  
„ minus Balneorum uſu prorfus de-  
„ mum ſublatae, & diſcuſſae fuerunt.

Negari utique non poteſt Mercurium, licet in ſanis mox alvo elabatur, licet etiam in Heo morbo ſæpè cito pertranſeat, tamen in Ileo, obſtru- ctis admodum Intestiſtis, diuturnio- rem aliquando moram trahere. Co- quus noſter eum ſex diebus ventre con- tinuit; Matrona noſtra, & ea *Hoff- manni*, 14. diebus, licet copioſa quo- tidie alvus prodiret. Utrum duriorẽ ſæce, craſſove muco, involutus, in Coli cellulis demoretur, an in Cæci de-

delapsus Appendiculum sit, quibus a locis paritum lenteque depellatur, determinare non ausim. An in hisce Latibris moratus ab acrimonia quadam erodi possit? Sicque Nervos non tantum crudus, sed & acer factus, lacerare queat?

Quodsi hæc ita se haberent, an non præstaret aureos globos deglutire? Aurum enim Mercurio tanto gravius, videretur esse quoque tanto ad fæces depellendas potentius; & si diutius in corpore moraretur, non foret Nervis inimicum ita, ut Mercurius. In Ileo datum fuerat frustra horrendum purgans ex granis. iv. Mercur. Vitæ, cum x. gran. Troch. Alhandal. Deglutitis tandem globulis aureis duobus, sequenti die copiosissimæ fæces prodire, & globuli aurei post 36. horas: vide *Burneti Ther. part. j. pag. 357.*

*Part XI.*

N

Sed

Sed contra: illustr. *Hoffmannus* unicum modo proferre potuit, quo hanc assertionem probaret, exemplum: deinde merito quaeritur, num hoc exemplo id, quod probare conabatur, vere probaverit? 1<sup>mo</sup>. enim Paralytici morbi centies observantur curatos Iliacos a tergo sequi, si Colica Pictonum in causa fuerit, licet Hydrargyron non potaverint. 2<sup>do</sup>. *Winklerus* apud *Bonetum*, *Med. Sept. Lib. 3. cap. 30.* exhibet hominem nobis, qui ope succi Librarum sex putridorum pomorum *Borstorfiensium* ab Ileo liberatus, nihilominus contractura membrorum, spatio 18. septimanarum laboraverit. Et 3<sup>tio</sup>. aegri mei, Mercurio ab Ileo curati, nullos passi sunt Nervorum morbos.

Sed aliud quid timetur, ne scilicet frigore noceat. Unde & nonnullos id calide cum potu, aut jure carni-  
um,

nium, ut mox ex *Zacuto* discēbamus, ingēssisse videmus: & *Henricum ab Heers Lib. 1. obs. 2.* „ ne Mercurius frigore suo interanea lædere posset, „ statim clysterem ex puro cretico vino injecisse, legimus. „ Hoc autem experimenta docere debent, quæ an adsint, videamus.

1<sup>mo</sup>. In *Iliaca clari Hoffmanni*, & in meis, Mercurius Vomitum aut omnino, aut ad tempus, stitit; & symptomata plus minus pacavit.

2<sup>do</sup>. *Hoffmannus* ibidem casu V. ægræ suæ iliacæ dedit pro omni potu „ aquam fontanam frigidam puram, „ aqua Menthæ correctam, „ jus Libræ salis Absinthii dr. j. & succi citrei unc. β. adjecerat, more *Riveriano*.

3<sup>tio</sup>. Idem magnus Autor gelidæ usum cum Collega *Naboth*, testatur



egregium ejusmodi in morbis se observasse.

4<sup>to</sup>. Experimenta, *Tom. IX. Rat. Med. Cap. V.* relata, docent Ileum morbum Neapoli aqua gelida curatum; potum frigidum eidem ægro postmodum, *Viennæ* eundem in morbum relapso, unice proficuum; Herniamque incarceratam gelidæ admotu fuisse sanatam.

5<sup>to</sup>. Illustris *Hoffmanni* Oenepola vomitu cuncta rejecit, præter aquam gelidam, cui quidem calentis frustulum panis injectum erat, calorem vero ab illo fervare non poterat.

6<sup>to</sup>. Idem in Epicrisi ad hunc Iliacum morbum, hanc suam frigidam aquam laudat impense, testimoniumque *Amati Lusitani* affert, asserentis, „ se atrocem Intestinorum dolorem „ aquæ frigidæ exhibitione subito, „ & incantamenti instar, sustulisse.

7<sup>mo</sup>.

7<sup>mo</sup>. Idem Autor præterea Tom. IV. sect. 2. cap. 5. laudat utrosque Lusitanos *Zacutum*, *Amatumque*, ut „ qui „ Colicam *Biliosam*, (nobis dictam „ *Pictâensem*) cum aquæ frigidæ potu, tum nivis usu, curatam meminissent.

8<sup>vo</sup>. Adjungit ad hæc *Hoffmannus* observasse se se „ Paralyfin, hac de „ Colica natam, frigidioribus, quam „ calidis Balneis, magis auscultasse.

9<sup>no</sup>. *Petrus Forestus Lib. 21. in Schol. ad Obs. 12.* mire quoque utrosque Lusitanos laudat „ quod aquæ frigidæ interno, externoque usu, complures „ & a Colicis, & ab Iliacis morbis, „ curavissent.

10<sup>mo</sup>. *Joannes Crata Lib. 3. cons. 13.* Medicos magnos existere ait „ qui frigidissimam aquam adhibeant in hisce Morbis.

11<sup>mo</sup>. *Burnetius in Thesouro Lib. I. pag. 315.* scribit *Franciscum Gautier* non nisi frigidissimis tantum & exhibitis, & admotis, ab hoc morbo curari potuisse.

12<sup>mo</sup>. *Septalius Lib. 7. animadv. pag. 248.* Hominem ventris dolore ad omnia rebelli fere enectum, ut algidus sudor jam adesset, nullusque ultra percipiendus pulsus; aqua multa, etiam nive frigesacta, sic mutavit, ut mox in somnum 4. horarum incideret, ab eoque somno alvum copiosissimam deponeret, ac integræ restitueretur sanitati.

Ex quibus omnibus, ni fallor, conficitur id, ut Mercurius frigoris causa non modo non vituperandus, sed potius laudandus sit: ut cuncta in genere frigida actu, motum convulsivum a loco affecto Intestini versus superiora moderando, sedandoque, efficiant, ut  
mo-

motus peristalticus ab irritante in affecto Intestini loco causa exsuscitetur, animetur, solusque nunc agens, materiae obstruentis determinationem versus inferiora promoveat.

Num forsitan, cum *Hippocratis* Tetani frigidae aquae affusione curandi Methodo, hujusmodi convenirent Observata? Profecto si toties, aut totus Ileus convulsivus est, aut convulsio aliunde accedens, hunc morbum alias fors solubilem, jam irresolubilem reddit, gelidorum Nervis applicatorum efficacia, videretur ex Methodo *Hippocratis* explicanda: & esset quoque huc referenda Historia, quam *Ill. Praeses ex Aët. Edimb. Tom. 5.* profert, in qua ad morem Hippocraticum prudens gelidae affusio Ileum morbum, qui consuetae Methodo, calentibusque fomentis, minime obaudiverat, feliciter sanavit: quo eodem



dem modo illustris *Westerhoff*, *Rat. Med.* Tom. IX. pag. 211. incarceratam Ventrulæ Herniam, calidis fomentis immorigeram, aquæ gelidæ applicatione sanavit.

Est tamen Methodus Tetanum curandi *Hippocrati* duplex: altera quidem frigidis, calidis altera admotis; ut demonstravi Tom. X. *Rat. Med.* a pag. 149. ad 153. Eodemque plane modo duplex & nostra est: plures enim & calidis epotis, & calidis percuramus fomentis; nec, nisi his irritis, ad frigida audacter confugere solemus.

Quæstio superest an tuto in hoc morbo violenta & acria remedia Umbilico adplicentur?

Varia argumenta videntur huic applicationi patrocinari. Imo, *Galenum* novimus ingentem Cucurbitam Umbilico admovisse, idque plures laudasse Practicos.

2<sup>do</sup>. *Ballonius Epid. 1.* „ Vidimus,  
„ inquit, cuidam acerbitate doloris  
„ colici detento, placatos esse dolores,  
„ adhibito Umbilico modico empla-  
„ stro caustico, & veluti Escharam  
„ faciente, & intus foras evocante.  
Sic refert ille, licet haud omnino id  
approbare videatur, sed, ad affinia  
effectu remedia, aliquanto autem tu-  
tiora, ut confugiamus, hortetur.

3<sup>io</sup>. *D. Sennertus Lib. 3. part 2. Sect.*  
*2. Cap. 2. & quoque Lib. 5. part. 3.*  
*Sect. 3. Cap. 6.* „ Efficax est ad Co-  
„ licam Oleum Saponis, quod sic  
„ paratur: R. Sap. Hispan. part. I. Cal-  
„ cis vivæ part. II. Destill. per alemb.  
„ vel retort. Oleum ab aqua sepa-  
„ retur, cujus gtt. 6. vel 7. Umbili-  
„ co cum gossypio imponantur.

4<sup>to</sup>. *Dissertatio Duisburgi ad Rhe-*  
*num prodiit, anno 1763. Autore Ma-*  
*thæo Bruckner, de Colica Pictorum, cu-*

jus in cura commendatur lati, fortis-  
que Emplastri Vescantis, cum Cantha-  
ridibus parati, applicatio, ad locum  
Ventris plurimum dolentem. „ Hoc,  
„ inquit, ita agit per Nervos in Emis-  
„ saria organorum excretoriorum,  
„ ut disponantur ad transmittendum  
„ recrementum. Non extimescen-  
„ dus est ille dolor levis, inde excita-  
„ tus, ac si dolorem dolori addere-  
„ mus. Nec volumus inquirere, an  
„ revellendo, an attrahendo, an sti-  
„ mulando, agat illud? Scire suffi-  
„ cit optatum impetrari effectum,  
„ puto doloris colici imminutionem  
„ ex topico tali, anodyno hic om-  
„ nium summo. „ Sed cum in Coli-  
ca Pictonum præcipuus dolor ad um-  
bilicum sævit, videtur Autor ille Ve-  
sicantis ad Umbilicum intelligere ad-  
plicatum: imo posthac id videtur ju-  
bere, siquidem addit: „ Interea dum,  
„ hæc

„ hæc aguntur, nempe cum Vesica  
„ elevatur in regione umbilicali &c.  
„ Ergo umbilico applicandum jubet,  
idque diu tenere apertum; sin minus,  
a latere alterum imponendum esse. „  
Ac demum addit: „ curam tutissimam,  
„ citissimam, jucundissimam, *methodo*  
„ *nostra constanter observavi succedere,*  
„ qua *Paresis* arceri & præcaveri po-  
„ test, & debet: & quo citius his suc-  
„ curritur, eo minus periculi.

Non video cur minus in despera-  
to hoc morbo uteremur Vesicantibus,  
quam in sæva Pleuritide, postquam  
debitæ & evacuationes, & applica-  
tiones, vehementiam non moderan-  
tur doloris: unde cum Vesicans in  
Pleuritide sæpe miranda præstet; cum  
& Acria, & Vesicantia, Autores in Ileo  
morbo tantopere laudent; tuto nos  
in hoc morbo vesicantibus uti posse  
arbitror; postquam, ut in pleuritide,  
con-



confueta artis adminicula incassum adhibita fuerint. Et quemadmodum haud in laterum dolore Inflammatorio duntaxat, sed & in Rheumatico, atque Spasmodico, Vesicantium laudamus, extollimusque effectum, ita quoque in varia Ileii natura eadem confore reor.

Est autem aliquid, hac occasione monendum. Oleum Lini clysmate frequentius injectum, Oleum amygd. recentiss. ore assumptum, morbo huic egregie mederi non semel vidi; ipsum autem Lini oleum, cum nauseolum sit, ægrique hi continue fere vomant, raro ore sumendum dedi: cum tamen idipsum nunc pereipiam ab exp. Viro *Gallesky*, *Tilsitsensi Medico*, tot tantisque effleri encomiis, dum unum ejus, alterumve cochleare, quavis hora in potu aliquo calido exhibetur; ita quidem, ut etiam post stercoreum vom-

mi-

mitum salutem afferret; tuto quoque in posterum explorare expedit.

Machinam Italicam, de qua *Tom.* 8. & 9. egi, in hoc morbo tantopere laudatam, Brutis tantum applicui, non applicaturus hominibus, donec numerosa *Italarum* exempla majorem ingerant fiduciam audaciamque: tum quod semel iterumque sese obtulerit experimentum in Cadaveribus humanis, tantam esse nonnunquam Valvulæ Coli resistantiam, ut ne ingens quidem hujus Machinæ potentia eam potuerit superare; tum præsertim, quod mirandus ac formidandus ille casus, quem *Rat. Med. Tom.* 9. à pag. 221. ad 229. retuli, homini profecto, si contingeret, letum indubitato esset illaturus.

# CAPUT IV.

## DE VARIO HYDROPE.

§. I. *Paracentesis Abdominis fortunata, quam Lympha educla sperabilem non fecerat. Laus Cordicis Peruviani hoc in casu. Phænomena Lymphae educlæ, & facta cum eadem experimenta.* §. II. *Alteræ Paracentesis Oclen- nis puellæ. Aliquid circa requisitam corpo- ris in Paracentesi positionem. Remediorum a Paracentesi datorum, Chinæ potissimum, recensio. Experimenta cum Lympha facta.* §. III. *Paracentesis tertiæ feminae 28. anno- rum. Et quoque optimos a Cortice peruviano hæc est experta effectus. Occasione experi- mentorum, de Lympha captorum, quædam de Lirbiæsi. Explicatio Textus prognostici ex Hipp. Libr. ij. Protrh. Quædam de Hy- drope Peritonæali.* §. IV. *Paracentesis quar- tæ. Phænomena Lymphae. Duplex in hac femina morbus, Pectoris, Ventrisque. In- certitudo utrum cum Ascite Cysticus, an so- lus adesset Ascites? Reditus Ascitis post Pa- racentesein, & tandem Mors. Anatome.*  
Epi.

*Epicrisis. Tumor in Vita manifestus, in Cadavere non invenitur; ad quod explicandum §. sequens adornatur. §. V. Tumor Epigastrii mobilis; tumor profundior Ventris veluti emphysematicus, in vita percepti, citra eorundem in Cadavere vestigia. Ascites adfuit. Cur haud instituta in illo Paracentesis? Anatomie mirabilis. Epicrisis. Phænomena Lymphæ. Curiosa Membrana inventa in Ventre. Ventriculi degeneraciones frequenter prope Pylorum inveniuntur. Quid demum fuerit id, quod nobis tumoris dederit perceptionem? De interna externaque sanguinis transsudatione. De judicatoriis nihil judicantibus. §. VI. Cysticus Hydrops, in quo cœter est instituta Paracentesis. Enarrantur auxilia, quæ interne externeque admodum sunt. Mors. Inspectio Cadaveris. Multa in eodem maxime notanda. Et Virgines quoque uterinos quosdam morbos, quos alias viro usæ, pati possunt. De Vermibus quædam. §. VII. Pathologica discussio quintupliciter nobis notum Hydropis, una cum serio examine 1<sup>o</sup> Diagnosticorum singuli signorum; 2<sup>o</sup> Auxiliorum, quæ peti ad singulum ex Medicina, Chirurgia-*



*gigue, solent; 3<sup>to</sup>, ex demonstratione incertitudinis Diagnosticos; tutior medendi Methodus proponitur.*

§. I. **F**emina 25. annorum, convenit medic 15. Maji anni 1766. referens elapso abhinc sesquianno se, in quintum mensem gravidam, febre intermittente correptam fuisse, ab eaque non liberatam, nisi sexta demum a Partu septimana. Lochia parcissime fluxisse; vix detumuisse a partu ventrem; & in octavam usque septimanam sese macram, debilemque, lactasse infantem: febre autem sexta a partu septimana exulante, tumidiorum ventrem sibi redditum fuisse, cruraque tumere cepta: hæc tamen postmodum, non illum, detumuisse.

Deprehendimus manifestam in Ventre fluctuationem. Nonnullis Medicamentis frustra usæ erat: & licet a  
sex

sex retro septimanis Baccarum Juniperi Infusum, quod sæpe confert, largiter bibisset, paucam tamen admodum urinam reddebat, multaque siti vexabatur. Menses tamen sub hujus infusi usu redierant, appetitus aderat, & quotidiana Alvus.

Dedi ipsi salem Alcalinum in Vino; Vinum squilliticum, aromaticum, &c. a quibus dum nihil omnino evaretur, ad Paracentesin obeundam in Nosocomio mansit.

Paracentesi 28. Maji instituta, prodire 68. Libræ aquæ, non sætentis quidem, sed subrubellæ, grumoso sanguine in Vasorum fundo paulatim collecto. Lympha ad ignem parte multa avolabat, parte aliqua coagulabatur; admistu syrapi Violarum colorem non mutabat.

Emulsio leviter pægorica mox dabatur, admista uncia unica Aquæ

Cinamomi simplicis, a qua molesti post operationem flatus commode discutiebantur. Pressione Aquarum ablata, promota mox urinarum secretio & excretio est: sic ut decima postea hora urinæ libram mingeret, deque die in diem copiosius, cum crasso sæpe sedimento.

Et hoc die, & toto tempore, quo in Nosocomio fuit, calor 96. 97. graduum, calor utique hominis sani, fuit. Mox bonus ab operatione appetitus, quamque passa inexplibilem erat, sedata sitis fuit. Intra 15. dies adeo convaluit, ut repeteret pagum suum.

Eventum adeo felicem Aqua, ventre educta, sperare vetuerat. Copia namque magna cruoris singulo in vase, quo eam effluentem exceperamus, subsedebat. Hinc partis cujusdam Diabrosin, facileque insequuturam Gangræ-

granam, similes olim captæ observationes vereri jubebant.

Ut autem, quoad ejus fieri posset, hanc infaustam Prognosin averruncaremus, dedimus feminæ mox a conspecta postridie hac Lympha, unciam integram Corticis Kinæ quotidie; domumque redeunti semilibram ejus procuravimus illi, ut unciam mediam quotidie adhuc sumeret.

§. II. Octennis Puella, parvæ valde staturæ, rachitica, Variolas quinquennis passa, sana exinde, ceperat ineunte Octobri 1766. abdomine tumescere, & intra 14. dies ejus esse molis, quam nobis medio Januario 1767. in Nosocomio, cum manifesta fluctuatione, monstravit. Cum ab egregio solertissimoque Medico *S. Rathberger* optima ac selectissima remedia, summa quidem cum prudentia, incassum vero, exhibita essent, autor Matri suæ, ne inani me-



dicatione vires ultra dilapidarentur, ut paracentesi aquam extrahi sineret. Annuit. Jan. 21. eam instituimus.

Instrumentum triquetrum difficulter intravit, nec sine dolore solito majore. Causam rimati, deprehendimus eam hic esse, quod jacente corpore Lympha minus in pubem gravitans, superiora versus fugiat, si Venter totus Lympha non expandatur. Unde si quis postmodum evacuandus Hydrops est, qui universum ventrem non tendat, corpore erecto puncturam faciemus; ut a gravitante aquarum in Epigastrio mole tendatur maxime is, qui pertundendus est, locus.

Libræ duntaxat sex effluxere Lymphae; nihil fætentis, ad ignem coagulabilis, ex flavo viridescentis, turbidioris, ac sensim ejusmodi floccos suspensaque filamenta contrahentis, ac si ferum, aut lympa, in filamenta jam

coagulata, in reliquo humore fluctuaret. Alvus, & urina, quæ pigres antea, ac parcæ fuerant, mox liberæ, copiosæque, fluxerunt. Dedi illi libram Emulsi cum uncia Syrupi Althææ de die, similemque nocte cum uncia Syr. Diacodii. Nulla sitis. Appetitus, somnus, pulsus, vires, bona. Urinæ plerumque major, quam assumti liquidi copia; sic ut videretur, liberatis ab aquæ compressione visceribus ouropoieticis, id, quod reliquum lymphæ, infimo in ventre fuisset, & absorptum, & renibus feliciter excretum fuisse.

Decima exinde die, quo restaurarentur omnia, & Recidiva averruncaretur, Cortex Peruvianus ipsi datus, eoque 3. septimanarum spatio sic usa puella est, ut decoctum uncix mediæ Corticis absumeret quotidie. Convaleuit egregie, ita ut Matri brevi resti-

tueretur ; ac medio ab illinc elapso anno sese nobis belle valentem stiterit.

Lympham Paracentesi eductam, in tribus majoribus vitris servatam, quotidie examinavimus, & necdum putrem eam 4. Febr., die post operationem 15., invenimus. Quin denuo hoc 15. die lympham nitido in cochleari igni exponentes, more feri sanguinis, & sani, & recens educti, in massam scissilem, albuminis ovi instar, coagulari deprehendimus. Cum Syrupo Violarum tamen viridescebat ; virore post biduum evanido toto. An signum alcali hæc viridescentia ? Flavi colores solent hunc syrupum viridem reddere perpetuo. Sed & serum non, aut vix, flavum, quod quorundam hominum sanguini misso adest, syrupum viridem reddere vidimus. Et ovi albumen, minime coloratum, syrupi viridem reddit colorem. An igitur cuncti humo-

res animales latens quoddam Alkali possiderent, quod syrupus violarum præprimis indicaret? Attamen serum hydropicum §. I. hujus capitis syrupi haud mutavit colorem: an hoc, quia pauca tantummodo parte coagulabile erat? Verum cur omnis ab hac miscella viror natus, intra biduum evanuit? Sed quoque in Misturis color, eidem a syrupo hoc conciliatus, brevi mutatur.

Die 12. Febr. qui a Paracentesi 23. erat, ipsa hæc Lympha, eousque conservata, manifesto efferbuit cum aceto. Alia ejus portio ad ignem coagulata fuit: indurescebatque præterea in scissilem massam glutinosa illa materies, quæ in Lympha hac primo diu suspensa, ad fundum denique subsederat. Liquor proinde animalis, qui quiete, in aere aperto, 23. dierum spatio, & putrefactus, & alcalinus erat, vim adhuc plasticam suam, seu coagulabi-



lem, servat; ubi tamen humores putredine resolvi, ac sua coagulabilitate privari, vulgo creditur. Doleo me tentamen cum syrupo Violarum hoc tempore neglexisse.

§. III. Femina 28. ann. procrea, torosa, venusta, convenit nos die 25. Octobr. 1765. enarrans sequentia.

Decennium erat ex quo nupserat. Vix nupta autem, dolore, atque ardore Abdominis immani, cepit torqueri spatio nocturno; qui, ut alvo pertinaciter clausa ceptus, ita quoque enemate passim solvi solitus est. Quotannis hucusque idem malum repetivit, semper autem ad enema consuetum conticuit. Quinquennium numerat ex quo intumescere cepit Abdomen, paulatimque sibi visum est augescere. Passa quoque totis hisce annis Cephalæam gravem, frequentemque, est. Gravida nunquam fuit, Catameniorum

per-

perpetuo ordinata n fluxum habet. Album fluorem primo sex menses passa, citra ullam ardorem, dolo-remque, postmodum vero tantum circa menstruum tempus. Mane solet tussire, crassamque ejicere, glutinis instar, materiem. Alvus bona. Facies sana, pulcra. Nullus unquam crurum pedumque tumor. Decies & octies, dierum 9. spatio, *Baadenfi* balneo usa citra levamen est; nisi quod recuperaverit, quem amiserat, appetitum: attamen angustia pastu solita, appetitum explere non audet. Non sitit unquam fere in vita sua. Sedentaria est.

Ex observationibus, quas occasione alia §. VI. recensebo, Hydropem aut laccatum, aut peculiarem inter Peritonæum ac Musculos abdominales locatum, suspicari quis posset; sed manifesta fluctuatio arguebat Ascitem. Quamobrem remediis in Ascite pluri-

mum laudatis, ac potissimum Vino, Bulbo recenti Squillæ, Aromatibusque, medicato, morbum debellare ultra duos menses annis, spem aliquando magnam fovi salutis; verum malo rursus increfcente, Paracentesin suasi; quam cum repudiaret, rem commisit naturæ, nec rediit.

Tandem die 29. Julii hujus, quem vivimus, anni, se rursus stitit, monstrofe tumens, maxime hypogastrio, Paracentesin subitura: quam elotis pridie intestinis, die 3. Augusti perfecimus. Ascites enim haud minus jam, quam olim, ex fluctuatione manifestus apparuit: quin & nunc raram Alvum, ac paucam conquerebatur urinam.

Figura hæc abdominis, monstrofus nunc ad Hypochondrium penduli, atque ad media femora descendentis, revocabat nobis in memoriam Ventris effigiem, quam *Job van Mekeren* in suis

*fuis Observationibus* dederat, una cum phænomenis, eorum, quæ femina nostra patiebatur, consimilibus : circa quæ egregius vir *J. B. Morgagni* haud minore cum judicio, quam experientia, commentatus est : & circa quæ ipse postmodum fusius disseram.

In Paracentesi ægra doluit transeunte instrumento, minus principio, quam fine, antequam totus venter esset penetratus.

Aqua limpida, inodora, non colorata, Librarum 54. pondere effluxit; ultimo in vase leviter tineta cruore, eo quod aquam omnem vacuare conati, vix nus utcumque irritassemus.

Ut omnes, ita hæc femina, nullam debilitatem, nullam anxietatem, nullam vultus mutationem passa est. Quippe causa horum incommodorum prævenitur, hodierno more adaptando machinam Aqualiculo, quæ illum to-

tum



tum pro ratione eductæ Lymphæ mol-  
liter, æquabiliterque, stringat. Et quod  
omnes passim numerosi flatus ac bor-  
borygmi torquent, nostra non est pas-  
sa, cujus rei mox forte ratio patebit.

Cum nunquam sitiret, vix bibit  
die Libram emulsi, & Panadellam in  
nutrimentum sumsit. Nihilominus  
sex & ultra libras urinæ misit. Pul-  
sus, somnus, optimi. Atque ita  
a principio operationis bene se  
habens, domum rediit 13. Augusti.

Verum quemadmodum prioribus,  
sic & huic mulieri, Corticem Peruvia-  
num dare cepimus jam tertio ab ope-  
ratione die, mediæ unciae quantitate  
spatio nocturni; ne scilicet ope-  
rationem Gangræna sequeretur, ut vi-  
res conservarentur, fluida compingo-  
rentur, ac demum adstringerentur,  
roborarenturque sic Solida, ut omnis  
recidiva, quoad ejus fieri posset, aver-  
tuncaretur. An igitur quod ægri no-  
stri

ſtri tam belle ſe ſe poſt Paracenteſin, habeant; quod quovis pravo Symptomate careant; quodque tam cito ad negotia ſua redeant; Corticis Peruviani uſui magnam partem adſcribendum eſt?

Lympha aſſervata in ſpatioſo cubiculo, in quo, ope venti admiſſi, calor Atoſphæræ, foras calidiſſimæ, vix 70. gradum excederet, ut non in eductione ſætuerat, ita nec toto quatuor dierum ſpatio ſætorem ullum contraxit: his demum elapſis ſenſim ſætere cepit; omnium vero primum illa, quæ ultimo eduçta, ſanguinis id pauculum, cujus memini, gerebat. Porro idem ille ſanguis pauxillatim diſparebat, atque Lympham pellucidam relinquebat, minimeque coloratam: hæcque iterum Lympha, corrupta demum penitus, exhibuit nobis copioſam arenam, ad latera vaſis aſſi-

xam,

xam, eodem plane modo, quo toties in Urinus ægrotantium contemplamur.

Confirmatur inde Lithiasin haud unice ab urina, verum etiam ab aliis generari humoribus; mirumque propterea non esse, quod quocumque humani corporis in loco calculos Medici, atque Anatomici, invenerint. Nec minus capitur causa, ob quam ruber noster sanguis rubedinem pedetentim amittere possit; sicut demum pallidus humor, vix coloratus, in internis palpebris, labiis, internis naribus, totoque ore interno, appareat.

Lympha hæc & principio, & post quadriduum, & cum demum foetebat, in pure cochleari igni imposita in massam scissilem coibat. Confirmatur hinc observatio §. præcedentis.

Redeamus paulisper ad Diagnosin nostram, quæ vel cum Hydrope ascite

te Cysticum, vel Hydropem peculiar-  
rem, Peritonæum inter Musculosque  
abdominales, designare videbatur;  
eoquod in utraque hac specie, col-  
lectis sententiis Nuckii in *Adænographia*,  
*Gullmanni Tom. 3. actor. C. N. Obs. 105.*,  
*Maucharti Eph. N. C. Cent. 8. Obs. 14.*,  
*Drelincourtii in Resp. ad Epist. de rec.*  
*med. st. Littræi Acad. Sc. Reg. Par. 1707.*  
pluriumque aliorum Autorum, id evi-  
denter constat, quod mensium natu-  
ralis fluor, faciei nativus color, ap-  
petitus, vix sitis, crura non tumida,  
virium integritas, priore saltem tem-  
pore, observari soleant: quæ profe-  
cto omnia in nostra femina aderant.  
Sed dubium brevi solvebatur; ut mox  
patebit. Eductis Paracentesi aquis,  
Venter quidem nobis minus justo con-  
cidisse videbatur, verum cum Machi-  
na quæ, suppositis hinc inde pulvi-  
narculis, abdomen arcu constringe-



re debebat, conveniens ejusdem impediret examen, nostrum suspendimus eodem tempore judicium; donec post Oediduum, machina ablata, tumor ventris appareret, & quidem Cysticus ille, & magnus, & fere medio in abdomine, sub umbilico sinistrorsum locatus, quoque corporis situ vario volubilis in omnem, maxime in sinistram, partem. Sic quidem ut Hydropem cum Cysticum, tum Ascitem, una in ventre femina gereret; & hoc punctura ablato, illum adhuc pateretur.

Hæc data a claris Scriptoribus signa Hydropis, sive Cystici, sive inter Musculos abdominales, Peritonæumque locati, ea ipsa sunt, quæ magnus *Hippocrates*, diffuso suo textu *Prophet. Lib. II.* ad felicem in Hydrope Prognosin absolute requirebat. Eadem signa nostræ ægræ in Hydrope & Ascite aderant, & Cystico. Ascites  
hinc

hinc bonum exitum per Paracentesin habebat; sed Hydrops cysticus, si ex bonis istis signis internoscatur, non suffinet tamen bonam Hydropis, quam *Hippocrates* curabilem facile existimabat, prognosin; utpote quæ serius occlus in interitum vergat. Neque etiam bona eadem signa bonam sæpe Prognosin in ea Hydropis specie formant, quæ Peritonæum inter Musculolique est: quandoquidem distinctos prope Umbilicum tumores crebro habet, a quibus degeneralescentibus ejusmodi Hydrops sæpe nascitur, & a quorum malignitate mortem inferre solet. Ergo bona hæc signa falsam quidem prognosin & in Hydrope *ἀνὰ σπλῆνι*, & in Ascite formare sæpe solent; rarius vero in Hydrope Cystico, & eo, qui musculos abdominales inter & Peritonæum fit.

Mulier nostra, quæ, ut retuli, Corticem Kinæ mox a principio sumfit, fumere illum ad medium Augustum, summo emolumento, optimisque cum excretionibus, continuavit. Dolore Colico tunc, cum modica admodum sæcum urinarumque excretionem laborans, purgante *Aq. Lax. Vienn.* bis sumto, datisque Paregoricis ac Mulcentibus, brevi convaluit: ita tamen, ut novi Ascitis post hanc Colicam Principia iterum animadverti videantur. Ut autem urinæ fluor, qui post hanc ultimam Colicam parvus erat, promoveretur, sumfit Remedii compositi ex Bals. peruviani dr. jß. Vitelli ovi n. i. & syrupi Glycyrrhizæ unc. iij. cochleare parvum omni trihorio: hujus auxilio urinæ laudabilissimæ, cum virium, cunctarumque functionum restitutione, tumorisque decremento, hucusque profluunt.

§. IV. Convenit me in Nosocomio femina 33. annos nata, die 26. Nov. 1766. narrans ab ipsa sua infantia difficiliore respiratione se laborasse; sanam cæterum ac vegetam octo infantes se feliciter enixam esse, atque lactasse; ita tamen, ut dum infantem octavum lactaret, nonnihil sanguinis cum sputis redidisset. Elapsis autem 15. ab hinc mensibus, se passam esse abortum, ac sanguinis octo integris septimanis perseverantem fluxum: quo vix cessante, denuo concepisse se, ventremque in eadem graviditate præter consuetum graviditatis morem intumuisse; tussi deinde, ac vomitu, floridique expuitione cruoris laboranti sibi, Venam tufam esse; quo effectum, ut sputi sanguinis cessaret quidem violentia, sed idem tamen cum glutine nonnunquam adhuc prodiret. Nec ventrem solum præ-



ter graviditatis morem extumuisse, sed tribus ante partum septimanis & crura tumida fieri cepta. Medio demum Septembri se peperisse quidem feliciter, vix vero ventrem concidisse, octiduo primo infantem lactasse se se, monente autem Medico, ablactasse. Die a partu octavo, more vulgi Austriaci, Templum se adiisse, recrecentibusque brevi viribus, & ventrem sic a data medicina collabi cepisse, ut jam durum quoddam in eodem corpus, cum a se se, tum a medico, deprehenderetur: verum triduo post in molem priore duplo majorem extumuisse abdomen, idque ita pertinaciter, ut nec priora, nec alia selectissima remedia, nec ipsa, quae diu affuisset Diarrhoea, quidquam profuissent. Respirationem laboriosam nunc sibi esse, Tussim acrem, noctes insomnes.

Hac

Hac facta ab illa, maritoque, Anamnesi, ad formandam Diagnosin, & Prognosin, multo non erat labore, opus: ex enarratis quippe facile constabat, quemadmodum in casu proxime priori, Ascitem, & simul aut Cysticum esse Hydropem, aut alius generis tumorem; defectu autem bonorum signorum, quæ supra recensuimus, ambiguum valde esse Hydropis utriusque Prognosin.

Cum manifesta perciperetur Lymphæ fluctuatio, cum vita feminae miseranda, ac fere intolerabilis esset, Viresque palliantem saltem admitterent Paracentesin, quin & eandem expeteret ægra; 27. Nov. instituimus illam. Haud ultra 30. Libras educere potuimus. His educ-tis, mox durum corpus, & inæquale, dextro in latere, pone Umbilicum, deprehendi. Thermometrum in oblongo vitro Lymphæ, mox

eductæ, immersum totum, notavit gradus 99. quos eosdem ipsa mulier paulo ante operationem notaverat.

Lympha educta flava, & limpida, dum & mox a Paracentesi, & octiduo post, igni imponeretur, sic disparuit, ut levis modo, ac tenuis, pellicula relinqueretur. Conservabatur omnis Lympha in 15. vitris majoribus, quorum in uno alterove subaciduli quid odore advertebatur die 8<sup>vo</sup>., die vero 11<sup>mo</sup> quid putridi, absque ulla tamen cum aceto effervescencia. Cubiculum in quo servabatur hæc Lympha gradus caloris 62. 64. perpetuo notabat, nisi forte semel iterumque paulo vehementius accensa fornace.

Urinam, post Operationem, paucam semper ægra reddidit; &, contra id, quod cum in nostris urinis sanis, tum in iis febricitantium, quotidie ob-

fer-

servamus, urinae ejus, in 12. diem asservatae omnes, nec mihi, nec mecum examinantibus multis aliis, vel minimum exhibuere faetoris; quamvis indies magis fuscescerent, sedimen formarent, imo situm quendam, ex priorum dierum saltem, contraherent. Sedimen urinarum quatuor priorum dierum lateri contrito, ut Hydropicorum saepe est, simile fuit; reliquorum autem dierum subflavum.

Quo tempore urinae sedimen lateri trito simile, eodem tempore febricula adfuit. Cortice actutum tunc dato, & febris cessavit brevi, & sedimen rufum. Febriculam hanc pulsū, haud vero thermometro, cognovimus: hoc enim perpetuo calorem signavit naturalem.

Flatus post operationem affluere quidem, sed haud molesti. Dolorem a



die quarto a Lumbis ad inguina tendentem quaesta est.

Quæ præcedentibus, & huic data emulsa sunt. Miscui cum Cortice Peruviano diuretica: hæc nihil operabantur; illius vero ope & febris silebat, & renascebatur appetitus, somnusque, & pectus liberum fuit, & cessantibus antiquis torminibus Ventris, alvus quater, quinque quotidie, cum levamine, commodeque, posita fuit; vires tandem eo creverunt, ut tota fere die extra lectum esse amaret.

Cum omnibus hisce emendationibus, Lymphæ die 7<sup>mo</sup>. reditum percepimus, ita ut tamen durum corpus, de quo supra, adhuc deprehenderemus.

Itaque duo morbi principes videntur adfuisse: alter pulmo debilis, ac, cum tussi, sæpius quid sanguinis sputis commisti, semel sanguinem purum floridumque, ejiciens: id quod a diathe-

si jam infantia, a repetita toties graviditate, partuque; nec minus a tot infantum lactatione, oriri potuisse facile capimus. Alter morbus, Ascites; quem in graviditate nona, a nimia per abortum hæmorrhagia tam reor contraxisse: qui & ipse Hydrops ascites, utrum a tumore quopiam præternaturali cujusquam in ventre Visceris originem duxerit; an vero præter Ascitem verus Hydrops Cysticus adesset, coram Auditoribus determinare non potui.

Crescente immaniter Ventris tumore, Paracentesin alteram suasi, viribus egregie constantibus; maluit vero illa proprios repetere Lares, aptisque ibidem medicamentis uti.

Postnac sæpius se stetit coram, statum exhibitura suum, auxiliumque petitura: hyeme vero asperiore solus maritus venit. Tandem vi morbi vi-

cta maritum urfit, ut in sella gestatoria in urbem, & Nosocomium, se se ferret; quo a me examinari, & sive medicamentis, sive altera Paracentesi, suis levari miseriis posset. Marito id renuncianti præ letali ejus debilitate dissuasi. Dies 17. Martii calamitatum finis fuit.

Die 18. Martii, elapsis 30, a morte horis, cadaver examinaturus accessi, non modicam Medicorum ac Studioforum inveniens catervam. A diuturna ponderosi corporis decubitu, ab humorum putredine, vitæque diu minima, consumerat Gangræna Lumbos, Femora, Nates: purpureusque color crura, ventremque, deturpabat.

Tumidissimus sane ac monstrosus Aqualiculus fuit: extantibus cum Sterno costarum infimarum cartilaginibus plurimum extrorsum. Eratque adhuc ita tumidus tunc Venter, licet non in

Pa-

Paracenteseos loco, sed pone illum, facta sponte apertura inveniretur, qua liquor de ventre extillasset, jamque, moto pauxillum cadavere, ingenti jactu erumperet.

Spontanea hac apertura cultro dilatata, aqua copiosissima profiliit, eaque limpida, subflava, fætida admodum. Mensurare eandem, ac ponderare, defectus in his ædibus vasorum, instrumentorumque, vetabat.

Evacuatis illis, animus erat tumoris duri, quem in vita toties deprehendebamus, examinare originem, naturamque; verum nihil ei simile reperimus. Quid ergo Mulier, quid nos, dum videbamur ingens ibidem corpus toties deprehendere, revera deprehendimus?

Cunctorum Intestinatorum superficies gangrænosa apparuit. Ipsa vero Intestina, in hoc spatiosissimo ventre,  
spa-



spatium haud majus, quam in parva puella expleſſent, occuparunt: Aquarum quippe prodigioſa moles Intestina omni ex parte in parvam compegerat maſſam.

Sed antequam loco quidquam moveremus, obſtupescēbamus eam gibbi Diaphragmatis altitudinem; quæ Thoraci, pro corde pulmonibusque locandis, vix spatium relinqueret. Haud enim, ut sæpe, gibba Diaphragmatis pars mammarum æquabat altitudinem, verum una costa in sinistro latere, duabus costis in dextro, altior fuit: Sic ut Cor ad jugulum fere hæreret, Diaphragmate æque altissimo, quo loco ad Pericardium, connascitur, quam alibi.

Aqua haud Intestina duntaxat, sed & Ventriculum, & Jecur, & Splenem, versus dorsum compreſſerat sic, ut ipsa hæc aqua ante omnia hæc compreſſa viſ-

viscera, interque eadem & trusas extrorsum infusarum Costarum Cartilagine, Musculos abdominales monstruose expansos, elatumque valde diaphragma, amplissimum sane spatium occuparet.

Quamvis brevis adeo Thorax, inferius scilicet plurimum repandus, nihilominus præ Diaphragmatis altitudine jecur totum intra Thoracem delituit; lobo majore dextrum, mediaque parte sinistrum, non dico Epigastrii, aut Hypochondriorum, verum ingentis illius Cavi, ab elato Diaphragmate formati, omnino explens. Vid. Tab. II. Fig. IV. Lit. H.

Hepar pallidum totum; & dum discinderetur, non tactu, sed visu, apparuit granulofum.

Modice plena vesicula fellea duriusculi quid intra se gerere credebatur; percussa autem bilem exhibuit, non  
spic

spissam modo, sed & grumolam, & ut *Hippocrates* Bilem atram depinxerat, foeci olei similem.

Splen magnus valde ab aqua quoque versus postica pressus, pro maxima parte infra lobum sinistrum Jecino-  
ris locatus erat; mollioris ille substan-  
tiae, digitisque in pulvem facile con-  
terendæ. Lit. G.

Ventriculus magnus sub conspe-  
ctum non venit, nisi Colo Intestino re-  
moto; sic ut oblique deorsum tende-  
ret inferiore valde abdominis loco: id  
quod facile ibi fieri potuit, ubi Ven-  
triculus Diaphragma, hic non elatum,  
pertransit, Oesophago pollicem & ul-  
tra infra Diaphragma elongato; ut plu-  
ries in cadaveribus observamus, & ut  
clarus Vir *Morgagni* haud raro obser-  
vavit. Lit. F.

Colon, cæteraque Intestina, in lo-  
cum, id quod mox monui, longe ar-  
ctio-

ctiorem, collecta erant, cunctaque livebant: tenuia parum, imo solito minus, expansa; Colon vero valde amplissimum a Cæco usque ad plexum in sinistro latere ad C.; ubi vero de suo plexu devolvebatur, ad D. angustius inaniusque fuit: Nec flexum Hepaticum, nec Lienarem fecit, at vero sic decurrebat, ut ad A. ex Cæco Intestino oblique ascenderet ad B. inde oblique sinistrorsum ad C. quo in loco supra se se reduplicatum erat: emergensque inde ad D, non ad latus lævum abdominis extremum, sed secundum Lumborum spinam deorsum tendebat, formatum ad E Intestinum Rectum.

Boni Renes: Ureteres solito multo ampliores.

Uterus feminae, quæ decies pepererat, illo Virginum haud major erat: Ovaria bona. Monstruosum fane  
lac-



faccum apertus totus Aqualiculus referebat:& moles omnium Intestinorum ad sese mutuo compactorum, vix molem intestinorum pueri æquabat. Laminæ per seissi crucialiter Peritonæi, in latera reflexæ, explebant fere totam latam va de Tabulam, in qua Cadaver repositum erat; quod, quoad ejus facere potui, in Figura exhibui. Quamobrem eo magis doleo nos, præ vasorum defectu, effluentium aquarum mensuram, quæ omnem forte fidem superasset, capere non potuisse. Vide Lit. KKKK. Quæ autem Literis II. notantur, sunt oblongæ ac leves eminentiæ, quæ a retroflexis cum Peritonæo integumentis formabantur, formantes quasi latera abdominis.

Atque hucusque Diaphragmâ insolitam suam servabat, quam prius mirati fueramus, altitudinem: dum vero Thorax incidebatur, mox idem quadam veluti vi deprimebatur: quin

& albidī valde Pulmonēs spatioſiorem longe locum mox occupabant. An pulmonibus in ſtatum violentum compreſſione redactis, ea inſedit, ſuperfuitque, expandendī ſe, atque naturalem in molem ſe ampliandi, potentia?

Numquid athmoſphæricus aër, glottide in Pulmonem illapſus, mox ab ablata externa preſſione, eoſque extendit eundem?

Modica ſiniſtri Pulmonis cum Pleura cohæſio, dextri nulla; id quod in compreſſione adeo forti, & diuturna, vix expectari potuiſſet.

Paucæ guttulæ rubellæ in toto Pericardio.

Cor dextrum primo inciſum, congrumato ſanguine plenum fuit; lævum quoque, ſed dextro minus.

Hydrops igitur fuit Aſcites, a nimia quidem cruoris in Abortu jaſtura ortus, qui una cum inſequentē mox

graviditate inchoans, cum graviditate aliquantum, post partum vehementer auctus, remediisque haud auscultans, Paracentesi evacuatus quidem, sed, causa remanente, renatus fuit. Aqua hæc, Paracentesieducta, non plastica, ad ignem fere evanescens tota in auras, haud tamen putrida, putredinem valde sero contraxit; quemadmodum & Urinæ, post Paracentesin missæ, solito tardior contraxere putredinem. Ipsa hæc Hæmorrhagia ut causa, quemadmodum vitalem liquorem ita profundit, ut demum sensorio communi deficere videatur id, quod Nervorum prospiciat actionibus; sic quoque vasa eandem ob causam debilitat, redditque desidia in agendo. Unde humorum tenuium, haud compactorum, pars aquosa per flaccida, desidiaque vasorum oscula, in cava Corporis effunditur; ibidemque, quod vasa inhalantia  
ad

ad resorbendum inepta sint, colligitur, ac Ventrem explet. Eductis his Paracentesi aquis, defuit tamen Sanguini id, quod Cerebro debuisset dare: mansit flacciditas vasorum, inertiaque talis, ut ne optima quidem Cardiaca & repletia, & adstringendo roborantia, apta hisce vitiis reparandis eoque fuerint. Unde mox novus oriretur tumor necesse fuit. Hunc forsitan altera, tertia, compluresque Paracenteses, sustulissent; ita ut sic vel mors procrastinata fuisset, vel etiam, auxiliis aptis solida fors restaurata, inque sua fluida rite agentia, penitus hanc Hydropis causam delevissent. Jam vero Paracentesi neglecta, Aquæ eoque Ventrem inundarunt, omniaque impleverunt, ut Viscera vitalia ad suam functionem redderentur inepta; ut Intestina compressione fierent gangrænosâ; ut gangræna etiam a defectu



Circulationis oborta, corporis extrema corrumpere, & sic denique ægra summis pectoris anxietatibus, viriumque defectu, suffocaretur.

Supereſt ad duri tumoris, & ab ægra, & a nobis, toties percepti, ac nulla fui in Cadavere veſtigia relinquentis, examen nos convertamus. Poſſibilene eſt molis corpora tantæ, ſponte ſcilicet ſua, fatiſcere ſic, ut nullæ eorum reliquæ, nulla omnino veſtigia, poſtmodum advertantur?

Ad hanc quæſtionem ut reſpondeam, Hiſtoria enarranda alia eſt; poſtquam duos hoſce parietes una fidelia dealbare conabor.

§. V. Mulier a die 17. Maij, anni 1757. ad medium fere annum 1759. nos læpe convenerat, varia variis conqueſta diebus, dolorem autem præcipue, pondusque in medio Epigastrio perpetuum; poſtquam pluribus

antea annis eodem in loco non, nisi imminente Mensium fluxu, doluisset: pondus hoc durum sibi videri, tendi nonnunquam, volvi, moverique, aliquando in duos tresve globulos divisum sibi visum esse, &c. Gravida interim facta, ultimoque graviditatis tempore miserrime habens, die 17. Jul. 1759. in Nosocomio peperit: qua occasione de morbis gravidarum, parturientium, puerperarum, atque infantum, publice egi. Tempore postremo graviditatis, ipso in puerperio, postque idem, dum illam propter infantis incommoda aliquot septimanis in Nosocomio detineremus, hoc de pondere, atque dolore, vix conquesta est. Brevi autem postea, siquidem lactare infantem non posset, cum redeuntibus mensibus periodicum hoc pondus, atque dolor redierunt, & cessantibus tandem, præ an-

norum L. ætatem, Catameniis, de-  
nuo affligere perpetui.

Tandem anno 1764. mense Sep-  
tembri, gravi ex alto in Ventrem ca-  
su, validam Hypogastrii contusio-  
nem passa est, enormemque dolorem;  
ad quem non modo nullum auxilium  
adhibuit, sed &, ad quem summa  
paupertas cogebat, laborem, ligna in  
5<sup>ta</sup>m. contegnationem quotidie feren-  
di, perrexit. Victa demum morbo,  
lecto commisit se, alvo ab oñiduo  
carens, quam demum sale amaro sol-  
visse se ait. Conquerebatur per Epi-  
gastrium tubera nodosque, veluti con-  
catenatos, initio percepisse se; in  
Hypogastrio autem, quo tempore aut  
alvum, aut urinam, aut flatus, emissu-  
ra esset, adeo vehementes dolores ex-  
pertam esse, ut quos toties enormes  
passa erat partus dolores, eosdem lon-  
ge superarent. Ad hæc omnia tan-  
dem

dem universi Abdominis tumor accessit. Totoque hoc tempore somnum vix oculis viderat, vix appetiverat, nec nisi urinam paucissimam crudelissimo cum dolore miserat unquam.

Duodecim diebus a lapsu exactis, venit demum Maritus in Nosocomium, petiturus auxilium. Vix rem ex illo capiens, palliantia quædam præscripsi, & omnem operam navavi, ut in urbem ac nosocomium deferretur. Die 4. Nov. huc delata est. An motu currus effectum id, ut urinam, quam toto hoc tempore nonnisi guttatim, dolentissimeque reddiderat, copiosam nunc, minusque dolorificam, ac pleno jactu, ex quo in Nosocomium suscepta esset, emitteret?

Ventrem examinavimus actutum. Conspectu ille externo, tactuque, tubera & inæqualitates duras, Tympanias in morem, nobis exhibuit;



sonitum vero Tympanias non dedit, sed obscuram potius Ascitis fluctuantis ideam. Non sitiebat, nec cruribus tumebat. Itaque Ascitis atque Tympanitidis suspicio erat; ast dolor tantus, & ante casum ab alto, & post eundem, perceptus, non solet horum alterutrum aut a principio, aut perpetuo, concomitari; præcipue ad Vesicæ, Rectique Intestini, excretionem. Anxia quoque pectore perpetuo fuit, nec lecto decumbere unquam, nisi elatiore pectore & capite, potuit. Tussis frequens aderat, sputaque glutinosa. Alvus perpetuo dolorifica & dysenterica; flava quidem ac pultiformis, posthac vero tenesmoidæa, cum muco non pellucido, sed lineis sanguineis notato, quibus Recti successit Prolapsus. Frequenter nauseat. Aquarum fluctuatio sensim manifestior fit.

Ex

Ex principiis artis de Paracentesi hic cogitandum non erat, sed pro crebritate ac varietate symptomatum, sæpe contraindicantium, agendum. Varia dedimus ad ea quæ potissimum urgerent, iisque solamen multum, inutabile tamen, conciliavimus. Et cum in Hydropis cura tantopere laudaverint cum Prisci, tum Recentiores Medici, Clysinata urinæ sive Ovium, & Asinorum, ut *Avincema*; sive Vaccarum, ut plures Moderni; sive etiam hominum, ut *Valeriola*; qui Lib. 1. Obs. 2. „ enema ex impube-  
„ ris pueri urina parabat, cocta cum  
„ tantillo fermento panis, feminis  
„ Carthami, cum melle despumato,  
„ eoque mirifice Hydropem allevari  
„ testatur: nullo enim magis, quam  
„ hoc, detumescere Ventrem, aquosa  
„ excerni, & flatuosa discuti, æger  
„ sentiebat: estque hic, inquit, Cly-  
Q 5 „ ster

„ster mihi in ejusmodi affectibus fa-  
„miliaris, atque probatus. Et in  
*Actis Acad. Reg. Sc. Paris. anni 1707.*  
clarus *Lemmer* multa de Juvenæ  
urina commentatus est, variasque at-  
tulit ad hujus usum conditiones. *Michelottus*  
quoque apud ill. *Morgagni*  
asserbat „Juvenæ urinam sibi felici-  
„ter, nec semel, adversus *Anafarka*  
cessisse. Et ipse *Morgagni Epist. Anat.*  
*Med. 38.* „hanc medicinam animale  
„petenti ægro concessit, & ore qui-  
„dem assumendam, quæ principio  
„quandam ipsi ebrietatem concita-  
„vit, sed non, quam prioribus,  
„utilitatem. „

Duo præterea Viri expertissimi ex-  
tranei, hanc nostram ægram invisen-  
tes, Vaccinæ urinæ enemata summo-  
pere commendabant, pulcerrimis id  
experimentis edocti. Unde intra oc-  
tiduum quater ejusmodi clystima injici

curavi; sed destitit, cum nullam evacuationem notabilem promoveret, & singula vice vehementer dolorem augeret. An forsitan malum provectius, quam ut admitteret medelam?

Menſe Januario 1765. major, quam unquam, ventris tumor, ambitu quidem mollior, in medio vero longe durior, & quidem ſic, ut in hoc medio durum corpus inefſe perciperetur, quod dextrorſum ſiniſtrorſumque extendens ſeſe, in dextro tandem Hypochondrio terminabatur. Ardor illuſ ac dolor comitabantur. Sed jam cum tumore ſtrepitum validum plures Medici, ac Medicinæ Studioſi, mecum integro adverſerunt octiduo; quo elapſo, ultra perceptum hujus nihil. Acceſſit Hydrops intercuſ. Peſtore quoque dolens ac tuſſiculofa toto quidem morbi tempore, circa vitæ vero finem cum maxime fuit. Gangrænam Intesti-



testini elapsi, eamque natium, lumborum ac scapularum, licet tribus ultimis vitæ septimanis ægra nunc inscia, nunc involuntaria, lectum putridis fecibus continuo conspurcaret; nos tamen, mutato lecto creberrime; inungendo bis die cunctas, in quas decumbebat, partes unguento, quod ex albumine ovorum cum spiritu Vini paratur; & admoto ad Intestinorum prolapsum Decocto corticis Peruviani; feliciter præcavimus. 20. Martii obiit.

De morte certi Anatomen, transactis 16. ab illa horis, fecimus; mirati externum Corporis, internumque Viscerum abdominalium calorem; quamvis cadaver mox a morte in frigida admodum cavea depositum fuisset. Doleo me antea non explorasse cadaveris ope Thermometri calorem, nec illum, aperto ventre, Viscerum: unde forte derexissemus, quo usque calor,

calor, quem sæpius fere naturalem, bihorio post mortem, deprehenderamus, etiam hic sedecim a morte horis cadaveri, saltem Visceribus ventris, perseverasset.

Libras xiv. Lymphæ ex ventre eduximus, quæ ex albo fuscescebat, ac plures fuscas pseudomeningas gerebat; ubi autem aliquantisper steterat, gelati quid in superficie sua habebat; In portione Libr. V. postremoeducta, separatis vasis excepta, inerat multum gelati, ei consimilis, quod in educto de venis sanguine, dum in compactam crustam non formatur, semipellucidum, ac sæpe copiosum, contegit crassamentum sanguinis.

Sed Pseudomeninx alia nostram mentem figebat. Non enim, ut assoleret, flava erat, sed plane rubra, tenuia intestina tegens, extendens sese supra Colon, ipsumque Jecur, quo usque

que hoc viscus, ut mox patebit, non erat cum vicinis partibus connatum: emittebatque de sese Processum, qui ad Mesenterij centrum; & alium, qui ad Lienem sese affigens, secundum posticum coli latus in pelvim descendebat.

Hepar concretum undique cum Diaphragmate sursum, & a posticis, anterius cum Peritonæo, deinde cum Colo, ipsoque cum Ventriculo; excepta plaga quadam in ipsius, nempe Jecinoris, dextra parte, aliaque sub Cartilagine mucronata. Concretio hæc fortis, ac membranacea fuit, hinc vi, illinc non nisi visceris dilaceratione, solvenda. Ruffum Jecur erat, totumque granulofum.

Ventriculus ab Hepate connato solutus, ad Pylorum duos in ambitu pollices durus erat, tuberosus, scirrhusus;  
hic

hic tres, ibi quatuor, alio iterum in loco sex lineas crassus.

Coli fusco-purpureus color.

Ren sinister durus; dexter tota sua corticali substantia cartilagineus.

In Vesicula fellea pauca flava bilis, & calculus unicus, asper, fere rotundus.

Uterus exiguae admodum cavittis, substantia sua nonnisi durum cartilagineum corpus.

Circa pelvim Intestinum Colon firmissima, ac membranacea concretionem cum Intestino Recto coaluerat, & contractum glomerem cum omnibus, quibus adjacebat, partibus, referebat, sic ut hic omnino immobile hæreret.

Pulmones ambo cum Pleura, cum Diaphragmate, cum Pericardio, Mediastino, mutisque inter sese lobis, firma ac membranacea concretionem, unicum veluti corpus componebant:

fi.



sinister postica parte gangrænosus totus. In una aliave non connata plaga Thorax uncias aliquot Lymphæ collectas gerebat. Modica in Pericardio aqua. Cor suo apice cum Pericardio connatum erat ope processus fere cartilaginei, tres lineas crassi, digitis non dilacerandi. Cordis dextri substantia tenuis, ac flaccida; sinistri digitum crassa, atque ita compacta ac solida, ut absolute non videatur contrahi potuisse: massam quippe referebat præ duritie vix flexibilem. Sanguis grumofus in eodem, quam in dextro, multo copiosior.

Igitur Hydropem Ascitem invenimus, adeo vero mediocrem, ut ventri admodum extendendo par non fuerit; ita ut alias causas inquirere tanti debeamus tumoris, tantorumque phaenomenon, quæ cum in Viva, tum in De-

Denata, circa ventrem animadvertimus.

Ac primo quidem ex tota historia Morbi evidens fit Ventriculum omnium primum se male habuisse, & ex obstructione, vel ex rosione acrium lenta, in enormem hanc crassitiem, perfectumque denique scirrhum degenerasse.

Sed hujus mali sedes prope Pylorum inventa est. Notemus hic 1<sup>mo</sup>. Ill. *Hoffmannum* ejus sententiæ fuisse, ut in Cardialgiis Pylorus & potius, & primario, afficeretur. 2<sup>do</sup>. Optimum *Morgagni* censere haud quidem omnes, sed plerasque chronicas Ventriculi degeneraciones, exulceraciones, indurationes, atque scirrhus, in ea ejusdem parte reperiri solere, quæ pone Pylorum est. *Epist. Anat. med.* 29. Quare a vero haud alienam esse *Hoffmanni* censet sententiam. Multa quoque nobis sua-

dent duros pendulosque tumores in Cadaveribus prope Pylorum inventos, plerumque oriâ a laceris, & calloforum ibidem ulcerum membranis, eorumve reliquiis degenerascentibus.

Porro agebat femina a decennio se in medio Epigastrio pati: ac primum quidem periodice ad mensium tempora: sic ut bene fluentibus illis, dolore, tumore, pondere, anxietate, flatu, nausea, careret; menstruis vero propter ætatem cessantibus, se hisce incommodis perpetuo exeruciari. Prava Ventriculi conditio principio exigua, atque paulatim duntaxat aucta, ad menstruam plethoram, motumve, potissimum irritata fuit, eaque soluta, quievit: at vero malum indies crescens deficientium Catameniorum tulit omne pondus; eo profecto modo, quo aliis atque aliis feminis, aut Caput, aut Pectus, aut Lumbus, aut Intestinum, aut

Ute-

Uterus, aut Vesica, a cessante motu menstruo potissimum afficitur. Eamque ob causam, & antequam illa ad nos veniret, & quamdiu apud nos fuerit, ac præsertim postquam lapsus in ventrem violentus hanc partem gravius affecerit, dolor haud ultra periodicus, sed continuus fuerit, oportuit. Atque hæc si sic fiunt, secundum leges ordinarias, secundum communes fiunt observationes. Quod ideo noto, quia lege plane extraordinariaprehendimus homines nunquam aut hæc, aut similia, in vita esse conquestos, quorum tamen cadavera & has, & his deteriores degeneraciones, seu in Ventriculo, seu prope eundem, seu in Visceribus aliis, dudum habuisse, pluries demonstravi.

2<sup>do</sup>. Causam aliam capimus, ob quam mulier dolorem dolentem in medio Epigastrio primum periodice,



tandem continuo, perpeti debuerit. Actionem Ventriculi, contenta versus Pylorum promovendi, perturbari magis oportuit magisque, partis hujus indies augeſcente rigiditate, atque craſſitudine, ab accedente primum plethora menſtrua, ſeu univerſali, ſeu ſaltem uterina, poſtmodum ab eadem plethora jam continua. Mirum proinde hoc non eſt, quod amplificaretur Ventriculus, quodque magis indureſceret; eo quod contenta in ſe edulia, potum, aeremque, diutius longe debuerit retinere, antequam per eam indurata ſui partem, perque arctatum transmittere potuerit Pylorum. Nauſearum hinc intelligimus, moleſtorumque flatuum, quos conqueſta toties fuit, originem.

3<sup>to</sup>. Ab ejusdem Ventriculi cum Jecore & Colo, cohæſione, actio ejusdem digerens, miſcens, movens, compingens,

gens, atque ad Pylorum determinans, vehementer impedita, exposita mox symptomata multum augere debuit.

4<sup>to</sup>. Sed cur plures nonnunquam tumores, catenatim veluti invicem nexos, loco instabiles, & conquesta illa est, & nos aliquando tactu percepimus?

Tactu, visuque, Tympanitidem sæpe videre videbamur, eo tantummodo desiderato, qui Tympanitidis est, sonitu. Sed Lympha, cum Tympanitide præsens, sui que præsentiam fluctuando notans, an non sua interpositione suffocavit sonitum? Credibile. Itaque cum Intestinum Colon, prout in Cadavere patuit, ea emetitur spatia sit, in quibus duri illi tumores observabantur, merito credimus Colon hoc sæpe in globos tympaniticos, & quidem nunc in medio ventre superiore, nunc dextrorsum, deorsumque expansum fuisse, sicque concatenatorum globorum

rum perceptionem creasse tangentibus: idque profecto eo magis, quo hoc ipsum Colon cum Ventriculo & Hepate firmitus esset connatum, hincque sua in actione plurimum turbatum.

5<sup>to</sup>. A casu in Ventrem gravissimo, Contusio, & Inflammatio ejus Coli partis, qua in gyros convolutum supra principium Recti inventum fuit, immanem illum effecit, quem Anamnesis refert, dolorem: & quia inflammata pars, quod non perspiret, cum vicina coalescit, ac fortiter cohæret, actio omnium harum partium læsa fuit. Inde ea dolorum sævities, quando tanta vi Diaphragmatis, & Abdominalium Musculorum, ad exitum fæcum, flatuum, & urinarum, per coalitas hæc partes promovendum, opus erat; & quando Colum in sua actione Rectum, hocque vicissim illud, in expulsiōe suæ, materiæ distrahebat,

bat, ac vellicabat. Quippe dilaceratione sæpe proximas fuisse hasce, mutuo adeo coalitas, partes, in egerendo necesse est. Præterea externa Recti Intestini tunica cum illa Coli con-nata cum esset, interior ejusdem tunica cedere impetui debuit, anoque prolabi: unde etiam, dum nonnunquam alvus & urina & flatus commodius redderentur, intestinum hoc non prolabebatur. Quoad dolorem autem in reddenda urina, licet cum ceteris Vesica haud coaluisset, actio tamen respirationis ad mingendum necessaria, dum æque in Intestinorum concretionum glomerem pressit, quam in Vesicam, etiam mictus creavit dolorem.

6<sup>to</sup>. Undenam strepitus ille, quem tangendo toties, primum ad Coli principium, deinde paulo elevatius; idque non externe, sed profundius in abdomine; clare percepimus?

R 4

Stre-



Strepitum ejusmodi raro, nisi ab aëre in crassa alicubi materie, aut in cellulositate, diffuso, percipere solemus; non enim memini me aut proprio experimento, aut lectis didicisse Autoribus, aëra in cavo Intestino tympanitico, aliove cavo majore, strepitum edidisse: Non enim strepitum vocamus Borborygmorem murmur. Unde credibile est Emphysema tunc temporis inter varias Intestini membranas adfuisse; idque vel ideo a morte non patuisse, quod diu ante mortem cessante strepitu, Intestinatorum membranæ, abeunte aëre, iterum collapsæ essent, & sic ne aëris quide n vestigia servare potuerint.

7<sup>mo</sup> Quid de mira illa Pseudomeninge cogitandum?

Si revocemus nobis in memoriam, quo pacto omnes illæ Pseudomeninges, a transpresso sero sanguinis Vis-

ceribus atque Membranis circumfusæ, nascantur, haud multum laboris hæc explicatio habebit. Notavi suo loco in Lympha, ventre educta, gelatam materiem, eamque copiosam, apparuisse: videtur proinde ex arteriis Viscerum abdominalium exhalantibus multa materies, ejus, quæ alias crustam inflammatoriam facit, simillima, exhalasse; visceribus autem pro more minime concrevisse, quod aqua undique alluens, concretionem ad viscerum superficies prohiberet. Igitur exhalans hoc inflammatorium serum in Lympha fluitavit; eodemque modo, quo eadem Lympha in vitris nostris quiescendo collectum hoc serum exhibebat, etiam idem serum, in vita feminae in aqua fluitans, videtur in diuturno decubitu fundum Lymphæ petiisse, visceribus incubuisse,

& sic Pseudomeningem illam cum omnibus suis processibus genuisse.

Regeres cum Pseudomeningibus ad Viscera, Membranasque adnatis, non inveniri commistum cruorem; adeoque, quæ data fuerit, solutionem, non satisfacere: respondeo quemadmodum Viscerum exhalantia vasa, ut pro rore serum sanguinis inflammatum transsudent, multum dilatentur sit necesse; ita eadem, gradu dilatationis uno majoris, globulos sanguineos transmittere: qua unica ratione explicatur quoque sudor sanguineus, quo nonnulli in plena sanitate ad axillas laborent, & quo quosdam a metu ingenti, hosque inter Sandimonialem, ab invadente milite stuprum metuentem, toto corpore perfusos fuisse, Historia refert. Vide Schenkiū, aliosque. An non Peripneumonicorum, Pleuriticorumque Sputa, lineis san-

sanguineis notata, eodem modo explicari queant? Unde neutiquam miror amplæ huic Pseudomeningi tantam adfuisse cum flavo rubedinem.

Instabis ultra consideratione mulieris temperamenti, quod a tot tantisque chronicis ærumnis in Hydropem quidem conversum, a statu autem inflammatorio alienissimum fuerit. Sed refero in majoribus obstructionibus, Viscerumque compressionibus, sanguinem liberis in vasis comprimi, densari, compingi, disponique ad inflammationem: qualem inflammationem videre quandoque est in Sanguine Hydropicorum, qui vel secta imprudenter Vena, vel narium profunditur fluxu; vel Ventriculo, Pulmonibusve, eructatur.

Confirmavit hanc experientiam meam ipsa hæc nostra Mulier; dum, nona & octava Septimana ante mortem,



tem, ab ingente febre, eademque continua, & ab intolerabili anxietate, præsentissimo in mortis periculo verfans, nec alio sublevanda auxilio, ter-  
na sanguinis missione modica ab interitu veluti resurgeret. Sanguis enim singula missione crasse compactus, crustam nobis exhibuit duram admodum, ac flavam, valdeque contractam. Tandem sputa, quovis die, pluribus ante interitum septimanis, nonnunquam partim, nonnunquam tota quanta puriformia, absque ullis Pulmonum Vomitis, Tuberculisque, inventis, hanc perennem Diathesin Sanguinis inflammatoriam ostendunt, evincunt. Verbo, membranas densas, ac flavas, sero coagulabili inflammato genitas, haud fecius eorum in Cadaveribus invenimus, quos lenti, quam quos acuti morbi, sustulerint.

At-

Attentionem autem nostram excitat Sputorum, Alvi, atque Urinæ, pluribus ante obitum septimanis, quotidiana Coctio, ac veluti Critica evacuatio; dum interim, in pejus labente de die in diem ægra, cunctæ hæ evacuationes veræ Coctionis, Criseosque, notis caruerint. Profecto in morbis acutis, atque in inflammatoriis, hæc *ῥέσιμα μὴ κρίσιμα*, ut ea *Galenus* vocabat, ne tuta crederemus, toties nos monuit *Hippocrates*, nisi reliqua bona signa una adessent. Videtur autem sic cum hac re comparatum esse: Inflammatoria sanguinis Diathesis, nata a morbo acuto, morbo coquitur, vinciturque sic, ut ultra non adsit. Diathesis eadem nonnullis sanis naturalis, morbo acuto aucta, vi acuti morbi eatenus aut resolvitur, aut critice expellitur, ut id, quod ab acuto morbo antiquæ Diathesi adjectum fuerat, de-

deleatur; ea ejus portione superflite, quacum olim in *Idiosyncrasia* tali affuerat sanitas. Nata tandem in corpore eadem Diathesis tota præternaturalis, sed ita abundans, ut, quantumvis sputorum, aliarumve excretionum, ope evacuetur, nihilominus inexhausta persistat; nihil emendationis affert, & demum corpus pessumdat. Exemplis pluribus *Ratio medendi* hoc demonstravit.

Atque ita Problemati §. proxime præcedentis, cui post relatam hanc morbi, atque Anatomes, Historiam, responsum distuleram, abunde me respondisse reor. Causa nimirum intelligitur, cur Tumores, lique & majores, & plures, ita disparere, suapte sponte, queant, ut postliminio sive in Vita multos annos sana, sive etiam perpetuante se morbo, sive denique in denatis corporibus, nullum sui vestigium

gium exhibeant. Unaque ex hisce liquet, haudquaquam omnem esse insanabilem Tympaniam; quandoquidem in utraque hac ægra, in utriusque miserabili, brevique perituro corporis tabernaculo, sponte concidit.

§. VI. Anno 1765. medio Augusto Puellam 16. annorum examinavi, torosam, optimi coloris, rite menstruantem; quæ ab aliquot retro mensibus, in plena sanitate, paulatim tumescere orsa, plurimum jam tumebat. Tumentis abdominis expansio inæqualis Tympanitidem quidem referebat, at, qui Tympanitidis indicium est, sonitus deficiebat. Desiderabatur quoque ea, quæ Hydropem Ascitem designare solet, Fluctuatio. Tribus postmodum Medicis, præclaris in arte Viris, mihiq; Puellæ repetentibus examen, obscurior quædam animadversa Fluctuatio est. Dixi Hydrops si sit, cum  
cy-



cysticum esse; quam Diagnosin dudum ex ejusmodi ægris, quorum Cadavera postmodum incideram, didici; quamque postmodum a Cl. *Morgagni Epist. anat. med.* 38. §. 67. 68. 69. 70. 71. multiplici observatione confirmare vili. Nullum enim hic dubium, utrum Cysticus esset Hydrops, si revera Hydrops esset, an vero illa Hydropis rarioris species, quæ inter Abdominis musculos, atque Peritonæum fit: ut seq. §. §. clare patebit.

Fluctuatione manifestiore indies percepta, Paracentesis decreta in consilio fuit, ac die 29. Augusti instituta, sinistro in latere, in sacci cujusdam majoris veluti fundo: dixi enim supra, Ventrem inæquali extensione loca eminentiora, ac depressiora exhibuisse.

Prodiit aquæ fuscae, turbidae, non fetentis, copia mensurarum quinque, 20. Librarum medicarum. Nihil ultra educi

educi potuit. Neque subsēdissē Venter nobis visus est. Nullus unquam fātor in singulæ Paracenteseos Lympha, spatio 24. horarum conservata, observatus est.

Die 1. Septembris similem copiam ex prominente loco lateris dextri eduximus: inodora lymp̃ha fuit, sed minime turbida.

Finiente septembri in sinistri lateris prominentia facta paracentesis, haud ultra tres mensuras evacuare potuit aquæ turbidæ valde, inodoræ.

Cum altero die Epigastrium universum vehementer turgescere deprehenderetur; quamvis visu, tactuque, communicare inter sese utriusque lateris aquæ viderentur; instituta quarta Paracentesis est in dextro latere, paulo altius, plusque versus lineam albam, quam antea. Educere non potuimus plusquam tres Lymphae ino-

doræ , pellucidissimæ , ac straminei coloris , mensuras.

Iterata sic quater Operatione, Lymphæ, dextro de latere semper limpidæ, de sinistro perpetuo turbidæ, Libræ 64. cum aliqua confidentia Ventris evacuatæ sunt. Color interim, vires, appetitusque, boni.

Sensim tamen urina inquietudinem pariebat. Toto tempore morbi in Septembrim usque, urina copia debita, conditione sana, reddita erat; jamque cum dato Vino squillitico & longe profusior urina prodiret, & longe prominentius abdomen redderetur, conclusimus Diuretica attenuando & ad renes determinando agentia, in hydropicas Cystides, veluti Legibus vix ultra subiectas Circulationis, non agere ultra; agere in humores corporis sanos, in quos solos agere non debuissent: valedicendum

ita-

itaque esse hisce, quæ quo operantur potentius, eo plus, humores dissolvendo, augent Hydropem. Neglectus hujus observationis innumeros ægros ante diem, humano more loquendo, perdidit.

Dixi mox Cystides hydropicas legibus Circulationis vix ultra subiectas esse; aliquem tamen locum adhuc superesse, unde sanies, ichorve, intra sanguinem absorberetur, urina indicavit: hæc enim Septembri mense, eoque fere integro, turbida fuit, ac crassa, opaca, ex albo quandoque leviter subcærulescente pellicula tangebatur, sedimentumque deponebat furfureum: medio autem septembri fautor, isque ingens sæpe, adjunxit sese; ita ut urina quo missa momento erat, cum aceto effervesceret. Quia de causa conclusum est Corpus potu *Limonda* dicto, quem ægra vehementer amabat, implere; Kinamque porrigere.



Parciori Corticis dosi minime auscultans fœtor, tandem mente Octobri liberaliori ejus dosi disparuit omnis.

Interea totus venter tumidior fit, absque ulla, hucusque imminuta Ventriculi, Pectoris, Viriumque integritate. Vide hic iterum *Epist.* 38. *Morgagnianam*,

Ventre igitur longe tumidiore, ex sacco eminentiore lateris dextrieductæ sunt XI. Libræ aquæ limpidaë, atque inodoræ: biduoque post de lævo latere aquæ fuscæ & turbidaë Libræ XIV. Posterioris Paracenteseos hujus vitrum prius nonnihil fœtebat, reliqua minime. Ventre æque turgescente, Puella omnes functiones comedendo, respirando, gradiendo, optime perficere pergebat.

Die 4. Jan. 1766. in consilio decretum fuit septimam instituere Paracentesin, in eoque eorum opinio prævaluit

luit ut, lymphæ educæta, sacculus injectione aquæ hordei mellitæ elueretur, & ab adhærente ad ejusdem parietes mucos vel sanie detergeretur; ut optimis Parisiensibus Chirurgis moris esse *Tomus secundus Acad. R. Ch.* fidem facit. Utque etiam cannula bene adaptata, & firmata, qua lymphæ & mucus jugiter extillare posset, in vulnere maneret. Hoc ipso die hæc omnia tentabantur: quin & vacuo Siphone aërem sæpius ex vacuo aquis sacculo extrahere tentatum est.

At vero, quod ab illis, qui non abiverant in hanc sententiam, prævisum erat, ilico contigit. Elapso scilicet trihorio dolor ingens oboriebatur, ac Febris valida. Hinc protinus educæta cannula est. Febrimque, quæ perseverabat, deinde Cortice peruviano, qui una posset metuendæ

Gangrænæ prospicere, abigere conabamur.

Die 14. Jan. Ventre ubique, ac superius maxime, turgente, Octava paracentesis facta est sinistri lateris; qua non plus tribus libris turbidæ, multumque mucaginosæ materiæ, educi potuit. Tentata iterum sacci detersio, aërisqueeductio.

Ex septima autem Paracentesi dolor Ventrís, febrisque continua remittens, ægrotam perpetuo vexarunt, quamvis continuo Kinauteretur. Pauca urinas minxit, easque cum copioso ruffo, rubro, sedimento; appetitu plane destituta, noctes insomnes, anxiasque transigens, quantumvis paragoricis usâ, & inexplēbiliter sitiens. Ita ut, febre, bis ad 10. matutinam, tertio die ad meridiem, cum horrore, ac vomituritione, in-

gravescente, demum die 27. Jan. piam animam creatori redderet.

Elapsis 24. horis, Cadaver aperuimus. Inducto instrumento per cicatricem Paracentescos, aut prope illum, materiem partim purulentam, partim glutinosam, eduximus. Aperientes hunc sinistri Hypogastrii sacculum secundum ejus longitudinem, deprehendimus eundem omni ex parte liberum, præterquam ad Peritonæum, quocum vagis, fortibusque Fibris, cohærebat. Quibus fibris, ut & iis aliorum saccorum, dissolutis, universum abdomen denudavimus, quo conspectui omnia paterent.

Sed turbatum parumper examen fuit. Quo expeditior Anatome fieret, abdomen Chirurghi perforaverant, ut eductis aquis mox paterent contenta ventris. Animus autem mihi fuerat accurate explorare, utrum Hydrops



Cyrticus solus, an quoque Ascites adesset? quod haud inepte quis ex aqua limpida, quam ex dextro latere semper eduxeramus, suspicari posset. Jam vero elabente ex sacco per-  
tuso aqua, corpore simul in latus, anterioraque, reclinato, incertum plane fuit, utrum aqua, quæ paracente-  
si cadaveris prodierat, effluxisset per cannulam omnis; an vero etiam sac-  
cum inter Peritonæumque, quocum sacci laxè tantum cohærebant, fur-  
tim sese insinuasset. Impediebamur inde quoque examinare num injectio detergens non etiam parte sui effusa in Ventrem esset.

Peritonæo toto usque ad margi-  
nes costarum ablato, nihil ab ima  
pelvi, ad diaphragma usque, excepto  
eo, quod primo intuitu credebatur  
Hepar esse, nisi unicus, ast tumore  
vario inæqualis sacculus, Ventrem vi-  
de-

debatur explere : quæ inæqualitates in vivente nobis veluti totidem sacci esse apparuerant : videbaturque totus ille, ingensque sacculus, suam ducere ab uno Hepate originem.

At vero propius omnia intuiti, reperiēbamus rem longe alio modo se habere : Hepar nempe intra Costas delitescere totum; quodque Hepar credideramus, esse peculiarem sacci tumorem.

Sacculus porro qui, ut supra relatū, vagis productionibus, potissimum prope umbilicum, pauloque altius, cum Peritonæo concreverat, lata valde basi versus pelvim cohærebat cum uterino systemate.

Unde saccum universum cum Utero, Tubis, Ovariis, e ventre solvimus. Apparuit tunc evidenter adhæSIONIS sacci principium ad mediam fundi uteri partem inchoare, cohære.

re deinde cum Mesenterio, cum Peritonæo ad ossa pubis, ad muscolum Psoam & Iliacum internum, ad Nervum, Vasaque cruralia; terminari tandem digito lato a dictis musculis, dextrosum.

Uteri collum oblongum admodum; sinistra ejus cavitas naturalis capacitatis; dextra in parte, concretis parietibus, cavitas nulla: quam ob rem nec ibi vestigia tubæ. Sed neque sinistro in latere, ubi uterus ceterum naturaliter se habebat, tuba patebat.

Ovarium sinistrum naturali duplo majus, cartilagineum, scabrum, scirrhosum, una denique insigniore, pluribusque exilioribus Hydatidibus, plenum.

De Tuba dextra tota, deque dextro Ovario, nulla vestigia: lata modo membrana a medio uteri fundo ad inguen sese fortiter affigebat.

Por-

Porro crassa hæc membrana tres quatuorve latos digitos lata, a fundo uteri & inguine adscendens, mox expandebatur in saccum inæqualem, tuberosum, integrum abdomen replens, atque inferiore sui parte extuberante universam quoque pelvim explens, protuberantia sua inferiore obvelans crassam illam, unde originem ducebat, membranam.

Veri simile itaque fit, ipsum Ovarium dextrum in hunc immanem saccum degenerasse: ejusmodi Ovarii degeneraciones superioribus in tomis retuli complures; maxime *Tomo V. Cap. II. §. III.* ubi eodem modo, quam hic, Ovarii saccus accumbendo cum utero concreescens, æque latam in origine basim referebat.

Saccus ipse hic lineam, ibi duas, alibi digitum, pollicemque crassus, hinc inde mollis, nonnullis in locis  
car-



cartilagineus, in aliis scirrhusus, in tria potissimum tubera dispersebatur, quorum sinisterrimum maximum erat; inferius, minus; dextrum, minimum; sed omnium solidissimum: qua de causa, uti etiam ob figuram situmque, principio nobis imposuerat ac si Hepar esset, a quo faccus ipse nasceretur: color autem eo Hepatis albidior, ipsumque demum altius inventum Hepar, revelarunt errorem.

Notavi supra Chirurgos, ante adventum meum pungendo ventrem, magnam contenti in eo liquidi copiam profudisse. Quamobrem non potui in sacco tali loculamentum invenire, ex quo 20. Libras aquæ unica vice eduxeramus; collapsa enim omnia erant. Neque in dextri lateris cavitatibus eam limpidam Lympham reperi, cujusmodi olim in singula evacuatione prodierat. Forte

tem-

tempore postremo limpidam haud amplius, sed turbidam, sed mucaginofam, dexter hic Saccus continuit aquam; vel forte, ut supra innui, limpida illa aqua ascitica fuit.

Ipsè saccus, qui hucusque nobis intres divisus apparuerat, hoc modo se habuit: quocunque in loco incidetur, membranaceis sepimentis in varia variæ amplitudinis loculamenta divisus erat. Loculamentorum horum majora, tubercula continebant, quæ aut scirrhus inæquales, politasve cartilagine, referrent; aut hic aquam, ibi pus, alibi mucaginem, continebant. Pus enim, mucusve tenax, aut aqua, cavitates omnes sive majores, sive minores, explebat. Singularis autem nigredo, seu ex atro profunde fuscescens color, majoribus inerat cavitatibus, haud a Gangræna, sed eo modo ubique apparens, uti ille,  
qui

qui in oculo Retinam, Uveam, ciliarisque Processus, convestit.

Itaque Ovarium dextrum, paulatim degenerascens, in tantæ molis sacculum excreverat; ovulaque cum calicibus suis in tot loculamenta mutata erant. Hæc porro ovula scirrhusa, cartilaginea, hydatice, facta sic erant in hoc monstroso Ovario, quemadmodum mutata reperiebantur proportionem minore, (*en miniature*) in Ovario sinistro: perinde ac Ovarium sinistrum, in sua parvitate, veluti Prototypum esset monstrofi Ovarii dextri.

Membrana autem sacculi universi, membranae cunctorum loculamentorum, tumorumque, rubris vasis, iisque permultis, scatebant; diametro auctis cum ovarii incremento. Non referebant ergo hydaticeas membranas, quæ vasis carentes, coagulato albumini ovi, in planum effuso, similes, & æque

que lacerabiles, esse solent. *Vid. Tom. 7. cap. 3.*

His patienter lustratis, ad contemplanda reliqua viscera nos convertēbamus. Hepar jam dixi sic intra costas delituisse, ut certo sensu pateret haud errasse *Hippocratem*, Hepar visceribus annumerando Thoracis. Permagnum autem ita erat, ut lobo majore cavum dextrum, a marginibus costarum infimarum, ad altitudinem costæ octavæ, numero ab inferioribus inito, partemque cavi sinistri, expleret; minore vero lobo Hypochondrium sinistrum ad arcum costarum usque, occuparet. Bilem Vesicula copiosam satis, probeque tinctam, continebat.

Sub lobo minore Jecoris Ventriculus, integræ manus magnitudine, a sacco duro complicabatur, ut modica tantum cavitate gauderet. Postque, & sub eodem, Lien non magnus, spi-



nae dorsi, quam arcui costarum, proximior. Lienem hoc loco sæpe inveni: ut dolores tumoresque lateris sinistri externo tactu patentes, perceptive, sæpe perversè Lieni adscribantur.

Intestina omnia ab incumbente facco compressa valde. Colon ab origine arctum, parvis scybalis plenum, sinistro in Hypochondrio ante Ventriculum triplo amplius, denuo alde contractum inferiora petebat. Nulli in Intestinis Vermes.

Cor cum Pericardio bonum. Nunquam vidi Pericardii extimam membranam pluribus majoribusque leatentem vasis. Cor sinistrum grumosi sanguinis multum, dextrum plurimum habuit.

Pulmo dexter omni ex parte a Pleura liber: sinister undique membranaecis productionibus, haud facile dilacerandis, cum Pleura connascebatur.

Ita-

Itaque vidimus Puellam tantis cum malis, vultu, oculis, viribus, respiratione, appetitu, catameniis, optima fanitatis indicia præbuisse, ad Paracetesin septimam usque. *Clariss. Bianchi, Taurinensis Professor*, ejusmodi in morbis bilem scripserat aut nullam esse, aut aquosam inertemque. Hic non ita; nec ita in pluribus Hydropicorum cadaveribus deprehendi; ut saltem Viri clarissimi non sit universalis observatio. An bona Puellæ bilis ad tantam tot functionum contulit præstantiam? Plausibile hoc foret, nisi prioribus hujus operis Tomis cum bona copiosaque bile, has functiones languidissimas esse deprehendissemus. Vide de his plura *Tom. 4. cap. 3. a pag. 119. ad 125.*

Familiale est in feminis, quæ peperere, systema uteri universum hujusmodi morbis affici: incommoda

graviditatis, inflammationes a difficili partu, a lochiis retentis, generare talia solent; sed in innuptis, in honestis, castisque puellis, rariora longeprehenduntur: fieri tamen quoque in hisce, & præsentis exemplo, & aliis in *Tomo hujus Operis sexto, pag. 41. & 48. relatis, constat.*

Vermium Symptomata in vita passa puella non est: Vermem unicum in morbo excrevit, postea nullum; quod, propter conspecta, & accurate examinata a Medico excrementa, certo novimus: nec vermis ullus in cadavere reperiendus fuit. Exemplum sic haberetur *Solitarii Lumbrici teretis, ut datur Tenia Solitaria.* At vero ut teretium raro solitarium esse numerum novimus, ita & Teniarum non solitariorum, sed complurium, exempla nobis ex variis Autoribus collegit *Ill. L. B. van Swieten Tom. 4. com. Cap. de morb. infant.*

*infant.* Et in cane Auditoribus meis illos número xii. demonstravi. Et proferam deinde Historiam integrarum Teniarum número Oñtodecim, quam femina emisit, necdum a symptomatibus Vermium' immunis; imo adhuc particulas Teniæ excernens.

Sed putridum urinarum, verumque earundem alcali, qua cretum origine, qua arte ablatum est? Putrida materies ex sacci plaga quadam resorpta intra sanguinem, olim mox a bona Natura ad Renes demandabatur: ita ut sanguis continuo se per Renes expurgaret ab eo, quod esset resorptum. Hinc eodem tempore appetitus, vires, menses, somnus, motus, veluti illibatae sanitatis. Præstitisset nihilominus putridam non adfuisse fomitem, qui metum perpetuum incuteret, ne, aucta ea, penitus corrumpere dissolverenturque humores. Interim Corticis Kinge



requisita dosis, una cum acido potu, videtur progressum corruptionis stitisse, eandemque jam factam minuisse sic, ut posthac multa de se signa præbere, nisi vita ad metam properante, non potuerit. Egregia exempla Nofocomium vidit putredinis humorum in maculis rubris, purpureisque, cutis; & in mictu cruento malignorum morborum; quam feliciter stiterit, Cortex. Videtur sane in hac morborum malignitate putridum omne ex ignoto fomite sic a sanguine versus Cutem, Renesve, determinari, ut primo saltem tempore, humores universos corrumpere nequeat: ne autem corrumpat demum, Medici Peruviano cortice prævertere conantur.

§. VII. Longus fui, sed longus esse debui, in referenda varii Hydropis historia; morbi quippe formidolosi, ac toties eo citius letiferi, quo studiosius ei-

eidem medicari fueris annis. Equidem ego in eodem pertractando semper multus, communemque olim Praxin secutus, in specie morbi quacunque, quibuslibet selectioribus remediis, & si mitiora haud opitularentur, generosioribus, aquas pellere conatus sum: hoc vero incassum tentato, ad Paracentesin, ægris si vires necdum contractæ essent, tandem confugi. Quin etiam ipsam hanc Paracentesin, etsi hominem non curaret, nihilosecius laudabam, ut quæ alias imminenti brevi interitum procrastinaret. Nunc vero in Praxi me quodammodo confescentem, ipsoque propterea usu rerum tutiora edoctum, Palinodiam canere, ac vulgari praxi renuntiare, monet, jubet, urgetque, proximi salus. Porro ut hujus mutatæ sententiæ rationes exponam, necesse erit omnes Hydropis species, seorsim singulas, suo

in ortu, suo in progressu, suo denique in fine, mature examinare.

Quinque Hydropis species enumerare Medicina solet. 1<sup>am</sup> Hydropem intercutem, quem & ἀνὰ σπληνὰ vocant. 2<sup>d</sup>am Hydropem Ascitem. 3<sup>ti</sup>am Peritonæalem. 4<sup>ta</sup>m Cysticum, seu saccatum. 5<sup>ta</sup>m Tympanitidem.

I. Hydrops intereus, qui aquam, aliquando gelatam materiem, imo & nonnunquam quid aërei intermixtum habet, cum consuetis artis auxiliis semper tractandus sit, nos hic morari non debet.

*Altera species*, Ascites, nos aliquantisper detineat oportet. Aquarum moles est, in Ventris, seu Peritonæi, cavo collecta. Hanc adesse novimus, causarum præcedentium primo gnari, Hæmorrhagiæ; Potuum aquosorum ingluviæ; Spirituum abusus; Colicæ Pictonum; Acutorum morborum

rum male curatorum, aut non rite judicatorum; Februm intermittentium, similiter se habentium; Urinæ parcioris, non auctis excretionibus aliis; Coloris, oculorumque, a priore statu sano mutationis; Chloroseos; &c. si deinde cum hisce tumor in Hypogastrio, & ad Ilia; si a Venarum Iliacarum inde nata compressione nonnullus observatur crurum tumor; si variato corporis situ fluctuationem quandam observat æger; si moles corporis sensim inde crescit; si Vires, si Vultus, si Appetitus, si Urinæ excretio, si Mensium in feminis profluvium, quocunque modo vitiantur, Ascitem agnoscimus.

Si semper hi Ascitici se nobis principio examinandos sisterent, morbum paulo facilius sæpe agnosceremus, nascentemque felicius, atque crebrius, persanaremus. Cum vero annosi, atque inveterati, sæpe nos primum a-



deant, fere immemores modi, quo ceptus morbus, quo cretus fuerit, minus profecto certam, minusque tutam formare Diagnosin possumus.

2<sup>do</sup>. Si jam Venter primo examine distentior est, frustra sæpe expectamus fluctuationem, Ascitis testem: Advertit jam *Duverneyus junior* hic, veluti in Vesica aqua distenta nimis, fluctuationem non percipi.

3<sup>to</sup>. Idem clarus autor, &, si quis unquam, in Diagnosi Hydropis cujuscumque sagax, & exercitatus, pro suo, quo erat, candore fatetur, se aliquoties in Diagnosi deceptum fuisse, dum fluctuationem percepisse se ratus, nullam in cadavere aquam, verum Intestina mucos & aere plena, prehenderet.

4<sup>to</sup>. *Sydenhamus* in suo de *Hydrope* tractatu testatur nobis & Asciten adesse suis ex signis creditum fuisse, & vel  
me-

meras excreſcentias carnoſas, vel flatuſ adſuiſſe, qui mentirentur Aſciten.

5<sup>to</sup>. *Sepulcreti T. Boneti Tomus alter* plurima nobis exhibet variorum exempla morborum, quos exercitati etiam Medici falſo ſalutaſſent aſciticos; ipſiusque graviditatis: quam ego quoque a celebrioribus Artis Antiliſtibus pro Aſcite couſque tractatam vidi, donec in lacem prodiret vivus Hydrops.

6<sup>to</sup>. *Reſert Acad. Reg. Sc. Par. anni 1732.* & Hydropem ſalutatum quendam Ventris tumentis morbum fuiſſe, & inſtitutam quater, licet nullus unquam humor prodiret, Paracenteſi: tumore interim univerſo a Rene ſiniſtro 35. Librarum pondere gallico, & paucula aqua, quæ fluctuationis ſenſu Medicis impoſuerat, oriundo. Similem utcumque Hiftoriam Renis prioribus in Tomis retuli.

*Tertia Hydropis species* ea est, quæ inter Peritonæum, & Abdominales musculos colligitur; & *Hydropis Peritonæalis* nomine venit. Hujus signa Diagnostica minus evidentia esse apparent, quam vulgo credunt, & statuunt.

Egregius *Littreus*, cui in hisce, aliisque, multa debemus, Regulas quasdam *Ac. R. Sc. Par. an. 1707.* condidit, quo fiamus præsentia hujus morbi certiores. 1<sup>mo</sup>. Si *Hydropis hæc species* non nisi plurium annorum spatio ( *plusieurs années* ) formata fuerit, & progressum, maxime in initio, lentissimum fecerit.

Sed & *Cystici Hydropis* lentissimum incrementum quandoque est. *Mulier, §. III. hujus ejusdem Capitis*, quinquennium numerabat, ex quo intumescere cepit Abdomen, paulatimque sibi augescere visum fuit. Constat autem manifesto eandem non Perito-

ritonæali, sed Cystico laborasse hydropem: e contrario *Cbomel*, *Acad. R. Sc. P. anni 1707*. Peritonæalem Hydroperem Puerperæ refert, intra 15. dies, a suo principio numeratos, ita crevisse, ut venter æque jam esset, quam ante partum, tumidus. Ergo Regula fallit, cum idem lentoris incrementum morbi & in quarta ejus specie obtineat, & ipsum hoc signum in eadem specie desit.

2.<sup>do</sup> Si & circumscriptus tumor est, & tumoris figura mutato corporis situ, vix mutetur. *Camerarius Pater* tamen, & *Drelincurtius*, & alii complures, tumorem circumscriptum, acuminatum, divisumque, suis in ægris non invenerunt, sed ventrem æqualiter tumidum. Præterea Ovarii cysticus Hydrops, dum Ventrem nondum integrum mole sua explet, circumscripti tumoris externi figuram habet, tactuque per-

ci-



cipitur circumscriptus: quod si simul Peritonæo accreverit, ut pluries vidi, situ corporis mutato, non ipse mutatur. Ergo & hoc alterum signum Hydropis Peritonæalis fallit.

3.<sup>io</sup> *Littreus* vult ut in conscripto tumore fluctuatio; extra limites vero ejusdem nulla perceptio fluctuationis sit.

Attamen *Nuck*, *Hochstetter*, *Camerarius* Pater, negant omnem Peritonæalis Hydropis fluctuationem; saltem *Nuckius* absentiam fluctuationis inter bona signa connumerat.

4.<sup>to</sup> Si crura aliæve corporis partes non extumescant, nisi prope jam multum morbo. Quamquam plures ita censeant, dico tamen primo *Gabrilpii* feminam ab initio tumidis extitisse cruribus: secundo, saltem hanc 3. speciem a subsequente 4.<sup>ta</sup> non discriminari, in qua idem signum habetur.

5.<sup>to</sup> Si præter ponderis molestiam vix quid incommodi toleret ægrotans. Pariter, ut ad præcedens, respondeo, & Nuckii feminam vehementer sitivisse, vehementerque potantem, urinam parce misisse; & iterum ob idem signum hanc speciem morbi non interstingui a specie sequenti, qui idem signum scribitur habere.

6.<sup>to</sup> Si mox a punctura, antequam aqua emittitur, sonda longa, per Cannulam inducitur, per omnem Ventræ capacitatem duci nequeat. Verum idem vidi Chirurgos experiri in tumore quocunque Cystico, sive minore, sive etiam ventrem explente totum, quando divisus in partes, variaque loculamentata est. Dices forte Instrumentum triquetrum in Hydrope Peritonæali mox penetrare in cavum; in Hydrope vero saccato longum emetiri debere spatium, antequam integumenta, musculi-

cu-

culos, peritonæum, ipsumque penetraverit faccum; adeoque vel sic distinctionis haberi notam. Sed rehero, experientia edoctus, instrumentum in gracili ventre, & sæpe gracili Cystidis plaga, mox penetrare; adeoque hoc ad distinctionem non sufficere. Vide quam tenuis cystidis membrana esset in *Historia Morandi* Ac. R. Sc. Par. anni 1719.

7.<sup>mo</sup> Si per eandem Sondam non eas percipiamus inæqualitates, quas Intestina, cæteræque formant Abdominis partes. Hoc signum aliquid probaret, nisi Saccos inveniremus tenues, ac fere politos interna sua superficie, in quibus proinde idem Sonda doceret.

8.<sup>vo</sup> Si post Paracentesin paucum admodum aquæ in cavo restitaverit. Sed vix remanere quidquam in Ascite, & in Cystico, aliquando deprehendimus.

9.<sup>to</sup> Si post eductas aquas resupinato corpore liquor per cannulam injectus, per eandem extemplo exiliat. Idem in Cystico adverti.

Cum præter hæc novem, alia signa apud Autores non enumerentur, hæcque ipsa fallacia esse demonstrantur, imo hanc speciem morbi cum subsequente confundant, concludi fas est, Diagnosin Hydropis Peritonæalis incertam admodum esse.

Quamquam autem novem tantummodo signa, ut mox dixi, eaque incerta valde, enumerari soleant, an decimi signi loco numeranda non esset iniqua Sexus feminei Sors, in quem fere unicum hæc Hydropis species cadat? Quantum enim pro mea virili Historiam medicam discusserim, necdum plus unico viro, quem invaserit, se obviam mihi fecit; scilicet *Abor-*  
nii



nii Adolefcens , cujus etiam meminit laudata toties *Morgagni* Epiftola.

Hoc fic fe habente , haud effet , Viro tumidum gerente abdomen , ulla fere unquam de Peritonæali Hydrope formanda fufpicio. Sed undenam folis feminis familiaris ? Legendus hic omnino eft incomparabilis *Winflow* in *Acat. Reg. Sc. Par. an.* 1741. a pag. 76. ad 80. & a pag. 234. ad 250. Edit. in 8<sup>vo</sup> fuper durioribus atque rigidioribus Thoracibus , qui inferiores feminarum costas deprimendo , comprimendoque Hypochondria , ad hæcce , & alia peffima mala generanda , apti nati effe videntur. Sive enim inde compreffa vafa lymphatica in nodulos , quos detexit Anatome , primo affurgunt , ac dein crepando hunc Hydropem generant ; five potius a tumoribus præ Thoracum compreffione in cellulofitate natis , tandemque fic au-  
ctis ,

elis, ut a Peritonæo Musculi abdominales secedant; Vasa lymphatica, a Peritonæo ad hos Musculos pertinentia, rumpuntur, & sic Lympha in hanc intercapedinem illapsa, eandem auget: abunde intelligimus Thoracum pressione gigni hanc Hydropis speciem sæpe & posse, & debere. Præterquam quod, præter alias *Cysticorum* tumorum, de quibus mox, causas, etiam hac Thoracum pressione eorundem ortus, atque progressus, haud difficulter intelligatur: qua de re legi meretur *Targioni Tozzetti prima raccolta di osserv. mediche.*

Describitur 4.<sup>ta</sup> *Hydropis species*, cystica, seu saccata, dicta, quæ a variis Ventris Visceribus, partibusque, originem trahere suam potest.

Ac 1.<sup>mo</sup>. quidem ex Ovario alterutro, quod, quemadmodum pluries demonstravi, & in variis hujus operis

tomis descripsi, vel magnam ventris partem explere, vel torum, potest.

Secundo, a Tuba alterutra; quemadmodum quoque antea descripsi.

Tertio, ab ipso utero, ut observarunt Autores.

Quarta ab Hydatidibus natis in Hepate insignioribus, Hepatis molem monstrose extendentibus; quales Auditoribus meis publice demonstravi: vel etiam ab Hydatidibus numerosissimis ex Hepate, ex Liene, ex Utero, alioque quocumque viscere propullulantibus, vel & inter Omenti laminas, in Peritonæo, aut quoque in Cavo Omentum inter, Peritonæumque, formato, inventis.

Signa Hydropis Cystidis nunc investigemus accurate. Ore omnium veluti Scriptorum, *Mauebartus*, *Eph. N. C. Cent. 8. Obs. 14.* & *Nuckius in Aden:* hæc signa collecta dederunt.

„ Quæ

„ Quæ Hydropicæ, scribit *Ma-*  
 „ *chartus*, nec pallent, sed roseum po-  
 „ tius genarum servant decorem, nec  
 „ pedes habent tumidos; ut potius,  
 „ aucto licet indies abdomine, graci-  
 „ lescent cum reliquis artubus & cor-  
 „ pore: hæ si diu, absque notabi-  
 „ li actionum læsione sarcinam hanc  
 „ circumferant, appetitum habeant bo-  
 „ num, non admodum sitiant, nec  
 „ tussiant, alvus autem faciat officium,  
 „ urina naturalis sit, & moles abdo-  
 „ minis nec purgantibus, nec diureti-  
 „ cis obediat, & præcipue malum a  
 „ partu difficili, puerperio infelici,  
 „ molæ gestatione, aut abortu ducat  
 „ originem, nec signa Cachexiæ con-  
 „ currant, Hydrope ovarii, seu Sac-  
 „ cato, vel Cystico dicto, sæpe tenen-  
 „ tur.

Et *Nuckius*: „ Ego, inquit, expe-  
 „ rientia didici illas, quarum facies co-



„lore grato est rosea, quæ satis bene  
„comedunt, bibunt, alvum deponunt,  
„urinamque sine notabili molestia ex-  
„cernunt, quarum corpora nec pur-  
„gantibus, nec diureticis, nec dia-  
„phoreticis, multum auscultant, illas,  
„inquam, ordinario affectu Uteri,  
„Tubarum, vel Ovariorum, laborare  
„hydropico, Lymphamque peculiari  
„sacculo inclusam nulla arte curari  
„posse.

Obiter advertamus Scriptorum ho-  
rum priorem de solo Ovarii hydrope  
agere, posteriorem de eo, & Ovarii,  
& Tubæ, & Uteri: priorem malum de-  
ducere a partu difficili, puerperio in-  
felici, mole gestatione, aut abortu;  
non excludere tamen ab hoc morbo  
virgines bene menstruantes, quales  
vidimus, cum non dicat has *solas* af-  
fici, sed *præcipue*.

Advertamus secundo nullam in utraque hac descriptione fluctuationis fieri mentionem, quam, ut ut sæpe abest, obscuriorem ego deprehendi tamen, & *Clar. Targionius* in sua Matrona invenit manifestam. Ergone & abest & adest, ut in Peritonæali? ob idque nihil in Diagnosi juvat?

Si nunc animo perpendamus ple-  
raque signa in hoc Cystico Hydrope  
veluti Diagnostica, imo Pathognomi-  
ca tradita, convenire cum iis, quæ in  
Hydrope Peritonæali signorum Diag-  
nosticorum, atque Pathognomicorum  
nomine cluebant, convincimur præter  
conjecturam, aut saltem præter proba-  
bilitatem, nihil reliqui fieri.

Sed ad alia quam plura attendamus  
oportet. Dantur veri Cystici tumores,  
dantur & spurii; & sic quidem, ut cre-  
bro signa nobis desint, quibus verum  
a spurio discriminemus, spuriumque

a vero. Neque veluti gratis me hæc asserentem ii inculabunt, qui hac in re pluries se sua in praxi norint esse deceptos. Videantur quæ celeberrimum *Valsalvam* observasse Clarus per omnia referat *Morgagnus*. Tumido in vita existente abdomine, a morte tumor invenitur pondere 25. Librarum, e Mesenterio enatus, processibus suis Jecur & Lienem premens, infra cum tumido teste sinistro communicans; substantiæ cancrasæ.

Mulieri adest in vita ingens medio in Ventre tumor; in denata illius basis invenitur ad Mesenterium, ipseque cum colo unitus; hic firma, ibi mollior. *Marcellus Donatus* ejusmodi tumoris meminit, pure repleti.

Post tumidum admodum in Vita ventrem, tumorem cadaver exhibuit prægrande hominis caput æquans, natus ex uteri postica parte, carnosâ substantiâ

stantia durior, duos in faccos, divisus, quorum alter vacuus, sevo alter plenus. Primum liber tumor, postmodum utpote cum vicinis concrefcens, immobilis fuerat.

Tumor ingens, immanis, totius non Epigastrii, quod notandum, sed Hypogastrii, sæpius de die variæ magnitudinis, diu ægrum torquet. Invenit *Valsalva* molis ingentis Ventrículum locatum in Hypogastrio. Similem refert *Mangetus* anatomen. *Illms Morgagni* immensum talem Ventrículum apprehendit, qui etiam vacuus, vix a pubis distaret ossibus. *Illms Macneven & Kelly ab Agrim* in *Diff. de raro Ventrículi casu*, 1760. edita, Ventrículum demonstravit, Scirrho Pylorum fere obturante, eam in molem amplificatum, ut, sacci instar, universum abdomen expleret, suoque fundo inter Rectum atque Vesicam sese insinuans, causam



tenefmi extitiflet, frequentisque ifrangurix. Ingens adeo hic Venterculus erat, ut, referente Clariffimo Autore, „ filum arcui majori circumductum, an- „ tequam evagaretur, ulnam *Bobemi-* „ *cum*, cum tribus quadrantibus & duo- „ bus pollicibus, æquaret: minor ar- „ cus tres daret ulnæ quadrantes „ cum uno Pollice. Et, quem apud *Riverium Antiffiodorenfis* Medicus *Jodon* defcribit, Venterculus, quantane mole ventrem extenderit, qui nonaginta Librarum pondere liquidum intra feſe comprehendere, inventus eſt? *Mün-* „ *benius* Venterculum vidit fic univer- ſum expletem abdomen, ut coope- riret Inteftina omnia. Profecto ſimi- les tumores, antequam ventrem pen- tus impleant, Cyticorum more ſe ha- bere, nobisque imponere poſſunt; & grandefcentes demum fic, ut & ex- plegant totum ventris cavum, & li- quo-

quore turgeant, fluctuatione sua Asciten mentiri queant.

Intestina concreta mutuo inter sese, ac conglobata, sensum tumoris inæqualis fascari Medicis exhibuerunt. Monachus creditur Ascite mediocri laborare, una cum tumore forte cystico, quo pressio flatus per inferiora excludantur. In Cadavere invenitur tumor a conglobatis Intestinis tenuibus & partim quoque crassis, ope crassarum atque cartilagineorum ligamentorum. Qui hanc Historiam refert *Morgagnus*, addit se in alio principium hujus tumoris una cum Ascite invenisse. Anni sunt 23, quod publicæ lucis fecerim Historiam feminae, cui Paracetesin tres Medici feceramus, veluti Hydrope Cystico laboranti; in cadavere invenimus ope Omenti monstrosi, geminos digitos crassi, Ventriculū, Jecur, Colon, Jejunum, Duo-

denum, in unam veluti fasciam coivisse & concrevisse. Rubellus liquor, quem pondere 16. vel 17. Librarum Paracentesi eduxeramus, & qui integro triduo post hanc foramine extillaverat, in unico ventris cavo, quod in sinistro latere inveniebatur, non saccato, hæserat.

Cysticum tumorem mentita Vesica urinaria est, quam *Ill. Morgagni* invenit immensam in bursam esse amplificatam, ac Peritonæo connatam: ex Vesicæ quippe orificio corpora quædam alba excreverant in Vesicam; unde perpetuum quidem urinæ stillicidium, sed etiam urinæ plurimæ diuturnior in eadem mora: quo sensim factum, ut in stupendam hanc molem Vesica excrevisset, in parietibus suis digito crassior. In *Boneti Sepulcreto* tumor ventris ingens, isque Cysticus,

reperitur, ab abscessu ingenti, inter Vesicæ tunicas anteriores oriundo.

*Tom. IV. Rat. Med.* demonstrationem publicam communicavi Jecinoris atque Lienis, substantiæ quidem optimæ, sed molis adeo incredibilis, ut viscera hæc utraque universum Ventrem, Hydropis saccati modo expleant, parva modo parte versus pubem excepta.

*Tom. VI.* exhibui immensæ molis Omentum, omnia explens, & universa Abdominis viscera fere obvelans. Similia & *Ruiscbius* descripsit.

Ren invenitur apud celebr. Morgagni cujus portentosa mole cuncta ventris viscera premerentur in Peritonæum. Medici *Parisienses* homini cuiquam tentaverant quater Ventrî aquas paracentesi educere; nec eduxerant quidquam. Ren demum in cadavere invenitur 35. Librarum Gallicarum,

Se-



Semel quoque ejusmodi Renem publice demonstravi.

Uterus, vel in cavo suo hydropicus; vel pure, ichore, scirrho, in substantia sua horrendæ molis; aut graviditatem mentitus sæpe est, aut Hydropem. Omitto tumidos Ventres a Vermibus, ab Aneurismate, a Systemate Venæ Portarum obstructo, &c.

Sed & ipsa Ovaria, ut ut Hydropem cysticum verum formant, ita non minus frequenter spurium, ut ante jam monui; utpote aut pro majore parte, aut tota, sive atheromatosa, sive steatomatosa, sive cartilaginea, sive scirrhusa, sive cancerosa, &c.

Ex quibus omnibus mature consideratis sponte, opinor, liquet, & Diagnosin 3. & 4. speciei Hydropis plerumque dubiam haberi, & Paracentesin, rariore quidem casu proficuum, ple-

plerumque vero aut periculofam, aut letalem effe.

*Quinta Hydropis Species* est *Tympania*. Tumor fcilicet Ventris natus ut plurimum ab aëre & materia chylofa, mucofa, ftercorea, Ventriculum & Inteftina vehementer extendente. Negandum tamen non eft confiftiffe experimentis, quæ rite capta fuppono, rariffimis tamen, Tympanitidem nafci poffe, fi aër Peritonæum inter Ventrisque viscera contineatur; aut fi aër & Inteftina diffendat, & ventris cavum; aut fi & aër fimul & aqua cavo in ventre reperitur; aut denique aër Inteftina tumefaciat, & aqua Abdomen.

Signum 1.<sup>um</sup> Tympanias Medici ponunt Ventris minorem, quam in Afcite, tumorem: hoc fignum fallax effe demonftravit Tympaniticus, cujus Hiftoriam dedi *Tom. 2. Rat. Med.*

2.<sup>do</sup> Ajunt fluctuationem non percipi. Hoc certe non ita generale signum est, quin candidus *Duverneyus* junior fateatur se aliquoties deceptum fuisse, dum fluctuationem se percipere credidisset, & postliminioprehendisset, loco Lymphæ, aëre, ac multa glutinosa materie, repleta Intestina fuisse.

3.<sup>to</sup> Sonitum Tympani madentis, aut obducti, statuunt Tympanitidis signum esse. Quanquam sæpe numero id verum est, fateri tamen debemus hunc sonitum, neque perraro, adeo esse obscurum, ut utrum adsit, nec ne, jure dubites. Symbolam tamen hæc tria enumerata signa conferunt, si cum hisce homo est ad Stateram levis; cum e contrario in Ascite, & Hydrope quocunque alio, ponderis insignis ægri sint ob colluviam aquæ.

Verum neque hoc quidem ultimum citra exceptionem in diuturniore Tympanitide admittebat Vir præstantissimus, hac elapsa æstate nobis morte ereptus, *Werlbofus*. Et dum amplissima Tympaniticorum Intestina *Duverneyus* crassa materie mediam partem repleta videret, an hoc signum levitatis ponderis admittere potuit? Ad rem hic *Morgagni*, „ *Harterus*, „ inquit, in Tympanitico puero cum „ miraretur crassa præprimis intestina „ distenta adeo, ut Colon sua mole Jecini „ cinori vim attulisset, & sinistrorsum „ compulisset; materiem intus invenit „ tanta copia, quanta id facere potuerat „ pultiformem, spumescen- „ tem, & ex albo flavescentem: quæ „ res in morbo, quem adstricta al- „ vus comitatur, tunc, opinor, ma- „ xime conjicienda est, cum aut pau- „ lo antequam morbus evidenter in- „ ci-



„ ciperet , multa ægri ingesserunt ,  
„ aut non perpauca , postquam ince-  
„ pit , porro ingerere perrexerunt . „  
Adeoque non erunt tales , ratione suæ  
molis , pondere leviores .

Et quoad penultimum , de Ven-  
tre resonante ; in *Casparo Lombria* ,  
*Patricio Veneto* , Ill. *Morgagni* descri-  
bit Ventrem tumidum *Tympani instar*  
*resonasse* , dum tamen in Anatome  
„ Venter aquæ foetidæ , ex viridi fla-  
„ væ , copiam habuit , quantam ma-  
„ ximam præter omnem modum di-  
„ stentus habere potuit „ Nec modo  
aliquando deest hoc signum in Tym-  
pania , verum etiam adest in Opisto-  
tono sic ut *Arætaeus Cappadox* Lib. 1,  
de C. & S. Ac. Cap. VI. illud inter  
signa hujus morbi Diagnostica ponat ,  
περσπετές κοιλίην καὶ θώρηκα . . . ἐπιγά-  
στρον ἐπιτεταμένον , καὶ ἐν ἐπιπελάσις , ἐντοχῶν .  
Opistotonos autem nihil commune

cum

cum Tympanitide habet. Sic ut etiam resonantia Tympani non monstret perpetuo Tympanias præsentiam.

Atque ita demum Hydropis, singulas suas in species divisi, signa tantum probabilia invenimus: quæ sane, & alterum, & tertium poscunt, antequam quid certi aut statuamus, aut pronuntiemus, examen: quamquam & aliquando tunc adhuc hæsitare Medici prudentis sit. Quod enim centies olim, quod nostris toties contigit temporibus, ut Viris, vere in arte præclaris, hæc res turpiter imposuerit, idem & aliis, & nobis omnibus, potest contingere. Quare nihil indecentius turpiusque in Medicorum consilio est, quam quod suam quisque sententiam acriter, crebroque in aliter sentientes ignominiosè, proferat ea in re, de qua nemo certitudinem, ad summum vero meram ha-

beat probabilitatem. Exemplo nobis hic ipse sit præclarus *Morgagni* qui *Ep. A. M.* 39. in referenda consultatione quinque Medicorum, super tumido *Ventre Revmi Brixiani* Antistitis habita, vel ob id solito longe diffusior esse videtur, quo discerent Medici omnes & in ægrorum salutem, & in mutui tutamen honoris, suam quique mentem, suam quique proferre sententiam. Dum ipse quartus perorans, suam sententiam dixerat, „ Verun-  
„ tamen, addebat, non hæc a me di-  
„ ci, quasi aliorum sententiæ conje-  
„ cturam præferrem meam, quam om-  
„ nium judicio subjicerem, nihil ip-  
„ se ut in re ardua, & præobscura,  
„ definiens, ideoque, nec quod aliis  
„ visum esset, contemnens.

Diagnosi variarum Hydropis specierum plerumque incerta, incerta sæpe quoque prognosis erit; minus

tamen crebro, quam Diagnostis: sæpe enim calamitatem ægrotantium, vitæque discrimen, agnoscimus ex functionum læsione, cæterisque prognosticis signis, licet genuinam necdum capiamus naturam speciemque morbi.

De curatione nunc pauca videamus.

Ac primo quidem in ejus Hydropis cura, qui consultis cunctis experientiæ regulis nobis Ascites esse appareat, isque verus, cum alia quacunque specie non confusus; in hujus, inquam, cura, Indicans, Indicatio, & Indicata, omnium optime inveniuntur in Immortalis Boerhaavi *Capite de Hydrope*: potissimum si una conerantur, quæ ex numerosis Autoribus, ac multiplici sua praxi & experientia, ad hoc Caput, pulchro concinnoque ordine, Ill. L. B. van Swie-



ten commentatus est : ea tamen lege, ut si æger ab auxiliis selectissimis non emendetur, imo pejoretur potius, serio perpendamus, num forsitan Hydrops hic aut non complicatus sit, cum alia ejus specie; aut inveteratior, quam ut solis internis levetur, abigaturque auxiliis.

De Paracentesi tunc deliberandum est, ne, si sit instituenda, ea demum ægro incurabili facto, in artis vituperium instituatur. Quæ si levet ægrum, rarius unica vice salutem affert; unde pluries repetenda est.

Novi equidem claros in *Anglia* Viros conatos fuisse, injectione in Ventrem adstringente ac roborante, composita ex Aqua Bristolensi & Vino rubro, calide injecta, reditum præcavere aquarum post Paracentesin; sed cum bona illorum venia necdum imitari illos ausus sum. In sua enim *Hi-*  
sto-

storia candidè enarrant, ægram sub ipsa injectione, pungentes pectore percepisse dolores, perque omnia viscera lancements, habuisse respirationem difficilem, pulsum vacillantem, redeuntem Syncopen, aphoriam: quæ profecto, licet ægra reconvaluerit, quam parum a vera morte abfuerint, cuique liquet. Quantane hinc inquietudo! Quanta, si mors sequeretur, Artis nostræ exurgeret infamia! Si tamen exempla complura hanc curam confirmarent abunde, sequeremur eam audaciores. Solemus autem curarum eximiarum posteriores, quæ priores confirmant, sæpe frustra desiderare repetitiones, ac si quapiam duntaxat fortuna prima vice contigissent: ad quod credendum eo magis adducor, quo crebrius viderim, quanti laboris sæpe sit in locis externis, v.g. in Tibia, sic vasa lymphatica constrin-

gere, ut nunquam ultra suam lympham effundant.

Quæ porro reliqua de Ascitis cura monenda sint, hæc in curatione cæterarum specierum sponte patebunt.

Quæritur igitur quænam curatio 2<sup>dæ</sup> speciei Hydropis sit, scil. Hydropis Peritonæalis?

Viri doctissimi, *Tulp*, *Van Meheren*, *Nuck*, *Coster*, *Walæus*, commendarunt Paracentesin. Censet *Nuckius* Peritonæum, Lympha eduçta, brevi cum abdominalibus musculis coalescere, & ora vasorum lymphaticorum, Ductuumque glandularum excretoriorum, olim abrupta, jam hoc coalitu Peritonæi cum Musculis sic claudi, ut omnis sit ablata Hydropis causa.

Et hanc curam se se ab ipsa didicisse natura quidam scribunt; contemplati in *Abornii* historia, *Eph. N. C. Cent. 9. Obs. 100.* quo pacto Natura bis exiguo

iguo a se foramine facto levamen attulerit, felicem tertio sanationem: & quo pacto in femina, cujus causa *Cl. Chomel Act. Ac. Reg. Sc. ann. 1728.* suam dissertationem adornavit, Natura aperiundo Umbilicum, Medicis ostenderit viam salutis: quomodo præterea *Doctiss. Brehm. Act. N. C. Tom. IX. Obr. 79.* feminam solo per umbilicum facto sponte, die alterno, sub alvi exoneratione, aquarum copiosissimarum effluvio, Natura curaverit.

Verum enim vero licet Natura aliquoties hac via attulerit salutem, intulit quandoque via eadem interitum; ut *Hagedorn in N. C. Cent. 2.* demonstravit.

Secundo, in laudatis hisce historiis, ita fortunatis, dubitatur, num revera Peritonæalis Hydrops adesset?

Tertio, licet Natura sic revera hunc morbum curasse statuatur, hoc non im-



pedit, quo minus Paracenteseos negotium magnis implicitum difficultatibus agnoscamus. Si præter aquam nihil vitii locus habet, fortunata aquarum eductio esse potest. Verum Cadavera toties, post eductas aquas, tumores nobis revelant pravos, ulcerosos, cancriferos; quos occultaverat Lymphæ moles. Hinc *Perill. Morgagni Ep. A. M.* 38. „Ac priusquam, ait, a te  
„ suscipiatur æger, exquiras diligenter  
„ velim, num durities, aut tumor a-  
„ liquis antea fuerit, quem nunc ma-  
„ gna abdominis extensio occultet;  
„ præterea num dolor, non cum dico,  
„ quem ipsa illa distensio parit, sed  
„ ulcerosus, testis erosionis, ægrum  
„ torqueat, aut certa aliqua in parte  
„ arctius a te contrectati abdominis  
„ excitetur. Ratio cur Paracentesis  
tunc nedum juvet, sed mortem præcipitet, Aër est, qui putredinem acces-  
su

in suo exulceratis affert partibus: imo & absque accessu aëris Paracentesis non levat, eo quod exulceratæ partes pergant more suo corrumpi, augeri; quodque ex erosio, apertisque lymphaticis vasis, scaturigine scilicet prioris Hydropis, novus Hydrops regeneretur. Equidem Autores nonnulli Methodum commendarunt ejusmodi exulcerationes depurandi & curandi, verum quid de ea cogitandum sit, mox patebit in sequentibus.

Profecto si ab una parte cum tentatæ curationis periculum, tum acceleratam ab illa mortem, intueamur; ab altera vero parte morbi sibi demissi cum tolerabilitatem, tum etiam diurnitatem; ne quam curam unquam, siue in hac, siue in sequenti specie, suscipiamus, facile persuademur. *Tulpii* femina, cujus mortuæ venter 110. Libras aquæ inter Peritonæum & Mus-

culos gerebat, tulit hoc malum integro generosa septennio; sic, ut potuerit, perinde atque sanissima, deambulare, peregre proficisci, imo & *Clivium* conscendere turrim. Femina *Brehmii* morbum tulit 14. annis. Virgo *Munickii* annorum 18. spatio. In *Actis Anglicanis* mulier alia morbum 30. annis tulit, alia annis 44.

Consideranda 3<sup>to</sup>. Hydropis, quem saccatum ajunt, Cura. Et Paracensis hanc perficiendam esse Medici arbitrantur: quin & nonnullæ enarrantur, paucæ tamen, curationes ejusmodi fortunatæ. Vid. laud. mox *Act. Ac. Reg. Sc. an.* 1728.

Verum enim vero, cum antea constiterit, quam difficulter Diagnosis vera hujus morbi capiatur; cumque ab altera parte laudatæ Curationes sanitatem reddentes, num res ita se habuerit, anatomica demonstratione  
haud

haud potuerint evincere, curationes eadem id non probant, quod earum intendunt Autores.

Alios proinde consulamus. Egregius *Duverney* junior, in *Actis* *iusdem* *anni* 1707, multus est in docenda arte ea, qua, post Paracentesin, ope injectionum, saccorum exulegrationes depurentur; postea etiam comprimantur ac vinciantur; ipsique si adsint tumores, incidantur, suppurandoque consumantur. *Acad. Chir. Reg. Par.* in suo altero tomo consimilia suadet.

E contrario 1<sup>mo</sup> Innumera exempla monstrant, præter eum, quem pertuderis, saccos dari plures: sic ut vel aqua, vel pure, vel glutine, ex sacco uno educto, & alii & complures, sacci adsint, qui nihil communicantes cum priore, minime concidunt;



dunt ; interea dum aër in aperto prior omnia disponat ad corruptionem.

2.<sup>do</sup> Plures etiam si pertundantur *Cystides* , quid demum id proderit ? Scimus enim *Sepimentis* , inter se se neutiquam communicantibus , suam singulo in sacco contineri , ut plurimum , materiem : unde non raro a *Paracentesi* vel nullus , vel parvus admodum materiei effluxus.

3.<sup>tio</sup> Et unicus modo Saccus sit , isque *Sepimentis* non divisus , quid inde ? Certine sumus , si ille aut nihil , aut partim tantum , cum *Peritonæo* concrevit , nec *Omentum* interesse , nec *Intestinum* , quod infelicer forte pertundatur ? Aut possumusne asseverare de aperto sacco non effluxuram in cavum Ventrē materiæ corruptæ portionem , quæ letum inferat brevi ?

Imo

Imo evitari se hoc ajunt posse, feminam locando in ventrem pronam, quo totum Cystidis pondus in Peritonæum gravitet. Verum *Ill. Morgagni* id principio possibile quidem esse concedit, minus vero, quando faccus nunc ab evacuatione flaccidior, minus apprimitur ad Peritonæum: neque etiam hunc effluxum tunc impediri, quando filamenta in liquore natantia cannulam obturaverint; liquore tunc juxta cannulam in Ventrem transsudante. Et demum ser, quacunque adhibita cura furtive intrans, Sacco minabitur gangrænam. Quotiesne præterea faccus pauculorum spatii dierum æque, atque antea turget, & pejorem sequenti Paracentesi materiem fundit? Frequenti enim Cadaverum apertura didicimus collabentis facci aperturam coire, ut ex eodem denno repleto nihil in ventrem effundatur: sin autem quandoque  
non

non coiverit, ut perpetuum fiat corruptæ materiæ in Ventrem stillicidium, sicque iterum ob aliam, quam hucusque exposui, causam ægra pereat necesse est.

Sed Cannulam, inquiunt, in apertura relinquemus, ut saccus continua novæ materiæ evacuatione concidat tandem, materiæque, sacci collapsu, coalituque, scaturigo annihiletur. Respondeo, ut olim, ita & nunc, cannulam irritando, aeremque continuo admittendo, gangrænam mortemque accelerare; ut allato superius exemplo in nostra Puella constitit.

Hinc necesse foret saccum posse consumi. *Litræus* quædam hunc in finem proposuit: *Cyprianus* etiam aliquid tentare ausus fuit; sed in occasione tam rarissima, ut mille, milleque Medici, eandem nunquam aut fuerint adepti, aut adepturi sint. Vide ejus tractatum impressum post Librum, cui titulus:

*Bel-*

*Belloste Chirurgien de l'Hopital. Chirurgi Parisienses in Actis Acad. suæ, Ovarii extirpationem audacter proposuerunt, eo quo brutæ femellæ castrantur modo; hæc autem, speculatione ingeniosa genita, non videntur per tot annos, qui exsequerentur, habuisse. Vide quæ Tom. IV. de hac re disserui.*

*Duverneyus* tamen judicabat, educata materia, collabi saccum, collapsosque inter sese coire parietes; eoque modo par feminarum se integræ reddidisse sanitati. Cum vero vixerint postmodum ambæ, neque apertæ a morte fuerint, de natura illarum morbi, incertam adeo Diagnosin habentis, jure merito dubitamus.

Et quidni dubitemus? Ipso scilicet hoc claro Autore sponte, & ingenue, fatente: „Je n'en ai point vu  
„guerir: au contraire plusieurs fem-



„ mes, qui jouissoient d'une allez bon-  
„ ne santé, & qui n' avoient point  
„ d'autre incommodité, que celle de  
„ porter un gros ventre, ont péri en  
„ peu de tems, pour avoir voulu s'en  
„ défaire.

Nec *Nuckii*, licet speculative Paracentesin proposuisset, alia sententia fuit; eas nempe, quæ Cystico Hydrope laborarent, nulla arte curari posse, candide asserentis. Adstipulatur *Targionius*.

Nullane igitur in Cystico Hydrope Paracentesis locum habet? Nullane auxilia alia? Quod *Daverneyus*, & *Nuckius*, & *Targionius* mox, idem ego, idem mecum complures testantur; omnes scilicet feminas, quibus, in hac morbi specie, aut instituta Paracentesis fuerit, aut multa antihydrica remedia exhibita, morbum brevi habuisse calamitosiorem, citiusque letalem.

In-

Interim bonum vitæ regimen, nimique qui nocere posset, motus, nec non violentarum animæ passionum, sollicita evitatio; Diæta quoque salutaris, aërque salubris, conferent multum. Rifu crepuit Cystis in *Cl. Morgagni* Matrona, unde pessimus natus Ascites. Feminae meæ, de qua *Tomo IV.* a motu nimio per plateas, sacculus crevit, & funestus quoque sequutus est Hydrops.

Quid si probabilitas magna est & Cysticum Hydropem adesse, & Asciten? Servatis regulis generalibus, Paracentesis profutura videtur, ut saltem sacculus, eductis aquis majore libertate gaudeat. Quid de remediis demum internis? Si ceterum femina valet, abstineat ab illis; cum sive per diuresin, sive per alvum, sive per sudores, hæc agant, semper turbabunt corpus, alias bene se habens;

& citra ullam sacci, extra leges circulationis hærentis, emendationem, vires ægræ frustra dilapidabuntur. Sin vero femina male habeat, palliative, pro re nata, adjuvetur.

Quintæ denique speciei Hydropis, Tympanitidis dictæ, curam, moderata frictione, medicamine atque alimonia vires restaurantibus, inertesque intestinorum fibras apte extimulantibus, tentare solemus: interpolamusque purgantia, quæ, dum in morbo nondum conclamato, desides Intestinorum fibras in actionem cieant, aërem, contentamque in Intestinis materiem eliminando efficiunt, ut area morbi finibus conscribatur arctioribus, atque ita morbi causa minatur, ac forte tollatur. Cortex Peruvianus, qui multos haud minus alvo laxat, quam viribus restaurat, addita frictione, affert aliquando plurimum boni.

CA-

## CAPUT V.

ANATOMICA QUÆDAM,  
ET EXPOSITIO TABULARUM.

**V**iscerum, ac potissimum abdominalium, situm, configurationemque, in singula cadaverum apertura, ut Auditores mei accurate no-  
tent, hortari soleo; ut exinde intelligant, quam crebro 1<sup>mo</sup> viscera hæc eum non occupent locum, quem vulgo credimus eadem occupare. 2<sup>do</sup> Quam sæpe contingat, ut eorundem moles, longitudine, latitudine, amplitudine, capacitate, connexione, vel partim, vel integre, aucta, imminutave, reperiatur. 3<sup>tio</sup> Quam fallax nostrum judicium sæpe in morbis sit, dum v. g. Hepar in dextro Hypochondrio quærimus, ubi idem in-



tra costas totum delitescit : dùm Hepar in dextro tantummodo latere locari arbitrati, non raro idem vel totum Hypochondrium sinistrum, vel magnam ejusdem occupare partem reperimus : dum Hepar solito in loco esse creditur, idque tamen invenitur a Diaphragmate ad Umbilicum, imo & ad longe inferiora, ventrem occupare : dum Splen in extrema parte sinistri Hypochondrii, sub arcu Costarum, quæritur ; ubi interea sæpe aut nihil omnino infra costas eminet, aut versus dorsi spinam locatur, aut in abdomine infra Hepar depressus invenitur, aut intra lobum minorem Hepatis, jam maximum, involutus : cum dolente agro in læva, atque media Epigastrii plaga, ventriculus accusatur ; isque interea sæpe aut post jecur dorsum versus, aut post tympaniticum Colon, aut totus fere in  
de-

dextro Hypochondrio ; aut elongato Oesophago infra crassum Jecur ad umbilicum protrusus sive horizontaliter, sive etiam perpendiculariter locatus est; aut mole ingens totum sæpe Epigastrium sic implet, ut tangat utrinque infimarum costarum arcus ; aut totus deprimatur infra umbilicum ; aut tandem explet sic universum ventrem, ut aperto Peritonæo omnia viscera a Diaphragmate adusque pubem contegat : quam e contrario antem aliquando adeo parvus sit, ut vix uncias quatuor, tres, imo duas, capiat ; & parvi contracti Intestinuli formam habeat : dum Intestinum Colon in Colica accusamus, ubi illud in loco dolente minime jacet ; & e contrario veri colici dolores iis in plagis hominem torquent, in quibus nemo fere Colon quæreret ; dum ipsum hoc Intestinum supra Jecur, Ventriculum, ac Lie-

nem decurrens, imo cartilaginibus costarum spuriarum ac mucronata cartilagine rectorum, aliarum potius partium morbos refert, quam suos.

Ipsa autem prava conformatio; quam pro parte jam in recensione loci, quem occupant, alieni, magnitudine aucta, minutave, vidimus; mirificum sæpe adspectum præbet, docetque homines multas causas proegumenas morborum intra se se gerere, ut puta, Colicæ variæ, imo etiam Pictaviensis; Ileï, Tympanitidis, &c. quorum alii ejusmodi morbos pluries in vita vario perpetiuntur insultu, alii rarius, alii vero nihil omnino: docet præterea Morbos complures immedicabiles sæpenu-mero esse, quia eorundem causa prædisponens tolli nequit; Medici tunc esse, ut in causas evigilet excitantes: quibus averruncatis, haud raro Diathesis sopietur sic, ac si corpori non inesset.

Tan-

Tandem dum partium degeneraciones, sæpe enormes, obfirmatas, ac proinde antiquas, eorum cadavera revelant, qui in vita sua signa harum degeneracionum præ se se non tulissent, docet hæc eadem Denatorum inspectio aut 1<sup>mo</sup>. partes misere affectas, non quo loco hæreant, gignereque morbos debeant, sed in dissitis multum plagis seu Nervorum commercio, seu quadam arcana lege, corpora læscere: aut 2<sup>do</sup>. grandes morborum causas Mortalium inesse Visceribus, quæ in actum prorumpant nunquam.

Discimus igitur ex his omnibus prudentiam in Diagnosi formanda; discimus cur sæpe eandem deprehendamus fallacem; discimus Prognosin majoris quandoque non esse certitudinis; & proinde curam ea prudentia & cautela incipiendam, promovendamque esse, ut, quando auxiliorum ad-



motorum effectus intentioni non respondent, imo morbum exasperant, serio inquiramus, an forsitan causa in his, de quibus hic sermo est, quærenda, reperiundaque non sit?

Tabulæ hic adpositæ multa eorum, quæ dixi, explanabunt. Sunt in iis, quæ ad varias historias hujus *Tomi XI.* pertinent; sunt quæ minime: hæc prout sunt, repræsentabuntur, & explicabuntur; illa paginam Libri notabunt, in qua historia eorundem enarratur.

## T A B U L A I.

## F I G U R A A.

**I**ntestinum Colon juvenis 18. ann. qui Hydrope Ascite, sed potissimum Pectoris, & Pericardii periit.

A. Cæci amplus saccus.

B. Flexus Hepaticus.

C. Reflexus supra se.

D. Tertius flexus.

E.

- E. Quartus flexus.
- F. Quintus.
- G. Hucusque Intestinum tympaniticum, jam post volvulum suum gracilescit, & format flexum Lienalem, flexum scilicet sextum.
- H. Flexus septimus, ab eoque ad renem pergit.
- I. Flexus octavus a rene ad latus abdominis.
- K. Flexus nonus.
- L. Flexus decimus.
- M. Saccus magnus tympaniticus.
- N. Principium Recti.

Juvenis hic triennio ante mortem Dysenteria laboraverat. An infirmatum inde Colon, in hæc degeneraciones abiverat? Intestinum, quo loco contractum, in eo crassum valde sua in substantia erat. Historiam reliquam ob sui mirabilitatem in aliam occasionem reservo. Cæterum morbi

ex hac mala conformatione non extiterunt.

FIGURA B.

Viri 26. annorum est, qui sex subsequentium sibi annorum spatio febre, partim tertiana, partim quartana, laboraverat; a septem autem ultimis vitæ annis non amplius; sed quidem tussis frequentiore, ac semel Hæmoptoe; jam vero præter tussim quandam a biennio sanus, demum in febrim ardentem incidit, ejusque 21. die periit.

A. Flexus coli hepaticus.

B. Flexus lienaris; a quo usque ad C. tympanitica expansio,

C. Subita Coli contractio usque ad D.

D. Flexus iliacus, mox abeuns in tympaniticum saccum.

E. Subita & priore arctior contractio ad F. usque.

F. Tertius saccus tympaniticus,

G.

G. Contractio Coli tertia brevissima.

H. Quartus tympaniticus faccus.

I. Contractio quarta.

K. Rectum Intestinum dilatatus.

Homo hic nunquam ventris incommodis, quantum ex tota anamnestica historia sciri potuit, laboravit. An forte puerorum juvenumque consuetudo, alvum cohibendi, occasionem formandorum ejusmodi faccorum præbere possit? Sic ut loca fæcibus aereque repleta, expandantur, & irritatio inde nata contrahat loca intermedia, non expansa?

---

F I G. C.

Colon Intestinum pueri novennis; spina ventosa pessima mortui.

A. Intestinum Cæcum profundis cellulis a parte externa incisum ita, ut fæces per angusta admodum spatia se penetrare debuerint.

B.



B. Appendiculus Cæci.

C. Flexus primus Coli sub Hepate.

D. Flexus levis alter.

E. Flexus tertius. Tumor Intestini hic loci inter Hepar & Peritonæum extabat ; & potuerat in vivente puero, ceu tumore magno Hepatis existente, imponere, & pro dolore colico, Hepatis fingere dolorem. Præterea Colon hic sæpe turgens, & Hepar fricans, comprimens, ac veluti contundens, potuisset Inflammationem, Indurationem, Scirrhum, Hepatis efficere.

F. Flexus Coli quartus. Locus, quem hic sub Hepate ad usque F. & ab F. ad mediam partem spatii F. P. Colon occupat, cum sit Intestinorum tenuium consueta sedes, imponere posset pro dolore colico iliacum mentiundo.

G. Coli flexus quintus admodum altus.

H.

- H. Sextus & septimus flexus parvus Coli.
- I. Octavus flexus.
- K. Nonus ubi Rectum L. format.
- M. N. P. Hepar magnum, ad umbilicum fere pertingens, magnam quoque sinistri Hypochondrii explens partem. Igitur cum hoc frequenter Jecur faciat, erramus dum Hepatis morbos in dextro duntaxat Hypochondrio quærimus. Lien, qui hic apte exhiberi non potuit, ingens quoque erat, & digitum latum infra arcum costæ ultimæ prominebat. Utriusque autem Visceris bona substantia fuit.
- O. Ventriculus sub Hepate, infraque idem, fere perpendicularis, & ultra umbilicum extensus, si doluisset parte dextra sua, non fui, sed tenuium potius Intestinorum dolorem mentitus fuisset.

## FIG. D.

Intestinum Colon Hominis sexagenarii, qui Asthmate pessimo diu laborans, de futuro mox Paroxysmo, ex anxietate & dolore ventris, præmoneri solitus erat. Sed quod in ventre præsentiebat, nonnisi causa excitans Asthmatis fuit, causa prædisponente in Thorace abundanter inventa, de qua alia occasione.

- A. Cæcum Intestinum tympaniticum.
- B. Intestinum Ileum contractissimum antequam in Cæcum abiret.
- C. Processus Vermicularis ad Lacunam tympanitici Cæci.
- D. Coli principium angustum, ad E. angustius, ubi sub sui portione F. G. decurrit.
- F. Circumflexio Coli hic iterum dilatati.
- G. Reflexum eorum angustissimum.

H.

- H. Flexus Coli Hepaticus, qui jam tertius est.
- I. Brevi ultra L. Contractio firma Coli notabilis. Ab I. ad O. Colon est naturaliter expansum.
- K. Levis ejusdem descensus.
- L. Flexus Lienaris.
- M. Flexus quintus.
- N. Flexus sextus.
- O. Contractio magna Coli, brevis tamen.
- P. Dilatatio ejusdem. Q. Angustatio. R. Dilatatio. S. Angustatio. T. Dilatatio. V. Ejusdem denuo angustatio antequam in Rectum abeat.

Notemus hic maxime Coli a K. ad L. adscensum supra jecur, id est inter jecur & Peritonæum; Ileique Intestini ad B. coarctationem; & Coli quoque universi vicissitudinariam expansionem, & coarctationem. Cum enim



enim æger futurum paroxysmum dolore & anxietate ventris præsentiret, eumque non eodem semper in loco; cum præterea æger nunquam diutius liber ab Asthmate esset, quam alvo per epicrasin perpetuo soluta; an ergo colo toties a materia fæcali ad omnes has angustias irritato & convulso, Asthma Nervorum iterasset consensu? An idem irritatum ac tumidum, interque K. & L. inter Peritonæum & Hepar locatum, Hepar irritavit, quod certe *Doeveriano* experimento irritabile Viscus est; Hepar autem, Diaphragmati connatum, ipsum Diaphragma irritando paroxysmum genuerit? Aut potius Colon inter K. & L. Hepati vim inferens, illud sursum trahit, sic ut Diaphragmate irritato, & sursum pulso, cor & pulmones misere affecti redintegrarent paroxysmum?

FIG.

## F I G. E.

Exhibet Venter, & Intestinum Colon, Juvenis, Ileo morbo defuncti : vide Cap. III. §. I. ubi Morbus & Anatome describuntur.

A. Cæcum valde tumidum.

B. Colon a principio valde amplum, levem contractionem ad B. habet, ac toto suo transverso cursu Ventriculi basi incumbens.

C. Colon adscendens circum Venter.

D. Colon hic sub Ventriculo ad Oesophagum pertingit.

E. Idem a D. & ultra E. sub ejusdem portione C. D. comprimitur. In ipso cadavere C. D. multo magis supra D. E. extensum erat, & Venter magis supra C. D. incubebat.

F. Angustius Colon.

G. Flexus paulo amplioris coli iliacus, isque totius Coli tertius.

H. Flexus quartus.

I. Quintus.

K. Sextus.

Hi tres flexus a se se versus latera reclinati repræsentantur, quo distinctius appareant; cæterum in cadavere supra se invicem positi erant, & crusta crassa flava inter se mutuo connexi; quæ eadem crusta partes C. D. & D. E. inter se se conglutinabat. De causa Ileii morbi vide textum ipsum, Cap. III. §. I.

---

F I G. F.

Intestinum Colon hominis, cujus morbus & Anatome Cap. II. §. II. habetur.

A. Cæcum Intestinum.

B. Flexus Coli primus.

C.

- C. Colon compressum valde sub portione ejus E.  
D. Flexus Coli secundus.  
E. Flexus tertius.  
F. Compressum iterum Colon sub flexu D.  
H. Colon prope umbilicum, una cum Ventriculo, hærebat; arctius autem multo contractum, quam vitiosa hic figura exhibet.  
G. Flexus quartus.  
I. Flexus quintus.  
K. Flexus sextus. Causæ hic apparent multorum in Intestinis morborum, qui tamen in homine non affuerunt.

## T A B U L A II.

## F I G. I. II. III.

Notas hic adjicio nullas, siquidem cæ insertæ sunt in Historia ipsa Capitulis III. §. II.



## FIG. IV.

Exhibet ventrem Hydropicæ feminae Cap. IV. §. IV. cujus notas quoque singulas Historia continet.

## TABULA III.

## FIG. I.

Exhibet Jecur, Splenem, & Colon Intestinum Juvenculae 28. annorum, ab ipsis incunabulis per omnem vitam valetudinariae; quæ demum in sua secunda Hæmoptoë in Nosocomium deferrebat. Ab altera Hæmoptoës die dira Ophthalmia 67. diebus laboravit: a die 52. morbi, quem a secunda Hæmoptoë numero, usque ad 67. diem, cordis passa est Palpitationes: a die 22. morbi, usque ad 93. diem febrim fere quotidianam, cum frigore diuturno incipientem: ab hoc vero die usque ad 154. diem, qui & mortis fuit, febrim hæticam quotidie exacerbant.

bantem, fore sine frigore: a frigore, die morbi 93. cessante, Diarrhoeam; quæ ad mortem, 15. diebus exceptis, duravit: a die 108. morbi, ad ipsam usque mortem, sputa aut semipurulenta, aut purulenta. Digna est historia, quæ integra alia occasione referatur, nunc tantum quæ ad rem præsentem.

- A. Hepatis lobus major.
- B. Lobus ejus minor.
- C. Lien parvus seminudus hic sub margine Costarum conspicuus.
- D. Hepatis lobus minor, ab arcu lævarum Costarum retroflexus & Lienem intra se se comprehendens, atque ad medium sub Ventrículo Epigastrium denuo pertingens.
- E. Lien involutus totus reflexo Jecinis minori lobo.
- F. Arcus punctis notatus, quo quidquid Jecoris ac Splenis infra mar-

ginem Costarum eminuerit, notatur.

G. Intestinum Cæcum, in sinistro Hypogastrio, eoque medio, locatum, quod fæcibus, flatibusque turgens, alvum cohibere potuit; potuit & Vaginam uteri, Uterum, & Vesicam urinariam sæpe turbare. Potest Recti, Vesicæque, dolores, validosque creare tenesmos, qui huic forsitan causæ minus adscriberentur. Equidem vix ejusmodi effectus inde ægra nostra passa est, ut sæpius malorum in corpore causæ existunt, quæ raro, aut nunquam, in effectum prorumpunt; prorumpere tamen possunt, ac sæpe prorumpunt.

H. Flexus Coli primus. Notemus hic Coli longitudinem, quod jam pedis, & ultra, absolvit longitudinem, antequam in aliis nunci so-  
leat;

leat; quodque præterea duodecim suis flexibus multum percurrit spatium. Sic ut, mensura capta, inventum fuerit hoc Colon dupla fere parte consuetam excedere longitudinem. Potuisset tardior hinc alvus nasci; potuisset Colica frequens, eaque flatulenta, stercorea, pictonica; potuisset Ileus in longo atque adeo tortuoso Intestino facile oriri.

I. Flexus Hepaticus.

K. Umbilicus hic notatur, ut iterum pateat colicos dolores ibi nasci, ubi eorum adesse minime creditur.

L. Colon hic præter naturam expansum, ut alibi præternaturaliter tenuet.

M. Flexus lienaris.

N. Flexus quintus.

O. Flexus sextus.

P. Septimus.



Q. Octavus.

R. Novus.

S. Decimus.

T. Undecimus.

U. Duodecimus.

W. Intestinum Rectum.

---

FIG. II. TAB. III.

Exposita hæc est suo loco Cap. III.  
§. III.

---

FIG. III.

Est Intestinum Colon hominis quadragenarii, qui laborans carie Antri Higmoriani, ex corrupto dente nata, quæ fundum Orbitæ jam exederat, oculumque totum de Orbita extruserat, demum in Nosocomium venit, in eoque anno 1760. obiit. Notandum hic est virum hunc nulla incommoda ventris sustinuisse, alvum autem per omnem fere vitam singulo 3, aut 4. aut ultra die, eamque duram, scybal-

lo-

loſam, tantum deponere potuiſſe; eo-  
que modo eandem, Menſis ſpatio,  
quo apud nos fuit, depoſuiſſe.

AA. Inter duo AA. ſolum Cæcum In-  
teſtinum eſt hic adeo dilatatum,  
& elongatum, Situs Cæci uſque in  
ſiniſtrum Hypogaſtrium productus,  
ut in Fig. I. hujus Tabulæ; verum  
non ita noxiuſ Inteſtino Recto &c.  
quia eo altior.

B. Proceſſus Cæci vermiformis.

C. Principium Coli inteſtini, ubi in-  
greſſus Inteſtini Ilei in Colon &  
Cæcum.

D. Alter flexus craſſorum Inteſtinorum  
ſeu primus Coli, Hepaticus.

E. Flexus lienaris.

F. Reflexus in dextrum Hypochon-  
drium uſque.

G. Flexus lienaris alter ſub priore com-  
preſſus.

H. Reflexus in superiora sub parte F.G., ut punctis notatur, ab eodemque valde compressus. Cellulositate fortissima ubique, & undique, hic flexus accretus erat; maxime autem ad superiora & latus externum Renis.

I. Reflexus Coli versus inferiora.

K. Flexus ejusdem iliacus.

L. Flexus exiguus in superiora.

M. Ultimus flexus Rectum formans.

N. Rectum. Decem flexus numeravimus.

Thoracem primo aperiunt, mirabamur Diaphragma plurimum in sinistro thorace protuberare; sed postmodum tantam Intestini reflexi toties molem intuiti, mirari destitimus. Ipsum hoc causa morborum in vitalibus partibus multiplicium existere posset, quos protopathicos falso crederemus. An morbus aliquando incurabilis, in quo cum fervore quasi aquæ ebullientis,

tis, borborygmoreumque sonorum,  
simili quandoque causæ tribuendus?

## F I G. IV.

Ventriculus, Cæcum, & Colon,  
mulieris, cujus historia data *Rat. Med.*  
*Tom. VII, cap. II, §. I.*

A. Ventriculus media sua sinistiore  
parte magnus.

B. Idem ex magna amplitudine mox  
contractissimus.

C. Pylorus. Via inter B. & C. pauxil-  
lum aperta duntaxat, præ corruga-  
tione villosæ maxime unicæ.

D. Duodeni principium.

E. Cæcum Intestinum cum inserto I.  
leo, & cum suo vermiculari pro-  
cessu: Amplissimum hoc, ut & co-  
li principium.

f. Flexus Coli primus.

F. Flexus ejus alter, hepaticus.

G. Flexus tertius.

H.



H. Quartus.

I. Quintus, Lienalis.

K. L. M. Ne figuram literæ turbarent, has tres a latere interno adscripsi: ab I. ad K. flexus sextus: ad L hoc sic flexum Intestinum, flexum sum, cumque septimum, continuando, sub se ipso decurrit, & ad M. emergit; & format mox flexum octavum.

N. Flexus nonus,

O. Flexus decimus.

P. Ultimus.

Hic verum volvulum intestinale videmus, cujus tamen symptomata in vita non apparuerunt: quin imo laxior feminae alvus, pluriesque, etiam sub vitæ finem, diarrhœica diu fuit. Ubi tamen Ileus letalis inde natus est, videmus fidem adhibendam Autoribus, qui tale quid se invenisse scripserint. Cur in cunctis his figuris, quasque ha-

habeo, aliis, longe frequentius est Coli intestini adaucta moles & altitudo, quam in latere dextro? An impediēte magna mole Hepatis, Intestinum hoc flatu distentum, adeoque & ampliare, & elongare se se annitens, locum apriorem nanciscitur, Liene sæpe ab arcu costarum sinistrarum remoto, & Ventriculo in sua inanitate minus hoc quasi vacuum replente? An ideo in sinistro Hypochondrio illa incommoda frequentiora, de quibus in Fig. mox hanc præcedente, sub finem, egi?

---

#### T A B U L A I V.

Intestinum Cæcum, cum Coli principio, hominis, cujus Tympanitidis atque Ileï morbi historiam dedi *Tomo II. Cap. V.* Ob rei mirabilitatem totam Intestinorum cum tenuium tum crassorum, molem servavi: cum autem in hoc *XL. Tomo* toties de Tympania  
&

& Ileo sermo sit, addo hic effigiem Colli, & principii Ilei, eadem exacte magnitudine, non qua olim fuit; nam indies magis corrugatur, & plicatur; sed qua nunc est.

Quo quis de hac Figura rite iudicet, oportet cum recenti Intestino eandem conferre; exsiccatione enim multa mutantur. Figura *Tulpii*, & *Heisteri*, & *Morgagni*, exhibent Intestinum recens; ut & illa magni *Albini Exerc. Acad. Tom. III. Tab. V.* quæ instar omnium est. *Bidloj* autem Figura de inflato atque exsiccatō Intestino desumpta est. Mea est Intestinatorum morbo inflatorum, dein post exsiccationem cum spiritu Therieb. sape illitorum, contra teredinem, quæ nihilominus pluribus in partibus hæc Intestina jam corrodit.

In recenti Intestino quævis statu naturali se habentes conspiciuntur partes:

tes : in inflato , atque exsiccato, plus minus degenerascunt. Sed ipsæ hæ degenerascentes partes rerum intellectum faciunt, illustrantque , Ortum exhibendo , & nexum Valvulæ, habenarumque ejus, & modum quo Coli cellulæ formentur, Ligamentorum rationem, decursumque: ac tum demum machinæ hujus admirandæ structuram, usumque capiemus, quando nihil ex recenti citra exsiccata, nihilque ex hac absque illa , concluderimus. Sed & ipsa, quam exhibeo, figura, in Pathologicis conferet ad explicandum Vomitum , hæud sæcundumtaxat , quæ , ut vidimus , ex ipso Intestino Ilco prodire queunt, verum etiam Clysmatum, atque Suppositoriorum, quæ in Rectum Intestinum immissa impositæ fuerant : tympanitica scilicet Intestinorum dispositione, Valvularum rictum ita distrahente, ut quæ-



quæcumque in Intestinis crassis hospitabantur, commode nunc in Tenuia transeant. Quapropter haud absque ratione celeb. *Haguenotus Acad. Reg. Sc. Par. anni 1713.* censuit iteratis nimium Clysteribus, vix effluentibus, Colon, Cæcumque dilatari, sic ut Valvulæ ora diducantur, formentque hiatum: id quod profecto in hujus morbi pertractatione summopere est attendendum. An in omni stercoreum cum Clysmatibus vomitu quid simile contingeret? Nunquid Vomitus Enematum, Colique sæcum, non fieret, minus expanso Cæco, adeoque Valvula se naturali modo claudente? Verum contra, Coli Valvulam, non expanso multum Cæco, superavit Aqua in humano Cadavere in anum injecta per Machinam Italicam. *Rat. Med. Tom. VIII. Cap. V.* Ergone Violentia jactus per hanc Machinam ex-

er-

ercitata, ea longe superior, quæ ab Enemate, inverſoque Peristaltico motu fit, Valvulam cedere cogit? Et an Valvulæ resistantia tanta est, ut, sine violenta expansione Cæci ac Coli Intestini, vi enormi hujus Machinæ, ut cedat, indiget? Imo ut etiam bis validissimam ejusdem potentiam eluserit? Cæterum ut quæcumque partes musculosæ duplo, decuplo, uno, quam alio in homine valentiores ad agendum, resistendumque sunt, idem de nostra Valvula statuamus oportet. Superari autem cum vitæ integritate posse, & exemplo eorum, qui olim post Enematum vomitum in sanitatem redierint, & eorum hominum, canumque, qui aquam in anum injectam vomitu reddiderint, constat.

---

*Explicatio Figuræ.*

A. Fundus sacci Cæci.

*Part XI.*

A 2

B. B.

B. B. Sacci dilatatio, cujus in maxima amplitudine diameter sex pollicum *Viennensium* est, qui faciunt *Rhenolandicæ* pollices sex, cum Linea una & duabus tertiis; pollices *Parisienses* sex, minus duabus lineis; *Londinenses* sex cum tribus lineis; *Palma di Roma* octo & fere dimidium. Utor porro pede *Viennensi* perpetuo.

C. C. C. C. Ligamentum primum, & alterum, quod proprie unicum origine est, una cum tertio ligamento, dicto *Mesocolico*: etenim in parte averfa facci Cæci, quæ hic demonstrari non potest, tria hæc ligamenta in hoc intestini Cæci sacco una nascuntur, inque tria tunc dividuntur, quorum primum & alterum conspectui hic se offerunt, tertium *Mesocolicum* eadem, qua duo priora, origine  
na-

natum, solitarium decurrit antequam Mesocolon Intestino adnascitur, & non modo contrahit, sed efficit ut in interna Coli parte stria appareat, quæ ad Lit. D. visitur.  
 D. Ad hoc ligamentum valvula terminatur.

E E E E. Fenestra excissa ex Coeco & Colo, ut interiora pateant.

e e e e e e e e. Circumferentia Valvulæ Coli magnitudinem, adeoque & veram amplitudinem Intestini Ilei, cujus unius proles Valvula est, determinans. Summa inferioris Valvulæ partis altitudo est pollicis cum quatuor lineis; superioris autem est undecim linearum.

f f f f f f f f. Totidem frenæ, seu habentæ, quæ valvulam moderantur.

G. Valvula ordinaria Coli, quales numerosas, & aliquas hac duplo eminentiores, tria Coli ligamenta, Intestinum contrahendo, formant.



H. Hiatus tympaniticus valvulae, dextra aspicientium parte paulo rotundior; læva, paulo acutior: in latitudine pollicis & octo cum dimidia Linearum, in majore altitudine Linearum septem.

I. Apertura Appendiculi vermiformis.

KKKKK. Colon Intestinum hic adeo leviter contractum, ut inter primum alterumque ligamentum fere Vesicam repræsentet, cum relictis tantummodo contractionis vestigiis. Cur tamen longe contractius est versus BB? Ill. Vir *Hallerus Elem. Phys. Tom. VI. pag. 143.* „Major, inquit, solet  
„esse Cellula, quæ inter nudum  
„anterius Ligamentum est, &  
„Mesocolicum. „Sed hic etiam inter ligamentum alterum, Omentale Illustri *Hallero* dictum, & Mesocolicum, sic se habet.


# Errata

Pag.	Lin.		Lege
10.	7.	Cap. 2.	Cap. 4.
17.	1.	rustico, labore,	rustico labore,
19.	18.	tempus	initium
23.	13.	<i>ἐλθέτω</i>	<i>ἐλθέτω</i> .
30.	9.	quotidiana	quotidianæ
45.	15.	<i>κατ'</i>	<i>κατ'</i>
66.	8.	Ranun.	Ranun-
83.	19.	illabi	relabi
93.	6.	transmigraverat	transmigraverat.
98.	11.	unicam	unicam,
104.	12.	ediam	mediam
104.	18.	injuriis	Injuriis
118.	12.	eruitam	crustam
141.	20.	proleſtæ	proveſtæ
142.	3.	moleſtas,	moleſtis experta,
155.	6.	celerimum	celerrimum
157.	7.	quæ	quam quæ
163.	8.	Epigaſtrij,	Epigaſtri tantum,
176.	16.	quam	quem
177.	3.	altum	altum
206.	5.	cordicis	corticis
218.	2.	ſquilla	ſquilla
221.	18.	pure	puro
229.	3.	labore, opus:	labore opus:
230.	17.	accenſa	accenſo
243.	14.	ſors	ſors
257.	7.	hance	hancee
260.	9.	continua	continua
261.	17.	bant	ban-
270.	2.	<i>ἐπιπροκαταστήτω</i>	<i>ἐπιπροκαταστήτω</i>
282.	6.	dextrolum	dextroſum.

306.	8.	qui	que
307.	13.	purgantibus	purgantibus
310.	17.	Aræteus	Aræteus.
335.	18.	minatur	minuatur
362.	21.	lege sic: An morbus sinister hypochondrii, non raro incurabilis, in quo fervor quasi aquæ ebullientis, horborygmorumque sonorum mugitus, observantur, simili causæ tribuendus? An non inde horum ægrorum cordis palpitatio, insultusque asthmatici, dum aut feces, aut flatu, aut utroque, colon turgescit, intelliguntur?	
369.	6.	indiget?	indigeat?



# TABULA I.





# TABULA II.

Fig. I.




Fig. II.



Fig. III.



Fig. IV.





# TABULA III.

Fig. I.




Fig. II.





Fig. III.



Fig. IV.





TABULA IV.  
K



ANTONII DE HAEN

E. R. A. MAJESTATIS CONSILIARII  
ET ARCHIATRI,

NON MEDICINÆ IN HAC ALMA ET ANTIQUISSIMA  
UNIVERSITATE PROFESSORIS PRIMARI, &c. &c.

PARS DUODECIMA  
ATIONIS MEDENDI

IN NOSOCOMIO PRACTICO ;  
MOD IN GRATIAM ET EMOLUMENTUM  
MEDICINÆ STUDIOSORUM  
CONDIDIT

MARIA THERESIA,

AUGUSTISSIMA ROMANORUM  
IMPERATRIX.

HUNG. BOHEM. &c. REGINA &c. &c.



---

VIENNÆ AUSTRIÆ,

SUMPTIBUS HERMANNI JOSEPHI KRÜCHTEN.

---

M. DC. LXVIII.



THE NEW YORK  
LIBRARY

ASTOR LENOX TILDEN FOUNDATION  
1155 MANHATTAN AVENUE  
NEW YORK 17, N. Y.

THE NEW YORK  
LIBRARY

ASTOR LENOX TILDEN FOUNDATION  
1155 MANHATTAN AVENUE  
NEW YORK 17, N. Y.

THE NEW YORK  
LIBRARY



## PRÆFATIO.

---

**D**uodecimum Tomum a Pulsu  
Arteriarum exordiar : cuius  
in Prioribus frequenter quidem me-  
mini, ac Historiam conscripsi ; at  
vero recentiores Hispani, Gallique  
observatores, eandem a me exten-  
siorem longe, explanatioremque,  
poposcerunt. Rerum enim momen-

ta jufferunt ad Lectulos ægrorum  
Et examinare illas , Et examinan-  
das caris committere Auditoribus ;  
ut tandem constaret an Clinicam  
Praxin , ut perhibent , revera illu-  
strent , amplificentque.

Id porro , ut ordine fieret , Pul-  
sum historia ab ipsis Medicinæ in-  
cunabulis ordiendâ fuit , inquiren-  
dumque sedulo , quid sciverit de Pul-  
sibus , docueritque , Hippocrates ;  
quem vulgo ajunt adeo parum in  
Pulsuum doctrina versatum fuisse ,  
adeo raro Pulsum in ægrotantibus  
consuluisse , ut vix sexies vasto in  
Opere suo , meminerit ejusdem.

Altero Capite ( pag. 15. ) *Historiam Pulsuum* prosequar ab Hippocratis ævo, ad sæculum nostrum; additurus singulares quasdam pulsuum *Modificationes*, quas partim observatores attentissimi, partim mei mibi ægri, suppeditarunt.

Caput tertium ( pag. 88. ) recentiorum Medicorum novam de pulsu referet, inauditamque doctrinam.

Quartum ( pag. 161. ) numerosissima experimenta recensēbit, quæ in ægris ad examinandum Νεώτερον, & accurate instituiimus, & patienter, & constanter. Hæc longa, sed necessaria, *Epicrisis* excipiet. ○ K 3 Pul-



---

P R Æ F A T I O.

---

*Pulsibus igitur solis integra quatuor Capita, pars utique potior Libri, dicabuntur.*

*Quintum ( pag. 210. ) nonnulla dabit, quæ ad Pathologiam verminosam spectent.*

*Sextum quorundam tam compositorum, quam simplicium Medicamentorum, enarrabit effectus.*

*Septimum Quæstionem octo annorum terminabit.*

*Octavum nonnulla continebit, squæ, Variolarum insitione jam universum peragrante Orbem, scituunt Populo necessaria, ut ferat æquum de illa iudicium.*

C A-



## CAPUT I.

### HIPPOCRATIS DE PULSU NOTITIES, ET DOCTRINA.

---

§ I Hippocrates ultra quadragesiet pulsuum meminit. §. II. Consuluit ille pulsus æque Acutis in morbis, quam in Chronicis, ad Diagnosin, Prognosinque, formandam; idque aliquando nobis & attentius, & accuratius.

§. I. **P**ulsus Arteriarum, vetustissimis πάλμος, Hippocrati πάλμος, & sæpius σφύγμος, dictus est. Hujus phænomena Medicos antiquissimos imperfecte admodum, paulo distinctius Hippocratem observasse, Gale-  
Pars XII. A nus

mus auctor est. Fatendum est, hunc Medicorum Principem in Respirationis, Urinarum, Fæcum, Sudorum, Sanguinisque; nec non dolorum Capitis, Ventris, Pectoris, atque Artuum, mutabilitate adnotanda, in describendis phænomenis, in formando ex iisdem iudicio, frequentem ac profusum; parciolem profecto, rarioremque fuisse, in pulsus phænomenis enarrandis. Autores multi, iique graves, & celeberrimi, cum observationis defectum *Hippocrati* fuisse notant, ut vix quater aut sexies, aut saltem non multo frequentius, in toto suo vasto Volumine, pulsuum meminere.

Hujus porro mentis non sum. Numerosi sunt textus, qui nobiliorem Viri opinionem concilient nobis. Immo nonnunquam in pulsu cum explorando, tum consulendo, cum nobis

bis attentiores fuisse, sequentia docebunt.

Ac primo quidem *Libro de Humoribus*, recensens omnia, quibus ad morbos cognoscendos, curandosque, Medico opus est, & pulsum memorat examen.

*Libro de Judicat.* Εἰ δὲ αἱ φλέγες σφύζουσι. Si venæ pulsant, & facies bene habita est, præcordia minime mollia, sed elata, diuturnus ille morbus est. Cum venarum arteriarumque apud Antiquos promiscuum frequenter nomen sit, alteram pro altera indiscriminatum scribunt; sæpe tamen distinguunt, ut patebit. Brevi post repetit τὰς πάλμους. *Epid.* 2. *Sect.* 6. refert textum eundem.

*Libro 2. Epid. Sect. 5.* Cujus venæ in cubito pulsant, id est vehementius, inordinatius, in Maniam, animique acerbicatem, pronus est: cujus vero pulsus ἀτρε-



μην, torpidus est, ille homo est τοῦ αἵματος:  
 quæ vox, interprete Galeno, ἀσθεντοῦ καὶ  
 βαρύνου, καὶ δυσκίνητου, hominem in ira-  
 cundiam tardum, immobilemque, si-  
 gnificat. Quem in locum Foësius, Hunc  
 „ etiam locum subindicare videtur Ga-  
 „ lenus *Libr. 4. de Diagn. pulsuum*, cum  
 „ scribit Hippocratem animi mores ex  
 „ pulsibus discernere tentasse. Igi-  
 turne non consuluit pulsuum?

*Epid. 4.* textum, illi *Libri de Judi-  
 cationibus* similem, repetit, non vero  
 ut ibi, de venis in genere, sed de iis  
 in *Corpo* agens.

*Epid. 4. Sect. I.* In historia pueri ad  
 extremam cauponam: *Septimo die*, ait,  
*sub auroram corporis jactatio*, multus cla-  
 mor, *Arteriarum pulsationes pone umbili-  
 cum*: pulsus autem, ut in acutioribus fe-  
 bribus, erant creberrimi & maximi; &  
 quemadmodum circa vesperam morbi ingra-  
 vescere

*vescere solent, ita in hoc morbo toto contigit. Exitum morbi non enarrat.*

Eodemque in Libro brevi post historiam Senis, in vestibulis lapideis habitantibus, jubet una cum cæteris signis, quæ Medicus consulat, attendere ad arteriarum pulsum.

Libro 7. Epid. brevi post initium, continuam referens Pythodori febrem ad 14. diem, inquit, febris obscura erat, aut, obscurus erat pulsus, qui vero ad tempora, ille percipiebatur.

Et paulo post: Die 15. - - - totum Corpus perfrigeratum, præterquam ad tempora, fuit: pulsus autem non defecit.

De Eratolai puero [paulo inferius: Quod si quis medium umbilicum attigisset, & ad Cartilaginem mucronatam per totam hanc regionem manum deduxisset, tantus illic pulsus inerat, τοῖστος παλμός ἐν, quantus neque ex cursu, neque ex valido timore, suscitari circa Cor queat.

Ibidemque de Filio Cidis: *Septimo die velut sanus videbatur, circa tempus vero pulsus, aut violentior, aut frequentior, non deficiebat.*

In morbi Conjugis Theodori enarratione difficilior textus occurrit, quem varie varii interpretantur. Ἦν δὲ πρὸς χεῖρα ψυχρότερον τὸ σῶμα ταῖς ἀρτηρίαις. αἱ δὲ ἐν προτάφοις, καὶ μᾶλλον ἐπὶ ἡδον. *Erat autem ad manum frigidius in suis arteriis corpus; ad tempora vero etiam magis sa-  
liebant.*

Pauloque post: *Qui a Macedone lapide in caput ictus est, huic - - - febris non admodum vehemens, pulsus ad tempora ut tenuis caloris erat.*

Et in Menone die 16. *Frons & extrema fere frigida perseverabant, saltus autem Arteriarum ad tempora obtinebat.*

In Phericyde: *Febris ad manus contactum die quarta cum aliquo madore superata videbatur, pulsus vix ejus signa  
da-*

dabat, inque fronte arteriarum gravitas, torpor.

Ille, quem per somnum post coenam horror corripuerat, reliquis post nonum diebus, febre expers videbatur; temporum autem arteriæ saliebant.

Epid. 1. Philini uxori 14. die παλμοὶ δὲ ὅλα τὸ σῶματος.

Epid. 2. Lucia, quæ Hellebori potione sanata fuit, tandem splenem magnum habuit, cum dolore & febre: dolores vero ad humerum pertingebant, καὶ ἡ φρέν, ἡ κατὰ σπλῆνα ἐπ' ἀγκῶνι ἐτέτατο, καὶ ἐσφυζομένη πολλάκις. Arteria in brachio a latere splenis plenior videbatur, & frequenter pulsabat.

Epid. 3. Phrenitico aderant die tertio per corpus universum pulsationes.

Melibocæ Adolescenti καρδίας παλμοί.

Et paulo post de pulsatione Arteriarum in Hypochondriis die 17. mor-



bi agens, ὑποχονδριον, inquit εἰτεταμέ-  
νοι ἐφάνη Φλεβοειδέα τροπὸν.

Brevi postea docet ad *crisin* morbo-  
rum temporum esse tangendas arterias.

Epid. 6. ex Arteriarum temporalium  
pulsu prognosin facit.

Coac. prænot. No. 124. In febri-  
bus Arteriæ cervicis pulsatio, ac dolor,  
rem in Dysenteriam abituram præfagit.  
id est, ut alibi docuit, si impedi-  
mentum est ne eo tempore, iisque cum  
signis, hæmorrhagia narium fiat.

Coac. No. 142. Ex arteriarum pul-  
su, una cum vultus rubore, & ce-  
phalalgia, narium hæmorrhagiam præ-  
fagit.

No. 139. Lethargici pulsus tardum,  
torpidum, languidum, lentum habent.  
σφυγμοῖσι νωθροῖσι.

No. 282. Pulsus in Hypochondrio,  
scu ad præcordia, cum turbatione men-  
tem emovet, idque præcipue si oculi fre-  
quen-

quenter moveantur. Quod Celsus explicans Libr. 2. cap. 7. „protinus ti-  
 „mendam insaniam, ait, ubi quis  
 „venas concitas habet, præcordiis  
 „duris & tumentibus.

No. 368. *Θαλάσσιμος* pronuncia-  
 vit, si post pulsus vehementiam alvus ex  
 inopinato dejiceretur.

Libro de Rat. Viêt. in Acut. apud  
 Foëf. pag. 397. in homine sano repente  
*αφ' ου* facta, Arteriarum fieri interceptio-  
 nes, ait, & pulsationes.

Notabilis textus est Libr. 2. de  
 morb. mul. pag. 643. Alius fluor. Fluit  
 subpallidum & glutinosum, quale quid ex  
 ovo, venterque imus in tumorem exsurgit,  
 durusque evadit, & ad contactum dolet:  
 dentibus stridet femina, & febre detinetur:  
 dolor pubem, pudenda, imum ventrem,  
 & lumbos occupat: animi deliquium fit,  
 anxietudines, perfrictiones, & sudor co-  
 piosus; σφυγμοὶ προσχῆρα ψαίροντες, βλε-

χροί, ἐκλείποντες, *pulsus in carpo leniter ferientes, languidi, deficientes.*

Libro 1<sup>o</sup> de morbis, πρὶ ἐν γμάτων καὶ σπασμάτων multa cum scripsisset, in iisque explicandis de ortu, de progressu, ac fine, Aneurysmatum pluribus præclare differuisset; eaque ἐν γματα in Libr. 2<sup>do</sup> ipsa aneurysmatum appellatione explicasset; pergit in eodem 2<sup>do</sup> Libro de Pulsu arteriarum vehementiore ut Cephalalgiae, Otalgiaeque causa, egregie docere; morbumque postmodum describit, in quo homini, subito concidenti, anteriorem capitis partem dolor invadit, sic ut neque oculis ille facile cernat, sed sopore detineatur, pulsantesque arterias, & ad motum impotentiam, habeat. Morbos capitis deinde complures memorat, ab arteriarum intra cranium sive turgescencia; sive ruptura; meminitque

que in alio capitis morbo *arteriarum ad tempora pulsantium*.

Libro 3. *de morbis*, in prima ægritudine describunda notat arterias alio, quam in sanitate modo, & tendi, & micare.

Ibidem in secundo morbo pulsum describit modica cum febre mutatum, cumque ad tempora salientem.

Libro *de alimento*: *Venarum pulsationes, & Respiratio, pro ætate consentiunt, & dissentiunt; indiciaque & morbi sunt, & sanitatis; magisque sanitatis, quam morbi; & morbi magis, quam sanitatis.*

§. II. Sufficiant laudati hi textus, ut erroris convincant illos, qui haud ita pridem, idque pluribus in libris, nostrum Medicinæ Parentem tam parum in pulsum doctrina versatum fuisse perhibuerunt, ut nisi perraro ad ejusdem, ut signi, vim attendisset,

&c



& paucis verbis duntaxat *Epid.* 2. & 4. nec non *Cons. cap.* 3. &c. *Cap.* 15. &c. se hujus doctrina penitus ignarum non fuisse, ostendisset. Profecto qui attenta mente hos textus pervolvitur, quibus illum plus quadragies ejusdem meminisse constat, ille clare perspiciet *Hippocratem* 1<sup>o</sup> consuluisse pulsus arteriarum variis in corporis locis; in Carpo, in Cervice, in Temporibus, in Fronte, ad Præcordia, ad Ventrē. 2<sup>do</sup> Pulsuum differentiam pro temperamentorum notasse varietatem. 3<sup>to</sup> Animi mores ex natura pulsuum expiscari, discernereque, tentasse. 4<sup>to</sup> Morbos chronicos ex pulsu carpi, si cum facie bene colorata, Hypochondria & minime mollia, & elata essent, præfagiisse. 5<sup>to</sup> Descripsisse eundem accurrate in acutioribus morbis pulsus Arteriarum. 6<sup>to</sup> Eorundem in his mor-

his

bis sedulam commendasse observationem. 7<sup>mo</sup> *Hippocratem* Pulsu con-  
fucto in loco haud micantem, ad va-  
ria loca, in quibus arterias pulsantes  
observando didicisset, investigasse.  
8<sup>vo</sup> In altero, atque altero in bra-  
chio, ab eodem pulsum observatam  
fuisse in magnitudine, frequentiaque,  
differentiam. 9<sup>no</sup> Nec non & univer-  
si Corporis Arteriarum molestim,  
in nonnullis Acutis, pulsationem.  
10<sup>mo</sup> Necessitatemque accurati pul-  
sum examinis ad Crises morborum.  
11<sup>mo</sup> Eum quoque ex pulsu una cum  
ceteris signis narium hæmorrhagiam  
prædixisse. 12<sup>mo</sup> Ut & eodem pul-  
sum ad Hypochondria, cum aliis si-  
gnis examine, Mentis alienationem.  
13<sup>to</sup> Mortem prædixisse *Hippocratem*  
ex pulsu, una cum aliis signis. 14<sup>to</sup>  
Notasse in subita aphonía pulsum  
interceptiones & pulsationes, 15<sup>to</sup>

Et

Et in certo quodam mulierum morbo pulsus leniter ferientes, & languidos, & deficientes. 16<sup>to</sup> Eumque etiam complures capitis morbos & ex pulsu cognovisse, & a pulsu, ut a sua causa, deduxisse. 17<sup>mo</sup> Docuisse tandem qui pulsus sanos distinguas a morbofis.

Collatis hisce omnibus, rogo num ultra quisquam iniquam adeo in *Hippocratem* sententiam proferre, tuerique possit? Et an non potius convicti simus, non modo pulsum doctrinæ non ignarum fuisse *Hippocratem*, verum potius & gnarum, & expertum: docuisseque multa, egregia, præcipua, quæ scitu opus practici habeant? Restitui sic magno Viro honorem, quem ipsi detraxerant permulti, qui etiam clari in aliis, inclyti, excelsi, in studio autem Hippocratico tenuius versati, ob idque alii  
alios.

alios transcribentes, apti, si dicere liceat, non fuerint, qui quid cognoverit ille, quid ignoraverit, probe nosse, testarique possent.

Illud nihilominus lubens fateor, Eum pulsuum observationes haud ita completas, frequentesque, ad singulorum morborum addidisse historias, quam illas de Respiratione, de Urinis, &c. Cur non addiderit ignoro, doleoque. Sedulus enim pulsuum, attentusque observator, si & has addere voluisset, potuisset.

---

## CAPUT II.

### PROSECUTIO HISTORIÆ PULSUS AB HIPPOCRATE, AD TEMPORA NOSTRA.

---

§. I. *Aræteus Cappadox pulsuum examinavit, descripsitque ita, ut nemo nostrum accu-*



*ratius. §. II. Et antiquus ille Scriptor est, & Galeno, ut videtur, ætate superior.*  
*§. III. In doctrina pulsum nemo Galeno diffusior, subtilior, plusque arbitrarius, eandemque ob causam posteritati inutilior.*  
*§. IV. Ab Aëtuario, P. Ægineta, Aetio, Arabibusque, non vedimus doctiores.*  
*§. V. Scholæ Medicæ posterioris ævi, simplex doctrina pulsum, veraque, & tuta est. Stahlii, Morgagni, Halleri, nostraque experientia, pulsus celer differt a frequenti.*  
*§. VI. Hippocratis, Tulpii, Starckmannii, Morgagni que de alterius brachii alio pulsu experientiam, propriæ observationes confirmarunt.*  
*§. VII. Disquisitio de pulsu intermittente. An, & quando, malo signo est? Notabiles intermissionis observationes Prosperi Alpini, Wieri, Ballonii, Bonneti, Struthii, Lancisii, nec non & Galeni. Fosse de hoc pulsu censurus, quadruplicem ejusdem, quarum una naturalis sit, causam agnoscat.*  
*§. VIII. De Asphyxia spuria, & vera. Historiæ memorabiles utriusque. Multæ Asphyxiarum virium mentis corporisque majore minoreve constantia, breviores, longiores, lon-*

*longissima, & vel morte terminata, vel sanitate. Struthius, Ballonius, Bonnetus, Schenckius, Ramazzini, Morgagni, Hallerus laudantur. §. IX. Biga pulsuum, quorum alter perpetua tarditate, alter perenni frequentia, uterque vehementer ultra morem, causa utriusque obscura, peccaverunt. Plura exempla extremae tarditatis ex historia medica. Jacenti homini, sedentique, sit mutatio celeritatis. Cum pauca exempla descripta sint excedentis velocitatis, unum traditur per omnia notabile.*

§. I. **A**b Hippocrate Cōo ad Arætæum Cappadocem, temporum scriptorumque me ducit ordo. Si quis Autor multus fuit, si eruditus, si distinctus in pulsuum notitie, is certe fuit Arætæus. Meminit pulsus parvi, tardi, debilisque. Pulsum in ægrotis penitus absentem fuisse enarrat. Pulsum in aliis invenit aut magnum, aut inanem; creberrimum, ut & compressum. In cholera morbo pulsuum

Pars XII. B in.

invenit principio magnum validumque, deinde πρὸς ἀπόσβεσιν, fere extinctum, tandem exiguum & creberrimum: pulsum describit alium rarium, ac debilem; tum parvum, crebrum, turbulentum, inordinatum; pulsum palpitantem in præcordiis; pulsum parvum, gravem, tardum, ægre se moventem. Σφύγμους σμίκρους, πυκνότητας, ὁκοῖον τὶ πεπιεσμένους, καὶ ἀντιωχμώτους, pulsus exiguos, creberrimos, ac veluti oppressos, atque se ipsos quasi repellentes, persequentefve. Describit & pulsum intermittentem; inordinatum, deficientem; & alibi pulsus vehementes, celeres, parvos, turbatos; iterumque pulsus raros, exiguos, minimos, tandem creberrimos, ac demum deficientes. Et parvum alibi notat, crebrum, obscurumque pulsum: parvum quoque, & crebrum, & compressum: habet & pulsum

sum obitum, debilem, crebrum, & ad leviores motus mox excitatum: pulsum crebrum, exiguum, languidum.

§. II. Incerta quidem *Arætaei* ætas est: si tamen argumenta inter se se conferamus, *I. G. Vossii*, *Wiggani*, *Petri Petiti*, sub finem sæculi 17. *Parisiensis Medici*, maxime probabile sit, Autorem hunc *Neronis*, aut haud diu post, vixisse temporibus; *Galeno* itaque sæculo superiorem fuisse, ab eodem vero non laudatum, quod *Archigenes*, *Pneumaticæ* una cum *Arætaeo* sectæ, *Romæ* degens, ibidemque clarus, & *Arætaei*, ignoti eousque scriptoris, aut Scripta, aut Placita, pro suis venditans, *Galeno* notior; quemque *Galenus* nunc carperet, nunc laudaret, vicinior, aptiorque existeret. Hoc si ita se habeat, ut est verissimillimum, videmus Autorem,



seculo ante Galenum extitisse, qui jonica cum *Hippocrate* Dialecta, qui *Hippocratico* ferme Laconismo, super fundamenta ab *Hippocrate* jacta, egregiam de pulsibus superstruxerit doctrinam, Diagnosin quoque, & Prognosin, ac Therapeian, ad pulsus accommodaverit.

Hoc sic posito, habemus alterum ab *Hippocrate* Autorem, qui ut *Hippocrates*, ut nos, & pulsus cognoverit, distinxeritque, & ad Prognosin &c. accommodaverit; ut falso proinde primus hujus rei honor Galeno adscribatur.

§. III. *Claudius Galenus*, Romæ florens medio, ac versus finem, sæculi secundi æræ christianæ, in pulsum doctrina profusissimus Autor fuit. Docent id, qui ejus inde extant Libri. *De Pulsibus ad Tyrones Libellus. Libri IV. de Pulsuum differentiis. Libri IV. de pul-*

*pulsions dignoscendis. Libri IV. de Causis Pulsuum. Libri IV. de præfagitione ex Pulsibus. Synopsis suorum XVI. Librorum de Pulsibus. Extat præterea Galeno adscriptum Pulsuum compendium. Denique habetur Galeni ad Antonium Philosophum de Pulsibus Libellus. Complent omnia hæc in Editione Charteriana 336. paginas.*

Immensa omnis hæc librorum moles, ad usum medicum minus apta videtur, accommodaque. Primo enim plusquam dimidiam eorum partem oratorius explet ornatus. Est deinde Autor plurimus in refellendis Opinionibus Antiquorum; Archigenis, Heraclidis Tarantini, Alexandri Philaletis, Demosthenis Philaletis, Bacchii, Aristoxeni, Zenonis, Chrysermi, Heraclidis Erytræi, Agathini, Magni, Athenæi, Moschionis, Erasistrati. Quorum sane opiniones nostra parum referunt. Ter-

tio quia subtilitate sua *Peripatetica* sic distinguit, dividitque pulsus, ut primo ponat differentias 27. quas in tres alias subdividens, 81. differentias pulsuum nobis exhibet; quas qui mente assequi, & ad doctrinam Clinicam accomodare contendit, ingenio luxuriante fictas potius, quam aut a *Galeno*, aut a quolibet alio Medico, vere observatas fuisse, sibi persuadet. Ut profecto *Ill. Hallerus ad §. 219. Inst. pag. 278.* scite scripserit: „ *Galenus* „ *divisit & composuit ita pulsuum hi-* „ *storiā, ut nemo nostri ævi satis* „ *Muscos digitos habeat, qui possit* „ *cos gradus distinguere.* „ Bona equidem, quis dubitat? in *Galenicis* reperiuntur; verum confusa cum cæteris sic, totque speculationibus inanibus commista, ac sædata, ut lucri vix multum inde reportemus.

§. IV.

§. IV. *Actuarii*, *Paulus Aegineta*, *Aetius*, &c. quod de pulsibus haud pauca tradiderint, non est quod mireremur, utpote qui pœne omnes & *Aræti* & *Galen*i meminissent, & *Galen*i edocti voluminibus essent. Scriptores *Arabes*, cum *Hippocratis*, tum maxime *Galen*i, imbuti doctrina, & *Galenicam* de pulsu doctrinam tradiderunt, imo fatentur ex *Galen*o habere.

§. V. A pluribus retro sæculis schola Medica consideravit Pulsum 1<sup>mo</sup> fortem ac debilem. 2<sup>do</sup> magnum & parvum. 3<sup>to</sup> plenum & vacuum. 4<sup>to</sup> celerem ac tardum. 5<sup>to</sup> durum, vel mollem. 6<sup>to</sup> æqualem, & inæqualem; inæqualem autem vel ritmo, vel tempore, vel utroque modo; vel remittentem; vel dicrotum, vel myurum, vel caprizantem, &c. 7<sup>mo</sup> intermittentem, seu ἀσθμῆαν. Hos autem pulsus majori ac minori gradu con-



templatur, variaque puluum combinatione, ut duros & magnos simul, duros & parvos, duros & lentos, durosque & celeres: magnos & duros, magnos & molles: magnos, duros, æquales, vel inæquales: magnos, plenos, fortes, æquales, inæquales &c.

Celeberrimus *Stahlius*, Veterum plures secutus, celerem inter frequentemque pulsum necessariam distinctionem admittit, negavit *Hofmannus*. Distinctionem admittere debui, experimento coactus. Pulsum enim mei mecum observarunt quandoque Discipuli, & Auditores, minime frequentem, digitum tamen tam subito tamque fulminea celeritate ferientem, ut esset sine frequentia celerior vocandus.

Notabile quid hanc in rem inclutus *Morgagni* habet *Ep. 24. No. 32.*  
„ Videbimur pugnancia loqui, si ce-

„ leritatem conjunctam cum raritate  
 „ in ægrorum pulsibus nos invenisse  
 „ dicemus. Incidit id alias quoque;  
 „ sed nunquam magis, quam in Ado-  
 „ leſcente, in quo non magnam pul-  
 „ ſuum raritatem, maximam autem  
 „ celeritatem deprehendimus . . . No-  
 „ cturni sudores (in Thoracis inflam-  
 „ matione) crebri, inutiles primum;  
 „ at circa diem 10. & 11. utiles adeo,  
 „ ut pulſus qui vibrati & frequentes  
 „ valde fuerant, ut acuta febris re-  
 „ quirebat, undecima die hac finita,  
 „ nec vibrati amplius, nec frequentes,  
 „ imo rari eſſent, nec rari tamen val-  
 „ de extra modum. Sed cum ea ra-  
 „ ritate mox ſe conjungit vibratio;  
 „ celeritas autem tanta, ut cum ar-  
 „ teriæ motus ambo, extrorſum vi-  
 „ delicet & introrſum, ſimul ſumti,  
 „ non multo plus occuparent tempo-  
 „ ris, quam ſolent ſecundum natu-

„ ram, primus esset triplo brevior,  
„ quam secundus. Quæ res biduum  
„ circiter perstitit, donec vigiliis &  
„ siti, quæ etiam tunc supererant,  
„ paulatim abeuntibus, sensim pulsus  
„ quoque, vibratione & celeritate  
„ imminuta, ad naturalem pene mo-  
„ dum, sicut quarto decimo percepi-  
„ mus die, redierunt. „

III. *Hallerus El. Ph. Libr. 6. Sect. 2.*  
§. 13. hanc celeritatis, frequentiaque  
differentiam, pluribus experimentis  
probat; & in homine ægroto saltem  
admitti oportere censet.

§. VI. Atque hæc de Pulsu cum ra-  
ritate celeri. Dantur homines sani,  
quibus alio atque alio in brachio,  
alius atque alius pulsus sit. *Ballonius*  
*Epid. 2.* in hujusmodi incidere. Cau-  
sam in Arteriæ ipsius sive naturalem,  
sive præternaturalem, alio quam in  
alio carpo constrictionem; ejusdemve  
pro-

profundiorē situm, refundit; ut pulsus altero in brachio fortis plenusque, contrarius in altero sit: tunc unus a remediis tentandis paulum revocat, alter remedium validissimum clamat. Et id magni ponderis est. . . . Historia de Cervenay hujus rei fidem faciet: cui pulsus omnino erat dissimilis. Et quod unus dicitabat, suadebatque, alter dissuadebat.

Nonnullos ejusmodi reperiī: longe tamen plures, qui id mihi, aut prima vice Medicinam facienti, aut illis bene valentibus obviam factō, auctoritate suorum Medicorum audacter asseverarent, nec haberent tamen, quantacunque cum diligentia, diuturnioreque mora, explorassem. In nonnullis, ut dixi, rem sic deprehendi, deprehenderuntque alii mecum: sæpius vero idem deprehendere me mihi visum, & situs brachii explorati



mutatus, & explorans manus aliter posita, & digiti quoque, erroris convicerunt. Contingit in iis, qui revera alium in alterutro carpo pulsum habent, ut nonnunquam arteria cubitalis pulsum magnum referat. In dexterrima obstetrice inveni asphyxiam in carpo dextro; sed inter os Metacarpii digiti minimi, & annularis, in dorso manus, arteria adeo magna erat, adeo fortiter pulsabat, ac arteria radialis in carpo sinistro. In *Tulpii casu* utroque *Libr. 3. cap. 45.* erat arteria ad pulsum explorandum apta in dorso manus pollicem inter indicemque. *Eph. N. C. cent. 10. N. 42.* *Starckmannus* eandem fere, quam *Tulpius*, observationem refert. Quapropter in omnibus hisce casibus manus utraque capienda, explorandaque est.

In morbis autem id nonnunquam contingere extra dubium est. Sunt, qui

qui ex hac differentia credant alterum corporis latus altero esse morbosius. Tale quid vix negare licet nobis, si primo *Hippocratis* repetitas toties observationes de his, quæ *κατ' ἔξιν* fiunt; deinde quæ idem supra in laudato textu de hac re dixerit; tertio quæ observationes propriæ aliquando nos docuerint, attenta mente revolvamus; quamvis ratiocinio Anatomico, & Physiologico, veram phænomeni causam non facile assequamur. Conjecturando forte aliquid tolerabile proferimus aliquando. *Morgagni Epist.* 24. No. 2. „ Sed non eos tantum „ Nervos, inquit, qui cor adeunt, „ verum alios etiam, qui Arteriis, „ aut Musculis, qui his apponuntur, „ inserviunt, earum variare motus „ posse, ex ægro didici, qui cum „ gravissimum morbi periculum vix „ evasisset, magna ob adversum nun- „ tium

„ tium, importune delatum, mœstitia  
„ affectus, eoque majore, quo magis  
„ hanc occultare conabatur, mihi,  
„ nihil tale expectanti, pulsus exhi-  
„ buit, primum utroque in carpo,  
„ diebus autem insequentibus in sini-  
„ stro tantum, omni peccantes inæ-  
„ qualitatum genere; ut cum in dex-  
„ tro essent eodem tempore maxime  
„ æquales, perspicuum esset, causam  
„ ad sinistram duntaxat brachialem  
„ Arteriam attinere, quæ ipsa quo-  
„ que, mox levato mœrore, nervis-  
„ que ad pristinam dispositionem re-  
„ deuntibus, ad naturales motus re-  
„ diit. „

§. VII. De pulsus intermittentis  
natura sæpius quoque disputatum est.  
*Galenus Libr. 2. de præfag. ex puls. cap.*  
*4.* Vocat merito eum omnium vitioso-  
rum pulsuum perniciosissimum; hoc in vitæ  
discrimen trahi juvenes maxime, minus  
pue.

*pueros, omnium minime senes.* Optimeque docet in præfagiendo ex hoc pulsu ad reliquarum functionum conditiones esse advertendum. Variis in locis de eo agens *Galenus*, multum sibi contradixisse videri posset; verum qui ad sententiam ejus, hic laudatam, reliquos textus contulerit, inanem omnem contradictionis deprehendit accusationem.

Fuisse nihilominus haud paucos Medicorum, eosque minime incelebres, qui tam ex abstractis quibusdam *Galen*i textibus, quam ex repetita haud semel experientia, pulsum diu, multumque intermittentem, mortis credere nuntium esse, certissimum est. Sapientiores vero, cum *Galeno*, & maxime in juvenibus exitialem esse, & in his, in quibus cum pulsus plus una pulsatione intermittat, tum sequentes post intermittentem debiliores ictus ha-



habeant. Quanquam ne tunc quidem ejus perniciem adeo absolute affirmant, & plures non excipiant casus: Sordes primarum viarum, Vermes, Naturalem dispositionem, Morbos vitalium partium, tam protopathicos, quam deuteropathicos.

Et jure profecto. Exemplum enim haud plane paucum id docent. Optimus Autor P. *Alpinus* Labr. 4. cap. 4. de *præfag.* V. & M. Pharmacopæum quinquagenarium, (utique nondum senem vocandum) ex pessima Diætâ misere languentem, absque febre tamen, invisens, invenit pulsum intermittentem pluribus diebus, donec probe purgatus esset. Additque Juvenulæ morbum pleuriticum, in cujus die primo ad 7. vel 10. ictum intermitteret pulsus; die altero ad 6. aut 4. die tertio ad singulos tres; „ quarto „ singulis pulsatis duabus pulsationibus ita

„ in-

„ intermitteret, ut immobilis multo inter-  
„ vallo materia maneret, pulsusque subse-  
„ quentes languidi, exilesque essent. Ni-  
„ hilominus præter omnium spem, simul  
„ cum urina, multa materia crassa pituitosa  
„ excreta, nulla alia observata vacuatione,  
„ aut judicio a natura facto. Sed hujus-  
„ modi casus raro fiunt, suntque in arte  
„ medendi veluti monstra.

Hoc ultimum ideo addit *Alpinus*, quod præter morem, præterque observationem, pulsus hujus intermitteret juvenculæ; alias prudentissimus ita in judicando ex tali pulsu fuit, ut laudato mox loco legem statuatur, ut nunquam ex solis pulsibus malis judicium feramus, sed aliis signis una conspèctis, ac simul collatis.

Hoc fundamento *Wierus*, Serenissimi Ducis *Cliviæ* per 30 annos Archiater laudatissimus, salutem ægro prædixit, cui una cum pulsu, tertio sin-

Paræ XII. C gu-

gulo ictu intermittente, omnium reliquorum signorum optima conditio adesset: viditque, quod prædixerat contigisse, ubi onustas ægri vias primas probe expurgasset. Extat apud G. Horst. Obs. Libr. 9.

III. Morgagni Epist. 24. §. 20. Multa in hanc rem affert, ut doceat, quo modo contenta in primis viis materies in ipsum cor agat, pulsusque vario modo mutet, vitietque, eodem quoque illos efficere intermittentes. Quod exemplo confirmaturus, sic memini, inquit, cum febricitanti Virgini mederer, & ad cætera intermissio pulsuum accessisset, præter rationem, minime absterri- tum esse me ab eo exhibendo, quod constitueram medicamento, quo abstergerentur Venter & Intestina; imo eo fidentius dedisse: eademque die & absterfa hæc, & pulsus priori normæ restitutos fuisse.

Spa-

Spacio quatuordecim cum dimidio annorum, quibus Medicinam Hippocraticam in hac antiquissima universitate, & doceo, & demonstro, bis certo, ac forte ter, intermittentem pulsum ante Crisin alvinam demonstravi Auditoribus.

Quod ad senectutem attinet, in hac cum *Galeno* quandam pulsum intermissionem minus, quam in juventute, periculosam esse affirmamus; sin vero intermissio hæc in senibus cum frequens sit, tum diuturnior, majus inde discrimen cum *Ballonio* agnoscimus. Quod autem hoc in casu a validioribus auxiliis deterreri non oporteat, docuit nos idem vir clarus *conf. med. Libr. 1. no. 58.* exemplo hominis 78. annorum, purulentis pulmonibus; cui, sæva pleuritide laboranti, ad singulam venæ sectionem intermissio cum reliqua pulsus inæqualitate minueba-



tur, postque tertiam quartamve venæ sectionem, omnino silebat, ut a pleuritide convalesceret senex.

Dixi 2<sup>do</sup> a vermibus intermittere pulsum. Quid illi in toto systemate animali, præcipue & Cordis & Arteriarum, movere, perturbareque possint, mox ex *Morgagno* intelleximus. In pueris a vermibus, eorumque fordibus, pulsus aut intermittit, aut remittit, aut citra intermissionem remissionemque, vel tempore inæqualis est, vel rhythmo, vel utroque. Ita quoque se habet Adultorum verminorum pulsus. Et cum quotidianæ observationes id doceant, quod Adultorum numerosissimi, siue vermium symptomatis quondam laboraverint, siue nunquam, vermes, acute laborantes, sursum deorsumque expellant; facile pulsus intermissiones ante crises alvinas hinc repeteremus, nisi convi-

Et si essemus primo, a vermibus vel minime, vel longe alio modo, pulsus mutari; secundo a quocunque alio viarum primarum inquinamento, spurcitieque, pulsuum intermissiones proficisci; easdemque, tertio, intermissiones admodum notabiles observatas *Prospero Alpino* esse in motu critico solo urinarum; tandem quarto a sordibus primarum viarum sæpe longe alia pulsuum vitia animadverti; ut v. g. *Ballonius* refert *pulsus languidum ac parvum* inde factum fuisse; idque se sic demonstrasse, quod *pro gradibus purgationis, pulsus restitueretur*.

Pulsus intermissionem 3<sup>to</sup> Morbi vitales, seu protopathici generant, seu deuteropathici. Hydrops pectoris, Hydrops Pericardii, Cor, Majoraque vasa aneurysmatica, Arteriarumque universo in corpore dispositio ossea, cartilaginea, aneurysmatica.

Vitia notabilia Pleuræ, Mediastini, Costarum, Sterni, Pulmonum, Diaphragmatis, Hepatis, Lienis, omniumque abdominis viscerum. Notiora hæc omnia sunt, quam ut allatis confirmem exemplis. Instar omnium sunt, *Boneti Sepulchretum, Lancisii, Valsalvæ*, præsertimque *Morgagni*, præclara opera. In variis mei operis tomis exempla plura cum idiopathice, tum sympathice læsæ Vitalitatis dedi. Nec quisquam verius accuratiusque optimo *Lancisio* de intermittente pulsu ex causa sympathica differere potuit, cum ipse, qui illum pateretur, esset. Hujus veritatis, inquit, ex memetipso experimentum promam, qui, cum tria ante lustra pertinaci, mihiq; sensibili cordis contractione, indeque orta pulsus intermittentia, ex *Hypochondriorum* consensu, per sexennium laboraverim, plus in aliis, quam in me ipso, diligens, & attentus, usu tandem

dem Rhabarbari, Chalybis, & Juri Viperati, perfecte convalui. *Libr. 1. de subit. mort. cap. 19. pag. 59.* Id modo his omnibus addendum est, ut notemus, quantumcunque omnes descriptæ causæ pulsum intermittentem reddant, easdem nihilominus loco intermittentium pulsum sæpe longe alio modo turbare, difformareque illos; quin etiam pulsum aut parum, aut nihil, ab ipsismet his causis mutari. Tot in prioribus meis argumenta hujus extant, tot laudati mox scriptores protulerunt, ut eadem hic repetere velle, omnino supervacaneum sit.

Sed 4<sup>to</sup> Intermittens pulsus quibusdam naturalis est. Prosperum Alpinum experientia id docuerat. Ubi enim de Myuro intermittenteque pulsu præclare disseruerat, *Libr. 4. cap. 4. de præsar.* hæc addidit: Quidam etiam observantur, qui ex natura hos pulsus vel



etiam recte valentes habeant : ex quo caute Medici ad judicandum agere debent, ne decipiantur. Expertus idem Galenus est, uti concludere debemus ex Libro de prænot. ad Posthumum. Cum enim Medicorum inquietudinem circa Oeconomij cujusdam intermittentem pulsum observasset, ipseque tandem hominem accurate per omnia examinasset, respondit Medicis, γινώσκεις ἐν χειρὶ τὸ τοῦτον ἐκ γενετῆς εἶναι σύμπτωμα : . . . τὸν γὰρ αὐτῷ φύσει συμβεβηκέναι. Ballonius Epid. 2. Struthii Monachi, casum narrat, intermittentem pulsum, quoad vixerit, habentis : alterumque juvenis, qui dum ex morbo emergeret, suo pulsu intermittente Medicos terruit, ignorantes id esse συγγενές.

Quod autem mirum ipse observaverim, non reticebo. Pluribus annis Medicinam Mercatori feci, qui non modo pulsum a natura intermittentem

tem habebat, verum etiam dum ægro-  
taret, cum celeritate æqualem. Plu-  
ries ipsi in Acutis morbis Peripneu-  
monia, Ileo, Febre continua putrida,  
affui. Cum ex primo morbo recon-  
valescens, videret me in pulsu exa-  
minando quodam die inquietiorem,  
risit, rogavitque num intermittentem  
valdopere pulsum deprehenderem,  
pertimesceremque? Annuo. Expli-  
cuit mihi rem, jamque ad hujus appa-  
ritionem extra omne mortis pericu-  
lum se esse monuit; quamdiu autem  
æqualis maneret, in pluribus morbis  
id se suis e medicis semper intellexisse,  
quod in discrimine adhuc versaretur.  
Ut porro tunc mihi explicuit, ita  
postmodum expertus sum, latusque  
ipsi nuntius in subsequenti morbis  
fui, primam intermissionem annun-  
tiando. Cordis actionis aucta celeri-  
tas intermissionem debebat pulsum,

quam solita Cordis contractio superare non potuit. Capite 4to sequetur observatio similis, quæ cum ad illud caput, quam ad hoc plus faciat, in illud referro.

§. VIII. Nótant Medici integrum pulsum defectum seu *ἀσφυξία*; quæ hic recensenda venit, quod protracta intermissio sit, protractaque Asphyxia sæpissime in mortem terminetur. A syncope in eo differt, quod in hac functio etiam animalis ita deleatur, ut vera supersit mortis imago; in illa vero hæ functiones haud oppido raro persitent, vigeantque. Ideoque *ἀσφυξίας* significatio, ut in Letum abeuntis, nonnihil moderanda est.

Ac primo notamus dari asphyxiam spuriam, quæ, cum talis videatur esse revera non sit. *Ballonius* hac de re *Epid.* 2. differens, refert ex *Struthio* de *Starchonio Veneto*, cum illi in continua

se-

febre adesset asphyxia, male ominari Medicum cepisse, pulsum instrumenta ignorantem: profunde quippe illi demersas arterias esse; multaque & carne & adipe sic communitas, ut contingenti manui non occurrerent: ægrum autem convaluisse. Alterutro in brachio nonnunquam hoc vitium reperiri, constat supra. In hoc viro Arteriæ & altius demersæ, & crassius tectæ, in causa phænomeni fuisse dicuntur: Aneurysma arteriam lædens; Polypus in Arteria subclavia in alio homine; Nervorum spasmi; alibi videntur hoc vitium genuisse. Latius hæc omnia apud *Struthium* in ejus *Arte sphygmica*. Soli illi hic decipi possunt, qui perfunctorie medentes, utrumque negligunt prendere pulsum; aut si utroque in pulsu vitium obtineat, palpabiles alibi, *Hippocratis* exemplo, non



non quærent arterias, neque diligenter explorant.

Sed dantur, secundo, veræ Asphyxiæ; in quibus tamen admittendis prudentia opus est. Describuntur enim a numerosis scriptoribus, maxime in *Sepulcreto Boneti*, quarum pluribus vel ob id fidem adhibere omnem nequimus, quod adeo notabiles observatorum appareant defectus; ut, velimus, nolimus, suspicari cogamur, alterum modo carpum in nonnullis prehensum fuisse; in aliis aliarum corporis plagarum non fuisse quæsitæ, exploratasque arterias: quam ob causam Asphyxias illas Dierum, Septimanarum, Mensiumque, admittere ægre possumus. Nonnullas recensebo tamen, quibus denegare fidem vix quisquam poterit.

*Bernardini Ramazzini, Mutinensis  
Professoris, Constitutiones Epidemicæ ex-  
tant,*

tant, & in collectione Operum ejus omnium sequuntur mox ejus publice habitas Orationes. In Const. anni 1692. 1693. 1694. §. 23. legitur memorabile hoc: Nonnullis suppressa est urina, vacua prorsus existente Vesica. Præcipue vero id observatum in iis, quibus pulsus erant parvi, ac pene obliterati: ut contigit in juvene quodam Hebræo, qui cum Asphyxia, ac totus gelidus, vixit ad quatuor dies, nec urinæ quidquam reddidit: antequam autem infelix iste obiret, quamvis toto corpore perfrigefactus, (nullibi arteriis micantibus) adeo robustus erat & ad motum expeditus, ut etiam ipsa die, qua ex vivorum statione discessit, e lectulo surrexerit, & suas vestes induerit.

Et §. 33. postquam in Dysenteria, malignæ febris periculari superveniente, Opiatorum usum laudasset, Cui-dam, inquit, acerrima Dysenteria laboranti, pluries exhibui Laudanum opiatum  
da

ad 3. & 4. grana, sed parvo levamine: vixerat hic ad plures dies omnino gelidus, ac sine pulsu; vires tamen non erant admodum languidæ, ut hic & illuc se jactare non posset. Verebar ne largiore dosi exhibitum laudanum reliquum flammæ vitalis, quæ supererat, restingueret: Laudanum rursus ad grana 5. exhibui, ex quo æger placide dormivit, & excalescens est. . . . Satis obvium erat in hac Constitutione (ac præsertim grassantibus Dysenteriis, & verminosa affectione) hujusmodi in toto corpore perfrigerationem, una cum pulsu abolitione, observare.

Perillustis vir Morgagni Ep. 24. §. 6. Senex jam tres menses, ex quo crus fregerat, in hoc cubabat Nosocomio, levi quadam, sed pertinaci, febre detentus, cum præter expectationem repente animalversum est, sine pulsibus esse hominem, cui ne intermittere quidem consueverant, & qui nihil pejus, quam soleret, eo ipso tempore se

*se habere asseverabat. Quod ut confirmaret, protinus se erexit, & in lectulo consedit. Tamen, neque ita multo post, reapse est mortuus. In cadavere præcipue advertebatur, & pericardii cum corde auriculisque concretio, & Aortæ descendentis complures erosiones, futuræ ossificationis indices, & universa fætidorum pulmonum cum pleura co-hæsiō.*

· Differit clarissimus Vir deinde de pluribus ejusmodi casibus, quos varii Medici retulerunt, Asphyxiarum scilicet 24. horarum, dierum 40. & ultra, imo 4. mensium, quæ demum letales fuere omnes. Remittitque nos ad Ep. 18. in qua lotricis quadragenariæ refertur historia, quæ ultimo sexennio sæpius in Nosocomium propter Asthma convulsivum recepta, perpetuoque tunc asphycta, die tandem 15. obibat. Arteriarum in utro-

que



que carpo status naturalis fuit inventus.

*Ill. Haller Oper. min. Tom. III. pag. 305.* Asphyxiam fere perfectam describit, una cum frigore artuum, & nihilominus cum Viribus mentis corporisque sat bonis, ciborumque cupidine; idque integro ante mortem triduo. Sed merito addit: *Difficiliter hæc omnia cum Theoria conciliantur.*

Qui plura vult, adeat ipse Epistolas præclari viri, *Morgagni*, 18. 21. & præcipue 24. Tum & *Boneti sepulchretum* Tom. 1. sub finem; *Schenckium a Grafenberg* Tom. 2. Scriptores quoque practicos, ut *Fernelium*, qui 24. horarum asphyxiam, subsequente sanitate vidit; compluresque, qui suas observationes practicæ doctrinæ interfecerunt. Plus 100. observationibus facile sic quis colliget,

Ex

Ex omnibus enarratis colligimus  
1<sup>mo</sup> spuriam asphyxiam a vera, ut  
monui supra, rite esse discriminandam.  
2<sup>do</sup> Haud levis momenti esse asphyxiæ  
diuturnioris intellectum; nisi suppona-  
mus leviniculum humorum ope Cor-  
dis, Pulmonum, & Cerebri, Cerebel-  
lique, circulum perennare, quo mors  
averruncetur. 3<sup>to</sup> Quod si tolerabilem  
explicationem asphyxia, cum universi  
corporis mentisque languore, admit-  
tat; difficillimæ profecto enodationis  
eam Asphyxiam esse, quæ & illibatas  
mentis functiones, & alacre musculo-  
rum exercitium, constanter conservet.  
4<sup>to</sup>. Anatome facta multorum post  
asphyxiam mortuorum, cor & auri-  
culas flaccidas, dilatatasque; in aliis  
grumosum cruorem; in aliis multa  
alia vitalium viscerum detecta vitia  
esse: integrum cuique esse horum vi-  
tiorum cuilibet originem tribuere,  
*Pars XII.* D *cau-*

causasque asphyxias: esse vero hucusque & imperfectam, & incertam explicationem omnem, cum non in omnibus eadem causæ repertæ fuerint, cum hæ ipsæ causæ in aliis Asphyxiis genitrices non extiterint, cum causæ enarratæ quæcunque alios longe morbos creaverint, cumque tandem mira sed obscura de Nervis doctrina id saltem evicerit, ne vestigiis quidem vitalium morborum in cadavere inventis, hos a solis Nervis excitari, perpetuarique posse.

§. IX. Schola Medica post *Hippocratem* docuit perpetuo pro varia ætate, sexu, regione, sex non naturalium rerum usu, pulsum naturalium modificationem variare. Nihil eo verius. Observationes tamen existunt, quæ communem hunc pulsum varietatem sic excedunt, ut earum quarundam meminisse oporteat.

An-

Anno 1766. die 9. Novemb. in No-  
focomium meum invecus homo est  
24. annorum, victum labore seden-  
tario quæritans; toto corporis habi-  
tu, animoque, Melancholicus; cæ-  
tera autem ita valens, ut graviore  
morbo decubisset nunquam, sed ver-  
no tempore, spatio 2. 3. 4. duntaxat  
dierum, lecto inhæsisset præ Cathar-  
rho, qui citra venæ sectionem, citra-  
que remedia, sponte fatiscebat. Ad-  
debatque Catarrhum similem præce-  
dente Octobri mense, & insolito proin-  
de tempore, & insolita adfuisse gra-  
vitare, ita ut prima vitæ vice vena  
ipsi secanda fuerit; postque triduum  
reconvalescenti levis tussicula perstite-  
rit. Die 6. Nov. Acuta illum febris  
prehendit, cum horrore, frigore,  
validaque per trihorium corporis uni-  
versi concussione, æstu deinde, ac  
pungente lateris Thoracis dextri, ejus-



demque inferioris, dolore, Cephalalgia, Præcordiorum gravitate, ac dedolati quasi corporis pondere molesto. Altera die perseverantibus his symptomatibus, sudoriferum remedium sumfit, sudavit, nihil autem inde percepit levaminis. Die tertio & quarto febris perseveravit cum enarratis symptomatibus: eodemque die quarto in Nosocomium ferebatur, vigente morbo, ut ante; nisi quod Cephalalgia remisisse tantillum.

Mox calorem febrilem explorantes, invenimus illum duobus tribusve gradibus naturali superiorem: 99. scilicet graduum in *Therm. Fahrenheitiano*. Meridie similem. Vespere 98. grad. Porro cum hoc calore, naturali paulo superiore, pulsus quavis hora exploratum, nonnisi 37. 38. 40. 42. & aliquando 44. ictus spatio minuti primi dare, obstupescēbamus.

Febris igitur acuta inflammatoria, cum symptomatibus pravis, & Pleuritidis, hominem juvenem detinuit; pulsu, qui naturali longe celerior esse debuisset, rarius naturali, dimidia parte rarius modice febrili, micante. Cum neque ipsi sano, neque jam a quatruiduo ægrotanti, nemo Medicus affuisset, pulsūque tetigisset, rescire nequivimus, num ipsi aut sano, aut ægro, tardus adeo pulsus affuisset; numquē ipsi sano forte ita lentus non fuisset, ut quæ, nunc adesset, tarditas, non foret celeritas febrilis habenda. Cæterum excepta pauca rhythmī temporisque, in quarto die, inæqualitate, toto morbi tempore præter tarditatem laudabilis fuit.

Graviora Morbi symptomata sui ablationem communi methodo antiphlogistica indicabant, sed a Venæ sectione pulsuum me removit, abster-

ruitque tarditas. Saltem quid, dilata nonnihil venæ sectione, reliqua artis auxilia præstarent, tentare principio volui. Alvum igitur a quatrIduo imotam, communi decocto emolliente cum melle sollicitavimus; dolenti lateri emolliens resolvensque cataplasma admovimus; Epispastica applicuimus pedum plantis; leve jus carniū cum cremore Tartari in nutrimentum, Avenæque decoctum cum Melle ac Nitro, in alimentam simul ac potum, ipsi dedimus. Unde paucis postmodum horis & dolorum lætabamur levamen, & breves quidem somnos at levantes, & largiorem Transpirationem, Urinamque tandem, quæ intra trihorium veterinaria, hora deinceps elapsa hypostasī formabat. Alvus autem ab enemate non mota, clysmate altero, adjectis duabus Nitri dragmis, quid crassi compactique eduxit.

xit. Calor tunc 98. gr. Necdum vero 40. pulsuum ictus in minuto primo. Nox sponte optima.

Die 5. morbi Calor quidem mane hora sexta 100. grad. pulsus vero æque tardus. Respiratio modice læsa, nulla sitis, renascens quidam appetitus, urina hypostatica & arenosa, & a clystere nitroso bona dejectio. Horam post meridiem dormiuit, sudavit; nec non in commoda sede & ante, & post meridiem, horam tranquillius transegit. Vespere calor 97. gr. pulsuum quavis ferme hora exploratorum eadem tarditas. Nox optima.

Die 6. Morbi Calor mane ac vespere 97. graduum. Calor igitur naturalis hominis sani, robusti aderat, sed cum illo pulsus ne grū quidem celerior, imo ne post pastum quidem, qui hodie paulo plenior ex Cremore hordei cum jure carniū, bis præter-



ea ex jure cum pane albo, leviter tecto, fuit. Crescit appetitus. Matutino tempore parum, pomeridiano integram dormivit horam. Unicam mane, duas post meridiem horas, extra lectum fedit. Sitivit nonnihil. Urinæ hodiernæ colore, odore, copia, naturales cum enæoremate subfidente, & una cum pauca hypostasi. Nox valde bona.

Die 7. Calor mane 95. vespere 97. graduum. Pulsus quacunque diei hora idem, qui heri. Urinæ hesternarum simillimæ. Enemate nitroso paucæ, ovillorum similes, prodire feces. Quadrihorium extra lectum transegit solito alacrior, appetivit, non sitivit. Bona nox.

Die 8. Calor mane 95. vesp. 97. grad. Pulsus immutabilis. Respiratio bona. Appetitus. Comedit hodie jus carniū cum tosto pane copiosio-

re, tostaque duo, triave poma, cum frustulo panis; neque post horum singula pulsus celerior. Alvus ab enemate nitroso hesternæ similis. Mane horam ex lecto fuit, in eundemque repositus, horam dormivit: post meridiem trihorium in sedili transegit. Nox bona.

Monitum hic interserendum est. Quod de pulsu dixi, id de eodem in ægro jacente capto, haud vero in sedente, intellexi. Non monuerunt, quod sciam, Scriptores practici de differentia celeritatis in pulsu hominis jacentis, sedentisque. Eam tamen in ægris nostris, quocunque acuto morbo, quocunque morbi in stadio, vix centesimo experimento fallente, perpetuam invenimus. Sedentibus aut in lecto, aut in sedili, pulsus quam jacentibus celerior est, plus quidem minusque, semper autem notabiliter.

Sic ut celeritas  $\frac{1}{2}$  parte augeatur sedentibus. Numquid hoc a debilis corporis defatigatione? Sed celeritas observatur, quamprimum aliena opera erecti, absque ullo suo labore, sedent: observatur, etiamsi suffulcian- tur pulvinaribus sic, ut non defatigant se: habent reconvalescentes, qui jam robustiores, sedere, quam jacere, malint. Et si a motu defatigante, pulsus utique brevi debiliior fieret, tardiorque, dum jam ea aucta celeritas, donec sedent, perseverare solet. Numquid cordis acceleratur motus, sanguine venoso *perpendiculari* a Capite itinere, quam *horizontali*, promptius ad sinum dextrum cordis, promptius- que eadem de causa ex pulmonibus in sinum cordis sinistrum descendente? Verum in sedente homine, erectove, & sanguis venosus Venæ cavæ difficilius versus sinum & auriculam dex-  
tram

tram *perpendiculariter*, quam in jacente *horizontaliter*, adscendit; & sanguis arteriosus facilius in jacente ægro versus caput *horizontaliter*, quam in sedente *perpendiculariter*, movetur. Id tamen quoque verum est sedenti in homine sanguinem liberius inferiorem Aortam subire; & pondere Hepatis Lienisque deorsum cum Diaphragmate tendente, Cordi, Pulmonibusque amplius, expeditiusque, agendi ac movendi spatium nasci. Sed ne speculationibus diutius immoremur, aliquis res momenti est, ut, dum in consultatione Medicorum circa celeritatem majorem minoremve quandoque disceptetur, & alii jacentem ægrum, erectumque alii, examinaverint, disceptationis causam capiamus. Porro æger noster, cujus causa hæc secessio facta est, neque tam magnum, neque tam perpetuum habuit celeritatis augmentum.



gmentum; habuit tamen & sæpius, & mediocre; semel autem, nempe die morbi terdecimo, 54. & 55. ictus in primo minuto.

Die 9. omnia ut heri, nisi quod hora matutina sexta calorem 100. graduum Thermometrum notaret. Id unica modo vice die 5. observaveramus. Et tunc quidem signa febris aderant, jam vero sanitatis.

Die 10. Calor 98. graduum. Omnia sana. Id vero hoc die singulare, quod pulsus 50<sup>ies</sup> imo 55<sup>ies</sup> sæpe micaret. Si in febre id contigisset, facili explicuissemus negotio, sed quod in febre non observabatur, observavimus hodie, valetudine sic restituta, ut nihil in functione, excepta alvi segnitie, juveni desit.

Die 11. Cum morbo integre curato, alvus officio minus rite fungeretur, dedi ipsi *Aquæ Laxantis Viennensis*

*uncias tres*: unde alvus ter probe mota est. Hucusque nullam Medicinam aliam sumfit, quam quæ prima, qua in Nofocomio fuit, die, ipsi præscripta, applicataque est; quibus prava symptomata brevi secedebant, nova succedebant nulla, Coctio tandem, & Crisis, & critica Evacuatio, optime promovebantur. Similis observationis multa exempla Auditores mei viderunt, ex iisque didicerunt Naturam in morbis contemplari, eamque si opus Coctionis, Coctique excretionis, perficit ipsa per sese, non turbare medicamentis, sed adjuvare; ut sedula, ut sapiens sui negotii Moderatrix maneat.

Purgationis absoluta actione, primum hodie comedit carnis vitulini minutal. Mane tardus, celerior a meridie pulsus. An quod comesta caro sit? Hincque febricula nata? Verum

rum heri cum priore Diæta die tota celerior fuit pulsus; & ipsa dum aderat suis cum symptomatibus febris, pulsus nullum intulit celeritatis augmentum. Erat cum hac pomeridiana celeritate calor hominis naturalis in Thermometro. Nox egregia.

Die 12. Calor 94. grad. Pluries ante meridiem examinatus pulsus, micavit 38. 39<sup>ies</sup>. Post meridiem 46<sup>ies</sup> 47<sup>ies</sup>.

Die 13. Calor mane 94. vespere 96. gr. Antemeridianis horis pulsuum ictus 40. 41. in minuto primo fiunt; pomeridianis itidem. Hodie autem, ut supra monui, maximam differentiam jacentis inter sedentisque pulsuum notavimus, 54<sup>ies</sup> enim & 55<sup>ies</sup> foriebant sedenti.

Die 14. cum tarditate pulsuum consueta optime valens, dimitti voluit;

luit ; defuit occasio illum videndi posthac , examinandique.

Acutus hic morbus die 4<sup>to</sup> coqui cepit , expellique cocta materies eadem adhuc die largiore transpiratione , & urina : die 5<sup>to</sup> urina & sudore : die 6. & 7. urina. Expulsa omnis morbi materies fuit sic , ut perfectum iudicium adfuerit.

Exempla non præstant multa singularis hujus , perpetuæque fere pulsus raritatis ; præstant tamen aliqua , & quidem mirabiliora , quæ conferre nostro cum homine oportet.

*Andreas Vesalius de hum. corp. fabr. Libr. 1. cap. 5.* pulsum describit hominis cujus a thalamo Cordis lævo massam glanduloso-carneam librarum propemodum duarum exciderat ; Ita enim , inquit , multis mensibus ante mortem ( cum tamen alioquin veluti sanus obambularet ) pulsus , aut arteria potius ,



contrahi visa fuit, ut trium aut quatuor pulsationum, ictuumve, intervallo contracta maneret, velutque expulsionem moliretur. Imo postremis Vitæ septimanis ex novem ictuum intervallo tres tantum aut duæ dilatationes arteriæ tactui subinde occurrerunt. Pullus igitur in minuto primo 15, tantummodo ictus dedit, sub vitæ finem vero longe pauciores. Causa vel ipsum monstrosum cor hujus tarditatis extitit, quod probabilius; vel sanguinis aut interceptus aut impeditus per Arteriam, sinistri pedis fibulam petentem, scelopeto ante annos nonnullos fauciatam, transfluxus. Gangræna in hoc crure nata perierat.

Dum Theophilus Bonetus hanc Vesalii Historiam in suo Sepulchreto transcribit, addit Scholium hoc: *Melancholicorum pulsus ut plurimum parvissimus esse, rarissimus, tardissimisque, sine ullo vitæ periculo, ait.* Saxonia  
Libr.

Libr. 3. de Puls. cap. 100. *Habeo*, ait, *patientem, melancholia laborantem, cui adeo pulsus est languidus, parvus, rarus, ac tardus, ut inter unam & aliam distensionem sex ad minus aliæ distensiones in quocumque pulsu, moderatæ etiam raritatis, cadere possint. Ex quo certo mihi persuadebam illum tandem integre motum amissurum, & eo potissimum, quod illud idem alias contigisse sibi Patiens referebat. Nunc satis bona fruitor valetudine. Non ergo similis pulsus semper est letalis.*

An sanguinis crassioris, ad motum ineptioris conditio, in causa fuit tantæ in pulsu tarditatis, ut minuti primi spatium ictus vix decem Arteriæ observarentur?

Sed pergit Boneti Scholium. *Pulsuum tres differentias magni momenti rariores & periculosas, observavit Rumlerus obs. 46. Primam in juvene, qui quod in Carcere diu detineretur, in febrim incidit*  
Parr XII. E len-

lentam, *Hecticæ* similem, in quam tandem etiam desinebat: huic pulsus tam segnis erat, ut non nisi longissimo temporis spatio interposito digitum feriret; facile enim interea duodecim numerari potuisse, quod signum summæ imbecillitatis virium. Si quis hic celeriter numerasset, spatio minuti primi micantem decies Arteriam deprehendisset; si moderate, quinquies. Notandumque est, etiam in *hectica* febre pulsū tantæ fuisse tarditatis. In altero magis periclitante Pulsū omnino nullum interceptum fuisse: in tertio *Ardeute* febre correpto pulsū omnibus dimensionibus excedentem fuisse, quo cor omni conatu naturæ imbecillitati succurrere frustra adlaboraret.

Sed præ cæteris consulendus nobis Ill. *Morgagni* est; qui etiam alibi *Sepulcreti*, mox laudati, meminit. Refert *Epist.* 9. §. 7. Historiam probi Sacerdotis, subpingui habitu, ac florido

de colore præditi, melancholicam proinde non habentis temperiem, qui, quod rarum, Epilepsia affligi cepit vitæ 68. anno. Epilepsia hæc, ad omnia rebellis, & ingravescebat, solo tandem Opio mitescebat. Post primum paroxysmum & Morgagni & cæteri Medici, pulsum observarunt *summam raritatem*, itemque corporis perfrigerationem. Post reliquos Paroxysmos non ultra perfrigeratio successit, sed semper *illa summa Pulsum raritas*. Tandem raritas cum æqualitate. Opii granum dimidium datum ad singulam noctem, primo vicit inæqualitatem, deinde minuit raritatem. Spastica dispositio Nervorum hominis non melancholici, videtur & frigoris causa fuisse, & pulsum rariorem, tum & postmodum inæqualium: quam spasticam diathesin solvit magnam partem Opium.



Idem clarus vir ex Gerbesio Eph. N. C. Cent. 7. in app. Pulsam describit in robusto Viro hypochondriaco, subinde leviter insultibus Epilepticis obnoxio, cum sanus esset adeo rarum, ut priusquam subsequens pulsus subsequeretur antecedentem, facile apud alium sanum tres pulsationes præterirent. Si in primo minuto pulsus sani hominis ictus 60. det, non dedit hic ultra 15.

Epist. 24. §. 33. de alio senē, qui 64. annos natus, ex terrore, timore, ira, mœstitia, primum suæ Epilepsiæ paroxysmum passus erat, inque Consultationem plurium Medicorum etiam ipsum vocaverat; scribit eam fuisse pulsus raritatem, ut intra  $\frac{1}{2}$  horæ pulsationes essent tantum 22. Et in Epist. 64. §. 5. ejusdem senis historiam latius tradens, ejusdem pulsus & duros esse notat, & raros. Post plures breviores at-

fre-

frequentes paroxysmos, incidit 34. die morbi in putridum vomitum; ex quo quatuor integris mensibus Epilepsia, omnisque pulsuum cum durities, tum raritas, cessavit. Redeuntem cum Epilepsia pulsuum raritatem, apprehendit Ill. Vir duabus tertiis minorem esse naturali; scilicet quemadmodum antea, ut 20. 22. pulsus in minuto primo numerarentur. Imminentes Epilepsiae insultus raritate majore prænuntiabantur: in insultu vero pulsus erat, quem in ægris aliis frequentem vocamus. Febris autem totis ipsius 15. mensibus, quibus morbus duravit, adfuit nunquam, neque ullus unquam capitis dolor.

*In Cadavere Thoracis cavum dextrum aquæ, lotium referentis, Libras plures; sinistrum autem minus habebat. . . . Intra pericardium aquæ ejusmodi, qualem in Thorace fuisse dixi, mediocris copia. Cor*

vero amplum valde ob dilatatos ventriculos, non ob parietes factos crassiores: amplificatæ tamen columnæ, quod in dextro præsertim Ventriculo adnotavi. Auriculæ pariter & omnes valvulæ amplificatæ, sanæ tamen; & majora quoque erant coronariarum Arteriarum orificia. Magna etiam Arteria ad curvaturæ usque initium æquatior. . . . Nec tamen propterea negandum eam, quam diximus Cordis, & magnæ Arteriæ dilatationem, præsertim postquam adaucta fuerat, quidquam ad pulsum raritatem contulisse; quippe cum utrumque sic minus aptum esset, ad se statim, ac oporteret, contrahendum, nervis præsertim ob dilatationem distractis. Sed neque ad ejusmodi causas, aut solum, aut præcipue, Pulsum tantam raritatem esse referendam, vel hinc intelligere proclive fore, quod in tot aliis, quorum Cordis & Arteriæ aortæ aneurysmata, multo etiam istis majora, deprehendimus, ejusmodi pulsus non fuere:

ut

ut nisi aliud aliquod accedat, eos inde non fieri satis constat. Hoc autem quod debet accedere, nisi certum quoddam Spirituum, & Nervorum vitium sit, perdifficile est conjicere.

Rumlerus eam raritatem consideraverat ut signum imbecillitatis virium, cum lenta febre conjunctæ: sed neutri horum (duorum senum) de quibus loquimur, ait Morgagni, febris fuit ulla, aut ea virium infirmitas, ut e lecto surgere, & si non semper, ut nobilis ille Vesalii vir, aliquando certe, veluti sani obambulare non possent.

Est in Bonneti Sepulchreto, quod & Ill. vir Morgagni advertit, Diemerbroeckii laudata observatio hæc: Anno 1651. in carlavere Angli cujusdam, in Cachexiam pituitosam delapsi, liquoris turbulenti ad minimum duas libras in distento Pericardio spectantibus contineri ostendimus. Huic Pulsus languidus ac vario-



rem inveni. Forte quid contulit Hydrocardia ad pulsus raritatem: apprimé tamen novimus neque omnem pulsum languidum & rarum ab hoc morbo nasci, nec raro in ipso hoc morbo pulsus deprehensos esse minime raros.

*Ill. Haller El. Ph. T. 2. pag. 256.* ex *Henckelio* refert cuipiam homini, cujus sanguis crassissimus continuo cogebatur, quamprimum ex Vena fluxerat, cujusque in cadavere Auriculæ sinistræ aucta cavitas erat, pulsum dum vixerit fuisse a 23. ad 35. Potuit hæc aucta Auriculæ cavitas, potuit hic nimius cruoris in cohæsiōem nissus, aliquid ad pulsus tarditatem conferre: sed ex iisdem causis in cadaveribus aliis detectis, sanguinisque diathesi, non pulsum tarditatem, sed longe alia vitia eorundem, vel & nulla, inventa esse novimus.

Porro

Porro in singulis hisce exemplis pulsum raritatis, vel abfuisse febrimprehendimus, vel adfuisse in *Rumleri* ægro adfuisse Hecticam, in nostro inflammatoriam: in utroque *Cl. Morgagni* sene, in *Vesalii*, ac *Gerbesii* hominibus, nullam. Deinde raritatem pulsum debilitati fuisse adscriptam; in meo homine huic causæ tribui non posse, cum in Vigore ac Declinatione morbi haud adfuerit modo, sed & in restituta penitus sanitate: tandem hanc pulsum tarditatem vitii Vitalium viscerum variis quidem tribui posse, atvero ex alia longe origine sæpe proficisci: siquidem v. g. in Febre & Cor valde irritabile esse se ostendit, & stimuli majorem efficaciam arguit, & humorum sive copiam, sive saltem rarefactionem majorem demonstrat; & tamen cum tot tantisque celerioris pulsus causis, tanta reperta fuit tarditas.

Atque hæc de Pulsuum tarditate sufficiant; de Pulsuum celeritate nunc quædam pertractemus, tædium forte excitatura præ prolixitate, necessitate tamen inevitabili fusiùs enarranda, ob ea præcipue, quæ sequens caput pertractabit.

Juvencula 24. annorum Variolas nondum, sed Morbillos passa; rarius in vita Cephalalgiam, multis vero retro ab annis æstate æque, quam hyeme, tussim experta est, cum matutina partim glutinosi, partim subpurulenti, sputi exeretione. Menses æ Decennio habet vel tardiores, vel citiores.

Die 6. Maji 1767. deferebatur in Nosocomium, inchoante die 3. morbi acuti, peripneumoniam minitante. Die 5. morbi judicata est ab omni febre paucis subcoctis sputis, copiosisque urinis hypostaticis, partim etiam  
arc-

arena refertis. Antiqua tussis supererat. Sic ut 7. 8. & 9. die pulsus perfecte naturalis esset, & functiones quæcunque in integrum restituerentur. Menses etiam die nono supervenerunt.

Die 10. Omnia sana, tussiculam antiquam si exceperis. Pulsus autem cum summa æqualitate nonnihil celerior mensum continuante fluore. Ita & 11. die.

Die 12. Menses cessant. Vix ultra tussit. Omnes functiones bonæ; sed celeritas modica pulsus pergit.

Die 13. assumpto leni purgante, ejusque absoluta actione, neque aucta pulsus celeritas fuit, neque imminuta. Cum optima sanitate die 14. 15. 16. ejusdem celeritatis pulsus fuit, æqualis cæterum, fortis, plenus.

Die 17. dimitti petivit, ne in famulatum, quem prosequi gestiebat, alia sufficeretur. Suasi aliquantisper  
ma.



maneret, donec pulsus ad naturalem, quo 7. 8. & 9. die fuerat, statum rediret. Noluit. Recessit. Ancillares auspicata labores, lassitudine & inappetentia laborare cepit, & advesperascente die sequente, morbi 18<sup>vo</sup>, Febris recidiva, priore multo vehementior, atque diuturnior, eamprehendit: unde die 19. in Nosocomium iterum delata est.

Die 1. 2. & 3. Recidivæ febris pulsus aut subdurus, aut durus, semper magnus, æqualis, celer: die 4<sup>to</sup>. pulsus celer & inæqualis sic, ut ictus unus, fortis, magnusque, dein tres debiles admodum pulsus perciperentur, tandem aut remissio, aut intermissio; una cum universi & pectoris & ventris pulsatione, æstuque ardente. Die 5. sex primum horis nunc remittebat pulsus, nunc intermittebat: deinde sæpius de die intermittebat non raro  
ad

ad singulos quinque ictus. Prodiere hoc die nonnulli Vermes cucurbitini per alvum.

Die 6. Recidivæ pulsus subdurus, fortis, celer, ritmo inæqualis, haud ultra nec remittens, nec intermittens. Aliæ iterum Teniæ portiones alvo reddebantur.

Die 7. Pulsus minus celer, ritmo inordinato inæqualis; vespere minoris adhuc celeritatis fuit, & æqualis.

Die 8. pulsus æqualis, sed mane vespèreque celerior. Nocte vero, inchoato jam nono die, septies alvum reddidit; in tertia autem alvo & cucurbitinos complures Vermes, & ipsam una cum suo Filo Teniam. Portio major, cui Filum, seu Caput, adest, Ulnarum Viennensium duarum cum dimidia est.

Die 9. Pulsus bonus, sola pauca celeritate peccans. Ita & 10. & 11. 12. 13. 14. die. Sed his sex diebus Calor 102. 103. graduum fuit. Quod ideo notatum velim, quod neque tempore prioris febris vigentis unquam ad 100. gradum calor conscenderit, neque tempore cruditatis augmentique recidivæ febris graduum 100. superaverit. Ergo in majore attritu, minus; in attritu minore, plus adfuit caloris. In exemplo priore cum pulsu ! tardiore, aut calor naturalis adfuit, aut naturali major. Alterque seniculorum *Cl. Morgagni* ut cum rarissimo pulsu friguerat olim, ita postmodum calorem cum pulsum tarditate æque servavit, quam noster juvenis. Cogunt me hæc conclusionem, toties ex aliis observatis factam, repetere, Attritum scilicet neque solum, neque perpetuum, caloris esse genitorem,

rem, sed longe alias ejusdem existere in corpore humano causas.

Die 15. Pulsus tota die celer, subdurus, æqualis valde. Cum pulsu eodem manente Calor mane 98. vespere 105. gr. Die 16. pulsus minus celer tota die. Calor mane 101. vespere 100. gr.

Die critico 17. totius morbi 35. Pulsus mane celer admodum, die minus; bonus cæterum & æqualis. Calor in maxima pulsus celeritate grad. 101. fuit. Post meridiem alvo reddita sunt corpuscula, quæ *Cl. Henschwandius* Teniarum excrementa vocat.

Die 18. Recidivæ pauca pulsuum celeritas, cum minore calore; die 19. pulsus admodum celer cum nonnullo augmento caloris; die 20. cum pulsu valde celeri minor calor; die 21. valde celer pulsus, cum calore corporis naturali.

Die-



Diebus 22. 23. 24. 25. 26. 27. 28. 29. 30. Pulsus æqualis, plenus, naturaliter mollis, sed celerrimus: sic ut ad horologium sæpe five unius, five duorum, quatuor, sex minutorum spatio exploratus, singulo minuto primo 120. ictus daret; duplo proinde, quam in sanitate plures. Calor totis hisce diebus inconstans, nunc parum, nunc multum, excedit naturalem.

Diebus 31. 32. 33. 34. 35. 36. 37. Pulsus singulo minuto primo, quacunque diei hora, ictus 120. 122. 123. dedit; calore totis hisce diebus naturalem parum admodum excedente.

Die 38. pulsus 100. modo ictus dedit in jacente corpore, in sedente vero 106. 108. quacunque exploraretur hora, eosdem ictus habuit. Calor ut heri.

Die 39. Micavit arteria 90<sup>ies</sup> duntaxat jacenti; sedenti vero aliquanto crebrius. Calor idem. Die 40. Pulsus, & Calor iidem, qui hesterni.

Die 41. Cum calore tota die naturali pulsus iterum celerrimus, nonnunquam minoris per momenta celeritatis, at vero mox æque celer. Sic & die 42. & 43.

Profecto agitabat animum meum hæc celeritas pulsuum, præcipue cum feminæ primum reconvalescenti, pulsus naturalis per omnia existens, deinde celerior absque manifesta causa redditus, demum hanc gravem Recidivam insequentem habuisset. Metu itaque aut Recidivæ novæ, aut aliorum malorum; cum functiones in integrum fere omnes restitutæ essent, dedi ipsi Corticem Peruvianum die Recidivæ 30. in diem 43. usque. Cum vero sub ejusdem usu & liberali, &

*Pars XII.* F pro-

protracto, Pulsus celeritate demum  
augeretur potius, quam diminueretur,  
ab eodem hoc 43. die cepi defil-  
tere.

Die 44. Recidivæ, die 62. totius  
morbi, Pulsus æque celer, Calor ho-  
minis naturaliter calentis 96. grad.

Die 45. Pulsus hodie 105<sup>ies</sup> in mi-  
nuto primo salit, cumque eodem mi-  
nus celeri calor aliquanto major.

Die 46. insolita quædam observa-  
vimus. Calor tempore matutino erat  
98. grad. Pulsus tunc cepit dextro in  
carpo, quam in sinistro, frequentior  
esse: ita ut nonies utroque in carpo  
exploratus, in sinistro vix 95. ictum  
transcenderet; in dextro autem minu-  
ti spatio ad 110. 115. ictum perveniret.  
De dolore brachii dextri sæpius, nunc  
vero acerbius, conquerebatur: cele-  
riorne pulsus inde? Sed horis 8½ elap-  
sis, pulsus *utriusque manus* velox ita,

ut

ut minuti primi spatio 140. 150. imo nonnunquam ultra 160. pulsationes haberet.

At verò tunc quoque inæqualitas observari summa cepta est. Sex, septem, & fortes ictus, & lenti, & æquales, verbo, maxime sani, & naturales, primo percipiebantur; subsequiebantur vero nunc 50, alio tempore 70. alio etiam plus quam 100. & debiliores, & rapidissimæ pulsationes.

Cepi plus timere ægrotanti, præcipue cum caput, quod fere sanæ sibi sæpius hebescere dixerat, nunc multo conquereretur hebetius. Unde ex brachio lævo sanguinem detraxi; principio detractionis pulsus fortior percipiebatur: eductis autem octo prope modum unciiis, debiliorem percipiens, foramen claudi jussi. Sanguis illico crustam flavam crassamque forma-



bat. Et mox a Missione sanguinis, & quatuor post eam elapsis horis, calor auctus ad 101. gradum erat.

Die 47. Calor quidem 101. graduum, pulsus vero paulo minus celer, iterumque autem in dextro, quam in sinistro brachio, frequentior. Hæc mane. Post meridiem vero denuo creberrimus pulsus, fortisque idem, ac plenus, cum capitis ingenti hebetudine. Quamobrem iteravi V. S. unc. x. Crusta inflammatoria extemplo formabatur. Exinde ut hoc, & die 48. & 49. minores pulsuum ictus, gradusque caloris.

Die 50. jam tardior, jam frequentior, vespere creber admodum, pulsus; non auctus tamen cum pulsus frequentia calor.

Die 51. Explorabam illi pulsum mox evigilanti, jacentique deinde pluries, nec nisi plusculo celeriore

na-

naturali deprehendi; ledenti autem five in lecto, five in sede commoda, longe celeriore, imo celeriore hesterno: non id a debilitate fane, nam perbelle se hoc die habebat.

Die 52. Non pulsus, sed pulsus celeritas erat inæqualis, ut quæ una hora vix celerior naturali, alia hora 90<sup>ies</sup>, alia iterum 100<sup>ies</sup> micaret. Functionibus omnibus bonis, cum partem pulli tosti ardentem petivisset, egoque concessissem, pullum neutiquam deprehendi postmodum mutatum. Nendo, garriendo, ambulando, tempus fallit. Noctes bonas transigit absque paregoricis.

Diebus 53. 54. 55. 56. calor fere naturalis fuit, cum pulsu semper quidem celeri, ast inconstanter; nonnunquam 90. aut 100. aut 105. 110. ictus habens.

Menses autem a 10<sup>mo</sup> morbi die deficiunt. Bona ceterum adeo ejus valetudo fuit, ut proprios voluerit repetere Lares. Suasi, ut sæpius rediret, qui se haberet monstratura. Abiit die 13. Augusti.

Rediit Augusti 18. die, bono appetitu gaudens, alvoque quotidiana, & viribus: tussim antiquam, ac raram, testabatur se pati, flatusque molestos. Plures per aliquot minuta explorantes sedenti, stantique, pulsum, ictus 115. numeravimus. Cum illam spasmodici torquerent affectus, mensesque adhuc decissent, dedi illi pilulas ex Gummi ammoniaco, Asa foetida, & Balsamo peruviano, confectas.

24. Aug. Bene habuit spasmi exceptis, quam ob rem pilulis addidi castoreum. Pulsus 125, ictus habet.

25. Sept. Pullationes 100. 102. in minuto primo deprehendimus. 2. Oct.  
pul-

pulsationes 90. 9. Oct. ictus 120. Emmenagoga dedi; quid hæc effecerint, quidque agat illa, cum non redierit, ignoramus.

Historiam igitur singularis hujus, mirandique pulsus, usque ad 156. diem dedi, cum omnibus, quæ vigente eodem maxime notanda essent. Capite autem sequente hac ipsa historia plurimum indigebimus ad alia probanda. Interim haud displicebit protrahior hujus enarratio, eoquod Pathologia in pulsum aliis quibuscunque vitiis enarrandis & multa, & proluxa, in auctæ præter morem, præterque febrem, celeritatis exemplis proferendis, perquam parca est.





## CAPUT III.

DE

RECENTIORUM SCRIPTO-  
RUM CIRCA PULSUM OB-  
SERVATIONIBUS.

§. I. Solani de pulsu doctrina traditur, quam Nihellus restrinxit, quam nonnisi raro, imperfecteque confirmari, Medici Batavo in aere instantur: si quando quid simile observetur, an non casu, ut in exemplo Hildani? Nec Austrinco in aere respondit eventus. §. II. Clariss. Bordenus partim admisit Solaniana, partim castigavit, partim rejecit, & novum observationum codicem conflavit, Pulsum primo in superiorem & inferiorem divisit, iterumque in plures subdivisit utrumque. §. III. De Bordenanis sententia Deputatorum Fac. Med. Par. & Ill. Halleri. Introductio ad mea experimenta. §. IV. Experimentum primum in Jovene cap. II pag. Febre acuta, lentissimo cum pulsu laborante. §. V. Examen alterum productum in febre ex acu-

*ta decedente ad 156. diem. §. VI. Examen tertium in septuagenaria acuta febre. §. VII. Examen quartum in femina 26. annorum. §. VIII. Examen quintum in Juvene. §. IX. Conclusio ex prægressis. Primo, casus in quibus aliquem locum observata nova habere viderentur, ita rari sunt, ut fortuito obtingisse videantur: secundo, casus e contrario numerosissimi sunt, in quibus, Novæ doctrinæ phænomenis obviis, aut nulli motus critici observati fuerint, aut indicatis plane contrariis. Longe plures, prorsusque aliæ, pulsuum Modificationes habentur, quam aut Solanus refert, aut Bordeus, eæque etiam citra ullam criseos indicationem. §. X. Non videntur ulla in Climate, Regioneve, Novæ leges locum aut habere, aut habere posse.*

§. I. **D**evenimus demum ad Recentiorum de Pulsu observationes, quas examinare sedulo oportet, ut liquido constet, an & quous-

que, Medica de Pulsibus doctrina inde emendata, illustrataque fuerit.

*Franciscus Solano de Luque, Antequeræ in Hispania Medicus, suas de Pulsu observationes, annorum 30. tempore collectas, idiomate Hispanico publica luce donaverat, anno hujus sæculi trigésimo & septimo, titulo Lapidis Lydi Apollinis. Compendium hujus Libri, latino sermone adornatum, Exp. Viro Jacobo Nibel, Anglo Medico, Gadibus tunc temporis degenti, debemus; qui lecto Solani libro, Antequeram, trium dierum itinere, profectus, & cum ipso Solano frequenter conversandi, & duorum mensium spatio Facta cuncta examinandi, pernoſcendique, habuerit facultatem. Gades reversus in occasione qualibet, inque Nosocomiis præcipue, & rerum experimenta fideliter cepit, & diligenter adnotavit. Plurimum præterea sive ipso-*

ipsorum ægtorum, eorumve Necessariorum, *Solaniana* confirmantium, testimonia, ore, literisque assequutus, libellum anno 1741. composuit haud contemnendi usus. Hunc vero, cum anglico sermone conscriptus esset, paucioribus proinde proficius, *Exp. Noortwyck*, præclarus apud *Leydenses* Medicus, Latio donavit, ediditque anno 1746. Gallice autem edidit *Parisis* anno 1748. *Exp. De la Virotte.*

Porro notabat *Solanus* Pulsus *Dicrotus*, seu in una veluti pulsatione bis ferientem, tanquam hæmorrhagiæ *Narium* prodromum: *Inciduum* autem, qui sudorem criticum; *Intermittentem* vero, qui criticam *Diarrhœam*, præfagirent.

Ita enim apud *Nibellum Solanus*: *Pulsus Dicrotus Antiquorum*, inquit, qui *Latinis pulsus bis feriens*, certum indicium est futuræ *Hæmorrhagiæ criticæ per Nasum*,  
Pul,



*Pulsus intermittens certum indicium est futurae Diarrhææ criticae; tuncque tandem portendit mortem, cum robur ad perficiendam Crisim requisitum deficit.*

*Tensio Arteriæ, pulsui intermittenti conjuncta, certum est Vomitus critici, Diarrhææ superaddendi, indicium.*

*Mollities Arteriæ intermissione conjuncta, certum est indicium crisis per Urinam cum Diarrhæa.*

*Critici sudoris pulsus est inæqualis, in una, duabus, tribus, quatuorve successivis pulsationibus, tam altitudine, quam vigore, supra alias diastoles insurgentis. Inciduum hunc pulsum vocat. Pulsus hic inciduus cum arteriæ mollitie certum indicium est futuri sudoris critici: unica vice pulsum inciduum durum invenit, idque ante lëterum criticum.*

*Quo omnia hæc singula sibi subsequuntur proximiora, eo indicatam*  
cri-

crisis, singula suam, denunciant propriam.

Egregius *Nibel* ubique *Solani* observata laudans, ea ingenuitate est, ut fateatur *Solaniana* in multis castiganda, atque restringenda esse, propria se praxi esse edoctum: In inciduum *Pulsu* necdum se incidisse unquam: *Solanum*, jam annosorem, id confessum fuisse, quod se ipsæ hæ regulæ nonnunquam deceperent: tandem Medicorum, *Solani* Encomiastarum, nonnullos fuisse, qui quandam haud raro fallaciam his regulis subesse ultro conquererentur.

*Hispana* tellus, victus, acque; Hispanorum temperies, & idiosyncrasia, num ejusmodi pulsuum in morbis causæ existant, aliorum esto judicium. *Batavo* in acre, in quo *Praxin* undeviginti annos exercui, & in quo annos octo in *Solanianorum* veritatem se.

sedulus inquisivi, (mecum autem plures, & seniores me, & expertiores,) non potui hanc ejus experientiam practicam confirmare. Neque videtur confirmare eandem potuisse candidus *Solani* Interpres & Editor, clarus Vir *Noortwykius*, qui, ut præfatur, ab audito harum Observatorum rumore, semel invenerit Pulsum irregulariter intermittentem, & subsequenter ter liquidam alvum: semelque in febre continua remittente, primarum Viarum fordibus nata, Pulsum ad singulam pulsationem Dicrotum; postque deprehendisse, quod sequente nocte *Quatuor vel Quinque non magnæ* guttæ sanguinis in indumento cervicali conspicerentur, una cum Vertigine: hac incipiente majorem narium hæmorrhagiam futuram cum expectasset, non quidem hanc, sed alvum sequenti nocte septies esse redditam,

ditam, se intellexisse: die iterum subsequente, ad pullum manifestius dicrotum, decem duntaxat guttas sanguinis naribus extillasse, septiesque iterum redditam alvum, dum rediret, percepisse: ex eoque die disparuisse dicrotum pullum.

Etenim secundum *Solanum*; Pulsus hic, Primo, debuisset ipso pene momento, non paucas parvas guttulas, sed narium hæmorrhagiam profusam, stitisse præsentem. Secundo, Dicroto pulsui debuisset pulsus crebro, fortiterque Intermittens, esse conjunctus. Tertio sefellit pulsus, quod hæmorrhagiam narium ingentem tam certo præfagiens, eidem alvinas, quas non præfagierat, substituerit excretiones. Quarto Pulsus, adeo manifestus ingentis, subitæque Narium hæmorrhagiæ, index; nil nisi paucissimum narium stillicidium, profecto non criticam,



cum, verum potius irriti Naturæ conaminis indicium, produxit. Quinto demum, *Nibel pag. II. No. 4. Frequenti observatione detexit Solanus*, ait, quodsi in *Hæmorrhagia narium Colorem pallide rubrum exhibuerit cruor, paucaque copia fluxerit, ægri tunc lente reconvalescant. Atqui & pallidus hic prodiit, & paucus cruor: & nihilominus adfuit subita salus; idque per crisin minime indicatam.*

Amicus *Cl. Noortwykii Medicus* historiam cum illo communicavit hominis, quem, post tres Tertianæ febris paroxylmos, ingentes prehenderent anxietates. Invenit hic pulsum inciduum, sic, ut sex septemve pulsationibus adscendentibus cresceret, moxque iterum a septimo vel octavo idem inchoans, novam sex, septemve, adscendentium pulsationum gradationem haberet, & sic porro. Sudor mens.

sequente nocte profusissimus sequitur. Pulsus sequenti mane non incidans, ejusmodi denuo vespere redditus, nocte sudorem, morbum perfecte judicantem, intulit. Et alia vice Amicus ille sudorem ejusmodi cum pulsu observaverat.

Notamus denuo quid insolitum hic contigisse in *Regulis Solani*; nunquam enim ille inciduum suum Pulsum in Intermittentibus febribus se deprehendisse, testatur.

2<sup>do</sup>. Neque *Solanus*, neque omnes, qui *Solaniorum* leges extenderunt, de quibus mox, invenerunt unquam ultra 3. vel 4. rarissime 5. adscendentes in pulsu sudoris pulsationes; hic vero Medicus sex, septemve.

Ut autem paucis ad has tres quatuorve observationes in genere respondeam, animadverto non modo illas fuisse *Solanianis* contrarias, sed ipsam  
*Pars XII.* G So-

*Solani* doctrinam aliunde plurimum infirmantes. *Nibelli* enim *Libellus* ab anno 1741. lucem viderat, attentionemque excitaverat *Præticorum*. Ill. *Præses* noster *Nibelli* operis in altero *Commentariorum* Tomo anno 1745. edito, bis meminerat. Anno 1746. *Latinum* hoc idem opus *Cl. Noortwykius* edens, hæc ipsa *Observata* in *Præfatione* communicavit. Cum ergo duo *Medici*, multa praxi celebres, tempore notabiliore, vix quatuor exempla pulsuum, a *Solano* descriptorum, eaque adhuc multum a *Solanianis* discrepantia, observare potuerint; idque in re, in qua multas omnino observationes, utpote quotidie fere hinc inde obvias, colligere & potuissent, & debuissent; rem saltem *Batavo* in aere rarissimam esse, jure merito concludere videor.

Casusne potius pauca hæc, minime vero ex Naturæ lege, contigere? Fere crederem. *Fabricius Hildanus* observaverat in Poëta laureato, quarto Pestis die, pulsum, non modo ut in Peste solet, exiguum, verum etiam intermittentem, & nocte insequente criticam Diarrhœam, sic, ut & vires insurgerent, & sequenti die pulsus aliquantum in statum rediret naturalem, & convalesceret æger. Cum *Solanianis* hoc exemplum multum conveniebat, sed casu tantum contigisse *Hildano* visum est, hoc asserenti, quod neque intermittens ejusmodi pulsus, neque ejusmodi Diarrhœa, salutares cuquam in peste illa fuissent. *Cent. 6. Obs. 20.*

Ab anno 1754. *Viennæ* ad medicinam docendam admotus, & privatos meos in usus, & Discipulorum in gratiam, usumque, repetivi plurima



hujus doctrinæ tentamen; verum casu unum alterumvè, aut forte tertium, *Solanianis* simile exemplum; ut plurimum vero aut pulsus tales criticos nullos, aut erroneos, ut post latius explicabo, deprehendimus: a biennio novas *Cl. Borden* observationes partim solus, partim Auditorum corona cinctus, sedulo examinavi, quæ *Solanianis* superstructæ legibus, has saltem confirmare debuissent. Quid autem ex diuturno hoc, laboriosoque examine didicerimus, nunc totum dabo.

§. II. Anno 1756. clarissimus Vir *Theophilus Borden*, Medicæ Facultatis *Parisiensis* & *Monspeliensis* Doctor, anonymum Tractatum edidit, cui Titulus: *Recherches sur les Pouls par rapport aux crises*. Hoc vero, quem vivimus, anno, Librum eundem, plurimum augmentum, præfixo nomine, una cum Tractatu olim *de Crisibus* scripto, de-

nuo

nuo edidit *Parisijs*, in duobus in octavo Tomis.

*Solani* observationes celeberrime hic Autor legerat, examinaverat, erronea quædam, alia multum defectuosa, omnia numero admodum pauca, invenerat: afferit autem nobis sese & ante *Solanianæ* doctrinæ notitiam, & post illam, longe plures mirabilioresque *Pulsuum* modificationes detexisse, & Antiquos, & ipsum *Solanum* latentes, quas in suo tractatu communicat, exemplisque 173. statuminare, probare, ac demonstrare annititur.

*Pulsus* primo dividit in *Pulsus irritationis*, & *Pulsus criticum*. *Pulsus* irritationis eum vocat, qui initio, augmentoque morborum, percipitur; contractus, frequens, concentratus, sat durus: *Pulsus* criticum dicit dilatatum esse, & liberum, seu expeditum

tum (*developpé*) duritieque carentem, & extensum.

Hunc criticum pulsum deinde dividit in *Superiorem Inferioremque*: *superiorem* eum appellat, quæ partium supra Diaphragma sitarum Crisin denotet; *inferiorem*, quæ futuram partium, infra diaphragma positarum, prænuntiet Crisin.

*Superiorem* hunc pulsum cognoscei, ait, *Reduplicatione quadam accelerata in pulsationibus Arteriæ*. Reduplicatio hæc, seu caracter ejus essentialis nihil aliud esse videtur, quam pulsatio unica, divisa in duo tempora, seu in duas pulsationes, intervalla vario tempore admittens, diuturniora, breviora; tardiora, frequentiora; secundum diversum aut Naturæ, aut Morbi, gradum. . . . Superior ergo pulsus aliud nihil est, quam Dilatatio Arteriæ, quæ unico temporis momento fieri

de-

debuisset, jam vero in duobus temporibus, seu sensibilibus conatibus duobus, fit, & quæ contractioni naturali Arteriæ succedit.

Facile capimus hic Pulsū Dicrotum Veterum, seu bis ferientem, intelligi, quem Solinus certum futuræ narium hæmorrhagiæ indicium esse statuit; Boreus vero non, nisi post trinam divisionem, quarum unica duntaxat hanc hæmorrhagiam designet. Pulsū scilicet hunc Superiorem in Pectoralem, Gutturalem, &, sive Nasalem, sive Capitalem, dividit.

Pectoralem pulsū illum vocat, qui mollis est, qui plenus, qui dilatatus, cujusque pulsationes æquales sunt, quarum Pulsationum in singula quædam veluti Undulatio, scilicet Arteriæ in duplici vice dilatatio, percipitur.

Gutturalem pulsū appellat eum, qui Characterem pulsus superioris, for-



titudinis nempe, & reduplicationis, habeat; sed qui tamen minus & mollis, & plenus; sæpe & frequentior, *Pectorali* sit. Videtur inter mox descriptum *Pectoralem*, moxque describendum *Nasalem*, veluti intermedius esse.

*Nasalem* pulsum eum definit esse, qui, ut Gutturalis reduplicat, eodem vero & plenior est, & durior, plusque Vis, celeritatisque, habet. Porro posteriorem hunc, indicium futuræ Narium Hæmorrhagiæ; alterum, excretionis Gutturalium Glandularum; primum autem excretionis Pectoris esse. Atque hæc de pulsibus superioribus, alio pulsu non turbatis, sed sua in specie simplicibus.

Sequitur *inferior pulsus*. Talis hic describitur, ut pulsationes habeat inæquales inter se, intervallaque inæqualia; intervalla, inquam, adeo non-

nonnunquam notabilia, ut veras formant intermissiones, prout species inferioris pulsus est, & prout hæc eadem species plus minus manifesta est, Sat crebro quoque deprehenditur quidam Arteriæ Saltus. Saltus porro ille multum confert ad inferiorem pulsus accurate cognoscendum. Nunquam hic pulsus ita evolutus est, non ita aut mollis, aut æqualis, quam pulsus superior; unde inexperti cum inter, irritationisque pulsus, facile deciperentur.

Pulsus hic inferior, sic definitus, dividitur 1<sup>mo</sup> in *Stomachalem*, 2<sup>do</sup> in *Intestinalem*, 3<sup>to</sup> in *Uterinum*, 4<sup>to</sup> in *Hepaticum*, 5<sup>to</sup> in *Hæmorrhoidalem*, 6<sup>to</sup> in *Renalem*, seu *Urinarium*, 7<sup>mo</sup> in *Sudatorium*.

*Pulsus stomachalis* est quorumcunque pulsuum Criticorum omnium minime evolutus, omniumque inferiorum

rum pulsuum minime æqualis. Ob-  
rigescere Arteria sub digito videtur,  
tremereque, nec raro satis saltans.  
Pulsationes ejus & frequentes sunt,  
& intervallorum sat æqualium.

Pulsus *Intestinalis Criticus* stomachali  
multo est evolutior, ictusque sat for-  
tes habet, ac veluti rotundatos, præ-  
cipueque, seu vires consideraveris,  
seu intervalla, inæquales; id quod  
distinctu facile est, cum fere perpe-  
tuo, post duos tresve & æquales satis,  
& satis elatos ictus, duo tresve appa-  
reant, qui & minus evoluti, & ma-  
gis cum prompti, tum adducti, ac ve-  
luti subintrantes. Unde species cu-  
jusdam veluti saltus nascitur, sive ex-  
plosionis Arteriæ, plus minus regula-  
ris. Irregularitatibus ejusdem pulsus  
confociant sese sæpe admodum nota-  
biles Intermisiones. Nunquam hic  
pulsus adeo aut plenus, aut evolutus  
est,

est, quam pulsus superior. Atque adeo parum servat fixum intermissionis ordinem, ut potius ex perturbato ordine manifestus fiat.

Pulsus *Uterinus* pulsu naturali & elatior consuevit esse, & evolutior; habet autem ictus inæquales; habet & reduplicaciones, inconstantiores quidem, infrequentiores, pauloque obscuriores, quam habet nasalis pulsus, attamen sat conspicuas.

Pulsus *Hepaticus* talis est, ut post stomachalem nullus adeo concentratus sit. Citra duritiem atque rigiditatem inæqualis est; & eo quidem genere inæqualitatis, ut binæ ternæve pulsationes, inter sese inæquales, binis ternisve ictibus, perfecte æqualibus, iique sæpe perfecte naturalibus, succedant.

Pulsus *Hæmorrhoidalis* pulsum more inferiorum inæqualis est, genere  
au-



autem sibi proprio inæqualitatis. Parum inter sese conveniunt ratione virium ejus ictus, minusque adhuc ratione intersapedinum. Ictus hi, si minus inæquales quandoque sunt, videntur fere semper quid habere de pulsu irritationis: nonnunquam tamen & ictus nonnulli dilatatiores sunt, minusque manifesta Vasis contractio. Ictus porro hosce ictus dilatatiores, iique reduplicati cito insequuntur; quo autem ordine hæ mutationes fiant, paucis dabo.

Tribus quatuorve pulsibus, concentratis utcumque, vivis, rigidis, fereque æqualibus, duo tresve succedunt paulo dilatatiores, rotundati quasi, ac minus æquales ictus: Tres quatuorve sequentes pulsus reduplicant, seu dicroti sunt. Habent porro omnes illæ diversæ pulsationes id inter se commune, ut veluti tremant  
fatis

fatis constanter, plusque frequentiæ, constrictionisque, quam pulsus inferiores omnes, habeant.

*Exp. Le Camus* ut novum pulsus hæmorrhoidalis signum hoc dedit, quod Hæmorrhoidibus subjectorum pulsus ea fortiore digitorum compressione, qua in aliis hominibus pulsus haud ultra perciperetur, semper deprehendatur. Plagiarium autem *Camusium* alii rati, dant clarissimo *Michel* *Inventi* gloriam.

Pergit *Cl. Borden*; Sentitur, ut ita dicam, species profunditatis pulsus, quæ profunditas cum pulsuum tremula agitatione conjuncta, notam maxime characteristicam format, qua ab uterino pulsu hæmorrhoidalis discriminetur: hic enim illo minus dilatus est. Porro, neque hic, neque ille, intermittit unquam: quodsi intermittat pulsus hæmorrhoidalis,  
Diar-

Diarrhœa hæmorrhoidalem fluxum concomitatur.

Pulus *Urinarius*, seu *Renalis*, cum Intestinali, ratione inæqualitatis multum convenit; hoc vero præ Intestinali habet, quod in ipsa sua inæqualitate ordinatus sit. Pulsus quippe urinarius habet plures ictus, alios aliis minores, sicque diminuentes, ut sub digito veluti evanescant: eodemque hoc ordine de tempore in tempus redeunt: pulsationes vero inter hos mox expositos intermediæ & evolutiores sunt, & satis æquales, & nonnihil salientes. Sic ut inversus ordo hujus pulsus sit, ratione pulsus sudatorii, qui nunc sequitur.

Pulsus *Sudatorius criticus*. Quando pulsus plenus est, mollisque, & evolutus, & fortis; quando his modificationibus id genus inæqualitatis se adjungit, in quo supra ictus ordinarios

rios ictus alii extollunt sese, augendoque pergunt ad extremum ictum, qui & dilatatione, & simul mollitudine, utraque evidentiore, quam in cæteris ictibus, manifestatur, semper fudor criticus est expectandus.

Hæc nunc pulsum simplicium descriptio, quam totam *ἀντολιξεί*, ni fallor, ex Autore clarissimo retuli, minusque latine hinc inde reddidi, ne vim dictionis Gallicanæ, ut v. g. *assez grand*, *assez fort*, &c. non infirmarem; unde versio mea verbo *satis*, similibusque, plusculum scatet.

Monemur autem a clarissimo Autore pulsus criticos raro aut esse, aut manere, simplices: contingere enim vel ut v. g. superiorum pulsum unus alterque, imo ut omnes tres mutuo coeant, & confundantur; vel ut unus superiorum cum uno alterove inferiorum coeat, vel ut duo, tres, quatuor, aut



aut inter sese, aut cum uno alterove superiorum, commisceantur. Distinctionis quidem, faciundæque ex tanta confusione Prognoscos, laborem multum, ingentemque adesse difficultatem: eum vero, qui tunc animum ad illum pulsum advertat, qui & constantior sit, & cæteris prævalentior, cum prædicendi, tum ex prædictione medicandi, veram normam nancisci.

§. III. Atque hæc Summa est doctrinæ novæ clarissimorum Virorum Borden, Michel, Le Camus, Menuret, &c. quam amplexi plures, sequutique sunt; alii quam plurimi aut rejecerunt, aut maturiori examini commendarunt. Clarissimi Viri; Facultatis Medicæ Parisiensis, ad hoc examen deputati, retulerunt inclytæ Facultati: Ab aliquod retro annis notitiam Pulsuum originem novis dedisse Inquisitionibus, quæ plus minus systematicæ essent, & obscuræ, &

parum sæpe utiles, aptæque omnino, quæ Medicum in rebus agendis retardarent. Mem. sur divers sujets de la Medicine.

III. Vir *A. Haller*, postquam in *El. Ph. Tom. 2. pag. 272.* quædam ex *Tra-ctatu Cl. Borden* recensuisset, Verum plura, inquit, repetere omitto; cum *Autor* anonymus *Solani* ædificio manifesto suum, sed ornatus & amplius superstruxerit: id autem structuræ genus experimentorum iteratione oporteat aut stare, aut everti; quorum utrumque otium & opportunitatem, & liberam imprimis a præjudicata opinione animum poscunt. Perillustri huic *Autori*, ad similia indaganda solertissimo, novæ doctrinæ necdum constituisse veritatem, ex verbis ejus, pag. *ibid. 257.* relatis colligimus: *Ad debilitatem pertinet, si quid ferit est in Francisci Solani prædictione, qui a pulsu intermittente instantem Diarrhœam præsa-giri docuit.*

*Halleriano* sane consilio æquius nihil, nihil tutius est. *Nihil æquius est*, quam animo sincero ea examinare, quæ in DEI misericordissimi, mentes Medicorum in humanarum calamitatum solamen illustrantis, laudem; quæque in Autoris, improbo labore Artem amplificantis, existimationem, honoremque, cedere queant: *nihil etiam tutius est*. Quid enim juvat citra debitum examen vel id admittere, & amplecti, quod erroneam, quod falsam, quod turpem, levemque fuisse gloriationem, ii postmodum demonstraturi sint, qui rem introspexerint nobis penitius; vel ea & condemnasse, & rejecisse, quæ æquiores nobis, patientioresque Medici, & vera esse, & utilia, deprehendent? Neque enim qui aut erronea admittunt, aut vera rejiciunt, fucum poterunt Posteritati facere: serius, ocyus, nos vel malitia,

tia, vel ignorantia, sive erronea admisisse, sive utilia repulisse, feri clamabunt Nepotes.

Hoc porro animo DEUM testor me, ut in cæteris, ita & in hac quæstione egisse, eandemque toties a 20. retro annis ad incudem revocasse, ne qua aut negligentia, aut mentis præoccupatio, me a lumine privaret Veritatis: cumque novorum inventorum participem me facere oporteat studiosam Juventutem, hinc eisdem sæpius, maxime autem hoc ultimo elapso anno Academico, me ad ægrorum lectulos cum *Solani*, tum *Bordeui*, placita prælegisse, ut, refricata memoria, sic mecum pullum explorarent, quo demum vel an hæc ipsa verissima essent, vel an veri saltem quid haberent, mecum in singulis detegerent, docerenturque, ægrotis. Ejusmodi examen, continuo repetitum, ani-



mos acuit, atque ad pulsum exacte explorandum, ejusdemque varietates notandas, egregie aptavit. Accedunt & juniores Medici, qui, quo firmiores, exercitatioresque, in Practicis se reddant, Practicas meas Exercitationes solent frequentare. Conveniunt quoque eo extranei Medici juniores, qui, antequam sese ad exercitium Artis admoveant, plures *Europæ* Universitates, laudabilissimo profecto instituto, frequentant, ut accuratiore rerum cognitione, quæ aliis atque aliis in Academiis, aut aliter, aut accuratius, aut longe extentius, pertractantur, sese præstent in exercenda praxi promptiores. Cohorte tam eleganti stipatus, testibus tam idoneis circumdatus, hoc pulsum examen institui, perfeci: sic ut aliquando integram horam lectionis illi unice impenderim. Quod autem fidem conciliare majorem

rem

rem observatis meis debet, assidua parvi mei Nosocomii frequentatio est; ita ut a Consultationibus, aut ab Universitate redux, quater, sexies, octies, ab hora sexta matutina ad vespertinam decimam, ægrotos invisam, idque ibidem & discam, & digeram, quod cogitem caris proponere Auditoribus.

Hæc præfatus, laboriosi nostri examinis nonnulla specimina proferre juvat.

§. IV. Capite proxime superiore attuli duo ex pluribus exempla pulsuum, ea, qua dixi, sedulitate exploratorum, una cum phænomenis motus, excretionisque humorum. In horum priore ægro, cujus tardissimos pulsus in acuta, eaque inflammatoria febre notavimus, unico modo die, qui quartus morbi fuit, Pulsum ritmo temporeque inæqualem, cæteris

vero diebus invenimus æquabilissimum. Igitur die quarto cepit jam morbus larga transpiratione, urinisque judicari. Juxta novam Doctrinam, Pulsus, urinarum criticarum prænuncius, gradatim decrescit, nonnullamque habet pulsui Intestinali similem inæqualitatem. Defuit in ægro nostro hæc gradatim decrescens inæqualitas.

Pulsus sudoris critici gradatim ascendit; neque hic hanc scansilem eorum legem ulla ratione advertimus.

Sed ex *Bordenianis* in nostro ægro compositus ex eo sudoris, eoque urinae, pulsus esse debuit; in hac tamen pulsuum compositione, quantamcunque attentionem adhibuerimus, nihil ordinati invenire potuimus.

Die 5. cum pulsu æquabili, tardoque, sudor vere criticus prodiit, urinaque critica. At compositio pulsuum,  
quæ

quæ hic manifestior, quam die 4. adesse debuisset, penitus defuit.

Die 6. & 7. sola urina critica prodit. Loco pulsus diminuentis scansionis, ac pulsus, intestinalis more inæqualis, nihil fuit nostri hominis pulsus æqualius; sic ut neque inæqualitatem scansionem, neque intestinalem habens, novas eluserit observationes.

Sed secundi Capitis secundæ ægræ Observationes, dierum nempe 156. notabiliores sunt, æque jam referendæ.

Juvenula hæc neutrquam habuit in sui cruditate morbi pulsum *Cl. Borden* irritationis dictum, seu contractum, frequentem, sat durum; verum plenum, fortem, celerem, æqualem. Contractum pulsum, compressumque, haud raro in cruditate Acutorum adesse, & Medico ejus ignaro specie pulsus debilioris, ut jam *Sydenham* serio monuit, impo-



nere posse, inficias non eo; adesse autem sic, ut inde omnino definiendus sit, vel ideo nego, quod sæpissime haud compressum, contractumque eundem, sed magnum, plenum, ac liberum, & nos, & passim omnes, deprehendamus.

Aderat die morbi 3. tribus in urinis hypostasis bona, coctionis media in cruditate signum; Tussis ac sputa fere cruda; ad noctem sudor bonus, ac levans. Pulsus æqualiter descendens cum pulsu intestinalis inæqualitate, qui urinosus; pulsusque æqualiter cum mollitudine conscendentis, qui sudatorius est; conflictus, & confusio, animadverti debuissent, propter excretionum naturam: at vero pulsus tota die fuit æqualis, celer, liber, plenus.

Die morbi 4. quid sputi comparuit paulo crassius, hinc inde exhibens

bens inchoamenta coctionis : urinæ hypostaticæ omnes : alvus cocta, spontanea, copiosa. Pulsus gradatim minuentem, leviter inæqualem, qui Pulsus urinarius; pulsus inæqualem intermittentemque, qui Alvinus est, observare hic oportuisset : Pulsus tamen semper æqualem, non durum, fortem, celerem deprehendimus.

Die 5. in paucis sputis coctionis nifus. Sedimen cunctæ urinæ formarunt. Pulsus urinarii, pectoralisque, excretionum conditione, expectanda commistio fuisset; pulsus scilicet per gradus descendens, cum pulsus intestinalis inæqualitate, pulsusque reduplicans: at vero præter modicam celeritatem, pulsus tota die naturalis fuit.

Die 6. sputa copiosiora, mucosa, puriformia; cocta alvus; urinæ Sanorum similes. Oportuisset commistum

pulsu adfuisse, ex intestinali, qui fere perpetuo post duos, tresve, & æquales satis, & satis elatos ictus, deinde duos, tresve habet minus evolutos, magisque tum promptos, tum adductos, ac veluti subintrantes, frequenterque intermittentes: & ex pectorali, qui & mollis est, & plenus, & dilatatus, cujusque pulsationes æquales sunt, quarum in singula quædam veluti undulatio, aut reduplicatio percipitur. Pulsus autem ut heri fuit.

Die 7. cum urinarum cruditate, sputa & alvus similia hesternis. Pro pulsu intestinali & pectorali, pulsus qualis heri, & hodie fuit.

Die 8. cum Alvo septies naturali, pulsus nec minimam passus mutationem est, ac præter paucam celeritatem naturalis mansit.

Die 9. Urinæ iis sanorum similes. Tussis paulo & fortior & acrior, cum semicoctis Sputis: Cocta alvus. Ca-

tamenia. Qam compositus pulsus hoc die expectandus non fuisset! Nec compositus duntaxat, sed & compositione sic turbatus, ut haud nisi rerum gnarus interstinguere, *Clymo. Borden* monente, posset. Pulsus uterinus hic prioribus adponitur, qui pulsu naturali & elatior consuevit esse & evolutior: *habet autem inæquales ictus, habet & reduplicaciones*: Complicationem igitur pulsus intestinalis, pectoralis, atque uterini, hic deprehendere; & cum pulsus reduplicans, seu dicrotus, & in pectorali, & in uterino sit, dominari hunc præ cæteris oportuit. Ast horum nihil. Die integro pulsus maxime naturalis fuit.

Die 10. largiores ante meridiem menses, post meridiem parciore. Alvus naturalis. Pulsus neque intestinalis, neque uterinus, sed præter celeritatis tantillum perfecte sanus.

Die



Die 11. Menses parum adhuc fluunt. Spontanea alvus. Pulsus similis hesterno.

Restitutis functionibus omnibus in integrum una celeritate peccare continuavit Pulsus.

Recidiva, Cap. 2. descripta, nunc examinanda est.

Primo Recidivæ die cum febre acuta, priore longe graviore, summam minitante inflammationem, pulsus consuetæ cruditatis fuit, magnus, & fortis, & celer, minime autem durus: igitur non fuit, qualem in cruditate *Cl. Borden* describit, contractus, compressus, frequens, sat durus.

2<sup>da</sup> Recidivæ die pauca excreatio, Alvi tormina cum ejusdem quaterna, eaque cocta, exoneratione. Partim coctæ urinæ, partim hypostaticæ. Sudor. Debuisset quadruplex pulsuum fuisse complicatio, pectoralis, intestinalis.

nalis, renalis, sudatorii; intestinalis autem & renalis pulsus cæteris superiores. Pulsus autem subdurus fuit, celer, admodum æqualis.

3. Recidivæ die Tusculula frequens cum fere crudis sputis, paucis. Terna Alvus. Hypostasis urinæ. Sudor continuus, isque quidem universus, faciei autem præprimis. Quadruplicis compositionis pulsus, heri descriptus, adesse & hodie debuisset: qui tamen & durus fuit, & plenus, & fortis, & æqualis.

4. Rec. die Respiratio pessima, anxietatesque. Tormina alvi. Vultus sudans; oppressi pulmonis, cordisque, testis. Alvi dejectio. Urinæ ex jumentosis cito hypostaticæ. Hic & irritationis pulsus, & intestinalis, & urinosus, deprehendendi potissimum fuissent. Pulsus vero hoc die inæqualis fuit, remittens, intermit-

tens-

tensque sic, ut unicus fortis ictus, magnusque, mox tres debiles admodum, perciperentur; tum vel remissio, vel intermissio sequeretur; idemque repeteret ictuum ordo. Pulsus perfecte talem neque *Solanus* descripsit, neque *Bordeus*.

5. Recid. die. Alvus cum Cucurbitinorum Vermium motu & excretionc. Pulsus primum omni modo inæqualis, remittens, intermittens; deinde fere æqualis; postmodum intermissio notabilis post quemlibet quartum ictum; exinde denuo fortior, tardiorque quam heri; tandem celerior, minusque fortis, cum leviori inæqualitate, intermissioneque longe rarissima. Hunc pulsum vermium indicare motum non ex Recentiorum dogmate, verum a remota Antiquitate, propriaque experientia, sic edocti sumus, ut sæpe Vermium ejusmodi

di pulsus sit, sæpe etiam minime; ut docebunt sequentia.

6. die Rec. medio, inchoante die critico 24. totius morbi, leve naris dextræ stillicidium; frequens tussis; alvus, cum Teniæ portionibus; urinæ partim jumentosæ, partim criticæ; frequens sudor, multusque. Hic pulsus nasalis dicrotus; hinc dicrotus pectoralis, mollis plenus dilatatus, præter reduplicationem æqualis; hinc intestinalis, inæqualis, remittens, intermittensve; hinc quoque renalis gradatim descendens, & demum sudatorius gradatim scandens, mollisque, debuissent adesse, mirumque præ omnium confusione pulsus, solis eruditissimis digitis, si vera perhibentur, discriminandum, exhibere tangentibus; dominante nihilominus dicroto, duplicem quippe ob causam præsentem.



Interea pulsus nihil horum exhibuit. Et subdurus fuit, & fortis, & celer, nihilque reduplicans, ritmo inæqualis duntaxat.

Die 7. Rec. Sputa quædam cocta. Urinæ tardius hypostaticæ. Sudor copiosus, diuturnus, universus. Debuisset pulsus esse pectoralis, dicrotus scilicet in singula pulsatione, mollis, plenus, dilatatus, & cum sua reduplicatione æqualis. Debuissetque & cum pulsu inciduo, gradatim adscendente, & cum renali gradatim descendente, esse conjunctus; attamen non obstante rerum, sibi maxime contrariarum, mutua confusione, ab Adeptis interstinguendus. Nos autem nihil ejusmodi, sed pulsus magis minusque celerem, naturaliter mollem, ritmo inæqualem, deprehendimus.

Die Rec. 8. pulsus maxime notandus fuit. Per octavi diei partem mediam

diam posteriorem, prioremque Noni  
 mediam partem, Respiratio parva  
 erat; Alvus excreta duodecies, cru-  
 da, coctaque, cum octava autem alvo  
 Tenia suo cum filo emissâ est; sudor  
 ingens, atque diuturnus. Interêa  
 excepta quadam pulsus ad vespèras  
 inæqualitate, fuit is semper adeo æqua-  
 lis, ut, quantamcunque diligentiam  
 adhiberemus, illum absolute æqua-  
 lem pronunciare cogeremur. Celeri-  
 tas non semper æqualis erat. Profe-  
 cto pulsus duo, vario quidem modo,  
 distinctissime tamen, notabiliterque  
 inæquales, debuissent adesse.

Die Recid. 9. Sputa subcocta, tor-  
 mina ventris sine alvo, urinæ turbi-  
 dæ, sudor. Iterum pro pulsu pecto-  
 rali, intestinali, renali, & inciduo,  
 habuimus tota die æquabilissimum  
 pulsum, fortemque, ac naturaliter  
*Pars XII.* 1 mol-

mollem ; sola aliqua celeritate peccantem.

Die 10. Tussis laboriosa cum paucis sputis coctis ; cocta , eaque frequens , alvus ; urinæ crudæ ; sudor non levans. Hic cum præcedentibus pulsibus quatuor , pulsus irritationis conjunctus esse debuisset : verum quinque horum pulsuum ne unus quidem aderat ; e contrario fuit hodiernus pulsus exemplar æqualitatis , & modica tantummodo , eaque inconstanti , celeritate peccans.

Die 11. Vomitus , alvus , sudor , cum pulsu æquali , fere per omnia naturali.

Die 12. Alvus copiosa , subcocta ; urina crudior ; sudor : pulsus , excepta pauca celeritate naturalis , æqualis.

Die 13. Anagoge major ; Alvus subcocta , coctave , jam in diem duodecimum ; urina pro parte cocta ; sudor.

dor. Loco pulsus dicroti, inæqualis, intermittens, descendens gradatim, gradatimque adscendentis, atque mollis, habuimus semper æqualissimum, ac præter modicam celeritatem sanissimum pulsum.

Die 14. cum pulsu celeri quidem admodum, æquali tamen, terna semicocta alvus, & urinæ hypostaticæ.

Die Recidivæ 15. alvus quinquies reddita, & hypostatica urina. Pulsus intestinalis scilicet inæqualis, remittens, intermittensve; pulsus renalis gradatim diminuens, atque mollis, adesse debuissent: verum adfuit subdurus hodie, & celer, & perfectissimæ æqualitatis.

Die 16. Cum pulsu modice celeri, summeque æquali, Alvus ter & decies reddita est, & urinarum aliæ jumentosæ perstitere, tarde aliæ deposuere.



Die 17. Excretio pectoralis dicrotum pulsum poscebat; Alvus reddita sexies, cum Teniæ excrementis, inæqualem, intermittentem; Urina, gradatim descendentem. Fuit tamen mane admodum, de die minus, celer pulsus; cætera bonus, æqualis.

Die 18. cum alvo quaterna & urinarum una hypostatica, arenosa, altera crudiore; æqualis pulsus fuit, naturali paulo celerior.

Die 19. idem fere, ut & seq. usque ad 26.

Die 27. idem, nisi quod frequentior tussis sit, sputo quidem paucio, at frequentiore screatu. Loco pulsus dicroti, intermittentis, ac per gradus descendentis, habuimus admodum celerem pulsum, bonum autem; & æqualem.

Die 28. Quædam expectoratio. Vomitus. Alvus semicocta sexies. Urina

rina cruda. Loco pulsus & dicroti, & intermittens, & irritationis, pulsus fuit celer admodum, & æqualis. Similiter & sequentibus 29. 30. 31. diebus.

Die 32. Stillicidium sanguinis ex læva nare. Ter alvus. Pro pulsu nasali, & intestinali, habuimus pulsum cum celeritate æquabilissimum.

Die 33. Vomitu, & hæmorrhagia narium exceptis, similes priorum dierum fuere observationes, usque ad diem 45.

Die 46. Recidivæ medio elapso, inchoante die critico 64. totius morbi, pulsus constanter 95. ictus sinistro in brachio; ictus 115. in dextro, dabat in minuto primo. Horis octo vel novem exinde elapsis, numerabantur utroque in pulsu ictus 140. 150. imo & 160. in repetitis sæpe per varia minuta experimentis. Notavimusque

tunc inæqualitatem tantam, ut primo pulsationes & fortes, & lentæ, & æquales sex, septemve adessent, quas mox 50. 70. 100. pulsationes debiliores, rapidissimæque, subsequerentur: iterumque post pulsationes sex, septemve illas fortes, lentas, æquales, numerosæ illæ rapidissimæque adverterentur: hoc ita plurium horarum spatio. Hujusmodi pulsus nec *Solanus*, nec clari in *Gallia Viri*, unquam observarunt. Cruditas apparebat in sanguine misso, augmentoque caloris.

Atque ita morbum, ut capite 2<sup>do</sup> constitit, ad diem 156. prosequuti, nunquam ad varios excretorios motus ejusmodi pulsus percepimus, cujusmodi *Novæ doctrinæ Autores* & deprehendisse se arbitrantur, & scriptis consignarunt: præterea eosdem tales deprehendimus, absque ullo motu  
cri-

critico, crifive, contingente. Magis hoc evincet exemplum fequens.

Sufcepimus in Noſocomium, die 19. Aprilis currentis anni, feptuagenariam ancillam, tam violenta laborantem Peripneumonia, ut, poſthabita ſenectute, ſexies oportuerit ipſi venam tundi. Pulſum toto in morbo, ad XL. diem uſque plenum, fortem, celerem valde, nonnunquam ſubdurum,prehendimus, nunquam vero inæqualem; licet a die 7. ad 11. urina, ac ſputis judicata, ſudoribusque, fuerit.

Elapſa autem media die *undecima*, pulſus ex forti, magno, frequentique & celeri, hunc in modum iſtitabatur:

Primo iſtus erat magnus, plenus, fortis. Hunc excipiebant duo, treſve, pulſus celeres, parvi, debiles. Poſtque hos intermiſſio ejuſmodi, ut



eo tempore tres tales parvi pulsus facile potuissent intercurre. Repetebat ictus fortis, magnus, plenus: sequentibusque pro more tres debiles, excipiebat Intermissio. Magnus autem ille pulsus tale temporis intervallum post se habebat, ut, si continuasset, lentus fuisset appellandus.

Explorato sic per horæ quadrantem pulsū dextro, sinistrum carpum, alii post alios, prehendimus. Porro in hocce nullus omnino magnus pulsus, verum parvus & inæqualis, cum intermissione.

Elapsis 15. minutis primis, idem sinister pulsus, horæ exploratus quadrante, unicum duntaxat fortem magnumque ictum habuit, reliquos omnes debiles, & inæquales, cum intermissione. Ter, quater, adhuc repetito examine, pulsus perseveravit talis esse, qualem utroque in brachio de-

descripti: elapso autem quadrihorio, cepit pulsus sinister celer modo, sed æqualis, esse; dexter autem idem, qui prior, erat.

Die 12. morbi mane ac vespere, inæqualitate pulsus alter erat alteri similis; & hoc quidem ordine inæqualitatis: Ictus magni, fortes, pleni, æquales, non celeres, tres, quatuor, sex, decem, viginti, aliquando & triginta, percipiebantur; deinde tres, quatuor, quinque, parvi, debiles, inæquales, celeres; post hosce vel intermissio, vel remissio, vel neutra, ita ut sine intermissione, remissioneve, ictus magni redirent. Hic, inquam, pulsum mane ac vespere modus erat; die cæterum tota bonus, æqualisque erat pulsus, unica peccans frequentia.

Die 13. Morbi pulsus sic tota quidem die fuit, ut heri mane ac vespere.

Die 14. Pulsus toto quidem die inæqualis, modo autem admodum variante. Uno tempore ictus fortis unicus, & unicus debilis: alio unicus fortis, & 2. 3. 4. debiles; debiles autem inter se cum tempore tum rhythmo inæquales. Alia hora pulsus 3. 4. 5. fortes, pleni, magni, æquales, & mox parvi plures, inæquales omni modo. Plerumque inter ultimum parvum, primumque magnum, intermissio observabatur unius, aliquando & duorum pulsuum, rarius pro intermissione remissio erat. Nonnunquam tempora dabantur, ut 10. 20. 50. 100. 115. ictus & fortes perciperentur, & lenti, & propemodum æquales, priusquam enarratæ sequerentur inæqualitates. Erantque debiles pulsus semper celeres; fortes plerumque naturaliter lenti. Et accidebat, ut post fortem pulsuum remiss-

missio observaretur. Inter ictus fortes aliquoties intercessit, qui cum forti *dicrotus* dicendus esset. Pluries dormienti feminae pulsum exploravimus, num fors alius esset, curiosi; minime vero, nisi rarissime, ordinationem, quam eidem vigilanti, deprehendimus.

Quod autem notari præcipue velim, pulcherrima functionum omnium, cum hoc pulsu, Restitutio est, omniumque criticarum excretionum absentia; pauca sputa cocta, rarioremque urinarum hypostasim, quam ante hunc pulsum frequentiore observaveramus, si exceperitis. Perseveravitque idem ille pulsus, in 22. usque diem, quando sana, & robusta, Nosocomio, me reluctante, valedixit.

Plures Medicinæ studiosi, qui in *Aureo monte*, ubi famula est, habitant, ejusque saepe pulsum explorant, pulsum



sum & inæqualem, & intermittentem perpetuo esse testantur, idque in hunc usque diem.

Itaque 1<sup>mo</sup> Pulsus & superior fuit, & duplici modo inferior, citra evacuationem criticam; saltem non aliam, eamque longe pauciorē, quam olim ante XI. diem cum æquali admodum pulsu, observaveramus.

2<sup>do</sup> Cum abnormi ejusmodi pulsu perseverante, febris cum omnibus suis symptomatibus emendatio, & cessatio, viriumque in integrum restitutio, observatae sunt.

3<sup>do</sup> Pulsus in cruditate æqualis, ad crīsim fere perfectam factus intermittens, atque inæqualis, sicque permanens, simillimus pulsui Mercatoris, descripto pag. 40. ubi de naturaliter Intermittente agebatur.

5. VII. Addiderim & aliam Historiam. Die 7. Nov. proxime elapsi, ducta

ducta ad nos mulier est, 26. annorum, maritata, Febris suæ acutæ die tertio. Huic die illo subdurus pulsus, fortis, celer, & æqualis, morbi cum augmento. Diei quarti principio pulsus fortis, celerior, major, plenior, subdurus, tempore inæqualis sic, ut ictus complures perciperentur omnino æquales, sequerentur mox plures alii, rhytmo quidem æquales, prioribus vero celeriores; repeterentque ictus multi minus celeres, & ordine eodem plures multo celeriores. Porro & celeriores erant rhytmo, temporeque, æquales inter sese; & minus celeres pariter. Atque hæc omnia morbi cum incremento. Hujusmodi necdum recentiores meminere Scriptores. Horis quatuor exin elapsis, pulsus omni modo æqualis erat, unica peccans crebritate. Transactis denuo horis decem, pulsus celer fuit, & plenus

nus, & æqualis tempore; rhythmo autem inæqualis sic, ut pulsus unicus, isque fortis, & unicus debilior; tempore sibi admodum æquales, alternarent perpetuo. Hic profecto Dicrotus non fuit, cum Dicrotus suos ictus ambos tam celeres edat, ut pro una diastole habeatur; illi vero notabilem ostenderent inter singulos ictus contractionem. Estque ob id alius omnino a Dicroto pulsus, Recentioribus Scriptoribus priore haud minus ignotus.

Uterque autem hic ægrotantis nostræ pulsus, in Cruditis augmento, variasque inter Venæ sectiones perceptus, nequaquam Irritationis ille, Cruditisque pulsus fuit, qualis a Viris clarissimis describitur, qualisque sæpissime a cruditate longe abesseprehenditur.

Cum

Cum principio 5. diei æqualis esse pulsus cepit: & quamvis ad undecimam usque diem magnitudine, duritie, ac celeritate mutaretur, nunquam tamen ultra inæqualis fuit; modo aliquantillam, vis perceptibilem, raroque observabilem excipias, die finiente septimo, ceptoque octavo, inæqualitatem: quibus nihilominus diebus, & Dierotus debuisset esse propter narium Hæmorrhagiam, quæ unciae unius pondere die septimo, quæ pondere unciarum trium die nono, contigit; & Intestinalis, Renalisque, ob criticas tum alvos, tum urinas.

Ab undecimo ad quartum decimum diem pulsus sanissimus fuit.

A die vero 14. intermittere pulsus cepit, remittereque, & habere ictus nonnunquam 5. vel 6. nonnunquam 20. 30. 40. & ultra, fortes, plenosque & æquales, deinde debiliores, atque



atque inæquales, aliquoties sic de-  
erescētes, ut iñus aut tertius aut  
quartus, quintusve, vix ultra perci-  
peretur; sæpius autem citra decre-  
mentum inæquales erant.

Atque hunc in modum femina  
pulsū post Crisīn habuit, cum fun-  
ctionum omnium restitutione, usque  
ad diei 20. principium, quo proprios  
repetere lares voluit. Ita ut quivis  
facile per se perspiciat, quæcunque a  
claris Viris signa ex pulsu petantur,  
ea iterum hac in ægra sic fefellisse, ut  
& ante Crisīn, sub eaque, deessent;  
& post eandem, redditamque sanita-  
tem, manifesto, abunde, constanter-  
que, perciperentur.

Nunquid ut præcedentis, ita &  
hujus feminae pulsus, hoc a Natura  
haberet? An id potius tribuendum  
foret latenti Nervorum Diathesi, a  
morbo genitæ, & necdum perfecte  
sa-

fanatæ? Ut sic a motu majore, a chylo copiosiore, quodammodo irritarentur Nervi, hancque pulsuum generarent inconstantiam; eodem pene modo, quo *Cl. Morgagni* pulsuum celeritatem, in reconvalescentibus sæpe notabilem, similibus causis tribuere videtur? Rediit hæc femina, sexto die post suum e Nosocomio egressum, de Odontalgia a dente carioso conquærens; pulsuum autem eundem, quam antea, habens.

§. VIII. Sub idem tempus hominem suscepimus, fabrum lignarium, qui optima valetudine perpetuo gaudens, febre ephemera nunc laborabat. Sanitatem ilico adeptus, per dies autem quatuor in Nosocomio adhuc moratus, pulsuum habuit lentum ita, ut brevi a febre numerarentur ictus 50. 51. tempore minuti primi; quo vero a febre remotior erat, eo lentior

*Pars XII.* K rem:

rem: sic ut ultimo, quo aderat, die, ictus 40. 41. duntaxat perciperentur. Hic autem pulsus erat ejus jacentis: sedentis vero, stantisque, decem & ultra ictus plures facile dabantur. Perpetuo autem eo in pulsū lento duo celes, post singulos aut 10. aut 20. aut plures etiam ictus, percipiebantur, ad Dicrotum, secundum Cl. *Bordeu*, referendi. Verum quantumvis perpetuus ille Dicrotus omnibus adefset diebus, nulla excretio critica prodit, utpote nec necessaria, nec possibilis, materie morbosa non existente. Examen decies & ultra diebus singulis, ut in omnibus ægris fit, repetitum fuit, idemque inventum semper.

§. IX. Si opus esset, *Quingentorum, & ultra, ægrorum Diariis*, exacte omnia, quæ ad Pullum, cæteraque pertinent, notantibus; & quæ  
mox

mox retuli, confirmare possem, & præterea probare sequentia.

1<sup>mo</sup> Non paucos morbos acutos existere, quibus præter celeritatis, durticique variationem, nulla notabilis pulsuum mutatio accidat, siue cruditatis tempora, siue coctionis, criscosque, spectaveris.

2<sup>do</sup> Acutos dari, in quibus novæ pulsuum historię observentur: eo rarius tamen ea significantes, quæ earum Autores velint, quo crebrius vel nullam habeant evacuationem subsequam, vel indicatæ prorsus contrariam: raros vero ita esse casuum ab Autoribus illis memoratorum eventus, ut nihil minus, quam practicam condere regulam possint. Quid, quod ipsis hisce Autoribus idem videatur? Omnes enim, ut *Nibel*, *Bordeu*, *Mennet*, novam suam doctrinam statuminare satagunt testimoniis *Vieri*, &



*Prosperi Alpini*, qui in morbis desperatis pulsum intermittentem, ceu Diarrhœæ, & criticæ, & præter omnium expectationem salutaris, deprehendere prælagium. Profecto quod duobus abhinc sæculis *Wierus*, quod seſqui abhinc sæculo *Prosper Alpinus*, ſemel obſervaverint, & tanquam plane inſolitum, imò, ut *Alpini* verbis loquar, ut monſtroſum, notaverint; viri, inquam, in rebus examinandis & adnotandis haud minus accurati, quam ſeduli; qui ſi frequenter ſimilia obſervaffent, ea non ut rariffima, ſaltem ſemel a Natura moniti, & in ſimilia intenti, enarrare potuiſſent; annon inde Autores novarum rerum ſuam potius ſententiam refelli, quam firmari videant? Et qui ex illis, poſt præclari *Morgagni* operis editionem, ſcripſerunt, prioribus & hunc Autorem addere potuiſſent, qui, ut pag. 34. retuli,

tuli, unicum ejusmodi similem casum expertus, haud minus quam *Prosper Alpinus*, & *Wierus*, summam ejusdem nos docuit raritatem.

4<sup>to</sup> Dico varias pulsuum modificationes longe numerosiores iis, quarum novi Autores meminerint, observari; sed in diagnosi, atque prognosi, æque, quam illas, quas ipsi retulerint, esse elingues. Quarundam & capite priore, & hocce, memini; alias dabo.

Anno 1767. 16. Nov. infuetum pulsuum ordinem in puella observavimus. Generosæ Dominæ hæc a cubiculis, acuta febre corripitur, principioque alterius diei venam tunditur; vix autem sex unciiis effusis cruoris, in animi deliquium cadit, & iterato quidem; dumque eo die finiente induitur vestibus, Nosocomium Gestatorio inferenda, demum linquitur animo. Necdum finito

penitus morbi secundo die, aut saltem vix tertio inchoato, Confluentium itaque in morem, prodire vidimus Variolas, quæ nihilominus discretæ fuerunt, nonnullis in plagis cohærentes. Pulcre prodierunt; & ægra bene habente, papulæ superiores jam exaruerant, quando die ab eruptione nona pulsum mirabilem observabamus. Fuerat ille ab ipsa eruptione vix febrilis, optimusque omni nota. Octavo autem eruptionis die, fortis eoulque, plenus, æqualis, celeritate naturalis, inæqualis reddi rhytmo, temporeque, cepit, neque pejorante morbo, neque papulis supervenientibus novis. Sed die 9<sup>no</sup> cum optime valeret, jamque duas cum dimidia horas vespere dormiret, contigit, ut post sextam vespertinam ægros invisens, pulsum huic explorarem dormienti, ut ipsi pluries, ut aliis sæpe, explorare soleo.

leo. Interea oculos aperit illa, & in nos, subridens, & tranquilla, convertit. Ab hoc momento pulsus compressus & constrictus fuit per intervalla, idque longiore tempore; valde inæqualis tempore ac rhytmo, celerior per intercapedines, tardiorque; intermittens dein spatio integri ictus; deinde pulsus plures & magni, & æquales; quibus succedere parvi & inæquales sic, ut gradatim diminuentes in quarto pulsu pene evanescerent. Has porro modificationes sæpe repetiverunt, diuque continuarunt. Interim neque hoc die, neque in sequentibus, neque in Variolis siccantibus, quid sinistri contigit, & in consuetis corporis excretionibus ne vel minima quidem aut depravatio contigit, aut mutatio. Pulsus igitur adeo novus fuit, ut in recens descriptis non deprehendatur illius per omnia similis.



Neque in iisdem reperiri pulsus est, quem anno 1767. in femina acute laborante percepimus; sic ut quatuor vel quinque ictus gradatim descenderent, totidemque gradatim ascenderent, & tempore notabiliore gradationem hanc æquabilissimam perpetuarent.

Non meminerunt Pulsus, quem elapsi proxime Augusti die 5. & sequentibus, notavimus in femina, quæ sex dies Dysenteriam, febris expers, perpessa, in acutam febrem inciderat, una cum Dysenteria pridie cessantem, quam in Nosocomium inferretur. Ictus primum boni aliquot, & naturales erant: celeres ictus sequebantur tres, quatuor, decrescendo per gradus sic, ut vix percipiendus quartus esset: sequebatur tunc asphyxia & pulsus integri, & sesqui alterius pulsus tempore. Repetebant suos deinde ictus

ictus illæ pulsationes priores boni naturales, sequebantur celeres &c.

Aliqua ex parte invenimus hic Hepaticum Claris Viris dictum pulsum, excepta inæqualitate gradationis, prætervîsa illis, nobis observata. Verum enim vero nihil vitii in Hepate animadvertendum fuit, neque ejusdem observata crisis est. Quid, quod pridie, quam ad nos duceretur, solutus sic morbus esset, ut nos in illa nullam unquam febrim deprehenderimus?

Quin etiam æquali ordine intestinalem pulsum deprehendimus, propter remissionem intermissionemque: verum aliæ, quam naturales excretiones alvinæ, affuere nunquam. Evanueruntque quivis isti pulsus intra 24. horarum spatium in corpore non febrili, sed pulcre reconvalescente, citra vel minimam evacuationem, quæ

pulsuum variis responderet modificationibus.

Sub finem vero, antequam evanescerent, Pulsus, quem forsan Dicroton appellabunt, se cum omnibus hisce modificationibus intermiscibat. Duo scilicet ictus celerrimi, sic autem disjuncti, ut inter eosdem perfecta perciperetur systole; inter ictus vero illos, tardiores alii, æqualesque deprehendebantur. Si ergo Dicrotus ejusmodi pulsus vocandus est, accesserat jam tertius pulsus, cujusdam sanguineæ evacuationis prænuntius; si minus, saltem evacuationis muci, gutturis, aut sputorum pulmonis; quarum tamen omnium nulla apparuit.

Est hac occasione quid in transitu monendum. Tres hi pulsus non fuisse inter se commisti, atque confusi, ut Novæ doctrinæ scriptores suos varios

rios pulsus esse ajunt; monentes propterea interstingui eosdem, nisi ab exercitatisimis, posse. Quum igitur nostri tres veluti pulsus eum ordinem fervarent, ut priorem sequens, sequentem posterior exciperet, normamque perpetuo repeterent eandem, clare evincitur pulsum talem necdum ab illis aut observatum, aut notatum fuisse.

Aliquid tamen nostræ feminae contigit, quod ad hunc pulsum novi Auctores referunt. Postquam enim pulsus pro parte Hepaticus, pulsusque Intestinalis, tertio exinde die, citra vel minimam evacuationem *relativam*, disparuissent, solus pulsus naturalis cum rariore Dicroto superfuit. Die quarto duos ictus celeriores mox duo & aliquoties tres, debiliores subsequabantur, ordine sic decrecentes, ut ultimus vix esset percipiendus. Hic



notam aliquam habemus uterini pulsus, qui & reduplicationem habet, & inæqualitatem; haud tamen inæqualitatem regularem: cum jam hic adesset regularis inæqualitas, ea profecto non fuit inæqualitas uterini, sed renalis pulsus: fatendumque est, hoc ipso die duas cum hypostasi urinas prodiisse.

Quinto die post bonam noctem pulsus simpliciter dicrotus fuit: æqualis enim cum rariore reduplicatione erat: hocque die prodire, qui spatio bimestri defuerant, Menses.

Ab hoc die urina semper naturalis fuit, colore, odore, copia, contentis. Monco hoc, propter id, quod sequitur.

Cum menses a meridie fluere cepissent, vespere pulsus haud ultra Uterinus fuit, sed perfecte naturalis, & sanus: sera vespera levissime inæqualis.

Sexto

Sexto die, post bonam noctem numerantur 6. 8. 10. 12. cum æquales ictus, tum fortes. Sequuntur decrescendi ordine ictus 3. 4. 5. sic decrescientes, ut ultimus debilis admodum sit. Sequitur Asphyxia, aut integræ, aut sesqui, pulsationis. Inchoant denuo ictus illi æquales, fortesque, & ordine perpetuo, atque inviolato, reliqui.

Notari meretur vespere præcedente pulsus, aut naturalem, aut fere naturalem fuisse, sine ulla reduplicatione; nocte tamen, pro feminae more, admodum largum, die parcum, Mensium adfuisse fluxum. Hodie autem in descripto mox pulsu reduplicatio observatur, ast longe rarissima, quamvis menses pergant.

Septimo die perseverat pulsus ille mirus, deest autem dicrotus, fluente licet

licet cruore menstruo: & qui heri non nisi ad 4. aut 5. gradus decreſcebant iſtus, ii hodie ad 6. gradum decreſcunt.

Oſtavo die, ceſſantibus fere Catameniiſ, pulſus idem, qui heri, ſed neque ita continuos illos iſtus habens, neque adeo conſpicuos. Sanitati porro integræ reddita mulier, domum petiit: fruſtra me hortante, ut ad confirmandam ſanitatē adhuc oſtiduo, quo tempore continuare experimenta potuiſſemus, in Noſocomio maneret.

Quod longior in hiſce referendis fuerim, æqui bonique conſulent Lectores mei benevoli, ut qui modo monſtrare anniſus fuerim, ſi quid in hiſce contigiffē aliquoties viſum ſit, multa præterea, eaque mirabilia contingere, quorum, æque quam priorum, neque cauſam aſſequi, neque

rationem, possimus: nullasque sane ex iisdem practicas condere leges oportere, quando millies ejusmodi observata sileant, prodeuntibus nihilominus, quæ morbum solvant, quæ sospitent ægrum, evacuationibus; quando etiam signa ejusmodi compareant, quæ vel nullam evacuationem, vel longe aliam, sibi habeant subsequenter: quando denique videamus Autores, qui ad unam evacuationem, v. g. mensium, longorum annorum studium admoventes, ejusmodi pulsuum modificationes non observaverint; *Mercatos* volo, *Sanctorinos*, *Freindios*, *Telleros*, &c.

Tandem neque præteriri oportet, ratione totius corporis novæ doctrinæ, Exp. Virum *Nihel* inciduum *Solani* pulsuum nunquam deprehendere potuisse: Virum clarissimum *Borden*, cum Sociis suis, præclaris Viris, pulsuum



sum Sudoris, cognitu difficilem, ac si centies illum explorasset, multa auctoritate definientem, cognoscereque docentem, nihilominus ingenue fateri, esse pulsum rarissimum, eo quod, contra *Hippocratem*, cunctosque fere Medicos, statuerit vix dari sudorum crises: ab iisdem claris Viris pulsum renalem simplicem, veluti ex millenis propemodum observatis, Præceptorum more definiri, dum eundem simplicem pulsum adesse negent, & ex ejusdem cum aliis compositione hunc internoscere, interstinguereque nullatenus queant: a *Nibello* castigari *Solanum*, minus accurata, nimisque generalia, illum statuisse, docente: *Gallos* viros clarissimos a *Solani Nibelli*que placitis, discedere, eaque imperfecta, defectuosa, atque erronea habere, suas ipsorum observationes accuratiores, suasque veriores esse leges, glo-

gloriantes : tandem hanc ipsam novam Gallorum Medicorum doctrinam ab aliis ejusdem Gentis Medicis, viris præclarissimis, non minus ut detrimens, quam paradoxam, publice notari. Dum hæc omnia mente attenta revolve, non modo, prioris meæ conclusionis tenax, observationes de pulsu novas in Belgio, Austriaque haud observari dicam ; verum etiam nullibi terrarum veras aut observari, aut observari posse, enuntiabo.

## CAPUT IV.

DE

DAMNO, QUOD A NEOTERICORUM DE PULSU PLACITIS MEDIGINA PATITUR.

§. I. *Noxia nova doctrina est, quod veram Medicinam subvertat. Recensentur ejus- Pars XII. L Item*

*dem Autorum argumenta de Hippocratis Pythagorismo; de Contradictione ejusdem doctrinae; de eodem Spectatore Naturae otioso; de Galeni, Cellique, ab Hippocrate discrepantia; tandem de sententiarum imparitate inter ejusdem Sectatores principes. §. II. Refutatur ex ipso Hippocrate, quo accusatur, Pythagorismus. §. III. Refellitur argumentum petitum ex Galeno. §. IV. Eodemque modo ad illud Celli respondetur. §. V. Responsio ad 4. & 5. argumentum. §. VI. Defensio Boerhaavii, a criminationibus Recentis Doctrinae Autorum. §. VII. Contrascriptum eorum, qui contendunt ideo duntaxat ab Hippocrate, Veteribusque, verita purgantia fuisse in Acutis, quod careant blandioribus; ostenditurque, & talia illos habuisse. Ea de causa, de modis veterum solvenda alvi per glandes differitur; deinde per clysmata; denique per purgantia: ac primum quidem de Peplio, acvi quidem medicamento, sed quod redderent preparatione mississimi. Eaque occasione plura acviora medicamenta recensentur, quæ obtundit, hebetatque preparatio: deinde de*

*καυστικῶν, cathartico blando, cujus ad purgandum Hippocrati, Vetustioribusque, frequens usus. Veterum & emetica mitia, valde. §. VIII. Et sero nimis, & frustra, Recentiores quæstionem refricant, Hippocratisne, an aliorum, in Acutis methodus amplectenda imitandaque sit? cum toties irrevocabiliterque, decisa fuerit.*

§. I. **V**iri clarissimi ab inclyta Facultate Medica Parisina ad examinandum Cl. Bordeni librum delecti, eundem tanquam Praxi detrimento-sum, Facultati, ut supra monui, denuntiaverunt. Vere utique, ac præclare! si praxin *Hippocraticam*, unice veram, tutamque, obscurari inde, & labefactari, difficilem Tironibus, odiosamque reddi, intellexerint: ego saltem hoc fundamento innixus, id probare conabor.

Duplicem ob causam Clarissimus Bordeni, tam in Libro de *Crisibus*, quam



in eo de *Pulsibus*, & quotquot in laudem Novæ doctrinæ, confirmationemque, scripserint, haud negligere modo *Hippocratem*, verum etiam floccifacere, irridereque, conati sunt: nam & propriæ ipsorum praxeos tamen, & Novæ sententiæ confirmatio, hoc poposcerunt. Expendamus eorum rationes.

Primo, *Hippocratis* doctrinam vilipendant, quod erroneæ *Pythagorismi* Theoriæ innixa, superstructaque sit. Deinde *Hippocratem* esse ajunt, qui sibi ubique contradicat, Autorem. Tandem illum, quod otiosus fuerit Naturæ spectator, vanum, inutilemque practicum esse; sic ut Opera ejus titulo *Meditationis de Morte* insignienda forent.

Secundo, *Galenum* quidem ruinam minitantem hanc doctrinam fulcire intendisse, petita ex Astronomia Theoria,

ria, sed hoc ipso ejus ruinam accelerasse.

Tertio *Celsum* doctrinæ *Hippocraticæ* incertitudinem demonstrasse, erroresque, & contradictiones.

Quarto, etiam ipsos Hippocraticorum Placitorum Patronos, *Sydenhamum*, *Hoffmannum*, *Boerhaavium*, & ab *Hippocrate* recedere, & inter sese discrepare, & singulos sibi met singulis contradicere: hincque evidenter constare, quam vana, quam labilis, quam precaria, infirmaque, circa præcipua Prognoseos, ac Curationis capita, & *Hippocratis*, & totius ejusdem Sectæ, placita sint.

Unica responsione hæc omnia argumenta explodi possunt. Duo enim in omnibus illorum Scriptis mirabundi notamus: primo, quemadmodum altera in pagina *Hippocratem* vituperant, in altera laudant; sic ut vitu-

peria deleat plenitudo laudis: secundo, quando ipsis cum multis Adversariis dimicandum est, potentissima ex *Hippocrate* arma petunt. Utroque hoc, quibusvis inter legendum obvio, ita vim suorum sophismorum enervant, destruuntque, ut alia refutatione non egeant. At vero quum ipsis demonstrandum sit, quod æque errent *Hippocratem* laudantes, quam vituperantes, ad singula capita objectionum respondere debeo.

§. II. Ac primo quidem nihil facilius erit, quam *Hippocratem* *Pythagorismo* purgare. Qui enim cum accusare audent, quod Acutorum morborum crises determinaverit septenariis, ut dierum 7. 14. 21. 27. 34. 41. aliorumque morborum crises septenario, & hebdomadam, & mensium, & annorum; eo quod in *Pythagorica schola* septenarius numerus maxime no-

ta-

tabilis, efficax, facerque haberetur; illi, quod pace illorum dixerim, non videntur *Hippocratis* volumina sic legisse, ut quid ibi aut docuerit, aut rejecerit, testari queant. Erroremne septenariorum sapiat dies criticos posuisse die 3. & 4. & 5. & 7. & 9. & 11. 14. 17. 20. 24. 27. 31. 34. 40. &c. Quam umbram Pythagorici de septenario numero idoli hic vident?

Præfagi autem ejusmodi responsi, *Hippocratem* in criticis diebus enumerandis, determinandisque, ita variantem conqueruntur, ut quid in iisdem aut statuas, aut neges, penitus ignores.

Profecto dum recensio horum dierum adeo dissimilis videtur in variis *Hippocratis* Libris, ut in *Aphorismorum* 2. & 4. sectione, *Epidemiorum* Libro 1. in Libro *Prognosticorum*, in eo de *Crisibus*, &c. hoc, quod objicitur, incautis, & in



studio *Hippocratico* minus versatis, sic apparere posse, non est quod negem: verum si ipsis placuerit ea inspicere, quæ in hanc rem, in *Tomo primo* hujus horni mei operis, ex toto *Hippocrate* collegerim, vix ultra hanc suam tueri sententiam poterunt. Videbunt Librariorum, seu Notariorum errore contigisse, ut Numeri, Alphabeti Literis, inter sese multum sæpe consimilibus, vietoque in Exemplari non raro obsoletis, expressi, nonnisi mendose admodum transcripti fuerint, numerorumque hoc pacto errores oborti: quam ipsam ob causam Græci Notarii Hebraicos codices Hellenismo donantes, sic numerales Hebræorum Literas transfudere, ut Chronologia sacra, aliquot Centenariorum annorum augmento, a vera mundi ætate differre credatur,

Porro hanc ipsissimam ejus, de quo agimus, extitisse causam, clare ex eo probatur, quod *Hippocrates* in Epidemiorum Libris illos ipsos numeros suis criticis diebus adscripserit, quos supra enuntiavi; minime vero hos, quos quædam alia ejusdem Opera, dictam ob causam, dedere erroneos.

Sed secundo, *Hippocrates* numeravit aliquando dies criticos bonos, únicos; nonnunquam non minus criticos dies letales, recidivosque, quam bonos; aliquoties & criticos, qui rarius, qui præter morem, insolitis prorsum diebus contigissent; ut Tabella probat, quam hujus Operis Tomo primo inserui. Evidens igitur fit, neque Pythagorica doctrina unquam aut deceptum *Hippocratem* fuisse, aut decepisse, neque in enumerandis criticis diebus a sese ipso discrepasse.

Sed de Titulo *Méditationis Mortis*, quem immortalibus Coi codicibus Viri clari gestiunt præfigere, quid demum dicam? Quasi tantus ille Vir in id unice operam navasset omnem, ut in sui interitum Naturam tendentem observaret, describeret! Mortes, fateor, miserandas candidus, multasque, enarravit. Testes *Epidemiorum Libri* sunt, alique complures. At vero maluissentne illi ut, Sycophantarum cujusque sæculi more, suarum in curando fortunarum unice meminisset, infortunii omnis suppressisset memoriam? Id sane frustra a Viro expectaveris, qui & aliorum, & sua, haud infortunia duntaxat, sed alucinationes, erroresque, conscripserit, in Coætaneorum Pharum, ferorumque transmisserit Nepotum. Et quo tandem animo boni illi Viri felices Naturæ nifus, faustos morborum nume-

me-

merosorum curas, quas *Libri de Morbis*, quas *Libri de Victu Acutorum*, qualique ipsi *Epidemiorum Libri*, adeo numerosas referunt, alto, eoque impermisso, silentio premunt? Recensionesne in *Epidemiorum Libris* variorum morborum, populariter grassantium, a quibus vel paucos perdiderit, vel conservaverit omnes, mortis veram referant Meditationem? Profecto si *Eques Mortagne*, si *Petrarcha* coronatus Poëta, si comicus *Moliere*, & id genus alii, ejusmodi protulissent, affatim risissemus: quod vero ii, qui magnorum Medicorum autoritatem, ac famam ambiunt, ejusmodi calumniarum se præstent fabros, est profecto quod haud minus miremur, quam doleamus.

§. III. Ad alteram eorum rationem refero paucis, ut *Galenus* in sua praxi vera scripssisse *Hippocratem*, de-  
pre-



prehendisset, ita & in Commentariis  
Scriptorum ejus inconcussam ostendisse,  
ac demonstrasse veritatem: quod  
vero & ex sua Peripathetica Philosophia,  
& ex Astrologia, multa inepta  
intermiscuerit, & erronea, & fere ridicula,  
hoc ut nihil ad *Hippocratem*,  
ita nihil ad nos. Refelli quidem facili  
negotio possent ista, verum cum, ubi-  
cunque non philosophatus, sed com-  
mentatus est, *Hippocratica* & confirma-  
verit egregie, & præclare illustraverit,  
*Galenum*, ut Medicum, nostrarum par-  
tium esse censemus; *Galenum* vero so-  
phistam, ne curamus quidem. Quid-  
quid enim *Hippocratis* detrectatores in  
illum ex *Galeno* hoc nomine profe-  
runt, ad illum nihil pertinet; utpote  
contra quem ex *Galeno* inferri nihil  
possit, nisi quod ex eodem, ut Me-  
dico, petiti sit.

§. IV. Et tertio, est *Celsus* carus nobis, magnique faciens autor, quod Medicinam puro nobis, ac fere *Tulliano*, Autore tradiderit, multaue & *Hippocratis* & Veterum placita, sententiasque, conservaverit: cum tamen Medicus nullatenus fuisse, neque *Hippocratis* codices omnes aut cognovisse, aut saltem intellexisse, videatur; id quod præ cæteris ex Pythagorismi criminatione patet; profecto *Celsi* opiniones neque *Hippocratis*, neque nostra, referunt.

§. V. Argumentum quartum, & quintum, una discutienda sunt. Doctrinam *Hippocratis* ob id dubiam esse, incertamque, concludunt, quod complures magni in Medicina Viri, experientia haud minus, quam doctrina præclari, alio modo crîsum causas, naturamque explicuerint; *Fracaſtorius*, *Proſper Alpinus*, *Chemici Scriptores*, Ba-  
gli-

*glivius, Barbeirac, Monspelienses, Sydenhamus, Stablius, Hoffmannus, Boerhaavius.*

Primum in genere dico, quosdam horum esse, qui quidem in Crisium Theoria aliter, atque Veteres, opinentur, ab ipsa vero Veterum praxi, ne hilum quidem recedant. *Prosperum Alpinum* volo, *Bagliviumque*, & pro parte *Sydenhamum* & *Hoffmannum*. Cum igitur Theoria quaecunque nihil praxi noceat, quæ exercitium praxeos factum rectumque servet, asserere sanæ mentis nemo potest hujuscemodi Theoria *Hippocratis* asystematici doctrinam aut impugnata, aut subversam fuisse.

Secundo, quemadmodum dum de *Galeno*, atque *Celso*, sermo erat, dixi, ita & hic repeto, Autores quoscunque, qui penitus discesserint ex schola *Hippocratica*, nequicquam ejus, seu Na-

Naturæ potius, leges, impugnare: Leges hæc ejusmodi esse, ut observatæ quondam, confirmatæ, stabilitæque ab illis, qui eadem, quæ *Hippocrates* simplicitate, candore, constantia, patientiaque, Naturam duces sequerentur, æternitatem contingant, quamdiu eadem, quæ olim fuit, quæ nunc est, Natura perstabit. Hæc leges immutabiles jam viderat *Hippocrates*, ut in fine *Prognosticorum* testatus est; siquidem & in *Delo*, Græcia temperatiore, & in *Scytia*, frigidiorè Asiæ parte, & in *Lybia*, ardentissima Africæ ora, cum ipse, tum *Thessalus* & *Draco* filii, generque *Polybius*, cæterique ad observandum atque notandum missi Discipuli, easdem ubique leges Naturæ reperierint. Neque alias *Galenus* detexit, quamdiu non Philosophi egit, sed Medici partes. Has ipsas ab *Hippocrate* edocti



ii sunt, quos vera Praxeos lumina, quos inelytæ Artis fulera, ornamentaque, tria jam sæcula venerantur, *Hollerios*, *Duretos*, *Jacotios*, *Ballonios*, *Foësius*, *Gorræos*, *Prosperos Alpinos*, *Baglivios*, *Hoffmannos*, *Boerhaavios*. Medicinam ab ipso *Boerhaavio* edoctus, easdemque hæc leges sequutus, & in praxi mea *Batava*, confirmatas vidi, & in praxi *Austriaca* *Millenis* testibus verissimas esse demonstravi.

Doctrina itaque, quam suo de sinu genuit, gremioque Natura fovit, quam *XXII. sæcula* verissimam clamant, ab aberrantium turba plus detrimenti non capit, quam Religionis veritas ab Heterodoxis. Quotquot in illam scribant, atque deblaterent multi, æque inconcussa subsistit. Tantummodo ejusmodi Cerebelli deliramenta Gentis humanæ nos docent, & deplorandam in amore veri, simpli-

plieisque, inconstantiam, & eam con-  
natam ipsis arrogantiam, qua Majo-  
rum inventis minime contenti, pro-  
prii ingenii partu innotescere, cele-  
brarique gestiunt.

§. VI. Est autem de magno Boer-  
haavio hic quid addendum. Viri im-  
mortalis in schola enutritus, ejusque  
ab ore olim pendens, Manibus ejus-  
dem debeo indignæ criminationis pro-  
pulsionem.

Scripserat Boerhaavius Inst. §. 930.  
*Materia morbi eousque cocta, per causas  
suar, ut evaserit salubri simillima, appella-  
bitur resoluta: hæc actio dicetur Resolutio,  
quæ erit sanatio perfectissima, absque ulla  
evacuatione contingens, supponens mate-  
riem benignam, optimam naturam, bona  
medicamenta. Hujus textus causa cla-  
ri Viri Boerhaavium Hippocrati, omnem  
crisin in salutem evacuantem docenti,  
arbitrantur contrarium. Justene ita*  
Pars XII. M cen-

cenfuerunt ? Revocabunt profecto fententiam, legentes §. feq. In morbis acutis, qui in humoribus confiftunt, difponitur, ut plurimum, certo tempore materies morbi ita, ut fiat fubita morbi in fanitatem, vel in mortem mutatio; quæ permutatio Crifis appellatur, atque materies ita difpofita, critica appellatur. Moxque tunc perturbationem criticam, crifin, ejufque per varia fecretionis organa evacuationem defcribit. Hoc cine eft Hippocrati obverfari ? Imo ajunt: neque enim illum Refolutionis benignæ in acutis meminiffe, crifes evacuantem ubique docentem. Primum rogabo egregios hofce Scriptores, num in Codice Hippocratico adeo peregrini fint, ut non notaverint ab ingenti viro, non medo hunc, illumve ægrum, fed integras Epidemias confcriptas effe; in quibus, nulla obfervata crifi, multi & perirent, & fan-

ne-

nescerent? Ejusmodi tamen plus semel descripsit. Deinde si *Hippocrates* ejusmodi Resolutionem ignorasset, an additamentum omne, augmentumve Artis, subversionem ejusdem esse clamatibimus? Si *Boerhaavius* benignam Resolutionem nonnullis observaverit in ægrotis; si eandem deprehenderit *Sydenhamo* visam aliquoties, descriptamque fuisse; an deesse potuit, quominus pulchra hac observatione amplificaret *Hippocratis*, adornaretque, doctrinam? Si hoc demum *Hippocrati* contradicere, ejusque labefactare placita, vocamus; etiam *Newtonianam* philosophiam labefactari, destruique ab iis reputabimus, qui *Newtoniani* jurati, ejus doctrinam extenderint, ornaverint, amplificaverint. Quin & sanctorum in priscis Ecclesiæ sæculis Patrum eos arbitrabimur priorum & enervasse, & evertisse doctrinam, quod



alia, quod nova argumenta, ad ea priorum adjecerint.

2<sup>do</sup>. *Boerhaavium* a placitis *Hippocratis* recedere opinantur, materiem morbosam coctione attenuari docentem, statuente *Hippocrate* condensari eandem, compingique. Profecto hic fingere disparitatem nemo potest, nisi qui & hunc ignoret, & illum. Utriusque tamen doctrinae apprime gnarum se conatur ostendere *Cl. Borden*, & argumentum suum ex utroque probare, Libro dicto *Recherches sur les Crises*. „ *Hippocrate* a dit en „ termes exprés *Aph. 16. sect. 2.* „ *progn.* qu'il faut, que tout excré- „ ment s'épaississe, lorsque la mala- „ die approche du jugement. Cum autem *Boerhaavium* non inspissationem materiae, sed attenuationem, ejusque cum humoribus sanis similitudinem, docuisse asseveraret, conclusit & „ hunc,

hunc, & illum, inter sese pugnancia loqui.

Examinandi utriusque textus sunt. *Hippocrates* textu ab Autore laudato ait: παχύνει δὲ καὶ τὸ διαχόμενα, ἴσως πρὸς κρείσιν τῆς νόσου. Oportet alvi excrementum condensari, morbo ad crisin existente. De Alvo egerat *Hippocrates* non cocta, sed & liquidiore, & præ sua frequentia ægrum defatigante: addidit tunc alvum hanc, morbo ad crisin, non appropinquante, ut Gallica versio hic habet, sed ἴσως, jam existente, jam ad crisin progresso, non ultra liquidam esse, sed fieri crassio-rem. Haud itaque de quavis excretionem, ut in hac gallica versione erronee scribitur, il faut, que tout excrement s'épaississe, sed de sola alvina excretionem liquidiore loquitur *Hippocrates*. Mentis utique ejusdem est *Boerhaavius*, dum crassi resolutionem ante

crisin fieri docet. Vasa enim sic considerat, ut quæ febris in initio, augmentoque, spissis infarcta humoribus, fecernere jam excernereque, nisi tenuiora, lateraliter expressa, eaque vitiosa, turbataque, possunt. Hæc porro una cum potu, cum alimentis, & medicamentis, alvum crudam tenuemque componunt. At vero si condensatum in Vasis humorem coctione, a Natura & arte producta, attenuari contingat, mobilemque reddi, secretio alvina non modo, sed quælibet alia, naturali similior redditæ, ex tenui in compactiorem mutatur. Igitur & *Hippocrates* & *Boerhaavius* idem dicunt, mentisque sunt ejusdem. Attenuantia remedia, diluentia, cum melle multo, cum oxymelle copioso, in hac spissitudine humorum dederat ille, dabat & hic; ea uterque intentione, ut attenuatione crassio-

fioris, cruda ac tenuiora compingev-  
ventur.

3<sup>to</sup>. Autor Libri *Recherches sur le  
pouls* ex ipso Boerhaavio & perturba-  
tionis criticæ, & ipsius criseos, im-  
possibilitatem demonstrare annititur,  
quia ab una parte supponit §. 932.  
*Vim vitæ superstitem, irritatam a materia  
morbi, variis conditionibus prædita, esse  
causam critici motus: ab altera vero  
parte §. 926. morbi materiam affic-  
mat coctione mutari sic, ut minus re-  
cedat a statu salubri, ut minus lædat.*  
Hac mutatorum humorum emenda-  
tione, censet Cl. Autor impossibile  
esse, ut ultra irritare illi, criticam-  
que generare perturbationem possent.  
Si paulo attentius animadvertisset non  
scripsisse Boerhaavium, ut nihil recedat,  
sed ut minus; non ut minime lædat,  
sed ut minus lædat; si tandem, pro-  
priam experientiam in mentem revo-



cans, considerasset quantillum in Machina humana, a salubri alienum, requiratur, ut turbetur illa, ac sæpe destruat, haud ita profecto conclusisset.

4<sup>to</sup>. Accusatur magnus Præceptor mentis in hac materia incertæ, ac vacillantis. Videtur accusatio probari cum ex textu ejus proprio, tum & ex commentario *Ill. Halleri* ad eundem textum. Præceptor §. 941. 942. 1178. 1179. Crises admittit, diesque & indicatorios, & judicatorios: addidisse in commentario scribitur hæc non fallere, *quamdiu Naturæ morbum committis, neque te immisceas curationi*. Atqui nihilominus curationi se immiscere, non auscultare naturæ, neque crisin expectare, multa-que adversus variam acrimoniam naturam moliri, disertis verbis monet, jubetque, §. 941. 1178. 1179. Vacil-

cillavit proinde *Boerhaavius*, inquit, & pugnancia præcepit, alioqui rationem causamque & agendi, & non agendi, attulisset. *C'est ce que Boerhaave ne décide point assez précisément. C'est ce que Boerhaave ne dit point, & ce qu'il falloit dire.*

Supposita commentarii exactitudine, respondeo primo Virum clarissimum, æquissimum, intentatæ criminationis certe pœniturum, ubi paulo attentius pervolverit *Boerhaavium*. Nunquam enim docuit ille & Crises, & Criticos dies, quamdiu Naturæ morbum commiseris, quamdiu non immiscueris te curationi, non fallere unquam; sed postquam ipsorummet *Hippocratis* & *Galen*i verbis, integrum fere hujus Capitis contextum adornaverat, monuit nos serio, ne Naturam turbaremus; minime vero ne nos immisceremus curationi. Annon

luce clarius id sequentia evincunt ?  
§. 929. *Causa mutans cruda in cocta est  
essio vitæ superstes, immutatio spontanea  
materiæ morbosæ, Virtus medicamento-  
rum auxilians. Ergo cum Hippocrate &  
medicamentis coctionem adjuvare, &  
curationi se immiscere, Medicum ius-  
sit. Et §. 926. Si autem materies morbi  
prius cruda, per actiones vitæ, aut pro-  
prium indolem, vel per medicamenta apta,  
sic mutata est quoad molem, figuram, co-  
hæSIONem, mobilitatem, inertiam, ut mi-  
nus recedat a statu salubri, minus lædat,  
adeoque impetum morbi imminuat, cocta  
jam appellatur. Quo igitur pacto eum,  
qui docet coctionis opus aptis medi-  
camentis juvare; qui cruditatis in  
coctionem transitum bonorum Medi-  
camentorum, auxiliorumque Virtuti  
adscribit, quò, inquam, pacto id cui-  
quam oboriri in animo potest, Boer-  
haavium ut faciat abstinentiæ ab omni  
me-*

medicamento autorem? En an in hoc Libro, & in *Aphorismis*, & in *Materia sua Medica*, non suppeditaverit quamplurima Medicamenta, formulasque numerosas, quarum ope cruditatem in coctionem mutare satageremus?

Et quod gravius ferimus, fundamentum accusationis est ex textu non Boerhaaviano petatum. Hæc enim verba: *Hæc non fallunt quamdiu naturæ morbum committis, neque te immisceas curationi*, Boerhaavii ex ore prodire nunquam. Neque in meo exemplari, quod, per quatuor diversos institutionum cursus, ex ore dictantis Boerhaavii conscripsi, hæc invenio. Leguntur tamen sic Tom. VI. pag. 305. *Inst. Boerb. ab Ill. Hallero editarum*. Non dedit autem Vir illustris Hallerus has notas, ut genuinas Præceptoris, propriasque sententias; sed ut ejusmodi Discipulorum adnotationes, quas



quas omnium minime a vero aberrare credidit. Novit autem ille, novi ego, quam defectuosi ac mendosi plerumque ejusmodi pugillares sint. Erubui plus semel legens, quæ, dictitante me, conscripta perhibebantur; meo forsitan nomine, me mortuo, ni DEUS avertat, edenda. Estque & hoc fatendum per totum hoc Institutionum Boerhaavianarum Opus defectuosiores Notas ad Pathologica, quam ad Physiologica, adjectas esse. Porro mentis nonnihil præoccupatæ videri is posset, qui ejusmodi adnotationibus alienis fretus, Præceptorem, omni invidia majorem, incusare de eo ausit, quod in genuino, proprioque textu, orthodoxe exposuit.

Frustra igitur idem Vir clarissimus Perillustrem *Hallerum* oscitationis infimulat, quod in mox laudato suo Libro mentem Præceptoris dilucidius  
non

non explicuerit, tam gravi in re; dum interim in minimo musculo, tantillaque explicanda fibrilla, se totum diffundit. Satisfecit *Ill. Vir* scopo suo, cui nota profusior frustra adderetur, ubi Præceptor in textu adeo & clarus, & fufus locutus erat, ut interpretatione non egeret.

5<sup>to</sup>. Male *Boerhaavium* excipiunt, quod in statu Cruditatis purgare vetet, idque *Hippocratis* cum exemplo, tum præcepto. Est profecto quibusdam in Regionibus, & maxime quidem autoritate Viri celeberrimi *Chirac*, eo deducta Praxis, ut Crises quamvis expectantes Medici, singulo tamen, alterove die, purgantia, aut emetica exhibeant; & si qui sint, quos in iisdem dandis Lex nonnulla adhuc regit, profecto & incerta Lex illa est, & destituta fundamento. Huic prævæ consuetudini *Boerhaave* opposuit se,

Hip-

Hippocratica præcepta hâc longe & tutiora esse, & salubriora, ratus. Nilominus dubitant scriptores nostri hodierni num recte? *Hippocratem* nimirum corripuisse ajunt Medicos ætate sibi antiquiores, quod in morbis acutis uterentur purgantibus; siquidem purgantia priscorum ævorum fortia essent, corporaque ægrorum potenter moventia: sic, ut in hos Medicos *Cœus* merito invehctus fuerit, minime sane invehcturus, si nostrorum *Minorativorum* notitiem habuissent, usumque. Ad hæc serio respondendum est.

§. VII. Paradoxus utique videbor, si ob hanc causam in Medicos antiquiores animadvertisse *Hippocratem* negavero; & si eosdem, quod & nostris minimis purgantibus similia habentes, iis extra casum *Materiei turgentis*, acutis in morbis darent, ab illo correptos fuisse,

se, probavero. Hoc tamen sequentia docebunt, si Methodum Antiquorum rite examinaverimus.

Primo Glande, *Suppositorio* nobis dicto, deficientem in Acutis alvum solvebant. *Philisco* in febre acuta glande supposita, flatuosa pauca prodierunt. *Philini* uxori, a glande die 8. supposita, multa prodierunt bilioso affluxu. *Negrote tertio Epid.* 3. Glande die 15. supposita, feces nigrae exiverunt. *Epid.* 4. *Puero ad extremam cautionem* die 6. supposita Glande, prava, ex pallido virentia dimissa sunt. *Epid.* 2. *Scopo* duæ glandes fuere immissæ. *Epid.* 7. mora *Andrææ* ex glandibus alvus. Ut & pariter *Chariti*. Ibidem. *Pherycidi* & quarto morbi die, & septimo. Is quoque, quem horror post cænam corripuerat, die 9. & 12. alvum glande solvit. Et *Pythonis* filio supposita glans fuit. *Philistidi Heraclidis* conjug



jugi in acuta febre alvus deficiens glande movebatur.

Secundo, Veteres clysmate in acutis utebantur. *Epid.* 3. Pythio in Thaso die 6. ab enemate probe dejecit. *Libr.* 3. de morbis in Pleuritide consulit ὑπακλίσσαι θάψιν. *Epid.* 7. clyisma Phyllonim Syro, Phrenitico, immissum est ex θάψιν, Ferrulagine, ait Foësius, egregio cum affectu. *Thapsia*, monente *Gorrhæo*, planta lactescens, & acris. Si talis, noxia esse potuisset, ni more Veterum, admodum diluta: sed de hac re mox latius. Generalem regulam dedit *Hippocrates* Libro περὶ κατὰ μανίαν, postquam purgantia in Acutis vetuisset, sed tamen, inquit, ubi oportet alvum deducere, clyisma immitendum est, quotiescunque opus fuerit; hoc enim tutius est.

Tertio, & vetustiores, & *Hippocrates*, purgantia, turgente materie, da-

dabant in Acutis. *Epid.* 2. dabatur  
*Scopo* Peplos, idque, ut videtur, principio morbi, casu existente eo, quem rarum valde, *Aph.* 2. *Secl.* No. 22. pronuntiaverat *Hippocrates*, *ἐὰν ὀξύα, τὰ δὲ πολλὰ ἐκ ὀξύα.* Peplon vel Peplion dabat *Hippocrates* in Libro de int. aff. in Pulmonum Erysipelate, morbo diro, die 7. necante sæpe hominem. Ast, quod notandum, nonnisi septimo die elapso dedit. *Foësius* ait notum *Aëtio*, & *Actuario*, medicamentum fuisse, addit que textum ex *Plinii* Libr. 27. *Peplos*, quam aliqui *Sycen*, alii *Meconium aphrodes* vocant, ex una radice tenui fructicat, foliis rutæ, paulo latioribus, semine sub foliis rotundo, minore quam candidi papaveris. Inter vites fere colligitur Messibus, ficcaturque cum fructu suo, subjectis aquis, in quas excidat. Hoc potu alvus solvitur, bilis ac pituita detrahitur. Media portio est *Acetabuli* mensura, in aquæ mulsæ *Hemi-*  
*Pars* XII. N nis

nis tribus. Et cibus inspergitur, obsonis-  
que, ad molliendum alvum. „ Ex quo fit,  
„ pergit Foësius, ut non temere,  
„ in hoc Scopi Lienis tumore & infla-  
„ tione, tentatum sit hoc medica-  
„ tum. *Peplion* ab *Hippocrate* Libro de  
*superfæt.* dicitur *μαλτάσσειν τὸ σέρμα τῆς*  
*μήτρας*; quia vero id tunc & cum mol-  
lioribus, & cum acrioribus commi-  
scuit, non licet peculiarem ejus in-  
de agnoscere virtutem. Videtur ta-  
men acre fuisse medicamentum, Hel-  
leboro albo haud multo inferius. Ita  
*Galeno* describitur, *Dioscoridi*, *Prospero*  
*Alpino* Libr. IV. de Med. *Ægypt* Cap.  
6. & *Hippocratis* passim Commentato-  
ribus. Et ex historia *Adamanti* patet  
*Hippocratem* eo, tanquam Helleboro,  
in atra bile curanda usum fuisse.

Hoc si ita se habet, inquiet quis,  
*Hippocrate* nemo unquam magis Na-  
turam in acutorum principio, decur-  
suve

fuve, turbavit, qui tam acria pharmaca per corpora transadegisse convincitur. Nihil tamen alienius a vero est. Attenderitne quis ad aquæ mul-  
 sæ, qua cum Peplion pararetur, co-  
 piam? Ad ipsam pharmaci quantita-  
 tem? Hæc porro fuit unciarum dua-  
 rum cum dimidia; illa unciarum tri-  
 ginta. Certumque apparet, ut co-  
 pia tanta medicamenti nonnisi parti-  
 tim exhiberetur, ut eo operante aut  
 pausari, aut cessari, posset.

Profecto sic videmus acria medica-  
 menta mite operari, blandeque de-  
 bere; minusque ex remedii natura,  
 quam ex ejusdem præparatione, de  
 virtute illius judicandum esse. Sic de-  
 mum comprehendimus quam inno-  
 cue, quam sæpe proficue, cum Vete-  
 ribus, acutis in morbis, vinum con-  
 cesserit *Hippocrates* in *Libris de Morbis*,  
 & de *Victu acutorum*. *τῆτα δὲ δασύνει*



τον παλαιόν πίνε, καὶ μικρὴν, ὑδατος, καὶ  
δια ὄινε, διδῶ. *Vini thasii partem unam,*  
*cum aquæ partibus viginti & quinque ex-*  
*hibeto.* Sic in siti Acutorum nimia  
Boerhaavius dabat vinum Rhenanum,  
sed dilutissimum; imo, si valida, in-  
quit, sitis una comitetur summam debilita-  
tem, tum vinosa & sæpe spiritibus ditiora,  
prioribus, (nempe largissimis aquosis ac  
saponaceis) miscenda, propinanda, tuto  
erunt. Aph. 641. Quæ omnia usu con-  
firmata habes in Comm. Ill. Præf. ad  
hunc, & diversos alios textus.

Quod autem fortiora, & stimu-  
lantia, & purgantia, alias simillima  
venenis, tuta, mitia, blanda, reme-  
dia fiant, ut ex dictis patuit, ita &  
hodiernorum praxis confirmat. Non-  
ne Tartarus emeticus, forte medica-  
mentum, agitans valde, movensque  
est? Hoc ab egregio *Huxhamo*, aliisque,  
in *Chronicis* potissimum; hoc a claris-  
simo

fino Viro *Borden*, pluribusque cum illo, in morbis acutis jungitur Apozematibus purgantibus, copia autem exigua, ne vomitum cieat, sufficienti tamen, ut stimulum laxantium paulisper augeat. Non quod hanc methodum in Acutis laudem, hæc afferro; sed ut probem etiam actiuosa artis auxilia præparatione, & dosi, reddi blandissima posse.

Occasione Peplii, ab *Hippocrate* in acutorum principio, materiaque turgente dati, hæc dicenda fuerunt; verum raro ejusmodi indigebat. Alvum leniter apertam ex melle suo, & oxymelle, Decocto Hordei abunde commistis, servabat; copiosiusque additis, etiam in turgente materia solvere egregie poterat: ut nos, ejus methodum presse secuti, passim observamus.

Si vero mellita id minus præstabant, blanda valde purgantia porre-

xit. *Epid.* 7. *Cydis* filio die 6. & 11. Morbi acuti data sorbitio est *Herbæ Mercurialis*, λινζώστεος, qua alvum æger pituitosam deiecit, mucosamque, ac graveolentam. *Andreas*, cui glandem fuisse immixtam mox legimus, die 6. morbi alvum potione *Mercuriali* probe deiecit. *Ibid.* *Aristocrates* ex *Mercuriali* liquida, subalbicantia, spumosa, deiecit. *Charion*, cui introductas glandes esse mox audiebamus, bibit λινζώστεος ὕδαρ, decoctum, succumve *Mercurialis*, quo laxa alvo, dolor, qui ab *Hypochondrio* in ventrem descendere ceperat, abiit. *Nicolai* filius quarto die ἀπὸ ὑδατος λινζώστεος bene stercoracea, & liquida, per alvum dimisit, subolida tamen, & spongiosa, & ipsi *Mercurialis* juscule haud assimilia.

Quandoque hunc succum adhuc diluebat. *Libro 2. de Morbis in gravi*  
quo-

quodam morbo Capitis „ Quod si  
 „ venter, inquit, enemate non sub-  
 „ ducitur, Mercurialem herbam, aqua  
 „ coctam, contundito, succum per-  
 „ colato, ejusque parem portionem  
 „ cum Prisanæ succo permiscero, &  
 „ pauco melle ei admisto, hunc ter  
 „ die sorbeat.

*Mercurialis* igitur Herba, λινζοΐστις,  
 purgandæ molliter alvo ab *Hippocrate*,  
 & Vetustioribus, adhibebatur; idque  
 frequenti adeo usu, ut *Galenus Libr. 7.*  
*de simpl. med. fac.* scribat: λινζοΐστιδι  
 χεῖνται μὲν ἅπαντες; ἰς τὰς τῆς γαστρὸς  
 καθάρσεις μόνον, „ *Mercuriali* utuntur  
 „ omnes, ad ventris purgationem dun-  
 „ taxat; verum enim vero si quis  
 „ ejus facere periculum volet in Ca-  
 „ taplasmate, sane admodum eam  
 „ esse discutientis experietur faculta-  
 „ tatis „ *Dioscorider Libr. 4. cap. 169.*  
 „ Utraque *Linzoistis*, seu *Mercurialis*



„ (mas & femina) in oleribus man-  
„ ditur, ad alvum ciendam cocta in  
„ aqua, epoto jure, bilem aquam-  
„ que detrahit.

Constat igitur sex saltem Sæculo-  
rum spatio Linozostin & mitissimum  
fuisse, & vulgatissimum purgans; eo-  
que illorum sæculorum Medicos in  
Acutorum sive principio, turgente  
materie, sive declinatione, ad crisin  
complendam, tuto fuisse usos.

Blanda quoque *Hippocrates* emeti-  
ca, turgente materie, dabat. *Epichar-  
mi* puero, cui ex cruditate, multa an-  
xietas aderat, emeticum dabat ex  
Aqua, Aceto, & Sale.

In morbis vero acutis, seu potius  
acutissimis, ubi mors citius, quam co-  
eliv expectaretur, uti nos solemus,  
ita & illi multo dedere fortiora. In  
Cataphora, Aphonia, & valida febre  
*Pythensis*, in qua dura toto morbo al-  
vus,

vus, primo glande utebantur; ventre autem plurimum turgente, mox ex Cnico, Carthamo, Cucumere agrestri, & Meconio aphrode, sive Peplio, paraverunt, dederuntque, Catharticum. Validiora quidem hæc omnia sunt; sed cum constiterit supra quantopere acriora diluerent, potuere profecto tuto hunc potum propinare *Pythoni*.

Atque ita contra datam objectionem invictis me demonstrasse argumentis arbitror, non ideo *Hippocratem* purgantia vetuisse in Acutis, quod nonnisi acriora novisset; sed ideo quod etiam mitissimis, quæ noverat, quibus utebatur frequenter, naturam turbare non liceret; quodque eorundem, licet mitissimorum, usum aut periculosum deprehendisset, aut fatalem. Quod de purgantibus, idem ubique de emeticis verum est; ut va-

rius hujus operis tomis, præsertim in tertio, evicisse me puto.

§. VIII. Et sane dudum totum hoc negotium confectum fuit sic, ut qui *Hippocratis* exemplo Naturam ducem sequuti fuerint, de æterna doctrinæ illius veritate neque dubitarint amplius, neque dubitare potuerint. Hoc Praxi, hoc Scriptis illi, hoc Ore docuerunt. Sententiarum multarum enarrationem vetat angustia opelli. Anecdota tamen immortalis apud Anglos Medici *Radcliffe* sententiæ, quam egregius *Nibel*, laudato sæpius opere, nobiscum communicavit, hic meminisse oportet, *Æger quidam*, inquit, *Nihel*, febre acuta laborans, eodem, quo leve purgans sumserat, die, *Hypercatharsi* moritur. Ille, qui præscripserat, producit formulam, & pro sua justificatione Medicamenti lenitatem allegat, quod adeo  
blan-

*blandum videbatur Medicis, quos ea occasione convenerat, ut ipsum ab omni mortis imputatione prorsus liberum declararent. Doctor Radcliffe, cujus ea de re judicium quærebatur, post Naturæ, symptomatumque febrilium examen, Cathartici revera lenitatem agnoscit, sed proprio sibi emphatico stylo pronuntiat: Fuisse intempestivum, impeditam inde crisin, adeoque occisum ægrum. Hippocratice doctus, Hippocratice medicatus, pronunciare aliam sententiam non potuit Medicus, quem Nibellus non veretur maximum, quem & præsens ætas, & quæcunque forsan post Hippocratem alia, tulerit, practicum vocare. Eodemque profecto modo veri Practici quicunque, quas condiderit Hippocrates Leges, unice veras, unice clamant esse tutas. Nec dubium de illa movit quidquam, nisi simplicioris veritatis odium, rerumque sublimiorum amor.*



amor. Offenditque cum maxime id recentiorum Autorum argumentum, eo quod nempe numerosissimi sint, qui de doctrinæ *Hippocraticæ* veritate dubitent, aliamque ab illa sequantur, ideo repetendum examen esse, repetique experimenta oportere, quibus utrinque institutis constaret, utra tandem doctrina præferenda alteri foret.

Sed quid iniquius unquam proferri potest? Errantium multitudo nunquam veritati præjudicat. Quod semel verum est, manebit æterno verum. Nil reliqui errantibus fit, quam tenebras voluntarias dispellere, verique amplecti splendorem. Alioquin viderentur iniquam illorum opinionem invehere in Medicinam velle, qui in sacriore doctrina, ab immensa dubitantium multitudine inconcussas, æternasque veritates, dubias reddi, iteratoque examinari oportere contenten-

tendunt. His jam suo tempore responderat *Tertullianus*: *Nobis curiositate non opus est post C. J., nec inquisitione post Evangelium.* Illis vero, quamvis magnam differentiam interponam inter veritatem fidei, omni demonstratione majorem, & certitudinem seu moralem, seu physicam, potero tamen eodem jure cum *Hippocrate Libro de prisca Med.* respondere: *At vero in Medicina jam pridem omnia subsistunt, in eaque principium, & via inventa est, per quam præclara multa longo temporis spatio sunt inventa, & reliqua deinceps inveniuntur, si quis probe comparatus fuerit, ut ex inventorum cognitione ad ipsorum investigationem feratur.*

Hæcque ratio est, cur doctrina ejus nunquam Apologismo egeat. Quotiescunque præ novorum systematum illecebris recessum ab illa fuit, toties reditum ad eandem est. Id au-

tem brevi denuo futurum minus in hoc Sceptico sæculo expectamus, quam quidem optamus.

Atque ita Thesim meam de detrimento, quod ex hesternæ doctrinæ praxi fiat, probasse videor, unico argumento eandem adhuc confirmaturus. Viri expertissimi, Novitatis seu Autores, seu Promotores, ea lege crises admittunt, ut, non ad dies ab *Hippocrate* numeratos, non ad observatas coctiones, verum ad suorum specificorum pulsuum adparitionem, quocumque indiscriminatim die, cum quantalibet læsarum functionum conditione, animadversam, Crisin auspiciari, opportunumque agendi tempus esse, contendunt. Probatum autem, confirmatumque, & demonstratum est, Legibus *Hippocratis* nihil certius, nihil dari verius. Ergo nova pulsuum doctrina has leges turbando, vio-

violandoque, non nisi pernicioſa eſſe praxi poteſt. Præterea, cum obſervatione multa, & accurata, conſtiterit pulſus illos ſuperiores, inferioresque, in ſuas quoſque claſſes diviſos, vel ſæpiſſime deeſſe, ut ſicſta talis criſis, agendique momenta, fruſtra expectentur; vel nullam pediſſequam evacuationem habere, vel indieatæ prorsus contrariam; omni proſectò de cauſa Novæ hæ pulſum, criſiumque opiniones, praxi veræ omnino detrimentoſæ ſunt.

Terminabo hoc caput generali animadverſione in Recentium Scriptorum methodum medendi. Inchoant, continuantque curam, venæ ſectiõne perquam numeroſa: iterato exhibent vomitoria: quotidie hi, illi die ſaltem alterno, corpora purgant; ſic autem, ut Apozematibus ſuis, quo humores efficacius movere, ſolidaque ſtimu-



stimulare potentius possent, aliquid Tartari emetici perpetuo jungant, donec detumum prætensa sua criticorum pulsum signa insurgant. Praxin hanc, ex Chiraciana schola natam, ac dein Gallias, finitimasque Regiones, veluti illuvie facta inundantem, in utroque tractatu & de Pulsibus, & de Crisibus, innumeris confirmatam laudatamque testimoniis esse deprehendimus. Hos autem Practicos rogatos volo primo, utrum Pulsum, quas deprehendunt, mutationes, serio credant esse ordinatos Naturæ motus; an vero sæpe non convincantur eas cuncta perturbanti Methodo tribui, adscribique, oportere? Nos saltem sæpe ab errore aut Medici, aut ægri, aut adstantium, pulsum genus mutationis omne experti fuimus. Secundo, an præpostera sua medicandi ratione Naturæ opera turbantes, ac  
con-

confundentes, jure merito credant se Hippocraticam scholam falsi taxare, errorisque adeo enormis; in qua schola ipsa Observationum Hippocraticarum veritas negatur, quando Medicus naturam perturbaverit? Qui, ut hic Medicinæ dictator, medicantur, ea, quæ ille, experiuntur: qui autem contrario prorsus modo agunt, quid deprehendere ipsi demum arbitrantur? Respondebit illis vir inclytus Baglivi, *Prax. Med. Lib. 2. cap. 12.* *Mirari desinant Practicantes, si hodie nec frequenter, nec perfecte, succedant crises ut olim in Græcia. Siquidem illi Græcorum Legum vel ignari, vel obrectatores, a principio morbi ad declinationem usque, Purgantibus, Diaphoreticis, Phlebotomiis, Spirituosis, aliisque imprudenter & intempestive exhibitis Medicamentis, fere conficiunt ægrotantem. Ideo impossibile est, ut humores per tam diversas Remediorum*  
*Pars III. O Jedit-*

*seditiones distracti, ad criticæ despumationis negotium statim tempore disponantur: sed assiduis confusionibus agitati, loco criseos perfectæ, in metastases præternaturaler desinant: atque hac de causa nec Criseos, nec Dierum criticorum, nec aliorum demum Naturæ motuum, Regulas, ab Antiquis traditas, in febris observabimus. Ostendit porro in reliquo hoc capite sibi, Hippocraticæ medenti, inconcussas has regulas, certissimasque videri.*

---

## CAPUT V.

DE  
LUMBRICO LATO.

---

§. I. *De Tenia, & difficili ejus cura. Historia prima Teniæ relata habetur Cap. II. hujus Tomi pag. 77. §. II. Historia Teniæ altera. §. III. Et mirabilis admodum Tertia. §. IV. Discutiuntur varia, quæ*

*antequam expellerentur Teniæ, assumpta, admotaque agris fuerint; an forte illis, aut quibusdam illorum, inhæserit antihelminthica Virtus? §. V. Corollarium.*

§. I. **N**on hic Hermintologiam, difficile haud minus, quam obscurum negotium, tradam, sed cum meas proprias, tum fidelissimas aliorum observationes, mecum communicatas. Illustrabunt, ni fallor, perreconditam materiem.

De vermibus plura communicavi, quæ me docuerat Praxis. *Tom. I. Rat. Med. cap. 7. pag. 131. Tom. IX. cap. V. pag. 231. & in Appendice. Tom. XI. cap. IV. pag. 290.* Historiam mox quoque dedi Capite II. Teniæ, cum suo capite, seu Filo dicto, prodeuntis. Patuit ex priore exemplo quam mirum in modum quinque Lumbrici teretes ad longam valde Intestini in-



trofufceptionem accurate circumvol-  
viffent fe fic, ut unicam cum intro-  
fufcepto Inteftino maſſam compone-  
rent. Altero loco conſtitit, magni  
*Winfłowi* ſententiam de vita vermium  
cucurbitinorum, æque fic unitorum,  
ut Teniam componant, quam ſepa-  
ratorum, non probabilem modo, ſed  
certam videri; deinde opinionem de  
Tenia, *ſemper* ſolitaria, a multitudine  
inventarum eodem in corpore Tenia-  
rum confundi; tandem ut Teniam  
*aliquando*, ſic & Teretem vermem, eſſe  
*unicum* poſſe.

Interim practici paſſim dolent Ver-  
mium curam omnium haud raro qui-  
dem difficilem eſſe, eam vero Tænia-  
rum & difficillimam, & ſæpe impoſ-  
ſibilem. Quot enim & quanta non  
dentur, idque plurium annorum ſpa-  
tio, quæ vix unquam curam integram  
efficiant! Tantum quo longiora incom-  
mo-

modorum intervalla conciliant, eo in hoc morbo habentur præstantiora. Tentavi annon possem mihi comparare portionem Arcani Helvetici, cujus hac occasione Vir Ill. Bonnet meminisset; at vero eruditissimi, quos ibidem amicos habebam, Viri, dissuaserunt: *Ce remède, referebant, éprouve si fort les Malades, qu'on ne sauroit vous conseiller d'en faire usage.* Aliud ibidem specificum *Muracensis* femina jactat, quod, an tutius agat, ignoro: quid autem sit, ne conjecturando quidem assequi possumus, cum *Muracum* petendum, ibidemque remedium ex Medicatricis deglutiendum manibus sit.

§. II. Quæritur utrum Tenia torquere hominem multorum deinde annorum spatio sic latere potest, ut ejusdem ignarus vivat, demumque misere ab illa diuque torqueatur: an

vero tunc credibilius foret, veterem expulſam fuiſſe, poſteriorum vero cruciatuum genitricem eſſe neophytam?

Hiſtoria ſequens quæſtionis occaſionem dedit. Medicinæ ſtudioſus, annos 24. natus, dum 12. annorum eſſet, Teniæ ano, poſt diuturna incommoda, excrevit portiones. Ex quo per alios duodecim annos adco exemptus incommodis omnibus vixit, ac ſi nunquam Tenia laboraſſet.

Expletis hiſ 12. libertatis perfectæ annis, incommoda quædam, eorum ſimilia, quæ olim ſe paſſum eſſe recordabatur, perſentiſcere cepit. Proprio Marte grana duodecim Jalappæ, in ſpiritu vini ſoluta, ſumſit, eademque die quatuor Teniæ portiones excrevit, quæ una octo ulnarum Vienneſium longitudinem explent, quasque conſervo.

Jam

Jam vero non, quemadmodum excretis ejusdem ante duodecim abhinc annos portionibus, optimæ valetudinis, sed admodum læsæ, est. Nauseabundus enim est, anxius est, dentibus stridet, patitur vertigines adeo fortes, ut semel iterumque parum abesset, quin concideret humi; pulsus quoque & tempore inæqualem & rhytmo habet. Varia postmodum purgantia, verum citra vel minimam opem, deglutivit. Me tunc convenit. Examinatis omnibus, primo mane ac vespere cochleare spiritus vini, in cujus unc. 6. Alii uncia intabuisset; & quarto postmodum die jalapam spiritu vini solutam, qua olim dosi, sumeret, suasi; miratus valde quod effectum inde nactus, ad alia purgantia postliminio confugisset. At vero jam non modo nihil Teniæ excrevit inde, verum sinistri lumbi do-



lorem expertus est, qui somnum turbaret, nec nisi primis conquiesceret a prandio horis: capitis quoque & doloris modicum, & tensionis; molestumque ani pruritum.

Vermicida ac Vermifuga alia cogitans, præscripsi hoc: ℞. Afæ foetidæ dr. iß. Vitrioli Martis gr. xv. Elix. pp. cum aceto parati q. s. m. f. pil. gr. iv. ut quovis bihorio duas deglutiret: dum interea quovis mane ipsi Enema injiceretur, quod sic parabatur: ℞. Herbæ Rutæ m. i. coq. in .f. q. aq.  $\frac{1}{2}$  horæ: Col. unc. x. adde Bulbi Allii dr. ii. Macerentur spatio  $\frac{1}{2}$  horæ, & colatis xii. unciis adde Oxymellis squillitici unc. ii. Nitri puri dr. ii.

His sex diebus absque effectu factis, dedi denuo solutam in vini spiritu jalappam. Jam enim Teniæ symptomata ferociebant a triduo: ita ut patiens extremis algeret, sudaret, tre-

me-

meretque, anxius esset, pulsum & durum haberet, & leviter inæqualem.

Assumpto hoc purgante, non modo nihil Teniæ deiecit, sed jam mane jejunos ita lassus est, ut incedere vix possit. Quamobrem dedi potentius quid pellens, scil. ℞. Resinæ Jalapæ & Scammonei a gr. vi. Turbith mineralis gr. i. Sacchari albi gr. xx. M. f. pulv. Sexies inde & vomuit, & deiecit. Repetivit eundem pulverem post octiduum cum gr. ii. Turbith, injectumque quovis mane enema fuit, ex Decocti emollientis & Ol. Lini a unc. iv.

His quatruiduo injectis absque effectu, pilulas præscripsi ex Vitrioli Martis gr. xxv. Asæ foet. dr. ii. Essent. Absinth. q. s. ut f. pil. gr. v. ut sexies die fumeret unam. Nihil quidem verminosi excrevit inde, verum symptomatica mox ita mitigata sunt, ut vix

femel bisve in septimana eorum, idque longe mitius, admoneatur. Auxi primo 5. dein 10. & 15. granis vitrioli Martis copiam, & cum syrupo Pæoniæ illud, Afamque fætidam, in pilulas redegi.

Epistolam ad me scripsit die 11. Oct. 1766. Vir expertissimus Gerardus Ntert, diligentissimus meus olim diuturniore tempore Auditor, nunc felix apud Haga - Batavos Practicus; quam multis de causis dignissimam censeo, quæ hic inferatur integra; veniam a claro Viro, ni fallor, impetraturus, quod, quas Literas non compto, quo potuisset, sed raptu calamo exaraverit, publici juris faciam.

§. III. „ Femina 30. ann., maci-  
„ lenta, tamen bene colorata, & san-  
„ guinea, maritata, & duos habens  
„ liberos, de doloribus, de reptatu,  
„ de

„ de intumescencia ventris subita se-  
„ pe brevi cessante, nonnunquam de  
„ nausea, sæpissime de fame acerri-  
„ ma, ita ut non solum de die, sed  
„ etiam de nocte edere debuerit, con-  
„ quæta, meum die 3. Sept. 1766.  
„ petiit auxilium, ac mihi monstra-  
„ vit vermes cucurbitinos ante ali-  
„ quot dies excretos, qui justam sym-  
„ ptomatibus enarratis simul adjun-  
„ ctis mihi dederunt Diagnosin, illam  
„ vermem lato, ut putavi, laborare  
„ debere. Hinc præscripsi sequentia  
„ remedia ꝛ. scammonci ver. gr. xii.  
„ Resinæ Jalapp. gr. vi. merc. præcip.  
„ alb. gr. ii. Sp. Vini q. s. m. f. pil.  
„ No. v. tres mane surgens, post ho-  
„ ram reliquas assumsit pilulas. Pro-  
„ be deposuit alvum, nullumque ver-  
„ mem latum, sed multos vermes cu-  
„ curbitinos excrevit viventes: ve-  
„ spere dedi paregoricum. Die 10.  
„ Sept.



„ Sept. præscripsi eandem pilulas, sed  
„ loco Merc. præcip. alb. adhibui  
„ eandem Turbith. miner. quantita-  
„ tem, secundum methodum ab *Ill.*  
„ *L. B. van Swieten* tom. IV. pag. 737.  
„ descriptam.

„ Vesperi illam adeuns curiositatis  
„ gratia, vidi non solum unicum,  
„ sed septem vermes latos viventes  
„ cum filis integris excretos, filum  
„ uniuscujusque vermis modo lima-  
„ cum se contrahebat, ita ut filum  
„ si expansum, 2. part. ulnæ longum  
„ sit, nunc longitudinem digiti mini-  
„ mi; & fili crassioris crassitiem habe-  
„ ret; reliquum corpus fere immobile  
„ jacebat. Sequenti die novem cum  
„ filis integris flavidiore cum qua-  
„ tuor membranis, uti videbatur dis-  
„ ruptis, ejusdem flavedinis, fere duo-  
„ rum digitorum latitudinem & lon-  
„ gitudinem habentibus, una vice

„ excrevit, & vesperi unicum album  
„ cum filo integro mortuum ceteris  
„ angustiores, quorum aliqui 6. 5. 4.  
„ & minimi 3. ulnarum longitudinem  
„ habent. Articuli autem constituen-  
„ tes longitudinem harum Tænia-  
„ rum in medio corpore tantam ha-  
„ bent distantiam, quanta est latitu-  
„ do unguis digiti minimi. Hi Arti-  
„ culi versus extrema magis sibi invi-  
„ cem propinqui sunt; præsertim cir-  
„ ca illud extremum, quod caput vo-  
„ catur, & in apicem globosam de-  
„ finit, ubi parum a se mutuo distant.  
„ Latius extremum habet fere talem  
„ latitudinem, qualis articulorum est  
„ distantia. Novem autem flavidio-  
„ res una vice exeretæ, quæ eandem  
„ latitudinem, si expanduntur, ha-  
„ bent & longitudinem, complica-  
„ tæ sunt, & formam fili crassioris,  
„ Zeilgaaren, referunt. Licet ægra  
„ „ jam

jam 17. vermes excrevit latos, ta-  
men de iisdem symptomatibus mul-  
tum quidem imminutis conqueſta,  
iterumque vermes cucurbitinos vi-  
ventes excretos mihi monſtrans,  
die 4. Octobris eaſdem adhibuit pi-  
lulas, ſed addidi gr. β. Turbit mi-  
neralis, inde multoties depoſuit al-  
vum cum paucis ſtriis ſanguineis  
& torminibus, ſed nullus vermis  
latus, multi autem cucurbitini ala-  
cres prodierunt. Præſcripſi ſequen-  
tem hauſtum. ꝑ. ol. Amygd. dulc.  
rec. preſſ. Syr. Alth. a unc. ii. Sy-  
rup. Diacod. unc. i. m. f. Hauſtus;  
altero die eundem adhibuit hau-  
ſtum. Die 6. Octobris ſummò ma-  
ne excrevit tæniam viventem cum  
filo integro, quod ſe contorque-  
bat, quatuor ulnas longam; quam  
vaſi lactis tepidi pleno, immiſi,  
tunc motum in filo, non autem in

reliquo corpore observavi manifestiorem, sed quo lac magis calefeci, eo majorem non solum in filo, sed etiam per totam tæniæ longitudinem vidi motum, quæ mirum in modum se contrahebat, ita, ut gratum oculis fuerit spectaculum. Calorem hunc sufferre, uti videbatur, non potuit. Interim ægra adhuc conquerens de reptatu & subita ventris intumescencia, sine dubio tales importunos in intestinis habebit convivas, quos iisdem medicamentis expellere conabor. Cæterum appetitus est optimus, somnus bonus, alvus naturalis. Tres harum tæniarum adportari curavi egregio *Velfe*, Archiatro, reliquos lagenis sp. Junip. aq. mist. plenis conservo.

Testes oculati tum apud feminam, tum domi meæ fuerunt mul-

ti,



„ ti, qui mecum hunc mirum aspe-  
„ xerunt casum.

Petenti mihi ab egregio hoc Pra-  
ctico postmodum Historiæ prosecutio-  
nem, respondit die 7. Oct. 1767. fe-  
minam iteratis, quæ profuissent, ca-  
tarcticeis complures cum vermes cu-  
curbitinos, tum ascarides excrevisse,  
hos quidem vivos, mortuos autem il-  
los; repetitis vero crebrius, neutros  
amplius: dudumque quovis sympto-  
mate eam vixisse immunem, famem  
majorem solito si exceperis; quam ta-  
men utrum latitanti adhuc vermi, an,  
quam lactet, voraci tribuat infanti,  
ambiguus hæret.

§. IV. Expedit porro ad remedia  
a solerti hoc Medico hic data, ani-  
mum advertere. Resina Scammonej  
& Jalappæ, Mercurius præc. alb. quo-  
que cucurbitinorum vermium expul-  
sionem videntur promovisse; Resinæ-  
que

que eadem cum granis duobus Turbith mineralis Teniarum expulisse legionem. Sed præterea, sola Jalappæ resina, in vini spiritu soluta, Teniæ quinas expulit ulnas in Studioſo; unica vero vice duntaxat, postmodum nunquam. Suspicarine licebit in remediis, quæ femina nostra capite II. non ad vermes, sed ad morbi acuti Recidivæ curam adhibuit, vim antihelminthicam inhæsisse latenter? Patuit enim ibidem pag. 77. feminam die morbi totius 23. Recidivæ 5. ad finem vergente, primos cucurbitinos vermes excrevisse; Die 26. Morbi totius Teniam cum capite, seu integro filo suo; Die 35. morbi, Recidivæ autem 17. terna excretionē alvina Teniarum excrementa. Medicamenta autem varia sumſit cum in Febre priore, tum in Recidiva. Maxime autem Decocto - Infusum, ex Rad. Gram. Tarax.

*Part XII.*                      P                      Flor.

Flor. Rhœad. Verbas. Bugl. cum Oxym. simpl. & Stib. Diaph. non abl. Misturamque Oxym. squill. & Stib. Diaph. non alb. Emulsa sem. Melon. & Cucum. cum Nitro, vel absque eo; Kermes minerale; Decocta Avenæ cum melle, pro potu ordinario; Olei Amygdali frequentem aliquando haustum; Opium cum Kermes mistum; Oleum lini in frequente clysmate; Cataplasmata quoque sæpe habuit Lumbis circumdata & Ventri, ex Avena cum flor. Chamom. & Samb. parata. An igitur in quibusdam horum? an in unctis horum pluribus, vis antihelminthica latuit, expulitque Teniam? Felicius enim, atque integrius, expelli eandem contingit nunquam.

§. V. *Haganæ* mulieris historia, juncta cum iis, quæ variis ego Operum meorum in locis cum publico com-

communicavi, docet nos 1<sup>mo</sup> dari forte Lumbricum latum solitarium; solitariumque & teretem: at vero 2<sup>do</sup> hospitari in eodem corpore plures unico, imo numerosos. 3<sup>tio</sup> in cane & Tenias complures, & vermes teretes multos; in femina cum Teniis octodecim, inventos quoque Ascarides fuisse. Tandem Lumbricos teretes in Morbis acutis seu critice, seu symptomatice expulsos, nos docere quam frequenter homines vermium ignari, vermium incommoda nunquam perpessi, eosdem nihilominus ventre gerant.

---

## CAPUT VI.

DE

### VARIORUM MEDICAMENTORUM VIRTUTE.

§. I. *Viperarum in Medicina fors.* §. II. *Cura Viriliginis jure recensium Viperarum.*  
P 2 rum.



rum. §. III. *Peſſoris interna externaque ulcera, una cum beſſica febre, eodem auxilio curata.* §. IV. *Mitigat idem, ſiſtitque deſperatam, omnia depaſcentem, Spinam ventroſam.* §. V. *Elixiris Vitrioli deſcriptio cum Vienneniſis tum Londinenſis. Difficultatum contra ejuſdem uſum ſolutio. Præſtantia ejus in ulceribus internis, poſſimumque in Pſthiſi, eaque proveſta, multiplici demonſtratur exemplo.* §. VI. *De Agarico, ſeu fungo Laricis, num ſiſtat colligantem ſudorem? De Omento animali cum Lacte cocto, & an Diarrhæas Dyſenteriaſque curet colligantes?* §. VII. *Curatio inſperabilis morbi ope Corticis peruviani, Lactiſque. Gravior corticis parandi modus.*

§. I. **S**poponderam Tomo IX. & X. Experimenti, quod cum Viperarum medicamento inchoaſſem, progreſſum. Sponſioni ſtabo, in in-  
conſtanti remedii forte pauxillum moratus.

Viperas Galenus magni in Medicina fecit. *Libr. 2. de simpl. Med. Fac. Cap. I.* triplici experimento refert morbum, quem Elephantem alii, alii Elephantiasin vocent, vino & curatum fuisse, in quod Vipera irrepsisset, fuissetque extincta. De ipsius autem Viperinae carnis facultate perhibet τὴν παρὰ τῶν ἰχθυῶν εἶναι ξηραντικὴν τε καὶ διαφωρικὴν ἰκτερός, αἶμα τῷ σερμαίνειν μύτης. Exsiccantem scilicet esse Viperarum carnem, valenterque transpirabilem, mediocriter vero calefacientem. Qua de causa iis, Anguillarum in modum, in olla coctis, uti venatorem iussit. *Aræteus de cur. Morb. Chron. Lib. 2. cap. 13.* Viperas coctas, sale & oleo conditas, in Cœna obsonio dabat. Postmodum tempora Medicina vidit, quibus multus, tempora, quibus exiguus fuerit, earum usus. Minus illas earum Regionum Medici

laudarunt, in quibus vix reperiabantur, quam apud quos, Gallos, Italosque volo, extabant plurimæ; quamquam ne his quidem constanter laudarentur. Testem *Petrum Forestum* appello, qui in Schola celeberrima *Bonomensi* enutritus, & educatus, *Viperarum*, ut medicamentosarum, nullibi meminit; *Andromachi Theriacam* si exceperis, quam propter adjectas *Viperarum* carnes, & ipse, & omnes ferme multorum sæculorum Medici, valentiores perhibebant. *Capivaccius* tamen pag. 1075. in cutaneis morbis *Viperas* admodum laudat. Medicis *Austriacis*, *Germanorumque* multis, cum *Viperarum decocta* impense laudari intelligerem, mearum esse partium duxi quid inesset veri, ut examinarem; quo demum constaret, quid me *Medicinæ Auditores* de *Viperarum* oporteret virtute docere. *Mea-*  
dii

diu accessit, *Morgagnique* autoritas, usum earundem & proficuum, & omnino commendabilem, docentium. Dabo itaque, quæ ipse viderim; Lectores vero, quibus de his plura placeant, veluti de curationibus, quas *Antonius Musa*, Cæsaris *Augusti* Medicus, perpetrasse legitur, quas *Arætæus Cappadox*, quas *Cælius Aurelianus*, carne viperina patratas esse scribunt, hos, inquam, ad laudatos Autores, & ad *Cl. Morgagni Epist. 55.* remitto.

§. II. Homo annos natus 48. in tenebricoso admodum squalidoque carcere, 14. annos detentus, intereaque temporis sicco militari pane, & aqua nutritus; morbos malignos & exanthematicos, cum enormi vomitu, varioque abscessu passus, odoratu, audituque plurimum privatus, tandem una cum suo Milite custode aufugit. Initio vertiginosus ad primos Lucis



adspēctus, Aſcaridum exerevit longo tempore ingentem vim, univerſaque in cute ſcabiem primo ſimplicem ac ſiccā, cruſtaceā deinde, hic ad Vitiliginem, ibi ad Elephantem, habitu toto vergentem, toleravit; tanto quidem cum pruritu, ut præ illius intolerabilitate ferro ſcabro ſe radere cogeretur, utque plurium menſium ſpatio ſomnum oculis vix vidiffet.

Me tandem convenit. Cum Menſe Aprili 1765. herbarum antiſcorbuticarum ſucco corpus repleviſſem, Viperarum, quas nobis recentes, vivasque, Italia dabat, decocta præſcripſi. Paucarum ſeptimanarum tempore mutatio contigit miſerrimo homini tanta, ut ingens pruritus moderamen, ſquammarum caſus, ſomni-que blandities, veluti redivivum eundem præſtarent. Deficientibus quidem poſt ſeptimanam ſextam Viperis,

in

in pejus ruere videbatur ; ad novas vero, ex Italia missas, sanescere magis atque magis cepit. Ab aliquo tempore non stitit se. Quartanam se invadentem, me inconsulto, Emetico, repetitaque Venæ sectione, pertinacem reddidit ; magnaue debilitate, valida tussi, diarrhoea frequenti, fastidioque ab alimento quocunque, vehementer emaciatus fuit. Mitigatis autem hisce symptomatibus, vehemens successit dextrî Hypochondrii dolor, qui respirationem difficillimam reddidit, durum formavit tumorem. Vir per omnia singularis, & verus Capito, solis, toto hoc tempore, Melonibus vixit : Diarrhoea hinc tandem nata sustulit quidem dolorem atque tumorem lateris, mutata vero in Dysenteriam fuit, pene encantem.

Tunc demum hominem ad me misit, qui mihi totam rerum seriem,

quæ ex quo me non vidisset, contigissent, enarraret. Ipsusque ille postmodum me conveniens, sæpius mihi hanc historiam narravit, confirmavitque. Oleosa & mucilaginosæ, quæ & ore hauriebantur, & Recto Intestino immittebantur, & universo ventri circumdabantur, hominem brevi quidem præstarunt a Dysenteria immunem; quidquid vero in morbo cutaneo quondam profecerat, hoc ita denuo amisit, ut pluribus in locis vera Vitiligo, seu Lepra Judæorum, manifeste adpareret.

Sulphureis Thermis *Baadensibus* tunc uti cepit, sic ut 12. dierum spatium, bis die, bihorio, trihoriove, balneo immoraretur. Bis experiundi causa Aquæ thermalis Libram hauriens, alvo laxabatur. Principio videbatur ad stuporem omnino curatus: verum, ut passim fit, elapsis 5,  
aut

aut 6. septimanis in foedissimum suum morbum penitus relapsus est.

Quorumvis consilia tunc amplexus est, Medicorum, Agyrtarum, Anicularum; sed incassum. Media æstate 1766. ad me rediit. Cum Viperæ suppeditabant, dedi illi singulo mane integræ Viperæ decoctum, superstitesque a coctione carnes contusas, conscissas, & cum saccharo rosaceo in Conservam redactas, ut per diem absumeret. Rediit primo somnus, deinde appetitus, sexque septimanarum elapso spatio exulceratio in panniculo adiposo cessavit, & tandem crusta de toto corpore perfectissime decidit. Cum autem cutis necdum transpirabilis videretur, ut remedium aliquantisper continuaret, serio hortatus sum. Non continuavit, nec rediit ultra.



Haud quidem omnes, fateor, adeo felices viperarum usu fuere: sunt, qui nihil; sunt, qui parum; sunt, qui multum inde lucrati, deficiente per medium annum vipera, continuare curam nequeant; quorum fata me latent, si æstate insequente non redierint.

§. III. Cum in internis Abscessibus hujus remedii præstantiam *Morgagni* duobus luculentissimis exemplis celebrasset, imitari illum decrevi. Puer italicus, septennis, a Morbillis, *Genuæ* quarto ætatis anno toleratis, Pulmones suppuratos habuit, diversisque Thoracis in plagis ulcera, quæ modo sicca, modo iterum cum pectoris levamine pure manabant. Corpus hæctica febre jam consumebatur; Peruvianus cortex, una cum multo lacte, auxilium adeo egregium sæpe hic præstat, ut non-  
nul-

nullos perfecte curatos salutaverimus, alios viderimus, qui ærumnas suas multo leviores, longeque diuturniores, perferrent. Profuitque & meo puero multum, sed inconstantius; nocturnasque anxietates, fere intolerabiles, vincere non potuit. Unde corticis quidem lactisque curam persequutus sum, sed quoque Decoctum quartæ partis Viperae, & in Conservam redactas a coctione residuas carnes, quotidie dedi. Mirum profecto fuit, intra quam breves dies collapsæ vires resurgerent, febris decresceret, revivisceret appetitus, defœdato vultui color rediret, nitorque, & nocturnæ anxietates rarefcerent, blandi obreperent somni, sputisque pectus se commode evacnaret. Novem septimanas perstitit mutatio pulcerrimarum, perseveravitque, Vipera deficiente, sub corticis peruviani, lactis-

disque, nec non infusi traumatici, quod cum lacte misceretur, continuo usu. Semianno post, cum Parentes hinc profiscerentur, gratias mihi acturi, puerum mihi stiterunt, bene valentem.

§. IV. Sed & idem remedium in desperata spina ventosa cepi adhibere; morbo illo terribili, qui, ad certum gradum cretus, omnium per orbem terrarum industriam, sagacitatemque, passim eludit. Decocta lignorum, Antiscorbutica, Antimonium, Mars, Mercurius, cura sub craticula sudatoria, specifica decantata, non potuerunt mihi *Viennæ* provectum solvere morbum. Quin nec corrupti ossiculi exentio, nec celebrata alibi partis affectæ amputatio, prohibere poterunt, ne iniqua Diathesis in alias sæviret partes. Hinc decocta Viperæ dedi, mensium duorum spatio, Adolescenten-

lescentibus duobus, quibus frustra quasvis notas curandi methodos ad-moveram. Profecto longe notabilior, quam a cæteris remediis, observata emendatio fuit; nam dolor indies mi-tescebat, parciores fundebantur icho-res, decidebant crustæ, & sanitatis um-bra redibat. Curam altera æstate, ter-tiaque in horum altero, altero non red-eunte, repetens, aperte vidi nondum mihi notum remedium esse, quod de-sperati annosique morbi adeo pro-gressum sistat, adeo mitiget ærumnas, adeo tolerabilem vitam præstet, quam hoc viperinum.

§. V. Laudatur in Anglia *Elixir Vitriolicum* in Dyspnœa, & suppurato-riis pulmonum morbis. Extat in no-stra Pharmacia *Viennensi* pag. 80. Eli-xir hoc nomine donatum, quod ex unc. v. & dr. iii. Aromatum cum mo-derate, tum maxime calidorum, &  
spir.



spir. vin. Libr. ii. spiritusque Vitrioli unc. iii. paratur, laudaturque ibidem ut remedium quod Venter Intestinaque roboret, quod calefaciat, quod excitet appetitum, pectoris autem ac cerebri catarrhos atque phlegmaticos morbos curet. Anglicanum vero Elixir Vitriolicum longe fortius, juxta Pharmacopæam *Londinensem* pag. 92. & 101. paratur ex unc. i. & dr. v. Aromatum maxime calidorum, cum Libris ii. spiritus vini tenuioris: ad quam Tincturam decantatam addunt spiritus, five olei vitrioli, unam tertiam.

*Viennense* igitur Elixir fervidius *Anglicano* est, cum illud copiosioribus aromaribus, eadem quantitate spiritus vini & octava tantum parte olei vitrioli componatur; hoc vero minorem vim Aromatum, eandem spiritus vini copiam, & unam tertiam olei vitrioli, possideat.

Dudum curarum Anglicanarum ad me fama pervolaverat, sed certiora experimenta præstolatus, filii. Missa postmodum fuit ad me Epistola Medici Angli, qui ad magna natus, nihil leve, nihil inconsideranter cogitat; qua Matronæ Phthisicæ bis terve de die guttas 20. 25. Elixiris vitrioli Anglicani in vitro aquæ puræ frigidaë fortiter suadet; una cum Decocto suo corticis peruviani, quod cum multo lacte sumere consueverat.

Sententiam rogatus, respondi ratiocinia in Medicina experimentis quidem cedere, at vero in hac promota Phthisi me primo a medicamento calore metuere, & deinde ne oleum vitrioli lac pessime coagularet, vereri.

Ad has difficultates, cum Medico communicatas, respondit ille, Primo, dum in Phthisicis pererebesceret hujus Elixiris usus, celeberrimum Lon-  
*Pars XII.*                      Q                      di-

dinenſis Noſocomii Medicum Pate illud propter Aromata condemnaffe, lapſu vero temporis præclara mirandaque cernentem, ejuſdem Elixiris ſupremum extitiſſe Patronum. Uſu quippe conſtituiſſe quantopere acidus ſpiritus vim aromaticam refringeret, ut non plus ageret illa, quam ut ſpiritus acidus copioſior aſſumi, citra ventriculi dolorem, citraque Intestinatorum tormina, poſſet: quæ ſi nonnunquam levia obſervarentur, ea unius alteriusve diei diludiis ceſſare; aſſueſcere autem eidem naturam ſic, ut ferret paulatim quiſque inculpatè.

Ad alteram meam difficultatem idem Vir clarus referebat, Medicorum *Londinenſium* haud paucos hoc lactis ab elixire coagulum, oriundasque ex eo ærumnas, plebi inſuſurraſſe, imo quosdam publicis & clamoribus id divulgaffe, & ſcriptis; idque

ma-

maxime, postquam Nosocomiorum Medici, pulcros Elixiris effectus edocti, idem & ægris urbanis darent. Eodem vero tempore in lucem prodeunte Viri clari dissertatione, quæ lac omne in quovis, etiam valentissimi hominis Ventriculo, coagulari, experimentis demonstraret, multorum cessasse inquietudinem; præsertim cum deinceps constaret ne his quidem, qui, vix media hora post lac assumptum elapsa, Elixire usi essent, quid accidisse incommodi; quamvis a plerisque expectaretur bihorio, antequam alterum alteri superbiberetur.

Addebat tandem egregius ille Practicus, Londini creberrimum Elixiris usum esse in Phthisi, quæ diuturniores febres insequatur, quæ linguæ lorditiem, quæ virium collapsum, nocturnosque sudores habeat conjunctos: præstantiamque ejusdem aliquo-



rum annorum spatio in aliquot centenis ægrotis orbi universo patuisse.

Facile quisque capiet me, omni animi sollicitudine demta, Elixir exhibere cepisse. Nimum provecta Matronæ, de qua mox sermo erat, Phthisis, usum ejusdem diuturnum non admisit; alii autem egregiam inde tulerunt opem, atque experimenta confirmarunt *Loudinensium*; quorum nonnulla referre exempla conducit.

Sutor ferme sexagenarius, a bienio Phthisicus, qui ante tres menses elapsos sæva Pleuritide laborarat, & exin sputis cœnosis, emaciatione corporis, virium projectione, colliquante sudore, cuncta perfectæ Tabis signa de se præbuit; cum artis consuetæ auxilia nihil opitularentur, cepit die primo paucis, altero pluribus, semel in die, deinde bis, imo ter, 25. guttulis uti, in ea aquæ frigidæ copia,

pia, quæ acidi paucum modo exhiberet saporem. Spatio quinque mensium mutatus quidem sic fuit ab illo, qui fuerat prius, ut superasset enarrata mox symptomata; verum non ita, ut relicto elixire, nonnihil relabi non inciperet: unde nunc in tertium annum eodem, quod ob virtutes egregias exosculatur, pergiti uti.

Puero duodecim ferme annorum media æstate anni 1766. Elixir exhibere cepi sequentem ob causam. Ab anno ætatis tertio ex variolis magnis, haud multis, non molestis, sed neglectis, Phthisi pulmonali affici videbatur, penitusque consumi: usu vero longiore lactis bubuli, cum saccharo lactis dicto, cepit, sputis prodeuntibus, habere rectius. Morbillos admodum benignos bene tulit septennis. Continuabat sputa edere, sed olida, ex flavo viridia, violentia autem &

copia tanta, ut ore naribusque simul projicerentur; nec raro citra tussim, inclinato duntaxat capite, veluti ex inversa lagenâ, copiose profunderentur. Hocque totis quidem hisce annis, vere autem maxime. Atque hoc rerum statu eundem mihi mater stitit, materiemque monstravit effusam. Mox illi Elixir dedi cum melle & aqua, ut pueris soleo, & a minima dosi sensim ad guttas 40. singula die ascendi, eo eventu, ut intra trium mensium spatio fere curatus videretur; & forsan integre curatus, si perseverasset, fuisset: negligentia vero parentum toto anno 1767. & 1768. medicamentum haud ultra sumsit, cum præter raram tussiculam bene se haberet: donec mali recidiva, finire Novembri, quo hæc scribo, renata visa, demum ad me ductus sit.

Puella 9. annorum, superioris soror, eodem cum fratre die cepit Elixire uti. Puella optime valuerat ad usque 5. ætatis annum: convulsiva tussi tunc cepit quati, copiosumque cruorem sæpe profundere ore, naribusque. Tussi convulsivæ morbilli supervenere, Miliariaque alba. Resurgenti ab hoc morbo, dextro in Bregmate tumor nascitur, qui crescens paulatim, ovum gallinaceum mole æquavit; decrevit autem & evanuit, spatio trium septimanarum, excreto copioso pure, fereque continuo, oculis, auribus, naribus, ore: eodemque tempore faucium fuit angustia tanta, ut nisi continua injectione copiosissimus faucium mucus abstergeretur, suffocanda puella videretur. Ex sola aure nonnihil profluit adhuc. Crines in ea Bregmatis plaga læte non crescunt. Septimum æta-



tis annum agentem confluentes Vario-  
læ, malignæque eam prehenderunt,  
quas dirus oris cancer, aquaticum  
appellant, excepit. Octo dentes can-  
cro solutos, a puella deglutitos, e feci-  
bus sustulere parentes. Mater os puel-  
læ curavit aqua fabrorum ferrareo-  
rum, cum nitro & aluminis usti tan-  
tillo, applicata hac aqua multo sy-  
rupo Violarum omnes interni oris ob-  
linivit penicillo partes.

Verno tempore anni 1766. ædes  
recentissime extructas, intus extusque  
calce obductas, humidæque, inhabi-  
tante familia, dira Ophthalmia bis  
occupavit puellam, cui tres phlyæ-  
næ, ut ex narratu patet, junxere sese.  
Mater, consilio quorundam, Vesican-  
tibus collo, postque aures, admotis,  
sustulit rubedinem; maculas autem,  
a pustulis relictas, aqua leviter vitrio-  
lica deterfit, delevit.

Ex

Ex quo vero, quinto ætatis anno tussi convulsiva laborasset, tussi in hodiernam diem vexatur, tussiendoque materiæ, lac colore, spissitudineque referentis, duas, tresve uncias quotidie excernit. Purulenta igitur labes, a longa die pessimam Cacochymiam genuit, sive sedem in pulmone habentem, sive aliunde eo delatam. Elixire vitriolico, menses quatuor assumpto, restituta est sanitati sic, ut neque anno 1767. neque 1768. ullo medicamento indiguisset, mihi sæpius illi obvianti, eamque examinanti, appareret.

Vir quadragenario major, qui longis annis Veneris castra sequutus, curas plures, proximaque elapsa æstate diuturniores Mercurii frictions sustinuerat, demum incidit in Phthisin pulmonalem, frequentemque Orthopnoeam: ex superveniente tandem

Pertus pneumonia, deplorata Phthisis esse videbatur. Continuis Elixiris usus jam tertium in annum hominem adeo servat, sustinetque, ut domino suo a cubiculis esse pergat.

Pluribus annosioribus Phthisicis Elixir dedi cum emendatione omni spe majore, sputorum autem, Tussisque multa imminutione; quæ quibusdam, mihi vero nequaquam, suspecta fuit. Præter Phthisin quippe, cujus propria in pulmone sedes, alia datur, quam graphice descripsit Bonnetus, quam ego in cadaveribus sæpius demonstravi, Operumque meorum pluribus in locis notavi: in hac specie inflammatoria ac suppuratoria materies universi cruoris, in integros pulmones transfudans colligitur, sputorumque ejicitur forma. Hanc porro sanguinis Diathesin Elixir vitriolicum potenter emendare multiplici ap-

pa-

paret exemplo. Unde ab hoc remedio præstantissimo describundo, evulgandoque, abesse non debui.

§. VI. Verbulo hic de Agarico, *Post Galenum Libr. I. de simpl. Med. fac.* Botanico-Medici Agarici vires descriperunt esse modice calefacientes, plus exsiccantes, extenuationem curantes, Hæmoptoen dragmæ dimidiæ pondere sistentes, Ictero medentes solvendo, debili quoque ventriculo, deglutita non retinente, valde proficuas; pondere autem unius alteriusve dragmæ lente detergentes atque purgantes. Vide plura apud *Dodonæum*, ejusque in appendice. Reverane hæc adscriptas possidet Agaricus vires? Audiamus historiam sequentem.

Anno 1765. die 26. Aug. Monachus convenit me, qui elapso ab inde biennio a neglecta Pleuroperipneumono.



monia, in tussim, ac Hæmoptoën, inciderat. Post multa auxilia, pectori dicata, post Aquas Selteranas, rusticano in aere epotas, in supremam debilitatem incidit, nocturnisque superioris corporis emaciatum est sudoribus. Cortex Peruvianus haud exiguum quidem emendationem attulit; hyeme vero insequente rediit continua remittens febris, cum summe debilitante sudore. Et hac quidem vice cortex febrim multum moderabatur, minime vero, quemadmodum prius, sudorem.

Pernicioso hoc sudore, Viro reverendo fere pereunti, amicus narrat, certaque fide asseverat, plures hæctico sudore pereuntes, Muliercula Agarici frustulum quotidie exhibente, se curatos salutasse: quo ille audito, cum curam suorum Medicorum suppellectilem esse intelligeret, protinus

tinus ad Agarici pauxillum confugit, pepulitque brevi sudorem.

At vero pulsus sudoribus Dyfenteria successit. Dubitatum fuit, utrum colliquans quoque illa, loco colliquantis esset sudoris; an vero aut ab Agarico, aut ab imprudenti gelidæ haustu, proficisceretur? Posteriori causæ tandem tribuebatur, saltem postquam continuato deinceps Agarici pauxillo, venter minime moveretur. Dyfenteriam autem hanc colliquante statu corporis, ut prius sudorem, proficisci, non est, opinor, quod dubitemus; sed & a posteriore id patuit, sudore a cessante Dyfenteria redeunte. Dyfenteria autem pertinax fuerat, nec auxiliis Medicis, sed Lacti cum Omento animalis probe cocto, semel assumpto nonnihil, iterato epoto, integre, cesserat.

Superata Dysenteria, sputa purulenta prodierunt, eo perseverante, qui ab ipsa Pleuroperipneumonia vexaverat, lateris dextri dolore; in quod latus, quemadmodum neque in dorsum, cubare non poterat. At vero cum sputis & sudor rediit; quem iterum repetito quotidie Agarici tantillo, superavit.

Suasi, ut Lacte caprino cum Herbarum traumaticarum infuso, & succo, aliquantisper uteretur, antequam ad alia procederemus. Rediit nunciaturus curam hanc, spatio quinque hebdomadam protractam, multum profuisse: Agarico vero, cum sudores reditum sæpe minarentur, se eguisse perpetuo. Desuit postmodum; ut Corticis, Elixirisve, explorare in illo virtutes nequiverim.

Explevit Agaricus in hoc Reverendo Viro eas indicationes, ad quas

Ga-

*Galenus*, subsequentesque Medici, eundem in refracta dosi celebraverunt. Defuit mihi hucusque occasio instituendi in colliquante sudore experimenti: silentium autem, donec casus affuerit, impermissum arbitratus, evulgo; ut quibus occasiones frequentiores suppetent, experiundique proinde copia gaudeant, sedulo inquirant, num & *Agaricus* colliquantem sudorem auferat, & *Omentum animale*, lacte probe coctum, colliquantis *Dysenteriae* potens sit auxilium. Profecto dum non unico in homine, sed in pluribus egregie successerit, dumque cæterum Sudores, *Dysenteriae*que colliquantes, proximam sternant in Mortem viam, experimentum capere tuto videmur posse.

§. VII. Recensui hoc capite ægros nonnullos, quibus celebris cura *Lactis*, *Corticis*que *Peruviani*, profuisse qui-



quidem, haud vero curasse illos, visus sit. Minoris tamen ob id facienda non est. Multis enim integram sanitatem conciliat, idque cum in annosis ejusmodi morbis, tum in desperatis. Luculentorum exemplorum Tomi mei priores meminerunt: memorabile aliud dabo.

Comes nobilissimus in *Hungariæ* Regno, cum annum ætatis octavum ageret, genu dextro in terram cecidit. Intumuit genu, doluitque sic, ut Medicis, atque Chirurgis, trium mensium spatio opus esset, priusquam curam perfecissent. Sanus tunc puer credebatur, quamvis femoris dextri cum coxa articulationem, dum moveret femur, perciperet dolentem.

Semianno a curato genu elapso, febris acuta prehendebatur; inque febre illa primum animadversum est crus  
dex-

dextrum brevius sinistro esse. In dies id magis apparuit, magisque.

Eodemque tempore Tumor cepit ad coxam observari, in quo brevi tres aperturæ, cæque & fistulosæ, & sinuosæ; quæ ingentem copiam & puris, & saniei, & ichoris, cariosique ossis fragmenta, duorum annorum spatio, effuderunt; interea dum hætica febre emaciaretur puer, consumereturque ita, ut verum cadaver referret. In deplorato hoc statu cum nobilissimi parentes *Viennam*, consilii inopes, auxiliumque capturi, conduxerunt.

Advocabamur Medici duo, duoque Chirurghi, in Consilium. Patuit nobis, infortunato lapsu pueri in genu necdum aut fractum fuisse sua in Cervice, Epiphysive, os femoris, aut idem, rupto ligamento tereti, ad teresve accessorio, ex cavo Acetabuli

*Pars XII.* R ex-

excidisse; lapsum tamen eodem tenfas, distractasque ad articulum coxæ fuisse partes. Hinc doluisse puerum ad femoris motum. Furtim autem progrediente proditorio malo, veram demum ad superiora contigisse luxationem; a resorptu putridi fomitis febrim & natam esse, & perpetuatam biennio. Ergo casus similis fuit, quos vidi, binis, relatis *Tomo IV. cap. 4. hujus Operis*; similisque laudato ibidem *Petitiano*, cui haud disparem tradidit *La Motte*.

Prognosin partim acerbam dedimus, partim incertam: memores autem elegantium curarum, quas ejusmodi in malis cortice Peruviano, ac lacte, perfecissemus, suasimus eandem; dum interea dexterrima Chirurgi manus ulceribus secundum *Artem* mederetur.

Si qui mortalium unquam, hi saltem accurate omnia, quæ consulueramus, expleverunt, a parva copia ad magnam conscendentes paulatim: unde non modo in vivis perstitit puer, verum etiam tantum profecit, ut quando triennio post *Viennam* reversus erat, non absque admiratione, gaudioque, illum & febre expertem dudum, & viribus valentem, contueremur: ulcere unico cum purulentam materiem, tum ossis carioli ramenta, emittente.

Biennio post, 23. Maji. 1767. illum tertio vidimus, egregie valentem, debitamque 16. annorum ætatis, qua erat, habentem staturam; clauso jam, quod unicum ante biennium superstes videramus, ulcere; idque postquam ante annum ab illinc elapsum ossis ramentum, pili mole, expulsus esset: ita ut ultra nihil, nisi quandoque mu-



cosi quid, transsudaret. Adolescenti porro, sic crescenti, crus affectum apparuit latis quatuor digitis esse altero brevius: quemadmodum quoque suo in juvene *La Motte* se observasse refert. Crevit quidem quoque crus, femurque dextrum, torosumque est; per omnia autem lævo exilius. Quamvis autem illustris Comes jam curatum se crederet, non gravatus est, hortantibus nobis, remedium prosequi per illum, præsentemque annum, singulis mensibus quid diminuendo; præsertim cum, quod raro fit, in delicias cortex transivisset: quod quomodo contigerit, cum id nolle intersit, enarrabo.

Cum in hoc remedio assumendo, atque continuando, nauscam Comes, fastidiumque, & horrorem, perciperet; neque superare illa, quomodocunque pararetur Kina, posset; Ma-

ter

ter nobilissima, sagax industriaque Matrona, mille modis negotium tentans, versansque, invenit tandem, qui perplacuerit, qui post assiduum annorum novem usum amoenitate, gratiaque creverit, parandi modum. R. Pulv. Cort. Kinæ unc. iii. sēsqui horam coque cum Libris duabus aquæ comm. Quieti, donec penitus refrixerit, committas, postquam charta emporetica dupla coles: Liquorem collatum in chartam emporeticam infundas iterato, & liquorem in vitrum magnum, quod & charta emporetica tectum sit, excipias.

Nihil ultra, gustavi quippe, liquori inest ingrati, Vinumque aut Tockajense, aut vetus Rhenanum, & colore æmulatur, & limpидitate. Non succedit autem si decoctum, priusquam coletur, haud penitus refrixerit. Insuperabilis corticis Kina assumendi, continuandi-

que difficultas, adeo frequens, præparationis hujus communicatione nedum minui, sed crebro tolli poterit.

§. VIII. Proxime priore Tomo multa de febribus, deque Antidotis earundem, egi. An Sulphur his addendum? *Eistadiensi* feminae, quinque septimanas Quartana laboranti, sulphuris, quod in longas laminas scissum, venundatur, portionem articuli digiti magnitudine pulveratam dederunt, quo ipso momento invadentem perciperet Paroxysmum. Sudavit vehementer. Insultu ingruente altero, duplam sulphuris dederunt portionem. Febris non rediit. Ventriculus necdum bonus, unico purgante restituebatur, nec purgante irritata febris, quo rediret, fuit.

## CAPUT VII.

## FINIS QUÆSTIONIS DE SENSIBILITATE ET IRRITABILITATE.

**O**ctavus annus agitur, ex quo animum appuli ad scribendum contra *Ill. Halleri de Sensibilitate & Irritabilitate*, Doctrinam; Praxi cum Medicæ, tum Chirurgicæ, periculum ab illa imminere ratus.

Ac primo quidem, ex eo, quod Tendines, Membranæque, negarentur sensiles esse, & animo præfagebam, & experimento deprehendebam, nonnullorum Audaciam, qui partes ejusmodi intrepide fauciantes, Convulsioni existerent, Dolorisque fabri.



Secundo *Hippocratis* magni Praxin, quæ me fidelissimum Custorem, strenuumque perpetuo Defensorem habebit, neglectui tanto a pluribus dari dolebam, ut præter aut animosiores, aut desidiosiores Irritabilitatem, nihil in morbis crepantes, æterna Cui præcepta haud negligerent duntaxat, verum etiam vilipenderent.

Itaque Praxis medicæ primarij in hac inclyta Universitate Professoris Dignitate condecoratus, in eo jam eram, ut ad novam Doctrinam, quam Scriptores clari, quam haud incelebres Universitates, adoptaturæ videbantur, vel amplectendam, vel repudiandam, me undique sentirem premi. Librorum itaque egregiorum haud modica lectione, literario clarorum Virorum commercio, propria experientia usuque, Arti demum, quod imminere videbatur, discrimine,  
per-

permoveri, animarique me sensi, ut nova hæc placita non modo non amplecti, sed impugnare, refellereque me debere, autumarem.

Hinc primam meam Dissertationem *Difficultatum* edidi, stylo haud masculino modo, sed, quam hodie quidem vellem, significantiore. Haud multo sane blandiore sermone *Apologiam* conscripsit perill. Adversarius. Neque etiam qui, quod non debuisset, se Liti immiscuit, *Tyffotus*, Vir clarissimus, *Vindicias* meas verbis excepit mitioribus.

Deinde a sexto ad decimum horum operis mei Tomum, nec non in *Epistola gallica ad Amicum*, inceptum opus prosecutus sum. Neque soli dimicabamus, *Hallerus*, egoque; verum illius doctrinam hinc multi strenue propugnabant, quos inter princeps *Caldeanus*, vir ob multa clarus;

illinc haud pauci, quorum præcipuus *Gualtherus van Doeveren*, *Groeningæ* Professor laudatissimus, refellere experimentis conabantur: hincque ab Illustribus *Halleri* egregiis Discipulis omnis sensatio *Duræ* cerebri Meningi, propter absolutam Nervi absentiam negabatur; illinc iterum, ut v. g. in *Morgagniana* schola, ob Nervum a V. pari oriundum, a *Cotunnio* demonstratum, datumque *Duræ* Matri, ejusdemque sensibilitas asserta fuit.

Integre postmodum tota rerum mutata facies fuit. Falsus quippe præclarissimus hujus Doctrinæ Autor est, *Tomo VIII. magni Operis*, sensibilitatem Tendinum, Membranarumque, negasse se quidem; minime vero sic, ut neve puncta, neve vulnerata, sensum proferre doloris possent. Pleuram v. c. pronunciasse se insensilem, dum illam unicam esse membranam statuisset;

fet; haud vero tunc, quando duplici  
constantem lamina, quæ quondam & de  
Pleura, & de Peritonæo, sententia esset,  
quidam asserere pergerent. Se externæ  
Pleuræ laminam, nonnisi circumfu-  
sam Pleuræ veræ cellulositatem esse,  
& docere, & demonstrare: per hanc  
vero circumpositos convexo Pleuræ  
dorso Nervos esse; „ hos, si quando  
„ ab inflammatione vicinæ Membra-  
„ næ corripiantur, acriter dolere,  
„ hæc omnia & cum ratione specu-  
„ lationis consentire & cum experi-  
„ mentis. Eodemque modo & liga-  
menta insensilia esse, & Articulorum  
capsas, & Tendines cunctos: posse  
vero dolore has partes occupari, a  
Nervis easdem aut circumdantibus,  
aut perreptantibus. Verbo partes hæc  
ce, qua membraneas, minime dolo-  
re; dolere vero, & acriter quidem,  
pro-



propter accumbentes nervos posse sic, acsi ipsæ sensu afficerentur doloris.

Iisdem proinde Verbis mentem suam perill. Vir explicat, quibus fere antiquissimus *Arætiæus* : Νούρα , τὰ δὲ  
,, σμὰ τῶν ἀρθεῶν, non dolere sæpe,  
,, dum quis abscindat illa, conterat-  
,, ve, ὅδ' ὅν τέμνει τις, ἢ θλίβη, inter-  
,, ea dum alio tempore homo sic in-  
,, de doleat, ut a nulla re magis :  
,, imo ut neque ferraamenta adstrin-  
,, gentia, neque vincula, vulneransve  
,, gladius, aut exurens ignis, plus do-  
,, loris crearent.

Ergo Veterum cunctorum facta te-  
sta sententia est, Membranas, Ten-  
dines, Ligamenta, Capsas, sive sensi-  
bilia pronuntiantium, sive insensibilia :  
latiore enim hoc sensu, dum pugnan-  
tia videntur locuti esse, locuti con-  
sentanea sunt.

Vc-

Verum longe manifestius hanc magni Autoris mentem esse, ex privatis ejusdem Literis, maxime posterioribus, intellexi. Contigit enim ut Vir celeberrimus, *Carolus Bonnet*, Genevæ ornamentum, Orbi universo propter Historiam naturalem, ad stuporem fere illustratam, acceptissimus, utriusque nostri sincerus, integer, summusque Amicus, rem eo dirigeret, (ob quod illum æternum venerabor,) ut de dissentientibus opinionibus, quibus nostros utriusque animos disjungi, abalienarique, dolebat, mutuis Literis amice conferremus. Dum huic haud minus christiano, quam amico Consilio, pareremus ambo, magis vidi magisque ejus illum, cujus dixi, sententiæ esse: ipsum de systemate pathologico mutando ne unquam quidem cogitasse: scripsisse se quæ vidisset, quæ observasset centies, insensilitatem demon-

stran-

strantia partium, quando hæc sine cingentibus, aut incumbentibus, perforantibusve sese Nervis, considerentur.

„ Se nullum de insensibili natura Durae Matris systema pathologicum proposuisse; finem sibi fuisse ea, quæ experiundo didicisset, proferre: omnem nempe a Nervis sensum, omnem a fibra musculari motum esse. Si adeo trans fasciam totam Nervi cutanei decurrant, non ideo eam fasciam sentire, cum ii Nervi nihil in tendinem dent. . . . Sibi non de Vulnerum periculo, sed de sensus sede, quæri. . . . Non videri adeo ullum a se metum fuisse, ne falsi quid in Pathologiam subreperet. „

His profecto quid verius scribi, quid clarius enunciari, quid exponi candidius possit? Sane si hæc, isto modo prolata, accomodata fuissent

Ex-

Experimentorum illorum, contra quæ scripsi, Relationibus, causam omnem manus cum illustri Viro conferendū præscidissent: id quod etiam in Responsis ad illius amicissimas Literas priores serio notavi. Quid enim ad Praxin refert, utrum Pleura, & Dura Meninx, & Membranæ, & Ligamenta, Articulorumque Capsulæ, & denique Tendines, nervis dolere propriis possint, an alienis, qui aut supra, aut trans, aut infra, hæc decurrunt, transeuntve partes: modo ipsæ hæc partes sive contusæ sint, sive fauciatae, vellicataeve, ea exhibeant phænomena, eaque auxilia petant, quæ sæpe nervosæ exhibent, petuntque partes? Quid mea refert, Pleuriticusne ab inflammata pleura proprie dicta doleat, an a Nervis, quos sæpe notabiles, quos grandes, supra dorsum suum gerat, ducatque Pleura?

Ve-



Verum enim vero, cum egregiæ istæ, candidæque explicationes, experimentorum haud concomitarentur Historiam; cumque ipsam cum Medicam praxin, tum Chirurgicam, in vulnerum atque ulcerum pertractatione, morborumque internorum curatione, ab iis, qui hæc cruda amplecterentur, perverti deprehenderem; indignus certe, quo cohonestor, munere censendus fuisset, si abusuum progressum, qui ex nova, nec posterioribus monitis munita doctrina proficiscebantur, sistere neglexissem.

Jam vero rebus sic se habentibus, manum de tabula. Manifestum jam est *Ill. Hallero* eam non fuisse mentem, quam quidem experimenta priora, necdum expositione posteriore illustrata, referre viderentur: in Physiologiæ illustrationem se intendisse, de mutanda Pathologia ne somniasse quidem.

dem. Virum proinde dignissimum esse, quem omnes, germani per universum Orbem Artis filii, veneremur, atque tanquam Medicinæ cultorem inclytum, promotoremque indefatigatum, suspiciamus. Adversus illum quondam scripsi, quia, ut ex relatis constitit, scribere debui: scripsisseque me vel ob id gaudeo, quod inclyto Viro occasionem dederim, ea in artis emolumenta illustrandi, ex quibus alii, sinceræ ejus mentis ignari, consequentias audaciores formare inceperant. Excidit mihi, fateor, hinc inde quid asperiusculi: hoc vero ubinam excidere non contingit, quando de summa rerum, quando de imminente damno a gente humana propulsando, quando de periculis agitur averruncandis? Lectores, non præoccupati animo, in Illustrium Adversariorum meorum, *Halleri & Tys-*  
*Pars. XII.* *S* *fori,*

*soti*, Scriptis nonnulla asperiora quoque doluerunt: verum omnia hæc & illi, & ego, veluti nunquam aut scripta, aut saltem malo animo excogitata, reputemus oportet. Et remora tandem amicitia fulgentior erit.

---

---

## CAPUT VIII.

DE

### INOCULATIONE VARIOLARUM.

---

---

§. I. *Inoculistarum modus explicandi sua Præcos infortunia, absolvit quoque ab omni culpa Variolas naturales. Argumentorum Decade hoc probatur.* §. II. *Demonstratio qua Patroni Inoculationis contrarium se evicisse arbitrantur, defectuosa est: defectus indicatur: quo defectum hunc suppleant, ostenditur modus.* §. III. *Spontaneum Inoculationis Contagium ex ipsis Inoculi-*

*culistarum observatis demonstratur. §. IV.  
Quum a Variolis naturalibus multi per-  
eant, eorumque pars maxima curæ de-  
fuit, duplex id emendandi proponitur modus.*

§. I. **N**eedum Bellum Inoculatorium defervet; ingeminat potius. Pars in illo minima non fui, ex quo anno 1756. Inoculationem in Nosocomio meo orsus, inque sex ad id selectis pueris Variolas frustra præstolatus, veniam peterem, eaque potirer, quasdam orbi medico difficultates proponendi, dandasque ad easdem Responsiones examinandi, antequam hoc opus repeterem. Edidi tunc primum libellum, cui titulus: *Difficultates super Inoculatione Variolarum, Viennæ, 1757.*

Prodiit brevi post viri eruditissimi De la Condamine *Dissertatio altera*, & viri in arte clari Tyssot *Responsio ad meas Difficultates propositas*: Opus utrumque gallice scriptum, admiranda perspi-



cuitate & eleganti brevitare, id proferens omne, quod in Inoculationis honorem proferri, laudemque possit; at vero ad meas difficultates solvendas adeo ineptum, ut anno 1760. ederem dissertationem adversus laudatum Scriptum utrumque, titulo *Refutation de l'Inoculation*. Ad hanc meam refutationem celeberrimus Tyssot privatis literis respondit: *le Procès me paroît suffisamment instruit: Avocats, & non Parties, nous avons dit, ce que nous avons cru pouvoir dire de mieux: les Pièces sont sous les yeux des Juges: attendons donc le Jugement du Public, & de la Postérité*. Et in alia epistola: *je crois, que vous avez dit tout, ce qu'on pouvoit dire. Jamais mauvaise cause (passez-moi le terme) ne fut si bien plaidée.*

Adoriebatur me postea, amicus amicum, vir celeberrimus Tralles, Breslaviensis inclytus Medicus, *Sermone suo*  
Apo-

*Apologetico* in Inoculationis tutamen. Cui cum anno 1764. incunte, disputationem totam in X Articulos redigendo, respondiſſem; prodiit, vix medio anno inde elapſo, ejuſdem magni viri *Vexatiſſimum argumentum*; opus Autore dignum, quod omnia argumenta, quæ Inoculationi aut contradicant, aut patrocinentur, haud minore cum candore, quam accuratatione, iudicioque, oculis legentium e veſtigio exponit.

Ad hoc opus *Rat. Med. Tom. IX. Cap. ult.* respondi, & aliquantum quoque *Capite & Paragrapho* [ultimis Tomi X.

Postea nova inoculandi Methodus, quæ omnia methodi veteris infortunia corrigere dicitur, vulgatissima prius reddita apud Brittannos, aliis in Regionibus summopere laudatur, brevi omnem inundatura terrarum orbem. Cum porro pene cuncta Europæ Re-

gna, Provinciæque, non in Libris, quæ illam aut laudent aut vituperent, sed oculis contueantur ipsæ suis, brevi forte controversiam diriment. Quo autem id fiat facilius, haud abs re erit unam alteramque subjunxisse animadversionem.

Ac primo quidem ope creberrimæ Inoculationis eo profectum jam est, ut ex ipso Inoculistarum testimonio id colligatur, *quod a Variolis naturalibus nemo mortalium ultra moriatur.*

Probatur facillime. Anno 1768. Junio mense Nova Anglicana ferebant, quod & privatæ familiæ literæ confirmarunt, Cels. Ducem *Boueleuch* Londino in Scotiam profectum esse, filium suum, Comitem *Dalkeith*, lugentem, quem insitæ Variolæ occidissent.

Vitium hic irrepsit. Inoculatio Comitem non interemit, sed ipse Inocula-

culator, qui in tantilla ætate illum inoculare non debuisset.

II. Clarissimus *Gandoyer de Foigny*, Autor operis, cui titulus: *Traité pratique de l'Inoculation, à Nancy, 1768.* Filiam suam, cum eam *Suttoniana* methodo inoculasset, priorque febris cum Variolarum eruptione jam a 24. horis deferbuisset; forti 10. minorum convulsione enectam luxit.

Vir Clariss. ad amicum, qui mecum epistolam communicavit, scripsit, caram filiam neutiquam periisse a Variolis, verum potius ab ejusmodi convulsione, quæ & citra Variolas, quemcunque hominem prehensisset, occidisset.

III. Nobilissimus *Pessers*, juvenis 14. annorum, *Hagæ Batavorum*, anno 1768. Martio mense inoculabatur. Variolæ confluentes, purpure-



æque, juvenem die 1. Aprilis e vivis sustulerunt.

Utique Insitio minime fuit in causa mortis. Scilicet est diathesis in hac familia, ut malignæ in eadem debeant Variolæ esse; cum olim hæ fratri ejusdem exitiales fuerint. Sic quidem, ut quamvis Pater, Materque, quamvis Avus & Avia, quamvis ipsa hujus nobilis juvenis Frater, una cum ipso inoculatus, Variolas felicissime superaverint, ob idque Variolæ in hac familia faciles debuissent, benignæque audire, nihilominus oportuit inoculatum hunc juvenem inevitabili familiæ fato mori.

IV. D. *Christiani Henrici Hess*, apud Berolinenses celebris mercatoris, pulchra XI. annorum filia, post debitam IV. septimanarum præparationem, a viro artis inoculatoriæ peritissimo, celeberrimo *Meckelio*, inocula-

culata, primam suam febrim vehementem habuit, Variolasque deinde copiosas quidem, at benignas; ulcera tandem inoculatoria, quæ magnam prave olentis materiæ copiam funderent: at vero dum propediem lætus rerum expectaretur eventus, superveniente purpura alba, die morbi 13. puella obiit.

Præparationes *Gatti* omnes, præparationes longiores multi celebres Inoculatores, dudum damnaverant, *Suttonis*, ac *Dimsdali* regimen frigidum purpuram arcuisset, Methodus bona defuit. Puella obiit.

V. *Trajecti ad Rhenum* nobilissima Matrona *De Zuylen*, quadragenaria, ne quid methodo inoculandi de foret, celebrem Inoculatorem *Williams* ex Anglia evocat. Inoculatur, Papulis die 14. nec dum, ut fertur, prorumpentibus, inoculatur iterato.

Elapsis denuo 14. diebus Variolæ prodeunt. Die 5. postmodum ex Angina mors.

Innumeris constat exemplis Anginam Variolarum ope haud indigere ad necandum. Hæc ergo Matronam, non insitio, occidit. Præterea præstitisset ut Inoculator illam & a suscepto frigore præservasset, & tenuius aluisset. Frigus quidem *in genere* prodest, sed *in specie* nocet.

VI. Nobilis Adolescens Scholæ militaris, *Viemæ* hoc autumno a dexterrimo Artifice inoculatus, papulis non prodeuntibus ægrotat, febricitat, die autem undecimo a cæteris inoculatis segregatur, tanquam cum iisdem non ultra computandus, domumque remittitur. Angina gangrænosa juvenem biduo post interemit.

Nemo hic insitum Virus variolosum culpet. Fertur Adolescentem

Scor-

Scorbuto quondam laborasse; quo quid in Gangrænam proclivius?

VII. Puer 4. annorum *Viennæ* dexterrime inoculatus, ac dein variolis ultra sexcentis scatens, putridissima febre corripitur, Corticisque Peruviani virtute a morte præservatur: haud tamen ita, quin siccatis Variolis novæ continuo pustulæ propullulent, quin febrim continuam septem dierum de integro experiatur, Cortice peruviano continuo repleatur, exulcerationes patiatur ingentes, nec, nisi elapsa sexta ab operatione septimana, restituitur sanitati.

Tanti certaminis in causâ fuit aut humorum antiquorum prava colluvies, licet puer antea sanus esset; aut impuro de corpore pus desumptum, quamvis ab eodem pure fortunata aliorum insitio fuisset; aut utrumque.



VIII. Quinquennis Puella, manu exercitatissima *Viennæ* inoculata, passa Ophthalmiam est, curatis Variolis perseverantem, suppurantem, universumque oculum ita destruentem, ut spes nulla super sit Visum unquam recuperandi.

Frustra quis causam in Inoculationem refuderit. Etenim annon milles Ophthalmiæ, quæ in Suppurationem vertantur, quæ oculos pessumdent, sine Variolis nascantur? Quæcumque proinde causa illas citra Variolas genuit, gignere easdem & in Variolis potest.

IX. Puella a simili inflammatione in infitis Variolis nata, inque discrimine perennis versans Cœcitatidis, Parisios missa, quo curetur, est.

Si Inoculatori credamus, (quod tamen qui longo antea tempore præsuit Puellæ sanitati Medicus negat, )  
fre-

frequens ipsi Ophthalmia quondam fuerat: nihil autem frequentius, quam crebrarum denique Ophthalmiarum in Hypopyon conversio. Sin autem aliis fidem adhibeamus, oculi jactura Inoculatoris debetur tirocinio.

Scrofularum, febriumque ab irrita insitione ortus, causis illarum communibus, eadem lege, adscribendus est.

X. Quod si nullæ omnino causæ possent excogitari, quibus Inoculatorum hominum sive interitus, sive mutilationes adscriberentur, certam parat inexpugnabilemque horum originem Contagionis supervenientis suspicio: ipso namque Sole clarius fit; quem occidere non posset Insitio, illum occidere Naturalium Variolarum Contagium posse.

Sed moleste forte quis feret, cum promissa Paradoxi demonstratio esset, a Variolis naturalibus, ipsorum Inoculi-

culistarum testimonio, neminem haud ultra aut mori, aut mutilari, affirmantis; interea his argumentis idem unice de Variolis inoculatis, neutiquam vero de naturalibus, affirmari.

Non satis attendit ille. Consequitur ex dictis manifesto, ut argumenta hæc, si insitas Variolas culpa & mortis absolvant, & ægritudinis, certo certius absolvant naturales.

Perpetuo namque vel tenerior Ætas, vel Purpura, vel Convulsio, vel Ophthalmia, Scorbutus, Lues Venerea, Phthisis, Rachitis, Spina ventosa, Scabies, Familiæ fatum, Neglectus quoque, ignorantiave opportuna Curationis, Recens denique accedens Contagium, Variolas naturales clamabunt infantes. Quod enim illis tam profuse conceditur, hisce negari idem non potest.

§. II. Si hæc ita se habeant, consequitur id, ut pari passu, & quem Artificium produxit, & quem Contagium genuit, Morbus incedat uterque.

Si in hisce conveniamus, & in ceteris convenire annitamur. Id ut fiat, necesse est a claris Viris, Inoculationis Patronis, argumenta compleri, quæ de insitarum Variolarum præstantia, præ Naturalibus, hucusque imperfectius, & ex parte dedecrunt duntaxat.

Facile quid velim capient. Variolæ Naturales indiscriminatim invadunt Sanos Ægrotosque homines; ægrotos autem cujusvis generis. Hædicos, Phthificos, Scorbuticos, Rachiticos, Spina ventosa laborantes, Scabiosos, Rheumaticos, Arthriticos, Lue Venerea affectos, Gibbos, Dispnoæicos, Orthopnoæicos, Asthmaticos,



ticos, Aneurysmaticos, Scirrholos, Ulcerosos, Scrofulosos, Verminosos, Ophthalmicos, Dentientes, Puellas Chlorosi laborantes, menstruantes Virgines, Gravidas quocunque Gravidi-  
tatis mense, Puerperas, omnem dein-  
de ætatem, ne decrepito quidem se-  
nio excepto, & anni quamecunque  
tempestatem, ne excepta etiam æsta-  
te fervidissima.

Hucusque igitur cum, patiens ex-  
ceptis, eos modo elegerint inocu-  
landos, quos & illi, & nos, e Na-  
turalibus Variolis facile passim emer-  
gere novimus, perspicue vident id  
defectuosum argumentum esse, quod  
ex utriusque Variolarum generis for-  
tunis, infortuniisque, in Inoculatio-  
nis formarunt honorem.

Ut itaque justam utriusque insti-  
tuant Comparisonem, oportet ejus-  
modi cunctis Variolas inserere, quos  
inva-

invadere solent Naturales. Omnibus scilicet & Sanis, & Morbosis, & Gravidis, & Puerperis; Omnibus, quos supra recensui, Cachecticis, & Caco-chymicis; quacumque & Vitæ ætate, & tempestate anni. Hoc demum si notabiliore spatio temporis diligenter fecerint, æquam utriusque comparisonem, æquum utriusque formabunt Calculum.

Oggerent a nobis *Causam* informari, quæ dudum perorata, inque Inoculationis terminata laudem sit: institutam quippe eandem & in Caco-chymicis fuisse, & in Gravidis, ac supra recensitorum Variis, summo cum successu.

Condonent mihi, imbecillitatem ostendenti hujus argumenti. Si quid probaret, æque Naturalium Variolarum tueretur, quam Artificialium, honorem. Quis enim Medicus non

T

nihil

nihil Veteranus est, qui non aut Cachymicos viderit, aut Cachecticos, aut Gravidas, aut Senes, ex Naturalium Variolarum emergentes discrimine?

Sed Argumentum nihil probat. Scrupulositas Inoculistarum in sanis eligendis corporibus manifestior est, quam ut male sanos aliter quam aut vi, aut ignorantia, a se ad inoculationem admotos fuisse, persuadeant nobis. Quid quod ipsos dicentes audiverimus, ideo se Valetudinarios arcere, *ne male audiat Inoculatio?*

Porro si id in comperto est, ut Valetudinarios insitio suam ipsius ruinam minaretur, haud ultra, quod proposueram, urgebo. Ruitura haec non esset, Ipsa Inoculistarum sententia, nisi cede multorum. Ad hanc vero patranda ut adhorter absit! Sufficiat ex illis percepisse, quod ex  
non-

nonnullis infortunatis didicerint Inoculationem male audituram, si ipsi passim subjicerentur Valetudinarii.

§. III. Dum itaque per experimenta & Mortes, & Mutilationes, si non numerosiores sub inoculatione, saltem utrinque pares invenirentur, quo demum animo natum ab inoculatione contuebimur Contagium? Contagium, inquam, quod pridem Gallia luxit; quod ipsi Angli, quantumque hujus Artis Patroni, palam exclamant!

Novem anni effluxere, ex quo in *Refutatione Inoculationis* pag. 137. ex *Necrologiis Londinensibus* calculum confecerim, quo constitit, spatio 22. annorum plurimæ inoculationis, a Variolis naturalibus longe plus, quam sextam hominum partem obiisse, quam eodem 22. annorum tempore ante inductam Infectionem.



Publica *Anglorum* testimonia hoc confirmant. Egregius aliquis Patronus hujus Artis, postquam omnes Inoculationis perorasset prærogativas, fortunasque, ingenue fassus est neque unquam Bella extitisse, neque Contagia, neque perennes Populi Emigrationes, quæ plus Infitione Civium nocuissent incremento. Hoc ut probaret, Anglicana Necrologia in medium profert, ex iisque calculo subducto concludere cogitur, spatium 38. annorum, ab inchoata ibidem inoculatione elapsum, quartam Mortalium partem a Variolis naturalibus plus interiisse, quam in elapsis totidem, ante inductam hanc Praxin, annis. Culpam in id refundit, quod neque satis a Contagione caveatur, neque a solis ad illam aptis exerceatur operatio: unde demum colligit Autor inoculationem  
huic

huic, illique privato homini, salutarem quidem esse, at vero Bono publico ita infestam, ut videatur in humani generis destructionem tendere: atque hæc ille.

Alius hujus Praxeos in Angliæ Promotor, Calculi præcedentis Autoris æquitatem admittens, eandem sub Arte inoculatoria emendata negat: dum vero argumenta negandi ex posteriorum 7. annorum Necrologiis petere se posse arbitraretur, sui obstupuit, plusquam præcedentis, Calculi differentiam. Nec miremur; nunquam enim frequentius insitum fuit.

Hæc si ita se habeant, arbitramur Inoculationem, quæ provida Vitæ humanæ Conservatrix esse jactabatur, formidandam ejusdem esse Populatricem.

§. IV. Atque hæc de inoculatione dicta funto. De Variolis autem Naturalibus id interim ingenuè fatemur, multos admodum ab illis sterni, idque potissimum debitæ defectu Curæ. Quid ad hoc consilii? Quid remedii?

Duplex id fore censeo; & quidem primum, ut Viri in Clinicis exercitatissimi, patrio cujusque gentis Sermone, Directuram adornarent; quæ haud minus brevi, quam dilucide, Variolarum singulo in stadio & Semeiotionen traderet, & Medendi methodum. Obtineremus sic, ut inveterata Anicularum præcepta, pessimaque Vulgi præjudicia, salutaribus Monitis cederent; & Methodus cum multo facilior, tum longe amcenior induceta, millenos Europæ cives quotannis servaret; præsertim si Suprema Potestas ejusmodi Directuram autoritate fulciret sua; ne cui, sive Medico, si-

ve

ve Chirurgo, five Plebejo, sub pœnis ab Ipsâ moderandis, vel latum ab illa discedere unguem liceret.

Alterum consilium esset ut Leges tales conderentur, quæ Variolarum & prævertere Contagium, & avertere possent; spemque haud exiguam facerent fore, ut demum hic morbus inter rariores haberetur. Arduum erit quid hic dare consilii. Rude aliquod Consilium, a peritioribus emendandum, anno 1757. in *Difficultatibus super Inoculatione* proposui. Celeberrimus Rost, Lugdunensis apud Gallos Professor, quid & perfectius, & efficacius excogitavit, in edito anno 1763. Opusculo. Recens Scriptor, Clariss. Paulet, hisce diebus Regi Christianissimo ipsas in manus tradidit suam *Variolarum Historiam*, gallice 2. Tomis in 8. conscriptam, in qua omnem Variolarum populationem averruncari posse



posse censet, si & omnis Inoculatio  
severe interdicator, & commercium  
cum iis, quos Variolæ naturales af-  
fecerint, arctioribus, quos proponit,  
limitibus circumscribatur.

Arduum, ut dixi, erit ejusmodi  
fancire leges, quæ singulis ejusdem  
Provinciae Civibus, quæ cunctis Eu-  
ropæ regionibus, ex æquo conve-  
niant. Attamen si vario modo, si  
variis in mundi plagis, varii ten-  
tentur agendi modi, tunc & quid  
desideretur, & quid abundet, quid-  
que profit, & obicit, constabit facile,  
aptasque agendi regulas dabit.

*Quem fata cogunt, ille cum ventis est miser:  
At si quis ultro se male offert valens,  
Seque ipse torquet, perdere est dignus bonis,  
Quis nescit ulli.*

Seneca in Hippolyto.




# E R R A T A.

Pag. 23.	Lin. 19.	lic	lege	lic
52.	12.	remisſiſſe		remiſſiſſet
53.	8.		deletur	nemo
64.	9.	lange	lege	longe
64.	ult. ult.	Saxonia	deletur	comma
73.	3.	abſuiſſe	lege	abſuiſſe:
118.	11.	pag.		pag. 51.
107.	19.	ilque		ilſque
150.	7.	irritationes		irritationes
163.	3.	aufer ultimum comma, & appo-		
		ne ad finem Lin.	7.	
194.	6.	Peplion		Peplion
227.	penult.	Medicina		Medicina
229.	5.		dele	&
264.	6.	deſidioſiorem		deſidioſiorem
281.	18.	de		de.









DR. DANIEL G. ELKIN  
EMORY UNIVERSITY HOSPITAL  
EMORY UNIVERSITY, GEORGIA



